

**ARGUMENTORUM
LUDICRORUM ET
AMOENITATUM
SCRIPTORES
VARIJ. IN...**



BIBLIOTECA NAZ.
Vittorio Emanuele III

XLII

A

12

NAPOLI



Martina

X41

a

12



ARGVMENTORVM
LVDICRORVM
ET AMOENITATVM

Scriptores varij.

*In gratiam studiosæ juventutis
collecti & emendati.*



LVGDVNI BATAVORVM,
Excudebat GODEFRIDVS BASSON.

ANNO M. DC. XXIII.

ARVETMENTORVM
LIVBICORVM
ET AMOVIATVM

Scriptores varii

In gratiam Bibliothecae Imperialis
collecti et curantur



LIBRARIUS
ALEXANDER GÖTTSCHE LOWE

ANNO 1825. XLI.

Typographus Benevolo lectori
S. P.

Benevole lector, si seria & prisco
Catone digna lectitare amas,
nihil tibi in hac arenâ negotij.
Quæ frontem caperant, quæ su-
percilium attollunt, quæ morosæ dictionis
plena sunt, alibi quæras oportet. Aliter hic
libellus noster, aliter Sibyllæ loqui amant.
Non hîc Principum de regni rebus consilia,
non vitæ gerundæ rationes, non Academia-
rum spinosæ quæstiones, non Jurisconsultorū
aut Medicorum ancipites casus gravi ora-
tione explanantur. Ludicræ sunt, jocosæ sunt
& doctæ festivitatis authoramento gratæ
dissertationes, quas offero. Scripsere illas
viri eruditiores, quos à gravioribus occupa-
tionibus & curis ad has succisivarum hora-
rum commentationes sua subinde advocavit
voluptas, sive ut ipsi levamentum aliquod
negotiorum inde peterent, ac temporis par-
tem eruditis istiusmodi nugis fallerent; sive
ut doctrinæ suæ, ingenij ac industriæ aliquod
documentum in pertractandis rebus frivolis
ac omnium judicio contemptissimis publico
darent.

darent. Amat enim istiusmodi vices & jocandi intervalla humana ratio. Ita orbi universo praeest Titan, quem modò serenum, modò nubilum adspicimus. Ita terra quassator Neptunus, modo malaciam amat & placidus ventis stat, modo fluctus ac tempestates ciet. Nec semper Homero serius est ipse Juppiter pater hominumque Deumque, aut de Gracarum, ac Trojanorum bellis deliberrat, sed Vulcanum loripedem suum subinde ridet, & aut domi convivia caelicolis suis parat, aut ad Aethiopas commessatum abit. Doctorum quoque animi tempora curarum remissionumque divisa habent, & caelestes mentis igniculi jucundissimarum meditationum flabello excitandi saepenumero. Testatur hoc de socero suo Julio Agricola Tacitus. Nec aliter vivimus ipsi. Puerorum crepundia & cunas adspectare & tractare subinde volupe nobis est. Ne tamen jocos solum & nugas pretio distrahere videar, ita Statuas velim, sub nugarum involucro serios saepissime sensus occultari, & aut vitae melioris momenta, aut naturae mysteria, aut philosophorum placita explicari. Silenos Alcibiadis quis contemserit? quanquam enim
prima

primâ fronte viles essent nec asse aestimandi,
tamen aperti nescio quod numen ostenta-
bant, ut artificiosam sculptoris manum gra-
tiores faceret jocosus error. Principum
& nobilium matronarum elegantiores vul-
tus apud nostrates tegunt, aut flammea,
aut exemptiles oculi. Nec tamen propterea
eas despexerint formarum arbitri ac censo-
res rigidi. Quare & nos cum Joco-seria-
damus, aliquod huic opusculo pretium debe-
ri, aliquam nobis gratiam arbitramur. Nul-
lum enim vitæ tempus vel studiorum genus
est, quod non insignem ex hujus libelli lecti-
one utilitatem capere possit. Si adolescens
es, si mare fluviosq; conscendere amas, Ar-
tem natandi consule. Docebit ea ma-
nuum pedumque artificiosos jactus, & obor-
to fortè naufragio, aut de puppi depulsum
à Palinuri sorte vindicabit. Si senex es, si
vel nodosa te podagra infestat, aut ob cal-
vitium juvenibus ludibrium debes, utri-
usque mali laudes ac commoda præsens li-
bellus enarrabit. Si vir es, & dignitati
masculini sexus præjudicium creari credas,
quod è Luto re vilissima originem ducas,
ecce, quanta sit Luti ipsius præstantia &

utilitas docebit Majoragius. Si Physicus naturam scrutari amas, de animalium quorundam, publicis, anseris custodis quondam Capitolij, asini, formicæ ac picæ varia indole differentes audi viros clarissimos, Melanchtonem, Cælium Calcagninum, Passeratium, Scaligerum, aliosque. Si Astrologia studiosus, Vmbræ originem, mutationes varias, nobilitatem, ingenium, virtutes, honores ingeniosè ac eruditè expediet magnum quondam magni patris incrementum filius Doussa. Si Grammaticus, horum studiorum tædia & tetricas institutiones belli Grammaticalis lectione leva ac dicute. Si Philosophiæ abstrusioris amans es, plurima passim invenies, quæ non solum admirationem animo ingenerare queant, sed & subtilissimarum commentationum voluptate mentem perfundent. Si de Iure pronuncias, de Nemine ac Nihilo versus examina. Mirum enim, quam in fori litibus arrideat status inficialis, dum vel à Nemine factum, vel nihil factum esse constanter asseveratur. Accedat & hoc ad libelli hujus commendationem, quod in argumento sterili prorsus ac moroso scriptores hi præclaras

præclaras ingenij sui dotes explicaverint,
& incredibili dictionis suavitate veluti ne-
ctare ac myrothecio declamationes suas per-
fuderint: hoc gloriosum arbitrati, si è rebus
contemptissimis ac nullius pretij, quasque
in Velabro teruncio emas, maximam lau-
dem consecrarentur. Quin & illud in hoc
scribendi genere opportunum accidit, quod
præter novitatis commendationem, etiam
brevitatis accessit patrocinium, ut si quid
forte morosioribus displiceat, citò desinat
displicere. Sed operosior sum, quam debe-
bam, in commendatione optimarum merci-
um, quarum qui pretium ac dignitatem
non capit, illi Apollinem, Musas, Gratias-
que omnes iratas esse oportet. Vale lector,
& his frue.

Contentz

Contenta hoc Volumine.

Laus Podagræ, *Bilibaldi Pircheimeri.*
Encomium Pulicis, *Cælij Calcagnini.*
De arte Natandi, *per Nicolaum Wynman.*
Laus Formicæ, *Philippi Melancthonis.*
Encomium Luti, *M. Antonij Majoragij.*
De laudibus Anseris*, *Iul. Cæs. Scaligeri.*
Encomium Asini, *Joan. Passeratij.*
In laudem Vmbræ, *Jani Douſæ J. F.*
In Obitum Picæ, *Italo quodam auctore.*
De Ente Rationis *Oratio Caſp. Barlei.*
Bellum Grammaticale, *Andrea Salernitani.*

POEMATATA VARIA LUDICRA.

Calvitij Encomium, *Hugbaldo Monacho auctore.*
Aliud Sacri Calvitij Encomium, hætenus ineditum.
NIHIL, *Joh. Passeratij, & aliorum.*
NEMO, *Theod. Marcilij.*
Martinalia, *Euricij Codri.*
Vini & Aquæ Certamen, *Incerti.*
Myrmacoſtrategia, *Melchioris Barlei.*

V. illustrie

V. illustris

BILIBALDI PIRCKHEIMERI,
Eq. aurati & Consil. Cæs.

A P O L O G I A,

S I V E

L A V S P O D A G R Æ,

*Opusculum inprimis jucundum
lectu, ac festivum.*

Cunradus Rittershusius, I. C.

In Commentario Vitæ Pirckheimerianæ.

INter propriæ quidem inventionis opuscula Bilibaldi inprimis jucundum lectu ac festivum est illud, quo Podagra apologiam quandam attribuit, quia se à judicio capitis liberaret; quod scriptum Iacobo de Bannissis Decano Tridentino, S. C. f. Mai. Secretario dedicavit. Nam cum inter cæteras vitæ molestias hanc quoque Bilibaldus experiri cogeretur, ut delicatæ istius Reginae aulicus fieret, cui servitia sua diu præstaret, descriptionem ipsius laudum aggredi voluit, si fortè hanc dominam eâ ratione placatam erga se clementiorem reddere posset: Aut certè, ut sibi ipsi levamentum inde peteret, ac tempus eruditæ ejusmodi nugis falleret. Erat enim vir ille non solum, ubi opus erat, gravis & severus, verum etiam in loco & oportune jucundus, comis, hilaris & jocosus, duasque res, quæ haud facile concutere aut misceri solent, etiam Nazianzeno teste, sic aptè temperavit, ut simul & perquam amabilis & gravissimus esset: sive, ut Nazianzenus loquitur, ὥστε ὁ αὐτὸς ἐρασιμώτατος ἅμα γυνέει καὶ κοσμιώτατος. ἂν χαλεπὸν ἀμφότερα συνδραμεῖν. Quod de Socero suo Julio Agricola scribit Tacitus: Eum tempora curarum remissionumque divisa habuisse; ubi conventus ac judicia poscerent, gravem, intentum, severum, & sæpius misericordem; ubi officio satisfactum, nullà ultra senatoris persona, tristitiam & arrogantiam & avaritiam exuisse: nec illi (quod est rarissimum) aut facilitatem diminuisse auctoritatem, aut severitatem amorem. Idem de Bilibaldo quoque verissime dicti, ex aliquot documentis cognovimus.

Reverendo Domino

IACOBO BANISSIO,

Decano Tridentino dignissimo,

BILIBALDVS PIRCKHEIMER

S. D.

Duo mihi longe diversa accidere solent, Bannissio
præstantissime. Amici enim quotidie mihi scri-
pta, & convitijs quidem extorquere nituntur, turpe
esse contendentes, cum docti pariter & indocti hac
tempestate scribant, me solum peritura parcere char-
ta. At amuli nunquam non mihi vitio vertunt,
quod homo, ut vocant, Laicus, me litteris & nega-
tiis, minus ad me pertinentibus immiscere audeam.
Ut igitur amicis morem gererem, non tamen offen-
derem emulorum aures delicatiores, materiam sum-
psi, nemini præterquam podagricis molestam; quorum
tamen indignatio, ob pedum tarditatem minus mihi
timenda erit. Chiragra vero egregia, me etiam ab
manibus illorum defendet, ita ut undiq; tutus videar.
Nec insuave fuit vetera repetere studia, ac ea refri-
care in ludicris, quæ olim etiam invitus tractare co-
gebar, nam & veteranus aliquando arma desueta &
navita rudentes attrectare gaudet depositos: &, ni
fallor, ineptiendo sensi, me non inconcinne nugari, &
si frontem perfricare vellem, longe argutius mentiri
posse.

posse, quam plerisque qui nimis insulse etiam in serijs
nugantur, nemini tamen unquam persuadent. Sed
& exemplum habeo, cum quidam Tyrannidem, alius
Febrem, ille Calvitium, hic vero Stultitiam lauda-
verit. Cur igitur mihi soli non liceret, quod nemini
prohibitum esse cernimus? Tibi vero, Bannissi opti-
me, non ob communem calamitatem, aut ideo has
nugas mitto, ut tu illas aliquid esse censeas, sed ut ve-
terem nostram & nunquam intermoriaturam refr-
cem amicitiam. Proinde, si potes, consolationem ali-
quam expiscare: nam tantum abest, quo ego ullam
Podagra beneficium agnoscam, ut illam quotidie sen-
ziam molestiorem. nisi inter secunda, & non potius
ridenda putes collocandum, quod stultus ego, à stul-
tis persuasus medicis, perpetuum septennium frustra
ab omni vini abstinuerim usu, idque inter peregrina-
tiones multiplices, & legationes ferme assiduas, cum
Divum nostrum Casarem Maximilianum, non-
nunquam per eas regiones sequi cogerer, ubi aqua po-
tus quoque pestilens esset; sed tandem resipui. Tu
vero, si irrideri velis, ne in similem aliquando erro-
rem incidas cave, & me ut semper fecisti amantem,
ama. Nuremberga Kalend. Octobris, Anno
Salutis M. D. XXI.

BILIBALDI PIRCKHEIMERI

A P O L O G I A
P O D A G R Æ.



Non sum ignara, Iudices æquissimi, quam sit res difficilis, ac odij plena, opinionem semel conceptam, ac jam diu inveteratam ex hominum delere mentibus, maxime inconditi & imperiti vulgi, quod non tam prudentia ad judicandum duci, quam omni quodam impetu & furore rapi solet. Nec mirum, cum delectu careat, si etiam absque discrimine sententiam ferat. Quo pacto enim recte judicari posset, ubi stoliditas prudentiam, temeritas rationem, consilium animi superavit impotentia? Proinde summopere lætor, tempus mihi aliquando oblatum, ac facultatem concessam esse, ut tandem inimicorum maledictis respondere, & insani vulgi objecta diluere valeam, ne semper male audire cogar, & nunquam mihi libere loqui permittatur. Quamvis non

6. BILIBALDI PIRCKHEIMERI

eam mea, Iudices, quam vestra interesse reat, ne quis accusatus tantum, minime vero auditus seu convictus pereat, quo non optimus quisque à pessimis hominibus temere insimuletur, insimulatus condemnetur, condemnatus ultimo afficiatur supplicio. Non injuria igitur conspectus hic vester, clementiæ ac mansuetudinis index, vehementer me recreat, ac confessus celeberrimus ita reficit, ut omnem timorem, omnemque suspicionem, penitus ex animo rejecisse videar. Cur enim timerem? cum ea vos sapientia, ea integritate & innocentia præditos sciam, ut non solum nil mali suspicari, sed cuncta sperare debeam, quæ apud homines sancta, justa, pia, & plane existimatione vestra digna habeantur.

Verum antequam de causa dicere incipio, vos, Iudices clementissimi, oro & obtestor, ut attente, & cum bona venia, verba mea ad finem usque audiat, & me meum dicendi ordinem servare patiamini, ac interim donec à me peroratum fuerit, sententiam vestram suspensam teneatis. Deinde, si quam

si quam contra me concepistis iracundiam, exuatis, odium seponatis, indignationem abjiciatis, potiusque rem ac causam ipsam, quam adversariorum dicta, aut personam meam consideretis. Tum autem ne ægre feratis, si opinionem aliquam sinistram, ac temere contra me confictam, sermo convellat, ratio labefactet, veritas denique extorqueat. Id si fiet, plus hodie apud vos veritatem & justitiam valituram spero, quam nequitiam, invidiam, aut omnes omnium criminationes & calumnias. Plane enim me ostensuram confido, tot ac tanta, quæ mihi objiciuntur mala, ut-plurimum, non tam mea, quam adversariorum culpa accidere. Inde si quæ sunt, non tam gravia, sed longe esse leviora, quam illi velint aut censeant. Demum me etiam multorum bonorum causam esse, ac maxima & innumera sæpius afferre commoda. Nolite, Iudices, nolite perturbari, sed quieti, ut cepistis, me quæso audite, nisi enim cuncta quæ promitto, & plane quidem ostendero, in arbitrium vestrum positum erit, me etiam post causam auditam condemnare: ac ita fiet,

ut vosmetipsi ab omni suspitione liberi & à culpa alieni esse videamini, nec ego, si convicta fuero, ullam pœnam recusare ausim. Sin vero omnia quæ polliceor præstitero, rogo, ut non tam mihi favere, quam officij vestri memores esse velitis, quo ea quæ fas & jura permittunt, sententijs etiam consequi possim æquissimis.

Ceterum priusquam adversariorum objecta diluere aggrediar, ante omnia mihi necessarium arbitror, ad populi rumorem & famæ malum respondere. Nam si bona (inquiunt adversarij) & tam multorum commodorum es causa, quare omnes tam impense te odierunt, execrantur, ac detestantur? Nam etsi fama sæpius, non tamen semper errare consuevit, præcipue cum inveteravit tam diu, ac passim & ubique increbuit. At ego egregios illos accusatores meos vicissim interrogavero, cur & pueri magistros suos, etiam sapientissimos, odere? cur improbi etiam leges optimas vituperent? Ideo nempe, quia præceptores discipulos bonis imbuunt artibus, ac meliores reddunt: leges vero malis impedimento sunt,

ne

ne cuncta, quæ volunt accipiunt, pa-
 trare audeant. Verum non ideo magi-
 stri mali, quoniam à pueris odio habent-
 tur; nec leges iniquæ, quoniam à pes-
 simis hominibus vituperantur: sed po-
 tius iudicio pueri carent, ac quemad-
 modum febricitantes de potu, ita illi
 de institutione male iudicant. Flagiti-
 osi vero cum sceleribus cunctis sint in-
 quinati, vellent reiectis legibus, omnia,
 quæ luberent, potius licere, quam ma-
 la eorum facinora frænis quibusdam
 coerceri. Non igitur confestim malus
 erit, qui à multis, sed qui iuste & à
 bonis vituperatur hominibus: quem-
 admodum nec ille bonus, qui multo-
 rum, sed qui proborum tollitur præ-
 conijs.

Cum enim semper & ubique malo-
 rum superet numerus, nemo bonus
 illorum iudicio bonus esset, cum ne-
 minem nisi sui similem laudare consue-
 verint. At tantum abest, ut inertis
 vulgi iudicium, præcipue apud bonos,
 alicujus sit momenti, ut quam sapi-
 sime, qui male à malis audiunt, opti-
 mi censeantur viri: quemadmodum è
 converso pessimi & nullius frugis sunt

homines, qui populari aura in cœlum usque feruntur. Vnde & divinus illo Plato recte censebat, Quicquid vulgo placeret, vel solum ideo suspitione dignum esse, etiam si virtutis specimen quoddam præ se ferre videretur. Desinant igitur adversarij mei, & mihi quoque rumores objicere insanos, ac potius sibiipsis incommoda, dolores & diros, quos non nunquam patiuntur, cruciatus, acceptos referant.

Ita enim vivunt, imo ita bibunt, ita luxu & delicijs cunctis diffluunt, ut etiam me invitam sæpiusque reluctantem, in suum contubernium pertrahant, ac festinare compellant. Raro enim, imo vero nunquam sponte, sed semper coacte, ad illos accedere soleo. Quod si pestis, ut ipsi volunt, universi humani generis forem, non solum quibusdam, sed omnibus molesta essem: nunc vero tantum abest, ut cunctis nocere valeam, ut etiam à multis quam lubentissime declinem. Non enim duris illis & agrestibus oblector hominibus, qui nunquam quiescunt, sed assidue corpus labore exercent, nunquam vel raro genio indulgent,

gent, famem tolerant, ac simplici satiantur cibo, sitim aquæ potu sedant, male vestiuntur, pejus cubant, & qui ita sunt animati, ut voluptatibus cunctis renuntiarint.

At præclari illi accusatores mei, dum die noctuque pergræcantur, otio marcent, labores uti pestem execrantur, voluptatibus cunctis, maxime Venereis, enervantur, cibos terra marique conquirunt pretiosos, gulam assidue condimentis omnifarijs irritant, bibendi modum non necessitate, sed libidine metiuntur, ac sitim minime vino extinguunt provinciali, sed exotico irritant, super pluinisvolvuntur mollissimis, ac non superbe tantum, verum monstrose quoque vestiuntur, & omnibus delicijs, quæ humana adinvenit nequitia, abutantur, ita ut animum pariter & corpus enervent, mihi que sæpius, quamvis sim delicatissima, ob luxus nimios nauseam concitent, omnem tamen culpam in me unam conferre solent, penitus immemores, vitam suam corruptissimam, ac pessimis vitijs contaminatam tot malorum causam esse, cumque ipsi

tota errent vita, me tamen, si Diis placet, nunquam accusare & traducere desinunt, nihilo iustius, quam si quis violenter seipsum in ignem aut mare præcipitaret, obiterque flammæ, seu undas incusaret, tanquam periculi sui causa essent præcipua, & non potius ipsemet sponte se perditum iret. Sed ita natura comparatum humana, ut unusquisque culpam propriam lubens in alium rejiciat, ut dum illum incusat, ipse innocens esse videatur, etiam si solus totius mali causa existat. Sane non hoc exigo, ut verbis meis solis fides adhibeatur, ipsos accusatores precor intueamini, Iudices; ipsorum inspicite corpora, facies, cutim, ora, colorem, aspectum, incessum: & nisi hæc omnia extremæ luxuriæ signa esse invenietis, nihil moror, quin ultimum subeam discrimen. Non igitur tam ego noxia; sed ipsi sunt, qui me deliciis suis inescarunt; ipsi sunt, qui me invitam retinent; ipsi sunt, qui omnia pervertunt, ac inde totam in me culpam convertunt. Adsum, abesse me volunt: absque, vitijs suis revocant: in morbo sanitatem, in sanitate morbum quarunt,

quærunt, salutem propriam negligunt, ac illum à me non desinunt repetere, sibi ipsis malefaciunt, ac à me beneficentiam exigere justum putant, turpiter volunt vivere, inde mihi nequiter maledicere. Considerate igitur, Iudices, quid eos impetrare conveniat, quos vita propria arguit, quos corporis habitudo prodit, quos consuetudo inveterata reprehendit. Non cogitant eos bibere ac esse oportere, ut vivant, & non ideo vivere, ut edant & bibant. Non perpendunt, tantum lurcones & ventri deditos mihi infestos esse. Nemo enim, nemo inquam, tam impense me accusat, nisi luxuriosi; nemo me crudelitatis arguit, nisi luxuriosi: nemo me inauditam esse damnatam clamat, nisi luxuriosi. Hæc cum ita se habeant, Iudices, audentne adversarii mei contra hiscere? audentne in conspectum vestrum prodire? audentne pœnam, quam mihi innocentii irrogare contendunt, deprecari? Sed ego illis infensa, & inimica sum. Cupiunt igitur inimicam ulcisci, ut ipsi plane inimicissimi esse inveniantur? Equidem si mihi tam odiosæ nullam

con-

concedendam esse putant veniam, cur totis viribus contendunt, ut ad eos veniam? Cur non talem vivendi modum instituunt, ut nil mihi in eos nec liceat nec lubeat? Etenim si effervescentem suam aliquando frœnarent libidinem, & non tam procaciter omnibus abuterentur voluptatibus, forsitan & me quoque aliquando mitiorem experirentur? sin minus, tum saltem justam indignandi haberent occasionem. Sed difficile est, eum esse abstemium, qui nil nisi luxuriari novit; difficile est hominem frugi esse, qui in tota vita nil nisi potari consuevit. Ferant igitur quod evitare nolunt, & ita valeant ut vivere consueverunt. Etenim ita existimo, qui nil habent in vita jucundius, quam ut vitam turpissimis vitiis inquinent, vita eos ac sanitate penitus esse indignos. Nam vehementer errant, qui in tantis voluptatibus sanitatem quærunt, quemadmodum sapientes agunt, qui sanitatis tempore, cupiditates coercent, assidueque de incolumitate cogitant. Porro cum me multis inescarunt modis & annis, ac vix tot deliciis obsequentem reddere,

dere, indeque repente rejicere, & omnem culpam in me unam vertere conantur. Quid mirum? si & ego obnitar, vindictamque aliquando condignam ab eis exigam, & me durius quam vellent, ob acceptas ulciscor injurias? Proinde multos enumerare possem, qui cum inviti, & ultima coacti pauperie, in quam ob luxum inciderant nimium, à lautiori cibo & potu abstinuissent, pristinam receperint sanitatem, quod minime evenire potuisset, nisi ipsi potius, quam ego in culpa fuissent. Atqui cum laboribus cedam, nec penitus sobrietate elucter, plane liquet, an ego iniqua sim, vel potius egregij accusatores mei delinquent. Quæ vero ad personam meam attinent, adeo vilipendo, ut etiam inde gloriari soleam. Etenim qualiscunque sum, omnibus tamen æqualem me esse scio; Regibus, Pontificibus, Principibus, opulentis, tenuioribus, nobilibus & ignobilibus. Nulla enim apud me personarum est electio, nullum discrimen, nisi quod apud molles & delicatos potius, quam sobrios & abstemios esse cogor: non solum qui
 ira

ita me suis blanditijs sollicitent, sed qui vi, & duris aliquando vinculis coercerant. Ceterum objiciet aliquis, non solum nepotes à me infestari, sed etiam temperatissimos quandoque homines, & qui mirum in modum à delicijs & luxu abstinere, male affici: verum si id aliquando, raro tamen accidere solet, ac ideo haud juste in exemplum trahi debet, aut potest. Atqui nec tum ego quidem potius, quam illorum parentes, sum accusanda. Quid mirum enim? cum majores cujuscumque valetudinarij existant, similes sibi quoque procreent liberos. Nihil enim convenientius, quam à simili generari simile. Quo pacto igitur, quod illis à natura ingeneratum est, aut parentum vitio evenit, juste mihi objici poterit? Cum nec majorum stemmata, nec opum splendores, mihi referantur accepti. Desinant igitur mihi alienum vitium tanquam proprium imponere, & si majorum dignitate & divitijs gaudere justum putant, non indignentur, si etiam in morbis & ægitudinibus succedant hæreditarijs. Qui si illi quoque modeste vivunt, & à
super-

superfluis temperant delicijs, longe
 mitius cum eis ago, quam aut paren-
 tum merita aut naturæ exigat perversitas. Neque enim utcunque de me
 sentiant homines, tam improba sum,
 ut pari pœna, noxios juxta & innoxios affligam. Nec etiam tam immanis
 & fera, ut nunquam acerbiter remittam, quemadmodum multi alij
 facere solent morbi, qui perpetuo cruciatu miseris affligere solent homines,
 veluti mentagra, phtiriasis, lepra, &
 reliquæ id genus infirmitates innumerae, quæ præterquam quod omnem curam respuant, ad ultimam mortales
 perducunt desperationem. Etenim ab insidia infestationum aliquando interquiesco, & subditis meis sæpius longa dolorum concedo intervalla. Non
 secus ac quispiam agricola, qui fessos boves suo tempore ab aratro solvit, &
 optata quiete refocillat. Porro quod non tam noxia sim, ut me quidam insimulant, vel inde liquet, quod raro
 quis moleste ferre consuevit, cum primum amicum aliquem à me correptum audiverit, sed potius in risum solvitur, accurrit, jocatur, & ferme

congratulari videtur. Quod profecto nunquam eveniret, si ego tam noxia aut molesta, ut ipsi prætendunt, existerem. Vnusquisque enim cum amicum suum morbo aliquo insanabili corripitur, haud ridere vel exultare, sed flere, aut saltem dolere consuevit. Quo pacto enim amicus esset, si ob amici calamitatem rideret? Cum vero ridet, non me adeo malam & humani generis perniciem esse demonstrat. Etenim sæpius videres totum amicorum agmen, ad aliquem, à me correptum, advolare, non insuavibus cavillis lacescere, & totos dies lætos ducere, quod nunquam, si ego tantæ læticiæ & jucunditatis conciliatrix abessem, evenire posset. Ex quibus plane constare arbitror, neminem tam obtusæ mentis esse, quin plane videat, adversarios meos non tam me injuste accusare, quam seipsos præcipuam mali sui causam ostendere, & si qua in me culpa deprehenditur, longe esse leviolem, quam illi arbitrentur, aut forsitan vellent.

Nunc vero si potero, edocere pergam, quæ commoda, qualiaque sæpius
affero

affero hominibus bona. Vos tantum
 Iudices oro, ut mihi, sicut huc usque
 fecistis, aures atque animos benigne
 præbeatis. Sane haud nego, me pleris-
 que & admodum molestam esse. Ve-
 rum si recte considerare voluerint, in-
 venient profecto, multa eis evenire
 bona, quibus penitus carerent, ni il-
 la meo provenirent beneficio. Quot
 enim mei gratia honorantur, cui nemo
 alias à via cederet? Nam quamprimum
 me homines alicui comitem esse
 cernunt, illi locum dant, secedunt,
 & ob me solam honore afficiunt, et-
 iam si longe, vel ætate, fortuna, aut
 conditione præstent seu superent.
 Multos curru sublimes, aut equis pha-
 leratis vehi, sellave gestari cernitis,
 qui nisi meo uterentur beneficio, pe-
 dibus iter facere cogerentur. Quibus-
 dam, cunctis alijs stantibus, & inter
 Reges & Magnates, sedere licet, quin
 non desunt principes ipsi, qui id jube-
 ant & hortentur, cum interim clien-
 tes pulvinaria & scabella sedilia affe-
 rant, ac eos omni demereantur offi-
 cio, & cuncta, quæ illis grata esse pu-
 rant, subministrant, cum alioqui &

citrameum favorem vix illos alloquio dignos ducerent. Considerate, Iudices, num hæc sint vilia, & non potius votis etiam expetenda? Quin non solum in conventibus, sed & in convivijis præ ceteris honorantur. Nam ut plurimum in superiori accumbunt loco, & quamvis lautissima apponatur mensa, & quæ cibo ac potu, ut tunc fieri solet, illustrissima sit, mei tamen causa semper aliquid accedit, aut cibus delicatior, aut vinum suavius. Quinimo cunctis alijs tacentibus, & præsentis contentis abundantia, solummodo meis concessum est, quidquid lubet postulare, imo illos hospites ultro hortari ac rogare solent, ut rejecto pudore libere postulent, quidquid appetant. Id enim beneficij loco acceptare consueverunt. Sed dicet quispiam morosior, non tam honoris, quam calamitatis gratia hæc accidere. Ego vero non tam considerandum arbitror, cur aliquid fiat, quam quid boni inde eveniat, ac satis esse tibi soli permitti, quod alias nemini conceditur. Nam nec egenus quispiam, cur, aut unde accipiat, tanti

tanti facere solet, quanti, ut habeat,
 acceptisque jucunde frui possit. Quid
 dico de egenis, nonne Reges ipsos
 quotidie cernimus, integra occupare
 regna, nec interim curare, si juste id
 fiat, aut injuste, dummodo illa possi-
 dere, & suæ possint subjicere cupidi-
 tati. Nec dubito, quin innumeros
 reperire possis inopes, qui se fœlicissi-
 mos putarent, si tali calamitate frui, &
 interim à labore, & dura pauperie in-
 terquiescere possent. Quid enim divi-
 tibus illis delicatius? quid ornatu eo-
 rum cultius? quid habitaculis elegan-
 tius? ad quorum ædes si accesseris, mi-
 nime ut aliorum hominum situ squal-
 lent, aut neglectæ jacent, sed omnia
 rident, omnia fulgent, non secus ac
 in nundinis institorum tabernæ, aut
 festis diebus Deorum templa splen-
 dent; ita ut multos invenias, qui in
 tanta abundantia ægrotare mallent,
 quam in ultima illa paupertate recte
 valere. Adde quod huc defertur, quid
 quid egregij, aut elegantis in urbe est,
 quod vel visum oblectare, aut gustum
 recreare, sive auditum demulcere po-
 test. Hic egregia artificum conspici-

untur opera, hac fructuum apportantur primitiæ, & siquid novi annua producit temperies. Hic demum cernere est, quicquid inter homines varium & delectabile habetur. Nec desunt interrim, qui assidue rumores afferant novos, & identidem fabulis suavissimis aures meorum impleant, ita ut & Imperatorum, Regum, gentium, ac cunctorum hominum, siue pacis siue belli negotia præclare ibi expediantur, nec quempiam latere possit, quid apud Thraces, quid apud Seres, quid etiam apud ultimos geratur Indos. Hæc omnia mea proveniunt opera & sedulitate, etiam si interim homines ignorent, quid in propria agatur domuncula. Porro dū mortales negotijs meis detineo, sæpius à varijs gravissimisque periculorum conservo casibus. Quam diu enim mihi sunt obnixij, nec mari se credunt farenti, non venando rabidis se obijciunt feris, non rixas suscitant, non cædes committunt nefandas, non capiti ob regularum casum timere coguntur: Sed extrateli jactum positi aliorum pericula ociosi ipsi recensere audiant, quod plerosque à rerum publicarum

licarum administratione, nec non à
 molestissimis Tyrannorum & Aulæ li-
 bero negotijs, qui citra favorem me-
 um, curis indefinentibus & perpetuis
 subjacerent ærumnis? Atqui nec inte-
 rim rei de summo domesticæ, sed strenue
 meos ad hanc augendam hortor, &
 impello. Quod eo est facilius, quo
 minus ob deambulandi impediuntur
 negotium. Non enim quia pedes ali-
 quando suum negant officium, ideo
 & illi à sellularijs & quæstuarijs arcen-
 tur artibus, sed tanto ad eos sunt aptio-
 res, quanto ad ambulandum impo-
 tentiores. Igitur sedendo longe mayo-
 res aliquando conquirunt opes quam
 unquam currendo, aut etiam saltando
 cogere possent, quibus penitus care-
 rent, si vagabundi hinc inde discurre-
 re, & plena libertate possent frui. Non
 sunt hæc contemnenda, Iudices, sed
 longe majora audietis. Etenim dum
 corporis gero curam, minime inte-
 rim animum negligo, præcipue vero
 ingenium excolo. Etenim nulli ve-
 strum dubium est, litterarum ac bo-
 narum artium scientiam longe honori-
 bus & multis antestare divitijs. Atqui

ego illas egregie doceo, ac plurimos enumerare possem, qui meo beneficio ad linguarum cognitionem & doctrinam pervenerunt summam. Dum enim non habent quod agant, litteris bonis non desinunt incumbere: & ne frustra tempus labatur, quotidie eruditiores evadere contendunt. Sed quid dico de linguis & litteris, cum etiam meos egregie in disciplinis liberalibus, & universa circulari scientia instituire consueverim? Potissimum vero lepidissima illa Musica, cujus harmonia & concentu, identidem curas pellere, & aures modulaminibus oblectare valeant suavissimis. Præterea & perbelle Rhetorizare doceo: nam me artis ejusce non penitus ignaram esse, vel jam puto intellexistis. Quam primum enim invado quempiam, pariter & excusationis materiam etiam ex penitissimis Rhetorum locis subministro, ita ut hic talum intorsisse, ille pedem ad lapidem offendisse, alius ab alto cecidisse, aut aliud quid reticuli prætendat & inveniat, quo hominum oculos præstringere, & causam suam quam valerrime defendere queat, idque non
solum

solum Rhetorum more versibiliter, aut persuasive, sed ad Dialecticorum consuetudinem necessario & vere, addito etiam juramento, ubi fides defecerit, aut ita negotium exigere videtur. Sed ut obmittamus scientias humanas, nonne etiam cœlestibus meos imbuere soleo? veluti Astrologia illa, arte vera divina & antiquissima, cujus laudes etiam si vellem, minime tamen explicare possem. Nam & propter excellentiam singularem, Deos inventores habere meruit, ac in tanto olim fuit honore, ut solum Regibus & prudentissimis cognita esset hominibus. Hanc ego præcipue meis trado, ac ita eorum corporibus infundo, ut eam citra calculos, & numerandi artem pernoscant. Non qui Arithmeticam ignorant, quam ut audistis, dum rei pecuniariæ student, vel præcipue meo tenent beneficio: sed ut res miraculo similis videatur, & vis mea singularis & industria ab omnibus cognosci valeat. Non igitur ob motum cognoscendum cœlestem, tabulis quibusdam, aut instrumentis indigent astronomicis, sed priusquam Phœ-

bus Cinthiam ad suum admisit complexum, aut per diametrum claro implevit lumine, efficio, ut affectiones illorum non tam mente intelligere, quam corpore, & re ipsa sentire queant. Nec solum id luminarijs splendidioribus, sed etiam in astris præsto errantibus, ita, ut nunquam eos, sive frigidi Saturni, aut rabidi Martis, infestus latere possit aspectus, sive se invicem oblique intueantur, seu horoscopum ipsum, aut corporis gubernatricem lunam, vi sua infecerint. Nullus igitur vates solis aut lunæ deliquium, verius, quam mei discernere; nullus tempestates, nives, grandines, aut imbres certius prædicere potest; ita, ut prius quam aeris mutatio aliqua accidat, illi antea, toto etiam triduo, ita eventurum, certissime præfagiant. Nonne hæc ingentia Iudices? nonne admirationis plena? Ceterum non minore præconio, & lande dignum, qui insignem medicandi artem, & qua vix aliud præstantius Dei hominibus concessere, meis etiam invitis inculcare soleo, ita, ut etiam aliquando medicis ipsis exactius herba-

herbarum, florum, plantarum, semi-
 num, radicum, arborum, foliorum,
 fructuum, lachrymarum, metallorum
 vim intelligant & pernoscant, ut inte-
 rim de animalium sanguine, pelle, adipe,
 lacte, felle, ossibus, nervis, lotio
 &c. egregie sileam: quid frigidum,
 quid calidum, quid aridum, quid
 humidum, quid stipticum, quid re-
 pulsivum, quid apertivum, quid at-
 tractivum, quid resolutivum, quid in-
 staurativum, quid primæ, quid secun-
 dæ, quid tertiæ sit virtutis egregie in-
 formo, nec intellectus cognitione so-
 lum, sed etiam ad actum (ut vocant)
 practicum deduco, quemadmodum &
 meis, in cunctis reliquis tribuere so-
 leo, ut non minus in rebus agendis
 quam cognoscendis & dijudicandis ex-
 cellant. Nec mirum, cum & dono meo
 cunctarum gentium historias, omni-
 um Poëtarum fabulas legant & co-
 gnoscant, & quod præcipue generosi
 animi est indicium, cum omnes homi-
 nes ad quæstum suum respiciunt, sola
 ego hæc cuncta gratis, & absque mer-
 cede doceo. Hæc igitur cum ita so-
 habeant, & mea ut arbitror, Iudices
 æquissimi,

æquissimi, in accusatores beneficia co-
 gnoscitis, & quemadmodum mihi gra-
 tiam referre studeant videtis. Verum
 enim vero quid jam diu parturiant, &
 contra hæc nostra intendant objicere,
 perbelle novi, nempe hæc omnia non
 tam beneficij, quam summæ calamita-
 tis esse indicia, ac me potius humani
 generis luem & perniciem, quam fau-
 tricem aut benefactricem esse, utpote
 quæ formæ statum immutem, sangui-
 nem exhauriam, colorem invertam,
 vires atteram, somnos adimam, lumina
 hebetem, alacritatem demam, lætitiā
 auferam, lepores, risus, jocos pellam,
 manus, digitos, articulos, humeros,
 genua, talos, totum denique corpus
 incurvem, frangam, debilitem: atqui
 dum talia mihi objicere contendunt, il-
 lis accidit, quod cunctis evenire solet,
 qui animi potius morbo, quam ratione
 certa dijudicant: Ignorant enim homi-
 nes inepti, & vere ignorant plus se mi-
 hi accusatione sua laudis tribuere, quam
 objicere turpitudinis, aut vitij. Etenim
 dum corpus debilito, animum sano;
 dum carnem affligo, spiritum corrobo-
 ro; dum terrenum expurgo, quod cœ-
 leste

Ieste est introduco; dum temporarium
 adimo, quod immortale est confero.
 Proinde nemo vestrum, Iudices equis-
 simi, tam est insulsus, qui ignoret cor-
 pus animæ esse contagionem, quæ nun-
 quam florere queat, ni illud deflores-
 cat: semper enim crassa hæc moles im-
 pedimento est, quo minus homines ad
 cœlestia valeant eniti. Siquidem innu-
 mera corpus impedimenta objicit, ac
 tanquã nebulas quasdam offundit, qui-
 bus mentis hebetetur acies & obfusce-
 tur, quo minus verum cernere, aut se-
 qui valeat, quantis enim ærumnis ho-
 mines agitantur, ut solum mortali huic
 corpori, quæ ad vitæ usum spectant,
 possint suppeditare? Non dico de su-
 perfluis, sed etiam summe necessarijs,
 tametsi paucissimis natura sit contenta.
 Sequuntur animi ægritudines, nempe,
 voluptates, opiniones, timores, con-
 turbationes, cupiditates, amores, odia,
 & reliqua id genus vitia, quæ raro aut
 nunquam animum quiescere permit-
 tunt, sed semper exagitant, non secus
 ac ignis vis quædam violenta, quæ sub-
 inde aquam fervescentem ebullire co-
 git. **Bella vero, seditiones, pugnas,**
injurias,

injurias, cædes, rapinas, incendia, quid aliud concitat, quam corpus & immensa ejus libido habendi ac nunquam exsatiata cupido? Omnia enim pecuniæ gratia fieri cernimus. At illas, corporis causa, & ejus usu quærere cogimur, ac ita fit, dum corpori indulgemus, quam longissime ab animo distrahimur. Sunt enim corporis sensus, tanquam equi quadrigæ sine ulla ratione currentes, animus vero instar aurigæ currentium fræna retinet, ac ideo, quemadmodum equi absque rectore præcipites ruunt, ita corpus sine ratione & animi imperio, in suum fertur interitum. Vnde sapiens quisque quam longissime à corporis se commercio segregat, ut animum ad supremum tollere, & recte juxta illum vivere possit. Quantum enim se à corpore avertit, tantum se ad animum convertit, à corporalibusque desideriis abstinet, voluptatibus dominatur cunctis, honores, fortunam, divitias, nobilitatem, famam, & quicquid apud homines beatorum ducitur, flocci pendit, spernit, contemnit. Non ignominiam, non paupertatem, non afflictationem, non

mortem

mortem denique ipsam formidat; ac omnia, quæ corpori sunt contraria desiderat: at qui corporis obsequitur sensibus, præterquam quod ei à virtutibus excidere necesse sit, nunquam quod desiderat consequitur, nam falsis impeditus, quæ vere bona sunt, perspicere nequit. Et quemadmodum corpus è terra ortum sumpsit, ita animi origo de cælo manat, ac is de mente divina est decerptus, ut non inepte dictum sit,

*Sensum à cælesti demissum traximus
arce.*

Et alibi: Animi imperio, corporis servitio magis utimur: alterum nobis cum dijs, alterum commune est cum belluis. Nil igitur animo præstantius, nil divinum magis; tantumque corpori præstat, quantum dominus servo, aut vivens mortuo: ac quemadmodum corpus nil nisi terrena curat, ita animus liber & rectus, nil nisi cælestia cogitat. Videtis ergo, judices optimi, quanto res sit præstantior animus, corpore. At nunc si potero ostendam, quam egregie sum mentis

excultrix

excultrix, ac quantum cœlestem ani-
 mum efferam, dum corporis vitia
 continguo, quamvis nec corpori ipsi
 semper nocere, sed plerunque prodes-
 se soleam. Nam & pinguedinem super-
 fluam ac superabundantem attenuo,
 exsicco, humoresque ob intemperanti-
 am assidue redundantes, consumo; ac
 ni id facerem, sæpius in molem im-
 mensam surgeret, & ob nimiam obe-
 sitatem haud parvum incurreret peri-
 culum. Deinde & vitam, ut medico-
 rum norunt pueri, prolongo, nisi e-
 nim noxiam ac furentem materiam
 illam ad membrorum articulos im-
 pellerem, absque dubio in cerebrum,
 cor, hepar aut stomachum impetum
 faceret, ac perquam facile spiritum
 extingueret vitalem. Ceterum omis-
 sis ijs quæ carnis sunt, ad hominum
 deveniamus vitia, quæ ego præ cun-
 ctis egregie curare novi: ita ut nemini
 hac arte cedam, sive ille sit Philosophus,
 sive sit Theologus. Non solum enim
 impedimento sum, ne mei præcipites
 in scelera ruant, sed etiam mala, quæ
 jam diu inolevere, deleo, ac sæpius
 penitus expello, obiterque, ne impuno
 peccasse

peccasse videantur, diligenter annitor,
 & ni hæc cuncta præstarem, plerique
 nunquam à vitijs desisterent, sed assidue
 cumularent malum malo. Sub
 initium igitur, parentem ferme omni-
 um malorum, superbiam, & ambitio-
 nem domito, ac quam nihil sit hu-
 mana arrogantia viribus meis demon-
 stro, quam evanidum formæ bonum,
 quam facile corporis pereat robur,
 quam fluxi sint honores, quam opes
 labiles, quam generis nobilitas ni-
 hil, quam inanis sit omnis omnium
 mortalium gloria, ac ita efficio, ut ho-
 mines, se homines esse, meminerint, nec
 dijs se censeant æquales. Præterea dum
 illis humanas ostendo ærumnas, invi-
 dentiam, æmulationem, obtrecciónem,
 ac plane rerum alienarum curam
 impertinentem extinguo. Quo pacto
 n. curiose de alienis cogitarent, qui ne-
 quirent satagere in proprijs? Omnem
 igitur malevolentiam adimo, ita, ut mei
 ne ullas calumnias, fraudes, aut dolos
 nectere cogitent, non inimicitias, non
 discordias, non rixas concitent ullas,
 sed satis superque rebus suis negotiosi
 existant. Nam quantum pertinet ad
 c odium,

odium, invidiamque, efficio, ut nec ipsi invidi esse possint, minus vero in-visi, sed potius consolatione & omni misericordia digni videantur. Non sunt hæc levia Iudices, sed præstantiora audietis. Tria sunt, quæ potissimum meis sunt infesta, licet semper accepta, mihi vero nunquam non utilissima; ingluvies, amor, & excandescencia. Atqui ego non tam ad commodum proprium, quam accusatorum meorum salutem respicere consuevi. Illos enim identidem moneo, ut ab hostibus tam infensis diligenter cavere discant. Si vero mandata mea neglecta esse comperio, & me de illis egregie ob contemptum ulciscor, & in futurum cautiores reddo, ne tam facile imperium meum contemnere audeant. Quotiescunque igitur vorando se nimium repleverint, aut merum ingurgitaverint superflue, continuo vindex sum præsto acerrima, & pœnas quas meruere exigo, & ne dehinc vires meas floccifaciant, adhortor. Quamvis non sim tam agrestis, ut vel cibum debitum subtraham, aut Bacchi liquorem penitus denegem: sed

meo beneficio, mei non nunquam & delicatius vesci, & suavius bibere consueverunt, præcipue cum nymphis sacrafacere haud neglexerunt. Porro ne libere agresti illo domino inserviant, aut pulchræ Veneris moveantur blanditijs, frequenter deterreo. Nam & eos ab impudicitia conservo, ac nuptis pariter, & puellis pacem impetro, ita, ut nunquam, aut raro, mei stupra seu adulteria committere audeant. Sin secus, ita eos accipio, ut non minus facti pœniteat, quam subeat odium fœminei sexus universi. Et quid majus amicissimus quispiam conferre possit? quam hominem à tot liberare incommodis, totque eximere periculis, quæ semper & ubique imberbem illum, & matrem, plane tale prole dignam, sequi consueverunt. Ceterum quid de excandescencia dicam furoris & insanix plena, quam nemo æque ac ego emendare novit, adeo, ut etiam iræ ac indignationis servos, libertate donare, contemptores vero pro meritis corripere soleam. Talia sunt, quæ mihi accusatores mei objiciunt, talia in me reprehendunt,

dum corpus in servitutem redigo, meliorem vero partem sublevo quam iuste, neminem vestrum, iudices, latere arbitror. Proinde quemadmodum carnem vitij infectam expurgo, exorno animum, ac virtutibus cunctis decoro, nec illum jacere sino, sed assidue in altum erigo. Equidem minime vos, Iudices, latere arbitror, magnam hominum partem ita animatam esse, ut si semper secunda uterentur fortuna, nunquam conditionem suam expendere, nunquam ad superna respuerent, sed semper inferna illis essent curæ, pecorum instar voluptatibus dediti, à virtutibus vero penitus alieni, corporis ac ventris curam gerentes, ducem autem animum negligentes: adeo, ut tales, neque philosophorum præcepta, nec saniorum adhortatio, non jus, fas, pietas, non leges humanæ, minus divinæ à tanta mentis cœcitate eruerent. At ego, illis tanquam nridissimum jubar exorior, & dispulsa caligine ita tenebras illorum illuminor, ut relictis terrenis, plane animum ad cœlestia tollant, ac cogitent, quam vana sit omnis mundana gloria,

quam

quam fragile & nullius momenti humanum corpusculum, quam spes, cura, sollicitudo inanis, quis rerum exitus, quæ tandem bonos præmia, quæ malos supplicia maneant. Hæc dum meis redigo in mentem, ut Deum vere, non, ut hypocritæ solent, ficti adorent, largior, illum cognoscant, illum invocent, illum venerentur, illum demum boni & mali dici esse factorem & dominum esse sciant, ac intelligant. Et quid præstantius, quid utilius hominibus concedi posset? quam & creatorem suum agnoscere, & illi dignas gratias agere quirent, non solum ob secunda, sed etiam adversa: id enim vel præcipue largior, ut mei dum affliguntur, non minus quam cum prospere agunt, Deum laudent & extollant. Quoniam æquanimis esse, & omnes dolores ac labores toleranter perferre didicerunt. Deum igitur varijs lachrymis invocant, ac corde adorant humili. Quod si voti compotes evadunt, laudibus laudes accumulunt: Sin minus, omnem adversitatem fortiter sustinent. Quoniam præstantissimam virtutum patientiam.

meo consequuti sunt beneficio. Cuius laudes enumerare pergerem, nisi scirem, neminem pro meritis illam extollere posse. Proin si quispiam in manus meas incidit, qui reluctando, aut indignando superbire, seu obniti audeat, ita illum demulceo, ut & Gratijs humanior, & servis ipsis humilior esse videatur. Quis enim viribus & potentia meæ immensæ resistere posset? Atqui quanto obnitentibus sum asperior, tanto magis in ratione manentibus indulgeo, ac ita fidem corroboro, pariterque spem firmiter in Deo ponere doceo. Quo pacto enim non in Deo sperarent? qui certo certius cognoscerent, nec bonos meritis, nec malos carituros supplicij. Quandoquidem nullum exactius felicitatis est signum, quam huius seculi calamitas, nam quod hic eluitur, minime servatur futuro. Possem hoc multis ostendere argumentis, possem sacris probare litteris, nisi auribus vestris parcendum, & sexus, ac conditionis meæ rationem habendam esse scirem. Proinde mei disciplina mea eruditi, præ alijs charitatis opera exercere

cere norunt: non solum in ijs, quæ ad cultum spectant divinum, sed etiam quæ ad subsidium humanum pertinent: nam ærumnis edocti proprijs, libenter necessitatibus subveniunt alienis, sperantes hoc pacto, & salutis suæ melius consulere, & necessitati alienæ succurrere posse. Et hæc sunt, Indices æquissimi, malefacta illa nefanda, quæ perpetro, dum corpus humilio, animum vero in libertatem assero, ut purgari & superna recte valeat considerare. Nam ex sceleratis pios facio, ex turpibus honestos, ex superbis humiles, ex invidis amicos, ex maledicis benedicos, ex fraudulentis & dolosis officiosos, ex petulantibus continentes, ex iratis mansuetos, ex asperis clementes, ex socordibus strenuos numinis cultores, ex indignantibus patientes, ex avaris liberales: fidem, spem, charitatem infundendo: humana contemnere, & solum cœlestia amplecti doceo: omnia recto modo diffinire, ac certa ratione & consilio regere, bona & mala discernere, hæc diligenda, illa vero fugienda: Deum colere, mandata ejus,

fidem, veritatem servare, charitatem
 excercere, pietatem non negligere,
 honeste ac bene vivere, alium non
 lædere, contra fas nihil agere, inno-
 centi misereri, benemerentibus grati-
 am referre, malum pro malo haud
 reddere, nullo precio, nulla gratia,
 nulla spe, à semita recta deflectere,
 sed in omnibus solam justitiam præ o-
 culis habere: intrepidum, ac mini-
 me meticulosum esse, res humiles sper-
 nere, ac solum excelsas, & magnas
 expetere: ardua & difficilia quoque
 honestatis gratia voluntarie tolerare,
 stabiliter in ratione permanere, con-
 tra stimulum non calcitrare, nullo do-
 lore ab officio discedere, sed semper
 ad veram gloriam aspirare, voluptates
 turpes non suscipere, cupiditates tem-
 nere, calcare, consilijs gubernare,
 non temere in odium, iram, vindi-
 ctamve ruere, humanis casibus com-
 pati, comitatem, mansuetudinem,
 clementiam habere, pudorem, ho-
 nestatem, auctoritatem, modum deni-
 que in omnibus rebus servare, cun-
 ctæque certo termino metiri, seipsum
 cognoscere, finem, qui omnem ma-

nec carnem assidue præ oculis habere? ob recte facta præmia, ob vitia certissima expectare supplicia, & quid plura? Nihil denique, dum carnem affligo, soleo omittere, quo animus melior reddatur, emendetur, & originis sui memor esse valeat. Videtis nunc ludices, melius sit corpus, quam animum agrotare? ac nunquam rectius valere homines, quam cum minime valent. Cernitisne, adversarios meos ad veritatem cœcutire, non secus ac oculos infirmos ad solis splendorem? Intelligitisne oportunissimis remedijs me vitia sanare, ac minime reprehendendam, si id quod immedicabile est, durius aliquando curare videar, cum nec medici ipsi crudeles censeantur, aut iniqui, si igne, aut ferro utantur, quotiens remedia cetera incassum fuerint adhibita: imo sæpius etiam mercede ingenti conducantur, ut vel urendo, aut secando sanitatem restituant hominibus. Sane si quis mihi objecerit, & alios quoque morbos cuncta, quæ enumeravi, præstare, id non solum nego, sed etiam pernego. Nam ut audistis, aut cito mortales op-

c j primunt,

primunt, aut ita affligunt, ut vix aliquando de animæ salute cogitare possint, cum ego penitus contraria facere soleam. Nam & recte vires meas intendere, & cum usus postulaverit oportune remittere novi.

Proinde, Iudices, licet innumera adhuc essent recensenda, finem tamen dicendi faciam, si prius magnorum hominum exemplo ostendero, neque turpe meum existere consortium, neque miserum. Excelsi vero animi esse & prospera pariter, & adversa æquanimiter perferre, diramque ineluctabilem necessitatem in virtutis specimen convertere. Et ut seculi hujus magnates præteream, me Troiæ ille dominator Priamus in aurea sua recta admisit: me Peleus, me Bellerophontes, me Oedipus non exclusit: me Plisthenes, me Prothesilaus, me sapiens Ulysses humane suscepit. Et quod forsitan mirum videri possit, nec Achilles ipse, licet pedibus velox, meum effugere potuit imperium. Nugentur Græci ut velint, & ob amicam ereptam iratum fingant, ego tamen eum a prælio prohibebam, ego illa Briseis

eram

eram, ego Danaum preces spernere
 cogebam. Nonne igitur prudens quis-
 que malle deberet cum tantis heroi-
 bus aspera quæque tolerare, quam
 cum abjectis & vilis animi hominibus
 voluptatibus insanis & turpissimis de-
 licijs enervari? potiusque animum vir-
 tutibus cunctis excolere, quam bellua-
 rum instar corpori & ventri deservire?

Ceterum, Iudices optimi, cum me
 jam præstitisse arbitror, quod sub ini-
 tium sum pollicita, nempe accusato-
 res meos potius malorum suorum cau-
 sam esse, quam me miseram: Dein
 longe esse minora, quæ mihi obijciun-
 tur, quam vulgus clamitet: Demum
 multum me & minime vulgaria bona
 afferre: auribus vestris amplius mole-
 sta esse desinam. Nec vos Rhetorum
 more enumerationem aliquam expe-
 ctabitis, nam & memoriæ vestræ pa-
 riter & bonitati confido, nec affectus
 movere curabo, potius in innocentia
 mea, ac justitia vestra, quam in elo-
 quentia ulla spem omnem constituens.
 Hoc oro, ut ita decernere velitis, ne
 mihi miseræ, vulgi rumorem, plus
 quam culpam meam nocuisse sentiam.

Nam

Nam si etiam persona sim invisā, causa tamen non inferiorem me esse novi. Si digna sum, quæ male audiam, & vos indigni, qui male judicetis, nec mea plus quam vestra interesse reor, ut vel vos existimationem vestram conferretis illasam, aut ego vobis salutem meam acceptam referam. Nam eade vobis hominum expectatio est, ut non minus fama vestra, quam caput meum periclitari videatur. Quapropter quanto magis damnatio injusta vobis dedecori esset, tanto magis absolutio æqua erit gloriosa, non solum opinione mea, sed omnium mortalium, amicorum pariter & inimicorum. Proinde queadmodum nec personam meam mihi obesse, ita nec accusatoribus suam prodesse decet, sed potius res ipsa expendenda erit & sola veritas prævalere est digna. Nam illi, dummodo voti compotes evadere possent, parvi ducerent, si fama vestra, innocentia mea, fas, pietas, justitia demum ipsa periret. Quid enim cum me ita crudeliter damnari petunt, aliud quam ut justitiam negligatis rogant, demum ut leges ipsorum libidini subjiciantur rogant.


rogant. Atqui vos diligenter considerare oportet, quid tales impetrare conveniat, qui totius mali causa sunt & origo, qui morum improbitate semetipfos in tantas præcipitant calamitates, qui tot vitijs obruti, ad alienam tamen famam depeculandam parati accedunt. Cavete igitur, & diligenter cavete, Iudices conscripti, ne intemperatissimorum hominum verbis callidissimis circumscripti videamini; sed potius si sapitis, quidnam officij vestri, non illorum temeritatis sit, considerabit. Id si feceritis, ni fallor, me abjectam, me nocentem, me miseram communi vestro calculo, unanimiter condemnabitis, &c.

CÆLII

The first of these is the
 fact that the system is
 not self-sufficient. It
 requires a constant
 supply of raw materials
 and energy. This is
 a major problem for
 the system, as it is
 dependent on the
 availability of these
 resources. The second
 problem is the fact
 that the system is
 not flexible. It is
 unable to adapt to
 changing conditions.
 This is a major
 problem for the
 system, as it is
 unable to respond to
 the needs of the
 economy. The third
 problem is the fact
 that the system is
 not efficient. It
 wastes a large amount
 of resources. This is
 a major problem for
 the system, as it is
 unable to use resources
 effectively. The fourth
 problem is the fact
 that the system is
 not sustainable. It
 is unable to maintain
 itself over the long
 term. This is a major
 problem for the
 system, as it is
 unable to survive in
 the long run.

The first of these is the
 fact that the system is
 not self-sufficient. It
 requires a constant
 supply of raw materials
 and energy. This is
 a major problem for
 the system, as it is
 dependent on the
 availability of these
 resources. The second
 problem is the fact
 that the system is
 not flexible. It is
 unable to adapt to
 changing conditions.
 This is a major
 problem for the
 system, as it is
 unable to respond to
 the needs of the
 economy. The third
 problem is the fact
 that the system is
 not efficient. It
 wastes a large amount
 of resources. This is
 a major problem for
 the system, as it is
 unable to use resources
 effectively. The fourth
 problem is the fact
 that the system is
 not sustainable. It
 is unable to maintain
 itself over the long
 term. This is a major
 problem for the
 system, as it is
 unable to survive in
 the long run.

CÆLII CALCAGNINI
ENCOMIUM
PVLICIS.



R. D.

LADISLAO

EPISCOPO VATIENSI,

Sereniff. Regis Hungariæ

Vicecancellario, S.

Accepius Servilius Vatiensium virum praetori-
um ita se unum amasse, ut ablegata homi-
num consuetudine in villulam suam Cumanam se-
cesserit, atque ibi per otium omnem aetatem ab-
sumpserit. At nostra aetas miratur Vatiensem An-
tistitem amplissimum, ita sua nihil curantem, ita
sui obliviscentem: ut dum rem communem agit, dum
destituti penè regis negotium procurat, multo plus
alijs omnibus, quàm sibi natus videatur. Quare
ego illum quom testimonio aliquo mea summa obser-
vantia donandum putassem, quod aliquo modo
gravissimas ejus occupationes levaret, & quasi
nimis in proscenio vel risum excitaret, vel arduis
& serijs inducias afferret: nihil se mihi promptius
obtulit quàm ἐγχευμῶν, seu majoris declamatiuncu-
lam dicere, super laudibus pulicis: quam modo
dum eger cubarem, lusi: & ne nihil agerem, hoc
egi. Nec vero recusò, ut hoc quicquid est, vel ri-
deat, vel irrideat, dum Calp sui semper observan-
tissimi meminerit: secumque ita cogitez, inter ve-
d
teru

teres illos statuarios non solum Phidia & Praxitelis,
 sed & Pyrrhichici nomen celebrari solere: qui dum
 constrinas sutrinasque & asellos ac obsonia & id
 genus vilia pictura exprimit, $\rho\upsilon\pi\epsilon\rho\upsilon\pi\alpha\iota\phi\varsigma$, id est
 sordidi pictoris nomen invenit. Sed & illud in hoc
 scribendi genere opportunum accidit, quod prater
 novitatis commendationem etiam brevitatis patro-
 cinium accessit: ut siquid displicet, cito desinat dis-
 plicere. Bene vale. Buda. Calend. Iunij. M. D. XIX.

*Aera, marmora, saxa, ebur, tabella,
 Quom jacent sine more prostituta,
 Calcari pedibus solent profanis:
 Quom vero fuerint dicata templis,
 Actutum innumeros merent honores.
 Sic vilis modo sordidusque pulex
 Coepit denique nonnihil videri:
 Quom rhetor sua vota nuncupavit,
 Et scripsit breve carmen in tabella:
 Donum Antistitis esto Vatiensis.*

51
PVLICIS ENCOMIVM,

Auctore

CÆLIO CALCAGNINO.



Idetur natura quom
exigua corpore anima-
lia compegit, id ante
omnia procurasse, ut
quicquid magnitudini
detrahebat, illud vi aut
aliqua certè utilitate compensaret.
Quorum utrunque ita planum ac per-
spicuum in pulice animadverti potest,
ut mirum omnino videatur: quom &
viribus, si recte inspiciamus, non il-
li modo breuitate conferenda, sed lon-
ge corpore ac statura maiora exuperet.
Quod si utilitate etiam ac ingenita
quadam potentia ita pollere ostenderi-
mus, ut perpauca illi ex omni animan-
tium genere æquari possint; tum illud
abunde, quod expeto, mihi videbor
assecurus: eos scilicet non satis vero,
nec explorato animi iudicio, sed libi-
dine vel invidia potius permotos, qui
sordidum ac infestum animal pulicem
dixere: quom ex aduerso potius &
d a elegans

elegans & commodissimum nuncupari oporteat. Quas eorum calumnias ut facilius diluamus, à corporis habitu primum auspicandum arbitror. Nam ei quidem color, qui præstantissimus haberi solet, seu tu illum hyacinthinum, seu purpureum malis appellare. Hoc triumphantium prætexta, hoc imperatorum paludamenta illustrantur. Corporis vero portio, neque omnino oblonga, neque testudinata, neque planè rotunda, sed quasi omnium particeps, tereti quadam pollet habitudine: qua neque ad agilitatem, neque ad elegantiam accommodatior ulla reperiri potest. Tum vero quo proboscidem natura spiculavit ingenio? quàm exili, quàm reciproca arte conformavit? ut fodiendo acuminata, forbendoque fistulosa, deprehendatur. Texturam vero tergoris quàm apte, quàm sine ullo dispendio capiti continuavit: quàm pulchre imbricatis, sed etiam penè inexploratis conjunxit flexilium vertebris: ita ut (quod omnium insectorum peculiare est) frustillatim etiam cæsus, spiritus tamen aliquid servet, mortique intrepide occurret, & quod

& quod omnia domat fatum moretur:
 tantus est in tantillo corporis vigor,
 tanta pollet acrimonia. At posteriora
 quàm gracili, quàm reducto tornavit
 ambitu: fores excludendæ saturitati
 qua conclusit industria, qua coagmen-
 tavit modestia, uterculum miro casti-
 gavit temperamento, incredibili ca-
 veæ vacuo perforavit? In hunc tenu-
 em quidem, sed vegetum atque in-
 exhaustum spiritum perflavit. Mirum
 vero dictu quàm longo intestinorum
 nexu compleverit, quàm ingenioso
 ambitu complicaverit. Quod tanto
 artificio factum est, tam subtili magi-
 sterio peractum: ut nec Myrmecidis,
 nec Callicratidis opera, nec faberri-
 mi ullius artificis quicquam habeant
 conferendum. Nec minus pedes suis
 distincti internodijs mirabili adhærent
 arte. & prioribus quidem ad plurima
 utitur officia: vel ut scabat, vel ut de-
 tergat, junctis, sublatisque utrinque
 pedibus ne dicam, an manibus? ma-
 nibus profecto præstat dixisse. Quan-
 do & ijs non se modo dstringit, verum
 & infantium more qui papillas hauri-
 unt, summam cutem permulgens elicit

34 CÆLY CALCAGNIN

sanguinem. Humani enim generis gratia provida rerum parens natura pulicem peperit, qui plus nimio effervescentem sanguinem, corpore integro nusquam rescissis membris, nusquam intersectis venis exhauriat: quippe medici falso hujusce remedij inventionem hippopotamo adscripsere. Pulex, hoc inquam, pulex primus ostendit mortalibus. Atque hinc Græci hominum prudentissimi eum *ψύλλα* appellavere, non à brevitate corporis, ut crassiores antiquitatum existimant: sed quod Psyllorum imitatione exundans sanguinis virus, solo suctu, nullo dispendio, minima cum molestia, levissimo tantum pruritu evocet. Ingratus profecto mortalium animus Psyllorum linctus, qui sua terris mala serpentes intulere, celebrat. Tentyritas qui modica ab orbis regione crocodilos avertunt, historijs ac monumentis dignos duxere: nullus adhuc pulicem commendavit, nemo id animal laudibus extulit, cui (absit invidia verbo) vel inventionis nobilitate, vel curationis merito, multa hominum millia salutem debent. hujus sententiæ nostræ

nostræ vel illud accedit naturæ testi-
monium, quòd eo præsertim tempore
multa pulicum vis ingruit, quom &
hiberna segnitie, ac verna mutatione
sanguis tabescit, & medicorum iudicio
educendus existimatur. Quòd si ulla
verbis nostris fides habetur: quom sa-
pientissimum animal hominem philo-
sophi iudicarint, quòd unus omnium
manibus utatur: quis posthac & sapi-
entissimum ac multis naturæ beneficijs
ornatum pulicem negaverit, quem
manuum ministerio tam indulgenter
honestarit. Posteriores autem pedes
paulo amplius producti, quo majore
nixu prosilire possit: reductis enim il-
lis in poplites & toto corpore incum-
bens, mox summis digitis obluētatus
prorsum, Di boni quàm facilis, quàm
sublimis prorumpit in aera. Nemo est
ex ijs qui se aut stadio, aut petauro
exercent, quique in ea arte plurimum
profecere, qui sexagesimo impetu vel
unum pulicis saltum æquaverit: ut
non immerito Plinius videatur ei pe-
tauristarum lasciviam tribuisse. Res
enim digna prorsus exquisitissima spe-
culatione: & quam injuria Aristopha-

nes illuſerit, Socrates vero apud Chæ-
 rephontem acutiſſime explorarit: quot
 ſcilicet ſuos pedes pulex ſaliat. Qui
 enim ex noſtro genere humanos pedes
 ſeptem octôve ad ſummum proſilue-
 rit, omnibus calculis honeſtabitur.
 At pulex tam minutum tam extenu-
 atum animal ſexcentos etiam pedes
 vel amplius ſine plurima omnium ad-
 miratione ſaltaverit. Hujus rei notio-
 nem abſolutiſſimus ille Senex, Apol-
 linis teſtimonio omnibus prælatus ſa-
 pientia, cæra dicitur conſecutus. Ea
 enim igni reſoluta, pulicis pedem im-
 merſit. Quem quom deinde eduxiſſet,
 & quaſi cæreus calceus pedi hæſiſſet,
 eo deinde metitus traditur quicquid
 intervalli fuerat à ſua ipſius fronte,
 unde deſiluerat, ad Chærephontis la-
 bra, quò ſeſe dejecerat. Atque hoc tam
 ſublimi commento rem illa dignam
 admiratione comperit: ob quam ſi
 paulo ambitioſior fuiſſet, potuit Eu-
 clidis more, de cremasterio (ita ci-
 ſtam appellabant, in qua Socrates alti-
 ora theoremata ſpeculabatur) deſiliens
 & nudus excurrens *εὐρηκα εὐρηκα* pro-
 clamare. Cæterum quom ex infectis
 alia

alia sint ἑλυπῆρα, id est vaginipennia :
 alia ἀνέλυπῆρα, id est detectas alas ha-
 bentia: alia ὀστροκόδεσμα, id est dura cute
 prædita: quædam σελάχη, id est carti-
 laginata: pulex profecto tenera ad-
 modum ac molli cute contactus est:
 ut si verum sit illud quod veteres phi-
 losophi asseruerunt, animalia acumen
 ingenij à suprema cute mutuari: ne-
 mo sit qui dubitare possit, quin pu-
 lex tam tenui cute, multum ingenio
 inter cætera omnia excellat. Sed ne-
 que illud frustra à natura institutum
 puto, ut sex pedes pulici attribuerit,
 quem numerum undique absolutissi-
 mum esse constat. Suas enim capit
 portiones, & suis modis concluditur:
 quod aliubi non temere inveneris. At
 illud nequeo sine multa admiratione
 reminisci, quòd tam prompto, tam pa-
 rato semper est animo: ut se omnem
 protinus habeat in numerato. Quom-
 vero captura incidit, quàm vigilans &
 expeditus ad cursum, quàm omnes
 moras abjicit, quàm raptim se dat in
 pedes. Quòd si quando contigerit,
 ut minus pateat fuga, septo scilicet ac
 præmunito omni aditu: illico ad eas

artes se vertit, quas inclytus Lacedæmoniorum imperator Lyfander suadebat. Quom enim amiculum leonis pelle absolvi non potest, haud est, inquit, injuria vulpinam assuere. Pulex itaque se deprehensum intelligens nequaquam se excutit, minime fugam molitur, sed echini more se in globum convolvens, exanimatum simulat, atque ita negligentibus aut excidit aut certè elabitur. Nemo tamen existimaverit pulicem ea nasci habitudine, eo cultu, atque illa corporis magnitudine, ad quam postea adolescit. Ejus enim ortus admirabilis prorsus, atque humano simillimus: qualem Herodotus ac Diodorus in Bibliotheca ab orbis incunabulo nostrum descripsit. Humoris enim copia pulveri admista, mox calore subacta, ceu Nilus concretus sole accedente tenuissimum atque informem vermiculum gignit, cui subinde rostellum, manus, pedesque succrescunt: nec multo exacto tempore, non modo humi repit, (habet enim & pulex suam infantiam) sed quasi adultus juveniliter huc atque illuc exultat. Quod tanta facit licentia,
ut nihil

ut nihil sit adeò repositum, adeò avium,
 adeò in secessu abditum, ad quod non
 facillime grassetur ille. Quæ causa et-
 iam apud homines magnam illi invidi-
 am concitavit. Subiens enim regina-
 rum cubilia, & in puellarum sinus se
 recipiens, lectissimæ cujusque formæ
 primitias libat. Est enim sanè ingeni-
 osus formarum spectator: & sicubi
 purpureas genas advertit, sicubi candi-
 das papillulas, aut aureum femur in-
 spexit, ibi mira cum voluptate solet la-
 scivire, ibi molles ac teretes lacertulos
 amplexatur, ibi castigatissimum ac
 multis expetitum pectus exosculatur.
 Quid igitur mirum, si omnes illi po-
 pulariter invident? Si reges magna cu-
 ra, multisque ministris imperant il-
 lum eliminari? sed frustra, nec sine
 multo eorum malo: quando ille se bel-
 lissime ulciscitur vel palàm. Eis enim
 insultans ac mordicus vellicans à ma-
 ximis quamvis negocijs avertit, atque
 in se intrepide concitat: concitato-
 que vehementer atque in se magna mo-
 lientes, vel uno saltu facillime eludit.
 Ijs adde, quod si magni reges sibi im-
 mortalitatem paratam putavere, quod
 de suo

de suo nomine quasdam herbas appellaverint: quanto præclarior præstantiorque pulex existimari debet, qui pulegio herbæ tam celebri, quæ per brumam, non sine omnium admiratione, in coronarijs solet efflorescere, nomen dedit: & à quo Græci Psyllion herbam, quam tu pulicarem dicere potes, ad mille mortalitatis nostræ remedia natam nuncupavere. Eo autem nomine sapientissimus quisque adolescens pulici se plurimum fateatur debere, quodd in superbientes forma puellas ac insolentes spiritus gerentes; eosque impotenter aspernantes, qui sibi omne votum, omnemque animum addixere; indignatus ille licenter debacchatur, seque ad saturitatem earum explet delicijs, & mox abiens scædissimo etiam corporis excremento conspurcat. Cujus rei memoria facit, ut Acheloum ac Periclymenum magnæ arguam inscitæ: qui quom se in omnia verterent rerum miracula, nunquam tamen pulicem fecere: quom neque infensus, neque hostilius possent quàm ea in effigie Herculem offendere, neque facilius elabi. Qua
enim

enim putas illum indignatione laceffitum iri, si in amicæ complexu lascivientes hostes vidisset? at vos parum prudentes nunc taurum, nunc muscam induitis, non indigne igitur successit, si alteri cornu effractum, alter prorsus elusus interiit. Alioqui non saltu tantum spectabilis pulex est, utpote qui in genere τῶν πηδηλικῶν, id est salientium annumeratur: sed neque segnis neque imbellis pugnator est, soletque strennue, quoties occasio suaserit, inire certamen, atque acerrime hostem urgere. Id quod veteri apologo testatum accepimus. Quom enim aliquando pulex in impium quendam impressionem fecisset, eumque graviter proboscide, id est telo suo perforaret: cœpit ille in subsidium Herculem cognomento αλεξίκακον, hoc est malorum averforem, implorare. At Hercules preces averfatus, & hominis impietatem perosus, non affuit. Excusso autem demum pulice, vel ejus certè ira tandem exatiata, impius ille in Herculem convitia jactabat, qui eo in periculo vocatus opem minime tulisset, non videri verisimile affirmans

cum

eum in gravioribus affuturum. Atque
 hinc apud Græcos in vulgus adactum
 est proverbium, ἐν ψύλλῳ δὴξέθι θεῶν
 ἱπικαλεῖσθαι, id est in pulicis morfu de-
 um implorare. Quod si quando apud
 cæteros diverterit, multo modestius
 ac civilius se habet. Timide enim de-
 pascitur : & si forte hospites adverte-
 rit contractiori fronte se intuentes,
 excedit è vestigio è diversorio, seque
 ad pacatiora confert : ni forte insigni
 aliqua injuria affectus, aut impuden-
 tiores aliquem persequens, (hos e-
 nim omnium maximè odit) instet per-
 tinacius, & ab inertibus pœnas re-
 poscat. quo in certamine solet non-
 nunquam occumbere. nec id profecto
 satis mirandum, quom is fermè sit o-
 mnium bonorum exitus : qualis Cice-
 roni & Aristidi contigit : qui quom fla-
 gitiosos persequerentur jugulati aut
 certè oppressi fuerint à malis. Adde
 quod si prudens rerum natura pulicem
 admonuerit ut facessat, nulla mora
 est quin protinus se det in pedes, & sta-
 tionem relinquat. Non autem omnis
 admonitio de trivio petenda est : quan-
 do sunt omnibus animantibus certa
 quædam

quædam symbola, quorum notionem natura eis impressit. Sic videmus apes tinnitu congregari, & pulvere injecto à pugna desistere. Sic stymphalides ab Hercule non nisi crotalis ejici potuerunt. Sic Pythagoras certa voce bovem à fabis inhibuit. Pari itaque ratione conscij arcanorum naturæ ubi primum cuculum avem canentem audire, quicquid pulveris est sub vestigio dextro colligunt, atque in hunc usum servant. Quom enim pulicum tædium eos ceperit, pulverem eum aspergunt: ex quo obsequiosi illi contubernales com meatum sibi datum intelligentes, non minas, non jurgia, non digladiationes expectantes protinus excedunt & contubernium relinquunt. Cæterum nec heluo nec vorator est pulex: sed minimo contentus cibo, utpote qui per inediam multos etiam dies transigat. Cujus rei potest ejus gracilitas facilem fidem facere: quam (si credimus Erasistrato) se arctius substringentes Scythæ imitantur, ut ita expeditionibus aptiores sint, ac minimo fame à gravioribus negocijs avertantur. Illud etiam inter cætera comitatis ac
modestiae.

modestiae testimonia connumeraverim, quoddum cibū capit, minime rixatur, minime obstreperit: sed silentium servat, quale ne Pythagorici quidem. Inter ceteros quales vero nulla contentio, nulla invidia, nulla controversia, sed constans ac perpetuum fœdus. Quo nomine ego longe pulicem quàm muscam majorib. dignam laudibus puto. Nam qui illam maximè laudare conati sunt, dixerunt ejus improbitatem, impudentiamq; ab Homero celebratam. At magnus ille & admirabilis philosophus Aristoteles de insectorū generatione verba facturus, unum omnibus pulicem ceu multo ceteris nobiliorem anteposuit. Urbani-
tatis etiam ac elegantiae illud maximum indicium est, quodd. quom scarabæus & alia quædam insecta ceu perniciem unguenta & suaves odores averfentur, hic illis non solum oblectari, sed etiam festiviter uti solet. Et ne fortè pulicem à Venere & Gratijs abesse putes, longa inter eos est amplexatio, longa exoculatio. Tanta autem voluptate commiscantur, tam indulgenter coherant, ut plerunque mori malint, quam suavissimos amplexus intermittere.

COLYMBETES,
SIVE DE
ARTE NATANDI.

Dialogus & festivus & jucundus lectu,

PER

NICOLAVM VVYNMAN.

tem, longaue diu locorum intercas
pedine sejunctum: Siquidem homi-
nes putiduli frigidulique amicitiam
mutuam, corporum modo præsentia
meriuntur, non animorum efficaci il-
lo glutino. Vnde fit, ut ad proximam
quanque occasionem vulgaris illa eva-
nescat emoriaturque mox amicitia.

Pam. Verè tu ista, Erotes, cæterum
cave de me quicquam suspicere sinistri.

Sed unde tam anhelus prorepis? *Erot.*

Ex itinere fessus, ac dum redeo ex
Vangionibus, viarum pulvere, velut
exortis turbinibus tantum non suffo-
catus fui, ad flumen igitur propero
loturus corpus, sordesque absterfurus
fluento. Erotem penè perdidisses,
Pampire, tuum. *Pam.* Bona verba.

Erot. Quatriduo ab hinc, cum me-
ridiano tempore latissimum medius te-
nerem campum, excitatis vento vali-
dissimo arenis, velut Syrta quadam ter-
restri correptus certò interiissem, nisi
Christus identidem auxilio vocatus
nequicquam luctantem eripuisset, se-
data mox sævientis tempestate Austri,
quemadmodum in Evangelio maris tu-
multus composuisse fertur. *Pam.* Hor-
rendo

genda narras. *Erot.* Istuc adeò diceres magis, si vel à longè vidisses calamitatem. Ego vero jam nihil addubito amplius verissimum esse, quod Strabo de Cambylis exercitu scriptum reliquit in Æthiopia, juxta Prennam oppidum, arenarum aggeribus à ventosis turbinibus commotis, obruto.

Pam. Scin tu quid Psyllis Aphricæ monstrosis aliquando evenerit populis, Herodoto auctore? *Erot.* Non,

sed audire gestio. *Pam.* Cum crebris ventorum flatibus omnes semel exicati fontes exaruisent, culpam universam in Austrum transtulerunt. Proinde quo eam ulciscerentur gravissimam quidem injuriam, indicto bello huic tum vento, cum nequicquam pugnassent (quid enim moliaris in auram? quid diverberes inaniter ventos?) ab hoste tandem constructis arenarum montibus simul omnes extincti sunt.

Erot. Miseram cladem, sed vera esse putas, quæ narrat auctor ille? *Pam.*

Quid ni crederem cum vetustate? *E-*

rot. Atqui vetustas somnijs inanibus stultè nimium plerunque credula ducebatur. *Pam.* Vtcunque sit, illud

volebam, amice, fortassis & tu aliquando hunc flatu buccisque potentem deum injurijs provocasti, unde ille deinde exasperatus, cum te quo loco maximè cupiebat reperisset, tollere quoque contendit. *Erot.* Ludum tu quidem ex re admodum facis feria. Quod si pessimè velim Pampiro, optarem in eundem illum incidere casum. *Pam.* Vbi accidit istuc mali? *Erot.* Inter Wormaciam & Spiram. *Pam.* Oh eò loci nihil mirum, tale si quicquam evenerit, cum terra adeò arenosa sit, ut dicas Iovem illum Cyrenaicum ibi habitare cœpisse, rupemque adeo Austro sacram illuc translatam. Verum de his fatis, Erotes, bene habet enim, quod incolumis nobis redijsti, utcunque ab Austro tractatus. Quod reliquum est, non solum posthac terras cautius permetieris, verum cavebis etiam, ne hujusmodi quicquam tibi eveniat & in aquis. Video enim te supra modum illis delectari, cum tamen artem non calleas eam, quæ id præstat in undis, quod Palæstrica in arena gladiatoria, vel cum res serio agitur cum hoste, natandi

natandi videlicet. *Erot.* Putan' hanc esse artem? *Pam.* Quid ni? in homine quidem, cum illi nec natura cognita sit, sed certis quibusdam & regulis addiscatur, & usu deinde ipso perfecta reddatur. *Erot.* Quid utilitatis adfert hæc ars autem? *Pam.* Vt incidente periculo ex undis facilius emergas. *Erot.* Atqui vulgo dicitur, perire hujus plerumque rei callentissimos. *Pam.* At vulgo multa vana jactantur. Etsi ipse sapius idem, sed ex otiosis potissimum forivagis, maleque feriatis hominibus audivi. Quod tamen ipsum etsi verè esset, nihil huic ob id derogandum sit arti, sed temeritas inconsulta culpanda est, quæ quidem ipsa non solum hic, sed in omnibus penè rebus periculosissima est. Vnde cum plerasque artes addiscamus ad usum atque necessitatem, non temerariam & audacem ostentationem, non in hoc etiam discis natare, ut citra necessitatem, quosvis audenter tentes alveos, quosvis inscendas gurgites, velut piscis prorsus factus, sicque ferox summa prægnas aqua, quemadmodum testudines Ægyptiæ in mari rubro,

rubro, sed tum demum, cum, urgente periculo, necesse esse videris, hac industria salutis quæras anchoram. Qui hoc consilio hanc sibi compararit artem, meo sanè iudicio, non inconsultè fecerit, neque sine exemplis veterum, pluribusque atque evidentissimis multorum hominum salutis argumentis. *Erot.* Propemodum adducis me uti credam, optemque & me reddi hujus rei tyronem atque discipulum. *Pam.* Sapienter tu istuc, perge modo, atque adedè ellùm me tibi hujus artis, ni fallor, non ignarum neque inexercitatum Magistrum. Proinde si verum est, quod scripsit Valerius Maximus, suæ artis quenque optimum esse disputatorem, meque puto in hac sanè re nemini facile cedere, nihil vetabit, quin de illa disserturum me attentè audias. Quod ipsum quidem & ultro facies, si cognoveris, quid mihi, & per me alijs quoque non raro commodi, hæc ars conciliarit. *Erot.* Multa tu quidem promittis, atque agis gloriosum quodammodo ex comœdia Thrasonem. Oportebat talem artificem esse Selandum.

dum, ubi sat haberet aquarum. Sed extra jocum. Agnosco humanitatem ac officium tuum, memorque fuero semper Pampiri præceptoris. Porro autem censeo operæpretium fore, si ita de hac differas re, ut dum me jam privatim docebis, ubi colloquium hoc enotuerit, & pluribus alijs hac simul opera commodes. Ita fiet, ut cum tibi docenti, tum mihi super omnibus roganti sciscitantiq; non possint quidem non perpetuas agere gratias. *Pam.* Benè, ita me Musæ ament, conjiciens consulis. Neque enim me puto absurdi quicquam instituere, si de arte, quam aded profiteor, præcepero natatoria. Cum nuper & Obsopæus ille noster de arte bibendi scriptum ediderit libellum, quod sciret in ejus abusu rei, luxu, temeritate, imò ignorantia, benè utendi, plures perire, infœlicissimè natari, plures, inquam, fœda ingurgitatione suffocari, quàm in aquis ipsis. *Erot.* Fortassis ita bibere docet, ut dedoccat inebriari. Quemadmodum Naso ita tradidit de arte amandi, uti mox addito remedio, ab ea magis peste deter-

reret juventutem, quàm illuc alliceret. *Pam.* Vera narras. *Erot.* Atque adeò non dubito mox aliquem exoriturum, ut sunt varia hodie ingenia, studia æmula, ac conatus sequaces, qui de arte quoque sit præcepturus edendi. *Pam.* Nihil sanè mirum, cum non minima esset ars & fœlicitas vitæ humanæ, scire benè edere, hoc est, frugaliter, & quantum naturæ ejusque & corporis habitui conducere. Certè ea res, ejusque observatio religiosa multum Medicis & negotij adimeret, & lucri auferret. *Erot.* Est hæc propria Medicorum professio. *Pam.* Est, sed quæ præscribunt de esu, perinde servantur, atque illa, quæ de ratione potus. Et præscribunt solis modo ægrotis plerunque. Hic validis etiam in universum consuleretur ante, quàm stomachus, totumque adeò corpus periclitari inciperet. *Erotes.* Quid si eadem opera esset, qui artem traderet volandi. *Pam.* Eam relinquamus avibus, quando terrestres sumus, non aërij. *Erotes.* Atqui in avibus hæc nulla est ars, quemadmodum neque natare in piscibus, cum hæc

hæc illis natura sint indita. *Pam.* Sed nonnulla ars sit in funambulis. Cujus ignorantia unâ cum temeritate conjuncta infœlicem infœlici Icaro aliquando peperit lapsum. *Erot.* Qui censes illum postea natasse undis exceptum Icarij maris? *Pam.* Quemadmodum volavit etiam. *Erot.* Iam dudum exspecto de arte te disputantem natandi. Atqui prius dic obsecro, Pampire, quis primus hanc invenit. Non mirum si ipse suo quoque periit invento, quemadmodum Thrasius atque Phalaris olim. *Pam.* Nescitur. Cæterum verisimile est, fuisse industrium quendam & audacem hominem. *Erot.* Quis primus docuit illum? *Pam.* Quis primus docuit reliquas plerasque cum Liberales, tum Mechanicas, aliasq; artes, an non naturæ sagacitas, & ingenij humani vafricies, ac vaga illa mortaliū in rebus perquirendis cognoscendisq; curiositas, Pallade adjuvante? *Erot.* Non sinistrè philosopharis. *Pam.* Cæterum & illud existimo, fuisse ociosum hominē, qui in flumine non ita alto, piscis instar ludendo, vario corporis gestu ac motione, paulatim imprudens, ita
manibus

manibus pedibusque sit gesticulatus, donec ad eum habitum compositus, quo velut organo atque instrumento hanc postea exercuit artem posteritas, cœperit paulatim aqua ferente sublimis tolli. *Erot.* Fortassis dicis, quemadmodum ciconiæ juvenes, quæ cum nondum probè volucres de nido verentur devolare, alis se sursum librant, velut periculum facientes futuri deinde volatus. *Pam.* Sic. Moxque ille aquarum tentator, ubi vidit his initijs succedere sibi, non quievit, donec quotidie eam didicerit artem perfectius. Atque hinc jactis primordijs, cum vetustas deinde videret, non pœnitenda emergere ex ea re commoda, quarique sæpius perituris aliàs salus certa, æstivis mensibus vel Vegetio auctore, adolescentes atque tyrones in arte natandi mirum in modum exercuit, quod non semper flumina pontes suppeditent, quibus transcat: Itaque non raro totos exercitus præcedentes sequentesque natare oportere. Idem accidere alibi in torrentibus plus justo ac repentino exundantibus motu. Proinde & Romani olim campum Martium

tium Tyberi vicinum in hoc delege-
runt, uti illic & equites in flumine &
equi ad natationem exercerentur. Iu-
ventus etiam post armorum exercitum
natando sudorem ac pulverem ablueret
(quemadmodum modo dicebas adesse
te, uti fluenti lotionem, quas sordes ho-
stis Auster adpersisset odiose abstergas)
membra cursu & labore defatigata re-
ficeret, ac prioribus restitueret viri-
bus. *Eros.* Non imprudenter me her-
cle instituta. *Pam.* Adeoque sensim
hæc natandi industria atque exerciti-
um usu receptum invaluit, ut non
sine proverbiali scommate hocce, *μὴτε
νῆν, μὴτε γράμματα*, hoc est, neque
nare, neque literas sciunt, morderen-
tur ij, qui supra modum indocti, ni-
hil bonarum in pueritia artium sibi
comparassent, quod hæc duo unà sta-
tim primis annis pueris olim traderen-
tur. Quo alludens, ni fallor, &
Suetonius in Augusto & Caligula, de
quodam scribit, quod ad cætera ple-
raque omnia esset docilis, & tamen
natate nesciret, velut postremum hoc
vulgo omnes scirent. *Eros.* Audio.
Pam. Arbitror autem apud Lacedæ-
mones

mones præter cætera studia, hoc quoque fuisse præcipuè in usu. Siquidem illi quidem, ut erant rerum bellicarum studiosissimi, liberos suos durissimis adsuëfacere solebant laboribus, puta venationi, etiam puellas, militiæ, equitationi, ut rebus serijs essent ad cuncta peritiores obeunda, durioresq; toleranda. *Erot.* Fortiter ac prudenter illi quidem, ut omnia. Sed quis te ita artem docuit natandi, ut ad ejus tam perfectam absolutamque pervenires cognitionem? *Pamp.* Dicam bona fide omnia, si non pigebit audire. *Erot.* Nihil minus. *Pamp.* Natus annos circiter tredecim, profectus sum unâ cum genitrice in Thermas Valesienses, ex à Seduno tribus distant lapidibus. *Erot.* Ad quid puero penè adhuc cum Thermis. *Pamp.* In hoc me sibi comitem junxerat illa & itineris & lotionis, ut quoniam cernebat crescendo jam pridem me substitisse, quemadmodum ramo ab arbore sua secto accidit, sperabat fore, ut aquis calidis paulatim velut ex constricto dissolverer, demptoque, nescio quo, naturæ impedimento, inciperem

rem grandescere, instar segetis, sub-
 latis zizanijs. *Erot.* Stultam matrem,
 quid ad veram virtutem corporis pro-
 ceritas & moles? *Pampir.* Atqui in
 patria nostra, quo humiliori sis sta-
 tura, hoc omnibus, Erotes, haberis
 despectior, quibuscunque aliàs orna-
 tus animi virtutibus. Alioquin homi-
 nes sunt simplicitate & antiqua illa
 insignes probitate. *Erot.* Vbi hi?
Pamp. In valle Sanensi in Helvetia.
Erot. Memineras modo Seduni, ibi-
 ne Cardinalis ille Matthæus agebat?
Pam. Scilicet *Erotes.* Suspicio lo-
 cum, etsi non visum unquam, vel
 propter illum piæ memoriæ Heroa.
 Dic obsecro, si nosti, quis jam isti
 præest Diacæsi? *Pamp.* Reveren-
 dissimus dominus Adrianus à Reidi-
 natten, princeps ea vitæ integritate,
 sapientia, humanitate, sed maximè
 erga doctos homines, uti in illo nihil
 possis desiderare, quicquid in vero E-
 piscopo requiritur. Sed ad Thermas
 iterum. *Erotes.* Eia faxis. *Pampir.*
 Quo loco aqua calida, frigida tem-
 perata, recipitur, diceres amphithe-
 atrum magnificè lapidibus politis ex-
 structum,

structum, sedilibus ternis ita circum
positis, ut profundius alius alio bal-
neare possit. *Erot.* Probè. *Pam.*
In medio solo altior erat aqua, quàm
pro hoc tum gigante, nasotenus enim
stantis pertingebat. *Erot.* Quid tum
postea? *Pam.* Cum viderem vulgo
pueros etiam innatantes, cupiebam
& ego consecretari, eamque condiscere
artem. Itaque medium velut in libri-
pende me aliquandiu semper tenebant
sodales, monentes qua ratione esset
pedibus manibusque remigandum.
Erot. Perge. *Pam.* Idque eo usque
fiebatur, donec nonnihil proficerem.
Erot. Hominem docilem. *Pam.* Ast
audi, quid postea acciderit, cum o-
mnibus prudentibus, solus præter
anum quandam illic manerem, eo
consilio, ut si quid in natando aber-
rarem, fieret absentibus sine risu re-
stibus. Igitur de sedili, ut doctus e-
ram, lente me incurvans demitto in
alveum, incipio promovere, succes-
sit aliquandiu, mihi que pulchrè pla-
ceo. *Erot.* Credo. *Pam.* Mox las-
lescere incipiens, cum fixis solo pe-
dibus interquiescere cuperem, infusa
etiam

etiam tum solito altius aqua, vicit
 proceritatem illam totam nostram
 profunditas. *Erot.* O proceritatem
 vero, sed quid quaeso tum? *Pampirus.*
 Quid? Ibi mihi protinus excidens ipse,
 coepi prorsus recentis oblivisci artis,
 neque pedes neque manus suum am-
 plius faciebant officium. *Erotes.* O
 periculose affectatam artem. *Pamp.*
 Continuo igitur subsidio fundum pe-
 tens. *Erot.* Miser. *Pam.* Ibi tum
 in lubrico solo, funduli instar piscis,
 non quidem natabam, sed repebam.
Erot. Quandiu autem? *Pam.* Citius
 vorasses ac cunctanter quidem bina
 ova elixa. *Erot.* Oportebat te forti-
 ter continete spiritum. *Pam.* Imò
 statim ut concidissem, hiscente affa-
 tim ore, egregiè combibebam, non
 vinum quidem rubrum Valesiense,
 neque candidum Belnense, sed aquam
 calidam. Primumque sic afficiebar,
 quasi offam alicubi in Suevia sorbe-
 rem sine butyro. *Erot.* Pessimè sit
 isti jusculo. Verum, quid tandem?
 evasisti ne vivus ex ista egregia lotio-
 ne? *Pam.* Non. *Erot.* Non? At-
 qui impudens, an non te video vivum

ac valentem nunc coram? *Pamphilus*.
Bene mones, nunc primum memini,
quod egregiè quidem eram oblitus,
evasi, nec solum vivus, verum etiam
cum illinc solveremus omnino novus,
posita veteri pelle, non fecus atque
serpens, exutus leberide. Sed qui tibi
subijt me impudentem vocare, cum
tu impudentior multo sis, qui cum
me coram videres, tamen non dubi-
tares rogare, an vivus evasissem? nisi
credebas corpus te videre phantasticum.
Erot. Eorum more interrogavi, qui a-
libi in Germania obvium mane iterum
atque iterum te quærunt, surrexeris
ne strato, vel redieris ex hoc vel illo
loco. *Pam.* Istis igitur sic respon-
dendum est, quemadmodum ego tibi
modo respondi. Sed pergam quod cœ-
peram. Certo periturus eram, nisi
longè in angulo anus sedens obscuro,
cum me diu desideratum circumspexis-
set, postremò subsilientis extra aquas
manus infœliciter gesticulabundas vi-
disset. Nam protinus alta exclamans
voce excivit, qui semimortuum, quo
me animadverterat loco, tollerent.
Erot. O dura artis initia, ac horrenda
experi-

experimenta. Poterat aliquis ab instituto absterri hęc audiens. Quod si contigisset prorsus tum suffocari, dii boni, quam præposterè tu quidem sollicitæ matris voto respondendo crevisses. *Pam.* Certe. Verum deinde cautius natare cœpi. *Erot.* Rectè tandem cum nautis ad Maleam jactaris inclementius. *Pam.* Nihil conans, nisi socijs præsentibus. Et tamen non destiti, donec omnibus tentatis, eam didicerim artem. *Erot.* Pertinacem narras hominem. *Pam.* Iuvabat nescio quo pacto meum conatum aqua calida, quæ facilius sublevar corpus innatans, quam frigida. *Erot.* Vere ne istuc? *Pam.* Vel experto crede. Cæterum antequam ex his balneis, egregijs quidem illis, sermo egrediatur noster, referre libet, quod tibi merito miraculi instar videri debeat. *Erot.* Dic amabò. *Pam.* Qua in septentrionem ex eo loco patet prospectus, excelssimæ rupes sunt, longo contiguous tractu. *Erot.* Audio. *Pamp.* In medio saxo illo, quod à balneis mille plus passibus distat, longè convisitur miro splendore, colore planè au-

reō pręgrandis crux. Testantur acco-
lę, idque scriptis antiquissimis pro-
bare conantur, fuisse olim eam cru-
cem, quam fatalem atque prodigiosam
vocitant, alio repertam loco ejus mon-
tis, unde desumptam post cum inco-
lę religiose publicę includissent arcę,
accurateque diu velut thesaurum divi-
nitus oblatum, ob idque aliquid por-
tendentem, custodissent, moribus
hominum in pejus quotidie prolapsan-
tibus, ex loco obserato rursus deinde
noctu montem repetisse suum, in-
que eum translata locum rupis me-
dię, ubi, ut dixi, hodie visitur adhuc,
unde nulla humana industria atque
arte auferri rursus possit. *Erot.* Rem
prędicas admiratione dignam. *Pam.*
Vt cunque sanę sese habeant cętera,
certę his vidi oculis, clarissimum ful-
gorem crucis instar aureę splendescen-
tem. *Erot.* Benę habet, si quis mi-
nus credat, experiatur ipse propius,
ac desinat esse incredulus. *Pam.* E-
quidem toties cupiebam avis esse tum,
ut subvolanti certam rei veritatem ex-
piscari liceret. *Erot.* Quid vero si
quis ista negaret? *Pam.* Non daretur
impunę

impunè apud istos quidem homines ,
audiret protinus pessimus Apostata.
Verum de his prolixè nimis : proinde
jam tandem propius ad institutum.
Tu piscem jam agere discè in undis.

Erot. Ac libens. *Pam.* Primum o-
mnium , ut diximus ad necessitatem
atque salutem , non jactantiam ina-
nem ac periculofam temeritatem nare
discè. *Erot.* Maximè. *Pam.* Eli-

ge in hoc fluviolum , qui non adeo sit
vellentus , vel rapidus , cujus scilicet
altitudo ipsa pectore tenus adscendat.

Erot. Rectè. *Pam.* Adsciscendus co-
mes hujus gnarus artis , qui fideliter
monstret omnia. *Erot.* Tu is esto.

Pam. Nam tota res in corporis consi-
stit agilitate & motione. Proinde præ-
ceptor in ipso margine monstrabit ,
quomodo sint tibi nataturo manus in
palmas expandendæ , ita , ut nonni-
hil in volam capaciorem incurves , non
divisis , sed junctis pressim digitis. Na-
tura enim fit , ut facilius potentiusque
supernatantia etiam ligna secundo fe-
rantur flumine , si integra sint quam
fissuris fenestrata. *Erot.* Vera isthec.

Pam. Quem enim putas impetum
redderes

redderet divisa crebrisque distincta dentibus pertica vel craticula, vel tracta per undas? *Erot.* Atqui multos video sic nantes. *Pam.* Credo, sed canum instar, passis unguibus infœliciter, mox enim nimio fessi luctamine succumbunt. Itaque ejusmodi malis artificibus plerunque ausus non fœliciter cadunt sui. *Erot.* Sentis igitur nemini altiores tentandas aquas ultro, nisi qui perfectè hanc calleat artem? *Pampirus.* Sentio, atque pergo. Cæterum in circumgyrandis cum natas brachijs, compositas commodè, ut dixi, manus, quo vim majorem habeant undas impellendi, sic oppone, quemadmodum nautæ remorum palmulas obvertunt. Quæ quidem in re video plerosque quoque aberrare, ut cætera recta sint, manus ferentes non semiobliquatas, sed rectè planas. Perinde quasi tenues deducas in aquis laminas, quæ res non majorem vim sortitur, quam si acie gladij pares diverberare aquas, non latitudine laminæ obversa. Porro cum jam es pronataturus, manus medio adpone pectori, ita versas, ut docui, quod

quod ubi factum, mox ita inverſe junctas ante te recta protende quàm latiſſimè poteris, tum hinc atque hinc diducens, latè ac lentius quidem ita circumage, ut ſemper redeant ſcitè extenſæ, atque in hunc modum circumductè in medium ruruſus pectus. Atque id faciendum quamdiu nates. *Erot.* Propemodum teneo. *Pamp.* Cæterum id unicè ſervandum, ut manus ita teneas ac geras, quemadmodum audiſti. *Erot.* Audio. *Pamp.* Illas ſubter aquis rege ſemipedem, ſicque ſerva ſemper, ne tui oblitus ipſius extra undas alternis violenter iectibus projicias, aërem feriendo potius quàm aquam. Quod faciunt plerique malè principio edocti, canum nimirum more, quos etiam in eo imitantur, ut manus deorſum verſum quemadmodum illi pedes, natantes jactent. Hi vera deſtituti natandi arte mox fatigantur atque ſidunt. *Erot.* Veriſimile. *Pamp.* Illud imprimis memineris in circumducendis artiſcioſe manibus brachijsque, uti ſic reducas eas in pectoris medium, vel paulo inferius, ut videaris illas velle in tergum

penè actas supinas jungere. *Erot.* Oportet, sentio, sollicitè tenere artem.

Pam. Scilicet. Vbi hujusmodi semel præcepta in usum probè conjeceris, facilia deinceps erunt omnia. Iam natans pectus nonnihil subrige ac collum, ita fiet, ut prioribus, & quæ adhuc restant indicanda, observatis, altius commodiusque ferente aqua toto collo superes atque emineas.

Erot. Sed quomodo pedes regendi etiam? *Pam.* Tace, mox istuc ivero.

Vidisti ne unquam Eroles, qui cum natarent, si modo hoc natare est, quoties promovere volunt, caput circumgyrent, dementium ritu, singulis saltibus buccas inflent, moxque non sine murmure fessum coactumque emittentes spiritum, quasi inforptam rursus eructent aquam?

Erot. Sæpenumero, ac arbitrabar illos toties tam inconcinna gesticulatione perire jam velle.

Pam. Equidem non multum abludis, neq; enim, quod adeo sæpissimè vidi, dissimilis admodum gestus est eorum, qui in undis jam periclitantur morti vicini. Atque id quidem faciunt, qui initio non rectè

hanc

hanc imbiberunt artem; quemadmodum & illi, quibus semel receptum est, capite obliquato, in dextram vel sinistram aurem sic indoctè atque laboriose natare. Ex hoc enim vitio nascitur & aliud, ut sic compositi, dextra modo penè manu natent, dum illam latius porrigunt, sinistram strictius circumferunt, atque id quidem nimium in latus lævum. Quod quidem ipsum perinde est, atque si studio altero claudices pede, vel volet non æquè libratis passisque volucris alis. *Erot.* Quid igitur faciendum uti non aberres. *Pam.* Rogas? Quemadmodum ante ostendi, ex æquo manus utraque huc atque huc simul exporrigenda, caput totumque adedò corpus in neutrum inclinandum latus, sed prono pectore ventri innitens recta facie, more natantium serpentum, sic secundo labere flumine. *Erot.* Dispeream, nisi doctè cuncta referas. *Pam.* Qui secus faciunt, ne dici quidem natatores possunt, cum denos vix ultra passus sustinere possint, ac foeliciter sublimes durare in aqua. *Erotes.* Sed durante

f 5 plerique

plerique diu in imo fundo. *Pamp.*
Diutius sanè quàm vellent, atque hi
non est, ut multum suæ ilti fidant in-
dustriæ. *Erotes.* Video, quemadmo-
dum in omnibus, ita in hac quoque
re multum referre, quo modo pri-
mum, & à quo instituare. *Pamp.*
Nimirum. *Erot.* Equidem multos
vidi sæpe, qui cum natarent manibus,
pedibusque alternatim supra fluvium
sublatis ita rediculè gesticulabantur,
quasi in altum subvolare gestirent.
Pam. Atque hos sanè adeò malignè
ac ægrè fert aqua, ut vix dimidio ex-
stent capite, sitque strenuè laboran-
dum, ne aquam combibant invisam.
Habes Erotes, qua arte sit prior corpo-
ris pars in aquis moderanda. Audi
nunc reliqua, seduloque, ut facis,
animadverte, quomodo item sit pedi-
bus doctè subremigandum, ut quem-
admodum prius corpus manus recte
ferunt, ita hi posterius possint. Si-
quidem alteri sine alteris nihil aut cer-
te minimum præstant. Proinde, ut
compendio dicam, disces penè com-
modissime sublegere, si diligentius in-
spicias, quomodo posterioribus pedibus
subnatent

subnatent ranæ (nam anteriores, ut sunt breviores, videricum natant nequeunt) de quibus legimus :

*Semina limus habet virides generantia ranas,
Et generat truncas pedibus, mox apta natando,
Crua dat, utque eadem sint longis saltibus apta,
Posterior superat partes mensura priores.*

Erot. Ridiculum sane illud. Pamp. Qui sic? Erot. Putas me posse committere, ut cum Lycijs olim colonis vertar, tam prodigiosa metamorphosi, in ranam? facundumque omnino esse homini, ut à tantillo animalculo discere aut velit aut possit aliquid? Pamp. Quamobrem non autem? Erot. Ut agnoscerem ranulam magistram & praeceptricem? Pamp. Imò vero nã tu ridiculus es Erotes, qui nefas turpeque esse existimes homini, à brutis quidquam addiscere, cum natura minimis pene quibusque animalculis artificium summum atque admirabilem sui majestatem inesse potissimum videatur. Erot. Expecto quò velis Philosophe. Pamp. Utinam ex minutissimis pisciculis, natura volente, ita natandi artem discere liceret, ut
maria

maria omnia transmittere, cunctas
aquarum profunditates investigare
possem. Equidem nos omnes bearem,
cum quod exquisitissimis fruituri esse-
mus & piscium & ostreorum generi-
bus, tum vero quod (dubitas tu enim)
latentes in fundo pridemque jam ab-
sorptos eruerem, inque lucem rursus
vendicarem & portam tot incompara-
biles thesauros. *Erot.* Istuc mi Pam-
pire optare facilius, quàm voto asse-
qui licet, nisi forte Neptunum habe-
as egregie propitium. Quin eadem o-
pera optas ex tipulis discere, ut cum
illis per summas levis aquas percur-
ras, cunctis miraculo hominibus fu-
turus. *Pam.* Si liceat, amice, usu-
rus essem & ea commoditate. Quinet-
iam, si daretur, non erubescerem ex a-
viculis consequi volandi artem. Certe
sublimis ex media aëris regione despi-
cerem (quod ipsum aliquando puer
quoties exoptavi mihi) terras omnes
jacentes atque urbes præstantissimas
suo quasque divisas intervallo. *Erot.*
Atqui tuis istis oculis vix jacentem ter-
ræ quantumvis immensæ situm illinc
conspicias, ac simul volanti incom-
modum

modum foret perspicilla quovis circumferre tecum. Atque audi nunc me vicissim desipientem, si mihi à dijs immortalibus concederetur, quod olim multis datum est hominibus, teste verissimo probatissimoque scriptore Nasone. *Pamp.* Ha ha he, O vero Nase. *Erot.* Rideas tu licet, quid putan me facturum? Non me hercle ea abuterer fœlicitate ad virgines vitiandas cum Iove, sed quod fecisse aliquando pica fertur, captata temporis locique occasione, cum Argentinenses in illa sua præclara turri, die sereno, thesaurum ex more, reclusis cancellis atque fenestris, auræ ac soli exponerent vegetandum, adpricandumque, ne nobilis Mammon mucore & situ periret, quid? subvolarem ego, ac me furtim conjicerem in gazophylacium. *Pamp.* O furacem picam! an non istuc esset abuti arte? *Erot.* Totas nummorum myriadas illinc raperem. *Pamp.* In quem obsecro usum? *Erot.* In quem stulte rogas? Huc potissimum, ut macilentis, extenuatisque hic illic studentibus, qui collegia infœlices incolunt, succurrerem, largiturus, unde lautius deinceps

deinceps victitarent. *Pam.* Tu vero ex volucris furto rei non tuæ, volebas succurrere inopiæ atque necessitati, quemadmodum fecisse fertur Aftans ille Boëmicus, qui sibi indiderat ipse nomen desperati. *Erot.* Infaustum nomen. Cæterum memini me multa de hoc sæpe audire homine. *Pamp.* Erat is summus per eam regionem patronus scholasticorum elurientium, pannosorum, pediculosorum: in hos conferebat benigne quicquid undecunque præstigiola arte sua consequabatur. Sed quo labimur abrepti? *Erot.* Vere istuc, quo labimur, inquis. Nam relicto de arte natandi instituto, cœpimus unâ de rebus nescio quibus garrere, de rebus inquam absurdis & impossibilibus. Huc nos tuæ istæ infœlices ranæ produxerunt scilicet. *Pam.* Bona verba Erotes. Imò tu huic locum dedisti digressioni, qui in re possibili quidem illa atque honesta homini, negabas tamen agniturum te ranam magistram. Quasi referat unde quid discas, modo id bonum sit, cuiusque accommodum usibus. Neque enim est, ut prorsus contemnas ranas nostras,

nostras, quas novisti quàm fortiter se-
 se gesserint rebus dubijs in illa calami-
 tosa Batrachomyomachia clade. *Erot.*
 Quin me jubebas ex bombycibus disce-
 re serica filare. *Pam.* Atqui hoc non
 jam agebatur, ut bombycem ageres in-
 nendo. *Erot.* Bene, verum hoc quo-
 que minus agitur nunc, multoque est
 à disputatione tua & arte aquatili alie-
 num, quod de volatu protulisti avi-
 um. *Pam.* Vicisti fateor. Etiam si
 de ranis serio dico, quas si nolis ha-
 bere magistras, sed me potius agno-
 scere velis hujus artis doctorem, age
 nihil repugno. Idque nostrum utri-
 que non inutile fore arbitror, si qua-
 dam alia ex animalculis discamus, quæ
 exemplis proponuntur ad vitæ commo-
 da paranda. *Erot.* Expecto quo eas.
Pam. Proinde à formicis sapientiam,
 potius quam à ranis natandi artem, di-
 scamus, à columbis simplicitatem Eu-
 angelicam, à serpentibus prudenti-
 am. Non jam dico ab araneis insidi-
 andi technam, à scarabeis reddenda
 solertiam vindictæ, atque ab alijs alia.
Erot. Ad institutum redi. *Pam.* Cum
 curas, ut posterioribus remis scite quo-
 que

que utaris, illud servato; pedes aliquanto profundius quàm manus dirige sub aquis. *Erot.* Istuc laboriosum difficileque adparet, ita manibus satagere, ut pedum interim non obliviscaris.

Pam. Quid faceres si esses Organista, vel, si mavis, hydraulætes, vel textor etiam, quibus utrobique strenuè est luctandum? Parabitur hæc res vel exiguo usu *Erotes.* Iam quod de manibus præcepi, ita digitos pedum junctim complica; quo fortior à tergo sequatur impetus. *Erotes.* Recte.

Pam. Sunt autem pedes unà cum manibus movendi, quo simul piscis instar proflientis promoveas. Quemadmodum navis uno concordique remorum ictu incitata propellitur. *Erot.* Teneo. *Pam.* Pedes hinc atque hinc

ea festinatione, qua manus, hoc est, lentius, pone rejice, mox velut orbe facto retrahere nates versus junctos. Ibi tum nihil morandum, sed statim utrumque pedem latum, ac undis obversum, more anserum, impetu contra aquas rursus in tergum jacta, factoque iterum uti prius gyro contrahere semper. Sic pedum gesticulatio

manuum

manuum respondebit motioni, de quibus quidem, ne supra aquas, violatis artis legibus, tanquàm volare gestiens, projicias inconcinne, quod monitus es, itidem fac hic observes religiose, Tenes hæc omnia? *Erotes.* Ac probe. *Pamp.* Cæterum quo hæc omnia, quæ præscripta sunt, ante oculos tibi proponam certius efficaciusque, quàm vel Mathematici cuncta lineis ac ductibus varijs suos docent discipulos, functurus boni officio præceptoris, jam certam hujus artis imaginem ipse exhibebo: Tu sedulus de margine natantis adverte gestus. *Erot.* Maximè, aveo enim coram videre singula. *Pamp.* Viden? *Erot.* Nunc primum non postremam hanc esse artem, quàm pulchrè respondent omnia quæ dixi, dispeream, si certum sit quiescere, donec te fuero confectatus. *Pam.* Quo facilius feraris, retento subinde spiritu, ventrem modicè inflatum redde. *Erotes.* Censens conducere? *Pamp.* Rogas? Corpora concava atque turgida nescis commodius supernatare? Atque ecce tibi hujus quoque specimen. *Erotes.* Nun-

g

quam

quam fueram crediturus. *Pam.* Diebus festis, cum nihil erit quod impediet, siquidem cupis tu, hic te paulatim instructum reddam in hac arte. *Erot.* Obsecro te mi Pampire istuc facis. Non gratis demereberis & in hoc veterem amicum, quicquid exiges persolvero mercedis. Quod si nunc, quod Christus prohibeat, contingeret nos casu in aquarum incidere discrimen aliquod: Dij boni, quàm te fœlicem hujus cognitio artis, me vero miserum ejusdem redderet ignorantia. *Pampir.* Fateris tandem? *Erot.* Ac candidè. Sed qua ratione quàm citissimè commodissimeque addiscam quod cupio? *Pamp.* Semper ipse præludam. Tum medium atq; sublimem commode prehensum, ita tenebo, ut jam natationem experiri gestienti non sim impedimento. Corrigam si quid aberraris, Probabo quæ rectè gerentur. In hoc fluviolo, qui ad medium usque pertingit pectoris, nihil est periculi. Vbi abfuero ego occupationibus alibi detentus, quoties soli tibi lubebit periculum facere, tribus quidem rationibus poteris utcunq; nostri resarcire absentiam.

sentiam. *Erot.* Quomodo? *Pam.* Colliga arundinum grandiusculum fascem, huic ventre superimposito innitere, vel suberi, vel duabus bovillis vesicis, quæ inflatæ secureque sint constrictæ, proque corpusculi tui modo funiculo alligatæ, ut luctantem commode ferant. Hæc tamen omnia utcunque pares, fieri vix possit, quin artem verè exercenti nonnihil sint impedimento moræque. *Erot.* Credo. *Pam.* Et tamen in hunc modum tentatis omnibus observatisque, brevi sine cortice, quod dicitur, nataveris. *Erot.* Dabo equidem operam omnem. *Pam.* Ceterum solus cave, amice, aliquandiu altiores ingrediare gurgites, nisi sit qui iuxta lintrem teneat, quæ præsto sit, si quid deficias. *Erot.* Fideliter ista tui mi Pampire. *Pam.* Arundinum fasciculos tibi unicè commendo, nam cum sint levissimæ ob porositatem etiam validè subferunt. Cum Turregi in Helvetia puer etiamnum penè agerem, æstivo tempore vigeni nostrum, aut trigeni non raro commilitones in arundinetum egrediebamur simul. *Erot.* Quid facturi? *Pam.* Locus is ab urbe

mille circiter passibus abest. *Erot.* Perge. *Pamp.* Illic ubi sibi quisque, ut volebat, ex arundinibus, quæ grandiusculè in portu nascuntur, interiorique littoris recessu, fasciculum ita fecisset, ut prælongo collo rostroque anseris figuram præ se ferret, cui adpenderat commodè suam quisque interulam (nam cætera domi relinquere solebamus vestimenta) instructo ordine sic bajulis ferebamur arundinibus, pedibus modo subremigantes. *Erot.* Audaciam puerorum ferula bona à magistro animadvertendam, in tam profundo lacu? *Pamp.* Scilicet, Statua ibi est in alto aquæ quadraginta non minus à margine passibus distans, prægrandis, lapidea, saxo fulta ingenti S. Nicolai. *Erot.* Satiùs fuerat divum Christophorum illic constitutum. *Pamp.* Eum divum cum ter ordine circumnantes officiose salutassemus, quod is liberalis est pueritiæ patronus, flexo cursu civitatem recta petimus. *Erot.* Tam longo tramite? *Pamp.* Maximè. Pœna erat, ut qui ex ordine deflexisset, domi privaretur equo suo. *Erot.* Gravem mulctam. *Pamp.* Sic igitur instructa
acio

acie portas intramus civitatis aquatiles, qua parte Lymacus ex stagno lacus sese exonerat. Ibi paratam succincentes cantilenam, per mediam labimur civitatem læti. *Erot.* Miror. Sed quid? callebatis natandi artem sine præsidio pueri omnes? *Pamp.* Omnes probè. *Erot.* Vnde pueri etiam tam bellè illic discunt nare? *Pampirus.* Novisti quid possint in unaquaque re optimi præceptores, scis dein quid non præstet usus assiduus, verus ille demum magister. Huc accedunt velut illecebræ quædam ad hoc studium, fluvius amœnissimus, vicinûsque lacus. Diceres infantes mox, ut nati prodierunt, huc velut alludere. *Erot.* Dicis anatum, non hominum prolem. *Pamp.* Tradunt hanc artem alij alijs velut per manus. Sumna, videres ibi veros demum Delios natatores juxta Parœmiam. Neque vero solum pueri, sed & puellæ incundum tibi præberent spectaculum. *Erot.* Puellæ? *Pam.* Sic, æstate, vespere sereno, aqua diurno temperata sole, gregatim balneant post cœnam, faterere Phocas atque Delphinos sic ludere in aquis. *Erot.* Non mirum, si

omnes marini dijq̃ue deæq̃ue illic habitarent velut loci penates. *Pam.* Grandiores, pueros vulgo docent, ac dant in hoc etiam illis doctores certos, quæadmodum legimus Delphinos proli tradere aliquem annosum præceptorem, à quo discant, quod deinceps sit illis futurum usui capiendis celeriter prædis. *Erot.* Credis esse vera isthæc? *Pampirus.* Veriora sanè, quàm si ea tuus ille certissimus probatissimusq̃ue protulisset scriptor. Hæc qui prodidit, professus est historiographum. *Erot.* Ridiculum, istiusmodi scriptores generis non pauci sunt, qui cum se in frontispicio librorum profiteantur historiographos, mythographi verius dicendi erant. *Pamp.* Parum quidem tu ista verecundè. *Erot.* Nisi fortè hoc illis nomen ea tribuendum figura est, qua Lucianus veras sese scripsisse fatetur narrationes. *Pam.* Utcunque sit, ad id, quod institueram reuertar. *Erot.* Benè. *Pam.* A lotione recenti, plerunque cubitum mox eunt non indutis vestibus. *Erot.* Delicatulì Asiànì. *Pam.* Vidimus toties paria in multos pronatare passus, inito velut

to velut certamine, viros & fœminas, perinde atque bijuges equos. *Erot.*

Quid ego audio? *Pamp.* Id quod dico. *Erot.* Quid dicis Pampire? *Pamp.*

Id quod audis, nimirum rem ipsam.

Erot. Quid? An non illic pudefiunt puellæ nudatæ? *Pam.* Interulis utuntur in hoc commode factis. *Erot.* Ar-

bitror illas, si ars modo adsit, habere nescio quid commoditatis hoc in studio-

magis, quam viros. *Pam.* Bellum atque festivum hominem, sicine tu

huc cogitas? Ita ne curiosum esse te? *Erot.* Ni fallor miscentur dulcia in me-

dijs aquis non raro colloquia, si minus mutuos licet amplexus. *Pam.* Imò

contrahitur aliquando etiam matrimo-

nium ibitum, in alto fluminis gurgite, non Iunone equidem pronuba, ar-

bitror, sed Nereidibus. *Erot.* Dic age obsecro, ubi deinde nuptiæ, in aquis-

ne more ranarum, sine terra celebrantur? *Pam.* In vino. *Erot.* Animantia

mihi dicis prorsus amphibia, monstri, per Iovem, simile, utrumque tam facile innatare sexum. *Pam.* Vix alibi

præterea videas. *Erot.* Cæterum quæ res docet anates, anseres, fulicas at-

que

que mergos statim, ut nati sunt, nat-
tare? nam de piscibus non valde mi-
ror. *Pam.* Natura ipsa. *Erot.* Sed
doce quæso, unde tam facile innatent.

Pamp. Latis pedibus, ijsque plicatili-
bus loco palmularum in remis com-
modè utuntur. Nunc expandunt, mox
in retrahendo complicant. Deinde plu-
mæ, quæ in his avibus tenuiter made-
factæ nihil officiunt, sublevant etiam
magis quàm deprimant. Quin idem
miraris in quadrupedibus plerisque?

Erot. Adeo solum hominem infœli-
cem ac rudem nasci rerum omnium?

Pampir. Sic fert sors nostra mortalium
scilicet; Tametsi & infans natat. *Erot.*

Verum, sed biennio toto in proprio lo-
tio cujus affixus cum infœlicibus fas-
cijs. *Pam.* Illud non parum admira-

tionis, Erotes, tibi adferret etiam, si vi-
deres quomodo in eadem civitate,
quemadmodum & Basileæ ferè atque
Constantiæ, de excelsis sese præcipitent
pontibus. Est Turregi venustum tem-
plum, quod cum in modum rostratæ
sit in Lymaco extructum navis, ab a-
qua nomen habet. *Erot.* Quid dein-

de? *Pamp.* Circuitus est perelegans
circum

circum circa, nisi qua in arctoam plagam pons operosus jungitur ecclesiæ. *Erot.* Perge, *Pam.* Eo loci admirabile videres æstate certamen juvenum. Per eum ambitum incitato cursu alios alij consequuntur in eam templi exteriorem partem, qua proræ instar fluminis impetus exceptus hinc atque hinc scinditur. *Erot.* Quid tum ibi? *Pam.* Ex eo loco præcipites defiliunt in fluminis profundum, idque ordine. Senatusconsultum est, ut qui jam devolaturus proximum aliquem sequentem nomine non compellarit, vel etiam non secum ex imo fundo argumentum ac velut testimonium quoddam, lapillum seu aliud quiddam, retulerit, pœnam luat eam, ut indutus interula, deinde ab alijs præcipitetur. *Erotes.* Grave decretum. *Pam.* Tibi sanè, mi *Erotes*, intolerabile adhuc foret. Ibi cerneres primum alatos pueros, mox trutas, postremo fundulos: Nam vitreo colore fluvijs est. *Erotes.* Non mirum, si hoc modo præcipitati caput graviter in fundo illiderent. *Pampir.* Præsentis delabuntur manibus. *Erot.* Cur non pedibus præmissis? *Pampir.*

jussu superstitiosæ cujusdam anus, frustra in balneum calidum ex frigido portatus est. *Erotes.* Miseram lotionem.

Pampir. Ut illic, opinor, calore fatus, quemadmodum gryllus, revivisceret. Non multum dissimile fatum alibi hisce perpessam oculis vidimus natricem quandam insignis formæ.

Erotes. Hydrium dicis? *Pam.* Non, sed lepidam puellam, dixisses Nympham.

Erotes. Cur non miseratus succurrebas pereunti.

Pam. Quid facerem admodum puer.

Erot. Iam quod tua dixero pace, Cur obsecro natricem adpellas, cum id sit genus serpentis.

Pamp. Præstantem Grammaticum. Quid verat, cum serpens natrix à nando sit dictus, quemadmodum idem Græcè hydrius ab aqua, in qua potissimum habitat, quo minus vocarem puellam nan-

tem eadem ratione natricem à nando, ut à natando, natatricem & natatorem, à dando datorem & datricem, à stando statorem ac statricem?

Erotes. Atqui quemadmodum à nando non receptum est, ut dicamus natorem, sic hinc non existimo doctis probari, ut natricem statim de muliere dicamus.

Pampir.

Mistas

Missas faciamus has Grammaticæ argu-
rias. Vtunque vocetur, perijt indi-
gna morte venustissima in primo flore
puella. O si quis propitius deus juven-
tæ misertus, ipsam eripuisset mutatam
subito vel in avem. *Erotes.* In anum
rugosam & silicernium, sat scio, non
isto esses misericordiæ adfectu. *Pam.*
Probè divinas, nequè tu quidem, si
verè te hæcenus novi. *Pam.* Est adhuc
aliud natandi genus, resupinum vide-
licet. *Erotes.* Benè mones. Vidi &
ipse hujusmodi quosdam nantes, ac
non mediocriter admiratus sum toties
hominum insignem solertiam. *Pam.*
Hoc, ut egregiè fatear, magis ad osten-
tationem & risum spectatōribus mo-
vendum inventum est, quàm ad usum
atque necessitatem. Tametsi non eo
inficias, qui hoc probè calleat, eum sic
subinde fessum nonnihil posse inter-
quiescere. *Erat.* Sic enim putabam
& ipse. *Pam.* Plerique sic nantes e-
um resupini manuum pedumque mo-
tum, quantum quidem fieri potest, re-
ferunt, quem proni. In hoc tamen
adhuc vehementius aberrant, quod
certatim manus atque pedes supra a-
quas

quas feriendo, ipsi sibi ita eas inquie-
 rant, ut crebris procellis ampullisq̃ue
 urgentibus vix ore subinde vel tenuiter
 adaperto liceat interspirare. *Erot.* Cre-
 do. *Pam.* Tu vero si hoc quoque na-
 tandi genus ex me verè cupis assequi,
 diligenter observa quæ ante dicta sunt,
 ut ea quoad licet, huc accommodes.
 Atque ecce jam tibi ocularem monstra-
 tionem. *Erot.* Obsecro prelude. *Pam.*
 Sic posthac me repræsentabis. *Erotos.*
 Si queam, quam vellem me posse in o-
 mnibus agere simium quendam atque
 mimum tuum. Ars artem sequitur.
 Quam leniter laberis, ut vix aquam vel
 tantillum moveas. *Pam.* Atque hoc
 sanè est artis: Vides, Erotes, omnia?
Erot. Etiam. *Pam.* Verum ita con-
 tuere cuncta, ut serves, ut imiteris
 posthac. *Erot.* Equidem sedulo admi-
 rar, neque dubito quin te adjuvante
 brevi successura sint omnia. *Pamp.*
 Hinc alia nascitur ratio, si ita quietus
 & immotus videri vis aquis sublimis
 deferri, ut vivere quidem credant ho-
 mines, qui fluitantem forte conspexe-
 rint nescij. *Erot.* Qui istuc fit? *Pam.*
 Videbis. Supinus te committe aque,
 ita po-

ita posito & capite & pedibus in longitudinem. *Erot.* Intellego. *Pamp.* Atque pedes accuratè ac pressim junctos serva. *Erot.* Probè. *Pam.* Itaque jace quasi mortuus feretro impositus. *Erot.* Trunci instar, inquis, ejus, qui apud historiographum illum irrefutabilem Æsopum nostrum datus erat rex lascivis, refrenibus, delicatissimeque ranis? *Pam.* Sic quemadmodum dicis. Verum heus tu cubito utroque utrique adpresso lateri, manibus sic celeriter motis, atque quasi evibratis lude, quemadmodum in aëre avis quædam ex genere accipitrum uno quidem loco consistit, libratis concussisque perniciter alis: vel quemadmodum piscis pinnulis utrinque sese agit. Manus autem non, ut prius, obverte, sed quo nullam prorsus cites motionem, sic move, quemadmodum laminam cultri cum cote acuis, velut aquam tranquillam subtiliter scindens. Cæterum autem, quo commodius feraris, retento, quàm diu poteris, spiritu, corpus tumefactum redde, ac celeriter vel per nasum respira, ita uti mox iterum inflere. *Erot.* Ausculto, perge. *Pamp.*

Pamp. Caput cave rollas, quasi pronus natares, suppositumque veluti haberes cervici pulvinar: Eo enim sublato teipsum proderes, simulque efficeres, ut posterior tui pars deprimeretur, dissona jam reddita corporis harmonia. Sat erit si facies modo ipsa emineat. Porro autem, cum cœperis jam nonnihil sidere mergique posterius, illud age quàm potes quietissimè tum pedibus subremigando, in priorem te redige statum atque habitum. Atque adeò hujus tibi ecce quoque imaginem, ne sit in quo præceptorem possis culpare tuum. *Erot.* Quantum vero interest mihi *Pamp.* re ipsa referre cuncta, quæ verbis præceperis, quam fœliciter succedit, quàm doctè repræsentas omnia: vel lapidem doceas mollescere, cœcum videre, surdum audire, mutum loqui, stupidum sentire. *Pamp.* Ne nimium laudes. Cæterum, ut dixi, est hæc adeò res ad homines reperta ludificandos. Quod quidem ipsum cum alibi, tum sapius Viennæ Austriæ admisi. *Erot.* Recense ex more. *Pam.* Derivatus est ex Danubio fluvius justus, qui, quemadmodum Ingolstadij, mœnia penè

penè alluit ipsa. Illic in littore videres ingentem aliquando lotricum effusam multitudinē, *Erot.* Expecto. *Pamp.* Ex insula, quam circumfluit parit Danubius, supra civitatem in fluvium toties me misi. Illinc sic resupinus, quo modo jam natavi, cum medio delaberer alveo, facie tantum superante, fœminæ conspicatæ sunt, diuque dubiæ hærentes, cum nullum prorsus animadverterent motum, ex quo vitæ superstitis sumerent argumentum, commiseratæ tandem alta exclamavere voce, suffocatum undis cadaver sublime ferri. Memini aliquando me non potuisse risum tenere, itaque quemadmodum Sorex me ipsum prodebam, fucis rursus simplicibus factis. Quinetiam quodam tempore cum eidem insisterem ludificationi, piscatores falso opinati mortuum, ut tollerent, lintre festinè adpropinquabant. Verum ubi dolum sensissent, non sine quidem risu indignabundo redierunt. Triumphabam ego, quod jocantem non persequerentur, contisq; vel remis duriusculi exciperent, ut est genus hominum verè Scythicum. *Erot.*

Dignus

Dignus quidem fueras hominum impostor versute. *Pam.* Itane? *Erot.* Callidus simplicium inescator, quàm præstantem ageres in Comœdia personam. *Pamp.* Equidem hic tutius se personatum progredi in proscœnium, quàm illic in hunc agere modum. Est porro, Erotes, adhuc tertium quoddam genus in aquis ludendi, quod non admodum, quo conducatur, video, Calcare aquas nominant vulgo, fortassis hoc conducibile, siquid, jacendo quod efficere non possis, stans interea pusillum temporis commodius perficias. De quo quidem breviter succincteque hæc, Erotes, habeto. *Erot.* Si desunt araneis fila, deest Pampiro ars ex arte progressa fluens. *Pamp.* Constitue te rectum in fluvio, manibus id age quod resupinus quiete quidem natans, doceris, mox retine & hic spiritum. Deinde alternis pedibus ita aquas subtus calca, quemadmodum, ut crassa te doceam Minerva, in torculari autumnî tempore botros solent rustici. Atque audi in torquendo digitos pedum memineris junctos tenere, in reducendo divisos, ne quantum prius

h proficiens,

proficiens, te sursum libraſti calcando, tantum jam indoctè ſublevando pedes, ruſus impediens teipſum deprimere. Atque hic quidem cum anſeribus & anatibus plicatiles optarem nobis pedes, quibus indiſtriè, cum commodum eſſet, uti poſſemus. *Erotes.*

Non malè rationaris. *Pamp.* Sunt Scioli quidam, qui cum vix hunc in modum quatuor oculi nutus ictuſvè poſſint ſciantque durare, tamen mirum quantopere ſeſe hic venditent.

Erotes. Equidem audivi ego quosdam ſæpenumero etiam gloriari. Itaque ſubmirabar ſubinde tacitus mecum, quale nam iſtuc eſſet exercitium, qualis ſcientia. *Pamp.* Atque his ſanè glorioſulis amice ſuaſerim, ne longius à portu ſeſe conſciant in altum, ut huc velut ad ſacram ſemper anchoram, ubi ars illos deſtituere cœperit, conſugiant ſtatim. *Erot.* Fortaſſis id in

genere dicis de ijs omnibus, qui artem ſemel totam natandi non rectè didicerunt. *Pam.* Dico. *Erot.* Vulgo fertur, hanc potiſſimum diſci, cum incidente periculo cœperis ore jam aquam combibere coactus. *Pampir.* Nihil

minus.

minus. Imò contra, in eo rerum articulo videmus persæpe, ut qui perfectè alioquin hanc calluere artem, ejus obliviscantur terrore jam concussi, atque percant. *Erot.* Itaque fit opinor, ut aliquando ipsi Delij etiam suffocentur natatores. *Pampir.* Benè. Nec vero hoc solum hic usu venit, verum in alijs multis præterea rebus, ut timor gravior atque adeo stupor ipse tibi eximat ejus rei, quàm probè noveras, memoriam, scientiam atque usum, adeoque inducat gravem profundamque oblivionem. Quid enim aliquando accidit etiam oraturis publicè, cum circumfusæ celebritate coronæ quassati obmutescunt? *Erot.* Vidi ipse his oculis. *Pam.* Quid item optimis gladiatoribus aliquando, cum vel ira commoti, vel metu fracti, oblivioni traditis prorsus artis legibus omnibus, ita feriunt, ita cum adversario antagonistaque rem gerunt, ut rustici solent, artis prorsus expertes. *Erotes.* Vera tu. *Pam.* Natantes autem non pauca manent præterea pericula. Sunt frigidissimæ in aquis medijs venæ, quæ crebrius occurrentes lumbos laxant, ac

corpus frigore insolito quassatum tandem prorsus labefactant: quo deinceps si accesserit spasmus, natantium illa quidem plerunque præsens certaqué perniciēs, actum fuerit, ita enim membra prius debilitata constringit, ut non amplius remigio possis uti consueto.

Erotes. Atqui sunt, qui contra hanc contrahendi vim, remedium se nosse præsens profiteantur. *Pam.* Fortassis, verum illi, ô bone, non possunt periclitantibus semper præsto adesse. *Erot.*

Quod si contingeret, ut alteram vel manum vel pedem hoc mali corriperet, posses quidem tu, Pampire præceptor, nihilo tamen minus aliquandiu durare?

Pam. Vbi? in fundo cum fundulis? hoc enim vel aliàs facile liceret. *Erot.*

Ludis tu me, etsi probe quid velim adsequaris. In suprema, inquam, aqua incolumis. *Pam.* Sanè possem, ea

est hujus præstantia artis. Et tamen si diutius eliet natandum velut dimidiato, non posset non periculum imminere tandem. Novisti enim quid valeat currus altera illisa rota, quid volucris, cui una modo sit ala, quid homo, altero privatus pede, quid navis biremie

antea,

antea, uno jam amisso ordine. *Erot.*
 Novi. *Pamp.* Tu hoc unice semper
 discipule velis ante oculos habere tuos,
 memoriq̃ue condas mente, ut cum
 hanc benè didiceris artem, ita flumi-
 nibus lacubusq̃ue te credas, ita te pares,
 quasi semper sit natandum. Pãres, in-
 quam, te ad extrema omnia, ita fiet,
 ut quidquid casus sese obtulerit, minus
 noceat præmeditatum atque ante expe-
 ctatum prudenter cordateq̃ue. Quem-
 admodum minori malo ex proviso de-
 scendimus, vel etiam necessitate cadi-
 mus in foveam, quàm ex improvise
 repentinè. *Erot.* Næ tu verè omnia
 narras, atque istuc si faceres semper.
Pam. Quid istuc est verbi? Ita ne du-
 bitare te discipulum de fide atque con-
 stantia magistri? Sed pergo docere.
 Cum flumen pedibus transis, ita sis
 affectus ac paratus, ut semper quidem
 ante te esse vel gurgitem imaginere vel
 foveam, vel denique obstaculum ali-
 quod occultum atque insidiosum. Ita
 cautè procedenti tuta aut certe minus
 periculosa sunt omnia. *Erot.* Teneo,
 futurus, nedubites, cunctorum me-
 mor. *Pamp.* Sic etiam, cum natas,

faciendum tibi. Longiore fessus natatione, interquiescere alibi cupiens, vel alias vadum inquirere percontarique tentans, sic sensim pedes demitte incurvus, quasi non sis vadum attactu-
rus ipsum. Siquidem multis ex metu hic perniciēs accersitur, dum quod sperant, non inveniunt, ac sic repente attoniti, desperare prorsus jam incipiunt, artis obliviscuntur imagine odiosæ mortis, atque incompósito luctamine fessi tandem concidunt, prædaque fiunt piscibus infælix. *Erot.* Habeam malè propitias omnes semper Musas, nisi rectè moneas. Meminero omnium, quæ non minus sapienter doces, quàm cordatè atque fideliter præhortaris. *Pamp.* Tu apud te semper fies, qui quidem ipse primus est præcipuusque servandæ gradus salutis. Neque tam temerario ausu, quemadmodum ego toties feci, uti etiam referens nunc exhorrescam, te aquis quibusvis, ut ante monui, credito. Illud enim est tentare fortunam illam mobilem (nescis?) atque rotundam Deam, arte abuti, & vana ostentatione tibi tandem malum, quod poteras præcavere, conciliare.

Erot.

Erotes. Prudenter & isthac. *Pampir.* Quos ego enim non fluvios, quos non lacus laceffiivi? De qua adeo re, hoc est, inconsulta temeritate, si tibi, Erotes, inciperem recensere, dies me hercle ante occideret, quàm absolverem. Proinde quod vivo etiamnum ingrattissimus habendus sim, nisi jugiter cum animi gratitudine acceptum referam summo Iovi, ipsique adeo Neptuno, non poëtico illi quidem & mendaci, sed illi, qui celeri toties gressu mare summum divinis transijt plantis, Tyberiadis, ad cuiusque comminationem consilesunt verè omnes fluctus. Qui ventis non ijs, quos Æolus emitit in pium Æneam, sed ipsis ventis imperat, & iussi parent. *Erot.* Est sanè aliquid divinum agnoscere beneficium, propriam detestari temeritatem & malitiam, ab eaque maturè discedere. Expertus multa, potes item multum posthac monere multos, quemadmodum suo malo prudentes sapèque infœlicius jactati nauræ. *Pam.* Scilicet rem ipsam acu attigisti mi Erotes. Neque enim mihi ubique lata omnia obvenêre. Nam non semel ita sese Rhamnusia

ostendebat alibi, ut vel nutu satis significaret, se versuram tergum mihi, si pergerem perpetuo frustra esse audax. *Erot.* Imò subindicabat, opinor, nisi desisteres effecturam se, ut experirere aliquando te non frustra esse audacem, sed in tui ipsius perniciem. *Pam.* Docte colligis, maximè cum ab undis etiam non raro, ut meminimus, eximijs sit periculum natatoribus. Cujus sanè rei vel unum proferre exemplum libet, quod tamèn sine animi dolore etiam hodie post tot annos vix facere possum, ut amici singularis tristem recenscam casum. *Erotes.* Incipe. *Pamp.* Egressi eramus nostrum trigeni circiter, aut eo plures studentes Viennæ, in Danubij insulam illam (cujus adeo ante facta nobis est mentio) amcenam. Tempus tum & locus invitabant, ut ijs nos adficeremus voluptatibus, quas vulgus literatorum Fontanium vocat, nimirum à fontibus, ad quos ejusmodi studia potissimum peragi solent. Atque utinam apud fontem aliquem tum, non tam potentem fluvium essemus delitiat, ita, uti rerum versa tandem facie, omnis voluptas transfret in luctum

Am. *Erot.* Ausculto qui finis. *Pam.* Præter reliqua studia & exercitamenta, parsetiam in vicino flumine, exemplo Romanæ olim juventuris, nos exercebamus. Ego cum Danubium semel iterumque tranassem, amicus, quem dixi, & natalium splendore clarus, & in bonis literis non trivialiter versatus, dum medio lætus labitur flumine, nobis in littore aliud agentibus, mox væ exclamat, respicimus. Quid multa? illico pereuntis agnosco gestus, oblitus enim artis omnis, quam callebat, si quis certè inter nos alius, insigniter atque eximiè, manibus divisis ac pedibus subsultabat identidem. *Erot.* Miserum aspectum. *Pamp.* Aquam evomebat, nunc capite extans, nunc rursus mergebatur miserè, idque antequam periret diu faciebat. *Erot.* Cur nemo ex tanto sodalium grege suppetias ferebat pereunti? *Pamp.* Aberrant, amice, longè naves, neque quicquam mecum in tanti volebat fluminis medium pronatare. Neque sanè solus audebam me tanto credere periculo, ut imbecillis tam forti atque corpulento succurrerem homini. *Erot.* Sapiuisti

tu, neque suafurus tibi quisquam fuerat, nisi qui perditum te cupijffet, quæ cauffa autem interitus erat? *Pamp.*

Mors. *Erot.* Quid id responfi? quæ, inquam, cauffa mortis? *Pam.* Interitus.

Erot. Pergis ludere in re tam feria, & in luctu tam trifti amici? Cum mors nihil aliud fit, quàm interitus, mors mortis cauffa effe nequit, fed caufantem aliam oportet præcedere mortis cauffam.

Pam. Ignofce obfecro, jam extra jocum, fufpisor fuiſſe ſpaſmum.. *Erot.* Veriſimile. Cæterum

periclitantibus in medijs aquis profundioribus, poteſtne quis ſine lintre ſubvenire? *Pamp.* Poteſt aliquando. Si-

quidem ipſe ego quinque liberavi certo alioquin perituros, hac fretus induſtria, nec quidem ſine gravi vitæ periculo. *Erot.* Egregium ſervatorem. *Pam.*

Verum quo minori tamen id fiat discrimine, cum paro ſuccurrere, nec adſit navicula ulla vel ratis, religio ſanè mihi eſt, pronatare, niſi atrepto fuſte, vel tabella.

Erot. Quid cum ijs? *Pam.*

Vt porrigam periclitanti. *Erot.* Quid

deinde? *Pam.* Iubeo adpræhendero manu, ipſe altera cautè tenens. Atque

ibi

ibi tum, quo fortius lignum in altum tollere possis, simulque infœlicem sic nonnihil sublevare, donec ad sese redierit, si modo redierit, utile fuerit etiam scire tum rectè, ut docui, aquam calcare. *Erot.* Credo. *Pam.* Vni-
ce cavendum autem, ne dimisso ligno, te præhendant. Siquidem in eo rerum statu, mordicus pressimque tenent, quidquid semel adpræhenderint. *Erot.* Audivi. *Pam.* Cumque in hunc modum jam morti proximi conantur evadere, pereunt cum ipsi, tum perdunt etiam lachrymabiliter simul eos, qui amicè succurrere parabant. Ita enim retinent, ita inhærent, ut natare non possis. Profuerit juxta dictis illum compellare amicis, ac spe salutis subinde injecta, animare luctantem, ut fortiter agat, ac redeat ad intermissam metu natandi artem, velit meminisse manuum pedumque. Quod si hac nihil promoveris ratione, satius est unà cum ligno relinquere hominem, quàm ut simul pereas. Et tamen nihil non tentandum, si quà possis pereuntem eripere, quod uti commodius fiat, monendus identidem, ut tibi obsequatur.

ut na-

ut natando eò te ducentem trahentem-
que ipsum sequatur, quo ad proxi-
mum invites portum. *Erot.* Necessè
est una tum scire natare manu. *Pamp.*
Est. Erot. Sed si is, cui auxilio venire
cupis, prorsus artis expertus est, qui libe-
rari & ipse potest? *Pam.* Non facile,
nisi lignum grandiusculum tecum li-
cuerit sumere, puta asserem vel trun-
cum, ac percunt ejusmodi prius, quàm
poteris ad eos pervenire. plerunque.
Erot. Debent adeo post Deum vitam
tibi, quos ex undis recepisti. *Pamp.*
Debent, ac susceptorem candidè Ana-
baptistæ illi atque retinèti homines a-
gnoscent. Postremo cum Ingolstadij
passibus à civitate circiter trecentis,
cuidam in Danubio jam extremè labo-
ranti ac semimortuo pararem succurre-
re, prioremque illum, qua parte com-
modum erat, arripere, cum subito a-
mici perculsus casu illo quidem tristis-
simo, mergi instar nunc mergentis,
nunc emergentis, nihil mecum præsidij
in tanta festinatione recepissem, sic de
alta ripa desilio latè in fluvium, adeò
gravi exceptus casu, ut ilia esse rupta
subformidarem: ille mox ex imo sub-
siliens,

siliens, solem postremò visurus, prior me contrarijs votis dextroprehendit brachio, sicque tenuit. Vnde nisi superiora omnia tentassem, monitusque paruisset, certo me fuerat docturus ille, ne de cætero cuiquam amplius succurrerem. *Erot.* Satis temerariè ibi te undis credebas. *Pam.* Quid facerem, ubi res nullam patiebatur moram? Reversus ad se testabatur sub undis sibi omnia visa flavi viridisque mixtim coloris. Iam testamentum condiderat in imo gurgitis. Iam illa secum, vixisti semel, jamiam cognosces, quæ tibi toties de inferno, quæ de cælo dicta sunt. *Erot.* Sunt istæ scilicet sollicitæ meditationes mortis. Cæterum fuisti ne ipse aliàs in periculo, unde salutem tibi ex arte tua potueris promittere, vel unde, quod servatus es, debeas isti acceptum referre scientiæ & industriæ? *Pam.* O bone non semel. *Erot.* Fortassis tua culpa incideras atque temeritate in periculum. *Pam.* Non semper, sed vel casu, vel nautarum negligentia & inscitia, ut intelligas hanc artem non minimum præstare auxilium salutis tuendæ, si quis quemadmodum

admodum oportet, sese rectè gesserit.
Longum autem foret percensere, quo-
ties, quibusq; locis, me ita servarim ipse.
Erot. Vbi facilius nates in stagno ne
vel fluento? *Pam.* Quo rapidior est
fluvius, hoc minori in eo nates nego-
cio. Siquidem in Ara nobili Helvetiæ
flumine, vel Thracico Hæbro, malo
nare, quàm vel in Lugdunensi Arari
(cujus adeò meminit Poëta) vel lacu
Lemano, in cujus ripis illa generosissi-
ma nascuntur vina Ripensia. Siqui-
dem impetus celerius labentis aquæ,
sine penè nisu & luctamine amnis, fa-
cile supernatantem defert, ita ut mul-
to diutius longiusque nates in flumine
cito, quàm undis tardis atque stagnan-
tibus, ubi majore est opus sudore, ut
promoveas. Quemadmodum volucres
secundo vehementique vento celerius
feruntur, quàm aëre tranquillo ac se-
dato. *Erot.* Quid si incideres in vor-
ticem atque gurgitem violentiorem?
quid ibi tum, artifex Pampire, ne vel
mergare, vel toties in gyrum redigaris
defessus, aqua redeunte perpetuo in or-
bem? *Pam.* Benè mones, neque hic
me imparatum inertemque cognosces.

Vbi

Vbi enim in ea loca incidere contigerit, tum vero memor artis vel maximè, armo me contra, colloque subrecto alabens, non patior me priorem arripi, sed sublatis brachijs, sævientis undæ æstum alternis ictibus disturbo atque diffringo. *Erot.* Obsecro te, ita ne agis? *Pam.* Scilicet, quod si pugnorum crebra, acrisque verberatio palmarum non suffecerit, projectis à tergo pedibus, instar petacium equorum, non sustineo, ut posterius etiam arripiar in fauces hiantis undæ. *Erot.* Video instructum te in omnibus. *Pam.* Atque sanè id imprimis est necessarium natantibus. Sunt enim multa accidentia hujus artis, quibus consummata ac perfecta redditur. Siquidem in procellis etiam alternatim nunc adsurgentibus, nunc rarefcentibus (quas & ipsas frangere artis est) non simplici sanè utendum est natatione, sed commodè nunc cedendum, nunc contranitendum mediocriter, ne nimia veluticum adversarijs pugna fervente instantius defatigare. Dabitur & hujus documentum tibi, cum aliquando scdè obtulerit locus procellosus atque vorticibus

vorticibus infestus. Atque adeò si celsus jam ad pontem Reinfeldiæ supra Basileam, vel in eo Danubij loco, quem vulgo ob aquarum sævientium, scopulorumque pericula, •Strudel vocant, daretur occasio hujus demonstrandæ tibi rei. Nam Cataractæ illæ Schaffhusianæ, præcipiti inauditoque lapsu & fragore superant omnem prorsus natandi artem. *Erot.* Multa sæpe de eo loco audiui, sæpiusque optavi coram videre omnia. *Pam.* Præcipitat se Rhenus de altissimis saxis, velut cum loci iniquitate pugnans, maximoque strepitu ita delabens, ut in vicinis molendinis tua ipsius verba non exaudias, itaque fit, ut perpetuo sono quidam illic etiam penè surdi reddantur. *Erot.* Oportet egregios ibi esse Stentores. *Pam.* Iam ipsum tumultuantium aquarum horrendum murmur reductis rupibus exceptum atque inclusum, Echo protrahente, æris instar Dodonæi longum resonat. In præcipitio putares farinam decidere, non aquam, adeò totus fluvius in spumam resolvitur. *Erotes.* Quid cum navibus, quæ illuc feruntur, agitur? Possunt

Possunt ne vel exoneratæ funibus illac demitti, quemadmodum alibi fit? *Pamp.* Nihil minus: sunt aut frangendæ, aut adverso flumine reducendæ laboriose sanè. Quanta, Dij boni, pecuniarum vi illa redimeretur, si esset possibile; incommoditas, hoc est, uti ea quoque parte esset navigabilis Rhenus. Nunc bona ac merces difficili via, terra aliquandiu necesse est plaustris devehì, non sine magnis impensis, ac jactura priorum navium, donec in alia recipiantur multo inferius navigia. *Erot.* Grave sanè dispendium. Esset ibi opus Hercule, qui saxa disijceret, æquaretque commodius locum. Cæterum arbitror illam tristissimam maris tempestatem, quam nequam venti ab Æolo velut effrenes ex schola emissi discipuli, conciverant, omnem quoque tum vicisse natandi scientiam, quando, hi summo in fluctu pendent, his unda dehiscens, terram inter fluctus adperit, furit æstus arenis. Ubique: Adparent rari nantes in gurgite vasto. *Pamp.* Equidem ignoro, cum fatalis illa fuit conturbatio. Et tamen fieri potuit, ut hujus periti artis, maximè quibus datū

i

est asse-

est asserem, vel aliquid adprehendere aliud, aliquot incolumes evaserint. Cum apud eundem quidem Poëtam legimus, quid hæc cognitio optimo Palinuro (in quo adeò omnem salutis spem ponere consueverat dux Æneas) profuerit. Cujus hæc verba sunt de se ipso loquentis:

*Tres notus hybernas immensa per aquo-
ra noctes,*

*Vexit me violentus aqua, vix lumine
quarto,*

*Prospexi Italiam summa sublimis ab
unda.*

*Paulatim adnabam terra iam tuta te-
nebam,*

*Ni gens crudelis madida cum veste
gravatum,*

*Prensantemque uncis manibus capita
aspera montis,*

*Ferro invasisset, prædamque ignara pu-
tasset.*

Erot. Tamdiu potuisse Palinurum na-
tare, in tanta maris tempestate? *Pam.*
Certè, ut Virgilius scribit, quod qui-
dem ipsum eo facilius credideris si te-
cum expendes, quot etiam perpetuos
diesque noctesque, ut author est Ho-
merus,

merus, Divinus natarit Vlyſſes, æquore
 nihilo mitius furente, cum relictæ,
 numinis juffu, Calypſo, patriam pete-
 ret Ithacam. *Erotes.* Verum, ſed dea
 Ino tabulam porrexerat ſalutarem ac
 ſubſidiariam, cui innitens incolumis
 nataret Vlyſſes. *Pamp.* Verum, ſed
 aliquid eſt, tanto tempore in tam æſtu-
 anti pelago potuiſſe vel pedibus doctè
 ſubnatare: quod ipſum quoque pleri-
 que ignorant, tantum abeſt, ut ſciant
 prorfus natare. *Erotes.* Obiter jam
 mihi ſuccurrit; cum ante annos paucos
 victrici redimitus lauro imperator Ca-
 rolus ex Libya reverteretur, miſerabi-
 le illud naufragium, quo milites plus
 minus ſeptingenti periſſe dicuntur,
 quam tum putas fuiſſe rerum faciem,
 cum alij alios impedirent? *Pam.* Lu-
 ctuoſiſſimam, & tamen aliquot ena-
 taſſe feruntur. Excepit inſœlices illos,
 qui fortaiſſis haud ſatis conſulto com-
 pendium affectantes quæſierant, non
 hospitaliter vicina Charybdis. *Erotes.*
 Nimirum ut aſſolet, monſtrum horren-
 dum, non fruſtra à Poëtis tantopere
 decantatum. Sed quid tu ſi ad fuiſſes,
 facturus fueras, ne unà perires laxis

jam navium ac confractis laterum juncturis, artifex bone? *Pam.* Tamen ne sic quidem animum despondissem omnem. *Erot.* Qua obsecro spe suffultus? Vbi una spes victis nullam sperare salutem? *Pam.* Non meministi, quid de Palinuro ipsoque adeò Vlyssè dixerim? *Erot.* At non perinde cuivis succedit negotium periculosum. *Pam.* Quasi Christus, tanquam propitius Neptunus, non hodie etiam suis inlatus ex supplici pectore subvenire soleat. Verum audi, in eo casu, ita salutem quæsiissem, ubi periculum certum imminere videns, sentirem omnino esse natandum, maturè abjecissem (idque eo prætextu, quasi sic accinctior accedere vellem nautis auxilio) quæ futuræ natationi inhærentem impedire potuissent. Quemadmodum Vlysses fecisse perhibetur, cum Deæ jussu de fracta sese præcipitaret râte, relicta post se etiam incomparabilis pretij veste, quam abeunti dono ac velut sui perpetuum mnemosynen dederat adamata diu Chalypso. Cujus pretiū si præposuisset saluti, quid an non nimio pressus onere mox periisset? Ut intelligas nobis

nobis omni chariorem thesauro vitam esse merito debere. *Erot.* Vera prædicas. *Pam.* Iam me sejungerem ab alijs quantum possem, ut quando visum esset, præcipitarem me vel ex puppi vel prora. *Erot.* Audio : sed quid si in te liblassent lanceas ? vel jaculis mox tractum perfidiæ pœnas te dare docuissent ? *Pam.* Non est perfidia in huiusmodi necessitate quærere salutem. Sed pergo, ut solus natans liberius in portum profugere possem. Siquidem in ejusmodi fortuna non leve imminet periculum à comprehensantibus odiose vicinis, atque importunè ex desperatione inhaerentibus socijs. *Erot.* Credo. *Pam.* Circumspicerem tabulam aut lignum grandiusculum fracta ac subside jam navi, quod id præstaret, quod præstitit, ut diximus, Vlyssi fatalis tabula juvantis Nymphæ, ac tale procurarem, si liceat, præsidium, cum longius esset enatandum. Atque in hoc Eroles, fac meum quoque innitere exemplum, ut in aquarum sinistra fortuna, juves quacunque licuerit commoditate natandi artem. *Erot.* Dic mihi Pampire, Impeditus prius, posses in

undis vestes abjicere atque exuere?

Pam. Possem sanè tunicam, diplōida, interulam, ac calceos, si minus caligas, quas cultello commodissimè tamen posses dissecare, si longius natanti putares illas fore impedimento. Atque hæc exequi licet, si aquam ita aliquandiu scias calcare, ut rectus consistere possis. Zonæ vero parcerem quantumvis gravi, in qua gestanda servandaque eo strenuum magis præstarem bajulum, asturconem, sive Tolutarium.

Erotes. Equidem non arbitror hujusmodi sarcina multos ex eo pereuntium grege gravatos nimis fuisse.

Pampir. Hujusmodi quiddam non semel mihi penè usu venisset, quemadmodum sub ponte illo totius Germaniæ magnificentissimo operosissimoque Ratisponæ aliquando.

Erotes. Quid ita? *Pamp.* Rate vehebamur viri, fœminæ, pueri, senes, ut sit, promiscua turba. Nautis benè potis huc constricti deveneramus, ut errorem quem nobis sua inconsiderata loquacitas, ex vino profusa nimio conciliarat, isti deinde corrigere non possent, ut est eo loci flumen rapidissimum, ubi impegissemus in columnam

lumnæ unam, binæ arbores à rare
 solutæ, ibi cursum fixerunt aliquandiu,
 vale dicentes interim nobis. *Erotos.*
 Nemo perierat? *Pamp.* Nemo. Cæ-
 terum vasa duo, quæ eo fortè posita e-
 rant latere, periclitata sunt, verum
 mox rursus recepta. Ibi audisses ulu-
 latum mulierum, clamorem puero-
 rum, senum desperabundos gemitus;
 videsses expassas in cælum manus.
Erot. Quid tu? *Pâm.* Fidebam Deo,
 ac arti meæ. Stabam accinctus in parte
 navis extrema, ut si tristior sequeretur
 fortuna, saltu me præcipitarem seor-
 sim in aquas. Eram infantulum, ex
 matris propè sedentis sinu, si potis fu-
 isset, arreptum mecum sumpturus, ut
 vel hanc servarem animulam perituris
 cæteris. *Erotis.* Piè tu ista cogitabas.
 Similis terror accidit ante annos qua-
 tuor nobis, ad pontem proximum in-
 fra Donoverdam. Aberat tum fortè
 Palinurus, ut vectigal exolueret, gu-
 bernator à pistri nostra, homo torvus,
 dixisses Sauromatam quendam, vel (ut
 verius dicam) ipsum Stygium Charon-
 rem. Inciderat tum repentina atque
 gravissima tempestas. Nix commissa

grandine sic transversa à violento ferebatur vento, ut obscurato cœlo, omnis adimeretur prohibereturque prospectus nobis. Nautæ absentia rectoris tristes, tempestateque perculsi, indicto silentio significabant non leve imminere periculum à ponte. Cum vero nobis nequicquàm nitentibus navis transversim rapta sic deferretur, subsenseram nautas jam secum constituisse, ut sese præcipitarent ante in flumen, quàm navis latitudine adpulla ponti frangeretur, aut etiam unà pons ipse corrueret. *Erotes.* Perge. *Pamp.* Quod ipsum certo futurum erat, nisi nos Deus respexisset. Erat enim navis oneraria, prælonga atque valida, qua ferrum fuerat subvectum Vlmam, perijissent quotquot in Argo fuerant credo omnes. Verum, ut dixi, Deo aliter visum est, ut navis jam ponti imminens, cum ad prosiliendum, ut perniciem anteverterem futuram, essem accinctus, fundo inhærens consisteret ter acta in orbem, ita ut nec proram neque puppim, sed latera obverteret ponti, in quem si imegisset, nec Triton, neque ipsa Cymothoe infœlices hinc detrusissent.

detruissent. *Erot.* Verum quis tandem finis? *Pam.* Mane. Nihil vehementius timebam, quam navem arenis solutum iri. Itaque cum dubij sic diu hæsissemus: Altera nave divina prorsus virgula equi, qui onerariam fursum flumen trahunt, adventant, ab his post miseros clamores & pejectiones impijssimas, quæ sunt ferè quotidianæ istorum hominum præcationes, post multa molimina & labores, navis partim exonerata in litus attracta est, nocte jam profunda ingruente. Ibi pedestri itinere, difficilique planè via monticulus nobis erat superandus ad hospitium usque. *Erot.* Expecto reliqua. *Pam.* Aderant aliquot infantes cum matribus, ex his unum, à parente sollicita rogatus unà cum cunabulis ferebam. *Erotes.* Fortassis pater gestabas filium. *Pam.* Rides tu quidem, non risurus, si in tam tristi adfuisses tempestate. Audi Catastrophen, cum ventum esset ad hospitium, ut intelligas eo die ubique fortunam nobis egregiè adversatam, egreditur Pandochæus tristi vultu, fronte caperata, ubi vidit promiscuam turbam, opinatus

nos esse Anabaptistas, abnuuit hospitium. Rogamus causam. Non est, inquit, admodum pridem, cum ignarus homines recto reciperem hocce retinctos, quod cum præfectus vici cognovisset, minatus est gravem pœnam irrogaturum sese, si ad eundem iterum peccarem modum. Itaqué bonus homo non poterat secus persuaderi, nisi à nautis tandem subsequenter: unde re cognita, veniam precatus exules Anabaptistas intromisit. *Erot.* O quam vellem, tunc istud tuum os vidissem, audissemque colloquia, quam tergiversationem cum Ganymede isto habuisses, nam novi te intus & foris. *Pam.* O Erotes mi, quam vellem, vicissim ea nocte mecum fuisses particeps omnium deliciarum & voluptatum, cum ita tractarer, ut cum Vlyssæ nihil enixius exoptarem, quam si tandem diesceret. Verum hæc nimis prolixè fateor, proinde loquacitati ignosces nostræ. *Erot.* Non gravatim. Cæterum navigaturi olim, Pampire, Neptuni numen implorabant, ventos ipsos tanquàm deos sacrificijs placabant: quod si cui infœlicius cessisset navigatio, existimabatur

tur

tur parum ritè hæc primum peregrisse. Ita ea forsitan die, Pampire, consueta cantiuncula solventes deo illo, vero aquarum tempestatisque domitori, vos non commendastis, quam vulgo cantillant in Danubio navigantes, tanquam læto auspicio cujusque diei cursum exordientes. *Pam.* Imò & divo Christophoro etiam propriam succinebamus cantionem, non Christo solum. Siquidem hic sanctus, ut fortis aquarum calcator, ut robustus gigas nullis cedit fluctibus prodigiosa corporis proceritate, pereuntibus strenuè succurrit vel ex profundis fluviorum faucibus tollens suppressos, in hujusmodi periculis post Deum inprimis est invocandus. *Erotes.* Præstabat simul tempestati nigram obferre pecudem. *Pampir.* Ab Ethnicis ista olim curabantur, superstitione, quibus solenne erat, dijs superis offerre, ut bona darent. Medioximis, hoc est, laribus atque penatibus, ut ignem ac ædes custodirent. Dijs inferis, id est, dæmonibus idem præstabant, ne nocerent. Christianis, Erotes, sat est in impetrandis bonis, ac malis deprecandis, solum unumque interpellare.

pellare Deum nostrum, qui quemadmodum omnia bona largitur absque mensura, ita solus cuncta mala à nobis avertere & potest & solet invocatus. Qui si est pro nobis, quis contra nos? Habet ventos in manu, habet cœlum & terram, mare & infernum: habet Luciferum, ut nihil nobis nocere possit, modo curemus ut hunc servemus propitium. *Erot.* Tantum valuit mea oratio, ut nunc te audiam Theologum piè ac verè ista loqui. Quod si naufragos fieri eo die contigisset, credin matres cum infantulis eam viriliter enatare potuisse, quemadmodum legimus, mulierem illam viraginem unà cum puello, quem sinistra tenebat, masculo proisus & animo & robore enataste? ἐν τῷ τοῦ ῥημέλεγον τοῦ δ' ἐκείρου Εἰσπομον ναυαγία? *Pamp.* Equidem non putabam, adde omnes non solum fœminæ, sed & viri desperarant. *Erot.* Tu igitur solus Adamum præstitisses sacrificum in strenuè evadendo? *Pam.* Sic bona spes habebat animum meum. Vides igitur quid fiduciæ necessitate urgente in hanc artem sit collocandum, si Christo præcipuè te commendasti,

mendasti, quæ quid præstat, vel ex eo etiam naufragio intelligere poteris, in quo fuit & Paulus Apostolus, cum captivus ex Palestina ducebatur, Cæsari ut sisteretur, res huc devenerat, Erotes, si legisti. *Erot. Legi. Pamp.* Ut qui scirent juberentur natare, quo navis alleviaretur etiam, neque semel omnes unà perirent. *Erotes.* Quod si sanctissimum Apostolum contigisset periclitari de vita in undis ligatum, quis illi tulisset opem? *Pam.* Quis rogas? Is nimirum, qui ante illum, una cum Sila, Philippis ex carcere redemptum eduxerat. *Erotes.* Dic obsecro, quid Petrum, quem Syriacè Cephan Evangelium vocat etiam, ad natandum tam fortem & audacem reddiderat (fortassis quod ut piscator eam probè nosceret artem) ut ad conspectum Domini sui tam singulariter admati, non dubitaret vel vestibis gravatus sese ex piscatoria demittere lintre in medium maris? *Pamp.* Vin scire? *Erot.* Avidè. *Pamp.* Petra fidei, hoc est, firmitas fiducia in Christum. *Erotes.* Cur igitur quodam tempore mergebatur ortis fluctibus?

Pam.

Pamp. Diffidentia. *Erot.* Quid istuc?

Pamp. Nobis in exemplum. *Erotes.*

Exemplum autem? *Pam.* Sic, ut in-

telligamus nostris viribus nihil neque

tribuendum, neque fidendum quid-

quam. *Erot.* Quàm admirando modo

Dominus Iesus aquas percurrerebat sum-

mas, perinde quasi firmum solidum-

que solum. *Pamp.* Quid ni Domi-

nus cœli, maris & terræ, ac verus de-

um Neptunus, non commentitius

ille, de quo Poëta cecinit:

Atque rotis summas levibus perlabi-
tur undas.

Erot. Quàm vero voluptarium fuisset

conspectare (Pampire vides quo reci-

dam?) quomodo impius atque obdu-

ratus Iudæorum persecutor & mastix

Pharao, coëunte in se rursus mari ru-

bro unâ cum universo illo prepotenti

exercitu natasset. *Pamp.* Divinæ iræ

inardescentis illa tum iusta vindicta &

indignatio docebat illos mox in imo

natâre fundo. Quanquam si fato con-

cessum esset cuiquam ex tantis evadere

copijs, certè præ cæteris meliusculè

habiturus fuerat is, qui Taratantaram

pulsans tenebat. Huic enim quasi va-

lidissimis

lidissimis innixus vesicis, ac fideli præsidio, quas non aquas pernatarem? *Erot.* Credo. *Pam.* Tranarem Strictum Sibilæ. *Erotes.* Ad columnas, inquis, Herculeas? *Pampir.* Tences. Tranarem Bosphorum Thracium, ipsū sine ullo periculo Cymmerium. *Erot.* Magnum narras atque præsens in undis subsidium. Quid, Pampire, si mihi hujusmodi emerem fidelem equum? *Pam.* Nihil minus, fores ob rei absurditatem raritatemque hominibus ludibrio. Tu ista tene, quæ ex nobis haustisti. *Erotes.* Succurrit de Phryxo & Helle sorore illius, qui cum mare trajicerent mediterraneum aniete fatali bajulo, Helle timore percussa virgineo fertur decidisse. *Pamp.* Illa quidem sic natavit, ut mansione ibi fixa, de sese mari nomen dederit, ut in hodiernum vocetur Hellespontus. *Erot.* Miserrimum virginis fatum. Cæterum ne te rogando, quæ in buccam fortè veniunt, obtundere desinam, cum sim Erotes, libens ex te audiero, tanto scilicet artifice, quo nam natandi præsidio confusus, quid facturus fueras, ut salutem redemisses tuam, eo jampridem

anno,

anno, quo multo ante consensu penè omnium Astronomorum non sine orbis ingenti terròre prædictum erat fore diluviū, tot scilicet unanimi voto Planetis exitium misèrantibus mortalium generi? *Pam.* Bellum hominem qui

huc cogites. Parruriebant montes diu, & natus est mus verè ridiculus, ut dici solet. Eram tum Viennæ Austriæ, cum jam fatalis adpropinquaret dies, universa civitatè metu penè exanimata.

Erot. Non immerito. *Pam.* Novisti bibulos illic esse homines, præcipueque dulci sacros mancipatosque Lyco?

Erot. Audivi. *Pam.* Dicas spongiarum, incidente calamitate, majore tenentur cura & solitudine vinorum, hoc est, unici solatij sui, quàm propriæ tuendæ salutis. *Erotes.* Fottassis in gratiam

Bacchi patroni, à quo non possunt quidem non vicissim uniceque redamari deo. *Pam.* Præcipua cura erat, ut pe-

norum quæ illic ut altissima sunt, ita magnificentissimè sub terris condendis extracta vinis (ut diceret tot ibi esse Labyrinthos) fenestras atque januas etiam plerasque calce ac coctis occluderent lapidibus. *Erot.* Ne vina pe-

rissent,

tirent, quidquid de ipsis futurum esset?
Pam. Scilicet. Erant nonnulli cadis
 adamatis sub calamitatem incubituri,
 quemadmodum gallinæ ovis, videlicet
 ut aut unâ perirent cum vino, aut ser-
 varentur. Ast audi quid acciderit, qua
 die prædictum erat fore malum, ea qui-
 dem nihil unquam vidi tranquillius at-
 que serenius, ne gutta quidem cœlitus
 irrorans decidisset; Danubio sese intra
 consuetas placidè continente ripas.
 Proinde factum est, ut delusæ plebis
 terror verteretur in gravem iram, re-
 clusisq; fenestris, summo adedò odio
 persequerentur eos, qui de rebus fini-
 strè essent vaticinati futuris, ut ex ijs
 quidam aliquandiu Viennæ quoque
 doctis, qui hujus mali meminissent,
 non auderent quoquam prodire. Ve-
 rum jam ad id quod quælisti. Medita-
 bar lintrem vel arcam cum Noë. *Erot.*
 Vbi victum eras sumpturus? nam po-
 tum ex propinquo licebat. *Pampirius.*
 Didicissem sublimis in aëre pasci,
 quemadmodum hirundines volatu.
Erot. O providentiam sapientem, ac
 sapientiam providentem. *Pamp.* Vel
 arbusculas feraces, commodè subjecta
 k terra

terra, plantassem in navicula, ex quarum dein fructibus viverem. *Erot.*

Ridiculum propositum, spem ponebas aliquam & hic in artem solitam?

Pamp. Quid ni? quocunque res caderent. Neque enim perpetuam inundationem illam futuram existimabam, quemadmodum neque diluvium Noë fuit, neque Deucalionis & Pyrrha.

Erot. Hæcisses tandem etiam, siccescente paulatim aqua, vel in montibus Armeniæ, vel certe Parnassi verticibus.

At vero oportuisset te tecum sumere Pyrrham aliquam, non Epimethæi illius filiam, ut ille, ex qua genus hominum jam tertio Cataclysmo perditum restaurares. *Pam.* Ne sis sollicitus, & in hoc mihi pulchrè prospexeram, alia longè ratione plantaturus iterum mundum, quàm projiciendis à tergo lapidibus.

Erot. Ita ne lascivè? Cæterum memini sollicitè cogitare me sæpius solitum tecum, quid nam dederit occasionem Poëtis fingendi illius diluvij Deucalionis tempore. *Pampir.*

Dicam quod sentio, quodque consentaneum adparet. Sibylla libros veteris Testamenti legisse fertur diligenter,

cum

cum vero destituta veri spiritu Apollinis, de rebus scriberet non plenè intellectis, plerunquè accidit ut meminerit quoque diluvij illius universalis temporibus Noë justi. *Erotes.* Non veri dissimilia dicis. *Pam.* Poëtæ deinde rursus, ut alia multa, ex libris vatis Cumanæ ansam sumpserunt comminiscendi alterius Cataclysmi, quem & ipsum Iuppiter introduxisset perdendis ob sceleratissima flagitia hominibus. *Erot.* Facile quidem persuaseris ut credam. Neque mirum Pampire esset, si Deus nunc quoque simili nos calamitate exstingeret, ij sunt, hac scilicet vel maximè tempestate, mores hominum, hæc vita nostra. *Pamp.* Sanè quàm verè tu ista dicis. *Erotes.* Libet hoc quoque ex te discere, ut revertamur propius ad institutum. In natando prodest ne etiam robur, atque membrorum firmitas? *Pam.* Dubitas? Maximè, quemadmodum & in cursu, quæ tamen ipsa ubi absunt, pensari possunt corporis utcunque elegantæ agilitate ac præstantia artis. *Erot.* Potest ne Pygmæus etiam natare? *Pam.* Potest quidem, sed incommo-

dus ob manuum pedumque brevitas.
Erot. Qui vir duos excedit pedes & quadrantem. De quo adeò *Juven.* Sat. 13.

Ad subitas Thracum volucres, nubemque sonoram,

Pygmaeus parvis currit bellator in armis.

Mox impar hosti, raptusque per aëra curvis

Unguis à se va fertur grue.

Dic obsecro porro amice tu, si inito certamine divus Christophorus, quem perhibent fuisse longitudinis duodecimum pedum, vel si Gabbara Arabs, qui ætate Plinij vixisse legitur, novem non minus pedum totidemque unciarum gigas, cum Sisypho Pumilione, quem Marcus Antonius in delicijs habuisse scribitur intra bipedalem staturam, nataret, uter vero alterum anteverteret? *Pam.* Dicam verè, Pygmaeus, si ageret Priorem, gigas Abbatem. *Erot.* De monachis non loquor, de hominibus loquor, supra communem naturæ parentis conditionem vel proceris, vel humilibus. *Pamp.* Audio, verum nunquid & illi monachi sunt, dicique

dicique possunt, cum sunt solitarij.
Erot. Pergis argutari in voce? Aliud
 rogo. Quomodo natarent Phanesij,
 qui in Insulis habitantes Scytharum
 patulis miraculose auribus totum di-
 cuntur contegere corpusculum, sic ut
 aurium latis diffusisque membranis,
 membra securè vestiant. *Pamp.* Ar-
 bitror auricularum laxa spaciofaque
 levitate, velut testis commodè illos
 posse superfluitare. Quin eadem ope-
 ra sciscitare quomodo Sciopus natet.
Erot. De dijs marinis, hoc est, poëti-
 cis sapius miratus sum, cum profunda
 marium inhabitent, qua ratione tam
 repente de uno loco in alium tranent.
Pamp. Dij quidem omnia possunt fa-
 cile, si verum est quod scribit Home-
 rus poëta. Et tamen habent sua præsi-
 dia. Triton piscibus vectatur, Thetis
 delphinis, Protheus ipse phocis, atque
 alijs alijs, velut equis æquora transmi-
 tunt. *Erot.* Infelicitèr nataisset Ari-
 on. *Pam.* Dum ex alijs in alia atque
 alia varia incidis, vide ut satis aptè co-
 hæreant omnia. *Erot.* Interpellas,
 nisi cantu oblectatus delphin pericli-
 tantem Citharedum equitis in morem

dorso suscepisset accommodato. *Pam*
 In ejusmodi fortuna non semper succurrit piscis ille hominum amator, neque semper prodest cithara, quemadmodum neque comœdia Græco Poëtæ Menandro profuit, qui cum in flumine quodam nataret, fatis interceptus iniquis, miserrimè periit. De quo adeo Ovidius?

Comicus ut liquidis periit (dum natat) in undis,

Et tua sic Stygius strangulet ora liquor.

Erotes. Dira imprecatio. *Pamp.* Nimirum digna pro rei atrocitate. Atque audi quod præterea possis admirari. Cum agerem aliquando Vratislaviæ in Silesia, ex ludo literatio nostro, divæ Elizabethæ, quidam egressus parum felici omine furtim in fluvio Odera natavit. *Erotes.* Quid? perierat ne? *Pamp.* Equidem nescio, Illud scio, cum multum diuque esset quæsitus, tandem mortuum longè infra ex undis extractum. *Erot.* Iocularem hominem, certo igitur perierat infœlix ille. *Pamp.* Certius sanè quàm volebat. Cæterum cadaver mortuum in
 Scholam

Scholam reportatum, Magister ejus, ubi virgis prius acriter cecidisset, mandavit sepulturæ. *Erot.* Quid audio? ita ne post infœlicia fata tyrannum illum in mortuum desevire? *Pamp.* Vidisses Orbilium, Plagiarium, verberonem sævissimum totis ferularum fascibus, ac integris, verè dixerim, scopis furentem plagas innumeras misero inferre. Et tamen quod miraculi instar est inter gravissima sævissimaque verbera, ita immotus tacitusque cuncta incredibili quadam patientia tolerabat, quasi prorsus obstupuisset ad omnem dolorem, nihilque omnino sensisset cruciatus. *Erot.* Credo etiam si non dejeret. Sed quæ ista istius immanitas loci, & inter literatos quidem homines, ut etiam in demortuos sæviatur, quæ olim inter Barbaras etiam gentes extrema habebatur crudelitas? *Pamp.* Interroganti causam, Erotes, dicebant moris illic esse, ut qui sic periisset, mortuus etiam inobedientiæ pœnam lueret, quod legibus Scholæ spretis ausus fuisset, non impetrata missione à Magistro, in fluvium clàm prorepere. *Erot.* Est igitur genus istud quoddam piaculi.

Pam. Est. Subdebant partim hoc etiam in terrorem fieri aliorum, ut vel sic intra obedientiæ observantiæque erga superiores suos cancellos retineri possint. *Erot.* Miserum terrorem, ac morem gentis rarum. *Pam.* Quàm malè propitium fuit ejus fluminis numen bono adolescenti. *Erot.* Credin fluvij inesse divinitatem aliquam? *Pamp.* Sic antiquitas persuasum quidem habuit, quæ cuique penè fonti ac fluvio suū vel deum vel deam addicebat adpropriabatque. *Erot.* Stultos atque insanos mortales. *Pam.* Atqui hinc arbitror Poëtis scribi solitum, coire flumina inter se etiam ac sobolem producere: Quemadmodum testatur quidam Poëta, Rhenum aliquando coisse cum Danubio, atque hinc natum Neccharum. *Erot.* Verè poëticam fœturam dicis. *Pam.* Quàm perditè Alphæus fluvius amavit Arethusam ex Nympha mutatam in fontem, cujus adeo apud Ovidium historiologon tuum, cum illam jam Alphæus amore languens insequeretur, natantis verba sunt:

Et quia nuda fui, sū visa hinc aprior illi.
Erot.

Erot. Credo quemadmodum in Lymæo tibi tuæ istæ natrices (ut tu vocas) quoque. *Pam.* Enecas, & mox :

Nudaque mergor aquis, quas dum ferioque trahoque,

Mille modis labens, excussa que brachia jacto,

Nescio quod medio sensi sub gurgite murmur.

Agnoscis natantis hypotyposin? *Erot.* Verum. Licet ne aliquid pace dicere Pampire tua? *Pamp.* Impunè, sed ea lege, ut idem, cum erit necesse, ex te sperare vicissim possim. *Erot.* Maximè. Alphæus cum nimio accensus amore Arethusæ fugientis amplexum avida confectione captaret peteretque, mutatam hanc in clarum amœnumque legimus fonticulum, tu (nunc opus venia) quas amore persequeris vel potius prosequeris, ex virginibus plerunque mutantur in mulieres atque matres. *Pam.* Tolerabilior sanè metamorphosis, quàm ex hominibus in aquas, manet humana species. *Erot.* Verum, sed non manet integritas & pudor idem: manet herba stipes, sed flore perditio. *Pamp.*
k s . loco

Ioco dicis, joco accipio. *Erot.* Non sic eludes. — *Pamp.* Vin ignoscere vicissim? *Erot.* Rogas? *Pam.* Ex hujusmodi stipite tu truncus etiam natus es nobis tantus. *Erot.* Ha ha. Sed pergo. Quod si amor quaque tuus omnes redderet adamas, fontes, mitteremus te in ea loca, ubi vix habitari potest ob ingentem aquarum inopiam. *Pamp.* Fortassis rustici citius passuri fuerant fontium defectum, quàm agnoscerent tam largam aquarum copiam, ex hujusmodi uxorum filiarumque suarum virginum penuria progressam. Quod si, Erotes, amoris præstigijs virgines mutarentur in fontes incantatæ, quàm frequens, scio, esses in ijs natator, quàm assiduus colutor, quemadmodum si balneares in eo fonticulo, in quem versa perhibetur Byblis Miletæ filia, vel in quem *Ægeria* Nympha. *Erotes.* Quàm pulchrè hic ex sese judicat atque metitur alios. Quanquàm sanè libentius in ejusmodi fontibus natarem, lavarem, biberein, quàm in eo *Ciconum* flumine, quod potum saxea reddit viscera, quod tacitis inducit marmora rebus.

Pam.

Pam. Illinc ita me Iuppiter benignus amet, arbitror socerum meum largos sæpe hausisse haustus, siquidem illo nihil durius, nihil intractabilius atque inclementius, si animum ejus ipsosque inspicias mores. Proinde nihil magis à dijs immortalibus jamdudum opto, quam illum posse ex fonte Salmaci bibere, inque eo sæpius natâre.

Erotes. Quid illinc lucrifactorum?

Quid? ut ex eo fonte, qui potus atque attrectatus animos hominum mutat, mentem meliorem imbiberet, indueret humanitatem, hauriret animum liberalem atque facilem. *Erot.* Hinc

illæ lachrymæ, fortassis in dando tenacem niinis sentis. *Pamp.* Ipsam

tenacitatem, ipsam rigorem. *Erotes.*

Quid si autem animum adhuc pejorem illinc sibi compararet? *Pam.* Vix pos-

set, & tamen mallet omnino semel obbrutesceret, si vero homine non liceat frui, quam ejusmodi senem perpetuo tolerare. Siquidem tum scirem omnino esse faciundum, ut cathenis constrictum in caveam aliquo protunderem. *Erot.* Durum tu quoque agis generum.

Pam. Imò Mitionem dicas, si illius

si illius plus quàm Demeos mores trutinēs, meamque expēdas tolerantiam. *Erot.* Si res sic habet, ut dicis, sique cupis aliquando ab isto liberari tormento, dederō si vis fidele consiliū tibi, unde hoc consequare. *Pamp.* Beaveris amicum, subveni obsecro. *Erot.* Autor Marcus Varro Arcadiæ populos quosdam esse incantatores, Melæ & Solino alibi Neuros nimirum dictos. *Pamp.* Iam propemodum divino quo velis. *Erot.* Qui sorte ducta, cum fluvium quendam sui lenitate penè stagnantem tranent, vertantur in lupos, rursus post annos novem, si modo interea à carne abstinuerint humana, redituri in pristinam formam. *Pamp.* O si ista, Eroses, verè fieri crederet D. Augustinus, ipseque adeò Herodotus atque Plinius. *Eroses.* Ille quidem persuasum habet mutari homines posse in bestias, non re ipsa, sed quibusdam phantasticis præstigijs, quibus sensus illorum decepti illudantur. Hi si minus credunt hoc fieri, videant ne eodem jure ipsis quoque non credantur pleraque quæ scribunt, & tamen quid hic religiosulus es, qui

es, qui prius contendebas esse antiquitati credendum? *Pam.* Age credo, sed quid volebas? *Erotis.* Cura ut focer tuus fiat ex semi vix homine, quod velle videris, prorsus bestia, hoc est, ut tranet quoque hujusmodi Arcadiæ fluvium cum Neuris, fiatque lupo, quem mox captum carceri includas. *Pam.* Dispeream, nisi salubre des consilium, si liceat eo uti. Sed heus, Erotes, quid si à lupo deinceps discerperer, qui ab homine qualicunque potueram vita certè incolumis servari atque evadere? *Erot.* In belluam mutatus profugeret in sylvam fortassis, ut Lycaon rex in lupo versus. Et tamen cum te dilacerasset, gustata jam carne humana, si rediret in priorem naturam & speciem, non amplius ulla molestia tibi ab illo foret timenda. *Pampir.* Benè dicis, mortuo & comesto, quàm egregium consilium, erit unde semper tibi gratias agere debuero. Sed extra jocum, si votis quicquam proficeretur, oprarem illi poculum Circes, si non in lupo, in suam tamen transfigureretur, ut cum porcis unà nostris stabulo

conclu-

concluderetur. Quanquàm in vino ita natat subinde, ut hinc non alius reddatur (nisi quod formam retinet hominis) quàm si cum Neuris tuis fluentum illud prodigiosum tranasset, vel poculum Circes excantatum ebibisset cum socijs Vlyssis. *Erotes.* Vale tandem cum socero, qui nos longius abduxit. *Pamp.* Meritò stomacharis, verum longa injuria, longa verba. Cæterum quando semel in varias incidimus aquarum naturas, commodè subit, quod scribunt de fonte quodam, cujus etiam Naso meminit:

*Clitorio quicunq, sitim de fonte levavit,
Vina fugit, gaudetque meris abstemius
undis.*

Erotes. Miraculosa n aquam. *Pamp.* Sæpius ardentissimis exoptavi votis, Ingolstadij Danubium ejus esse efficaciæ atque virtutis. Multò minoris daretur illic vivere bibulis studentibus atque sitientibus. Equidem in eo tum fluvio strenuè ac vulgo innatarent, hinc sitim restinguerent, de vino nihil requirentes, cujus jam tantam contraxissent nauseam. *Erotes.* Est aliquid quod dicis, verum audi me vicissim:

cissim: Cur non potius velles, ut Danubius redderetur Lyncestius fluvius, qui Clitorio quodammodo contrarius, cum largius fuerit haustus, teque innatando probè ingurgitaveris, perinde inebriat, atque si mera bibisses vina. *Pam.* Benè mones: Hanc sanè fortunam & commoditatem superiori etiam præponerem, ut quod alioquin zonæ gravi jactura sit, gratuito jam consequi liceret, ut abunde redderere potus atque hilaris, cum gratis datur esse ac manere sobrium. *Erot.*

Sed heu quid futurum esset de miseris tum tam multis ænopolis? *Pampir.* Cogitarent plerique de reſte, dira imprecarentur Danubio, expostularent de ingratitude ejus, quod cum in hoc maximis impensis jampridem esset partim ad mœnia propius derivatus ab ipsis, ut civibus magis commodaret, vicinior decoraret civitatem, ac civitas vicissim illum, jam tanquam malus factus vicinus, vicinos conaretur inopia perdere, ablata divendendi vini commoditate. *Erot.* Perge. *Pam.*

Tentarent rursus latè avertere, verum actum agerent belli homunciones isti.

isti. Cessaret sulphuratio, quiesceret pigmentatio, exularet omnis corruptio vini, ubi nullus esset vini usus amplius. Non jam ultra diuturno moverentur servando præter naturam cum vini ipsius, tum salutis ac sanitatis cujusque rationem multo, feces ex imo cado. Nemo vappam amplius biberet. Francanicum vinum desineret tandem sui putore ad pelvim nos toties provocare. Nataremus totos dies in vicino flumine. *Erot.* Imò in vino potius imaginario. At verendum, ne dum hujusmodi multiplex Charybdis vitetur, inciderent non pauci in Scyllam. *Pamp.* Enigmata proponis, non satis assequor quid velis. *Erot.* Solvam. Dum zonæ consulere, atque valetudini à malis vinis vulgo homines studerent, periculum esset, ne sic in Danubio multi inebriarentur, ut dum infortiarius artem affectarent natandi, perirent in istis suis delicijs atque compotationibus. *Pamp.* Cum ante essent vinosa ad labia usque plena aqua, qui possent suffocari, cum nihil in vas prorsus intraret ad summum repletum? *Erotes.* Nollem hujus rei ego facere periculum. Cæterum

Cæterum quod de vinis differis, passim
 penè fit, ac ubique assiduæ hominum
 de ea requerelæ. *Pam.* Expertus ego.
Erot. Quod de aquarum natura atque
 ingenio narramus, quoniam votis,
 heu! nihil potest hoc malo sæculo im-
 petrari, superest, ut qui strenuè velit,
 hoc præsertim anno, natæ in vino,
 mensisq; creber adesse non siccis, non
 aridis, quo id copiosius possit, ac mi-
 nus periclitando mergatur cum infœ-
 lici marsupio, in Pactolo natet necessè
 est, ita, ut subinde illinc onustus redeat
 aureis arenis. *Pam.* Equidem nescio
 de hoc natationis genere. Illud scio, ex
 fluvijs ijs, qui auriferi dicuntur, & Rhe-
 num nostrum nobilem esse, verum in
 eo totiens natans nihil auri repperi.
 Imò quodam tempore penè perdidissem
 in illo flumine, quod nullo auro, nec
 ipsis etiam Cleopatæ unionibus redi-
 mere atque recuperare potuissem. *Erot.*
 Quid istuc obsecro? *Pampir.* Vitam.
Erotes. Sanè est ea res, si semel sit a-
 missa, irreparabilis. Libet rogando te
 prorsus hodie enecare. *Pamp.* Si est
 quod inquiras, præterea erit mihi quod
 respondeam semper. *Erot.* Memini
 I legisse

legisse me apud Lucanum de quodam Phœcensi urinatore, natandi artifice admirabili, qui, cum lubitum esset, ingurgitaret se in ima aquarum, moxque rursus surrigeretur in summas partes. *Pamp.* Fortassis cum Æsaco in Mergum avem erat mutatus. Quid dices, Erotes, de Calapisco Apulienſi, qui natandi artis præstantia, quam à puero statim perfectè didicerat, tantum non piscis tandem factus erat? Siquidem multos sæpe diesque noctesque (quod quidem ipsum vix credas) inter marina monstra tuto illum versari toties solitum meminit Volaterranus auctor cum primis gravis, profunditates maris scrutantem. *Erot.* Hujusmodi complura admiratione digna ferunt & de Glaucō quodam, quem ob id quoque tandem stulta antiquitas pro deo marino coluit, quod animal prorsus ageret amphibion. *Pamp.* Sed mirè delusit is spectatores. *Erot.* Qui istuc? *Pampir.* In conspectu hominum artis natatoriæ, experientiam ubi aliquandiu varijs gestibus jactabundè ostendisset perfectam, tandem quo loco lubebat submersit sese, ubi cum homines

decepti

decepti illius sollicitè expectarent reditum, callidus furtim sub undis inescator simplicium in locum pronatavit quendam scopulis obscurum ac invisum objectis. Atque inde rursus egressus abscondebatur sese per aliquot dies, tandem hominibus ita se reddens, ac si interea temporis in imis egisset aquis.

Erot. Præstigiatores hominum. Siccine agebat? *Pam.* Testantur rerum

scriptores naturalium, eos ad natandum idoneos maximè ac præstantissimos esse, quàm minimum habeant, aut nihil lienis, quique sub piscibus, certa quidem statione, nati sunt. *Erot.*

Credis? *Pamp.* Cujusmodi scriptis doctorum hominum clari præcipuè exluxere, & Scillis quidam Sicyonius urinator maximus, qui continuo natatu toties octoginta stadia perageret, & hoc quoque major Colan, cui propterea cognomen erat piscis. *Erot.* Quid

audio? *Pam.* Is summa etiam maris intemperie, non raro 500. stadia transisse scribitur, aded ut in medio pelago navigantibus occurreret subinde, sic aquis adsuetus, ut sine illis vivere quidem non potuisset. *Erotes.*

Monstri simile. *Pampir.* At hic miserrimè postremo perijt in portu Messanæ, freti Siciliensis. *Erot.* Ita ne? *Pamp.* Causa fati fuit aurea patera, quam rex Siculus, velut natatorij urinatorijque certaminis præmium, in profundum maris projici jusserrat, exhibito in hunc modum spectaculo effusa die solenni in litus hominum multitudini eximiæ: nam dum Colan arto fretus, heu! nimium sua, poculo auferendo sedulus incumbit inhiatque, creditur undarum vi longius in vicinas cœcasque ejus portus latebras ac cavernas abreptus, sicque errore actus, negato exitu, anima tandem præfocatus interiisse. *Erot.* Pessimè sit isti pateræ, mallem semper ex Carchæio bibere poculo, quàm tanto vitæ discrimine aurum persequi in undis. Cæterum Pampire, quod de Liene & Piscium signo modo dicebas, fortassis sic se habet, quemadmodum legimus de ijs, qui perniciosissimi sunt cursus, quod vel sub Delphini sydere editi, vel splene ex parte carent natura. *Pamp.* Rem dicis. Cujus generis vel duos proferre libet, Philonidem Alexandri Magni cursorem

cursorum, & Laethenem Thebanum, qui ob incredibilem cursus celeritatem volare dicebantur, quod vel ipsum quoque antevertissent Hebrum. *Erot.* Audiui esse qui, quo diutissime sub undis durare possent, vitro commodè in hoc facto prægrandi ac capaci uterentur, in quod narium orisque spiritum effunderent, faciei circum pressim alligatum. *Pam.* Audio, sed periculum est ingens à fractura. *Erot.* Illud obiter succurrens jam scrupulum mihi injicit cogitanti, quomodo cum vasculo concavo, cujus natura est sursum vergere, tollique semper, possint itti ad fundum usque demitti. *Pam.* Dicuntur bolidem aut lapidem manibus secum sumere, quo commodius subsistant, relinquere in profundo molem, cum sursum sese tentant librare iterum. Novi hominem Tubingæ (erat is sartor in proximo habitans vico) qui natandi dexteritate, præstigiolaque (ita enim vocare libet) spiritus præter naturam hominis retinendi arte in imos Necchari gurgites sese dejiceret, duraretque diu. *Erotes.* Quid illic? *Pam.* Pisces quosque optimos, velut

delectu, colligebat, nescio qua magia delusos ac circumventos etiam, tandem onustus præda longè inferiori loco emerfit. *Erotes.* Quomodo portabat, ut natans nihil impediretur? *Pam.* O bone, ne sis sollicitus, ore unum, manibus duos vel plures, minores inter digitos pedum, ac, ubi visum erat, sub brachijs aliquot. Non raro etiam criminibus complicatos scitè capite sublimes referre solebat. *Erotes.* Et tamen poterat enatare, occupatus omnibus membris, impedito universo remigio? *Pamp.* Maximè: Artis est non postremæ, nosse te è fundo tollere in altum rursus, quemadmodum grues subvolaturæ prius pusillum procurrunt, mox quo majori impetu irvolarum sursum conjiciantur, incurvatis genibus, ritu eorum, qui junctis pedibus prosilire parant, vel quemadmodum Vngari saltant aliquando, in sublime sese ferunt. *Erot.* Miras comparationes jungis. *Pamp.* Sed non discordes. Quin eos pisces, quos manibus gestare solet, ita tenebat, ut in supernatando illis uteretur etiam pro remigij parte, commodum ex eo captans

captans, unde alij sentirent incommodum atque impedimentum. *Erot.* Oportebat hominem splendoris ex hujusmodi prædis divitias comportare. *Pamp.* Imò pauperior erat Iro, quod dicitur, & Leberide nudior quavis. *Erotes.* Miror. Cæterum arbitror hominem non perinde gratum fuisse piscatoribus. *Pam.* Gratum? quotiens illum cognoverant piscibus in hunc modum insidiari, sagittis, fustibus, armis, lapidibusque bonis excipere toties conabantur, verum illorum subodoratus machinationes, longè alio semper crepsit loco quàm putassent. In piscinis Abbatis, cum non semel eidem indulgisset venationi, acciderat, ut præhensus capite propemodum fuerit diminuendus. *Erotes.* Natasset nihilominus deinde tantus artifex? Quàm oportebat hujusmodi industrium Colymbeten publico adeò conduci salario, ut hanc profiteretur artem, in commodum juventutis exercendæ. *Pamp.* Noverat is omnes leges, vitare sapienter ac gnaviter cuncta aquarum pericula, quæ natantibus, ut diximus, non pauca occurrunt. Siquidem cautè

circumspiciendum, necubi palustribus
implicere herbis, ne impeditus vili isti
atque proverbiali Algæ vitam des tuam.
Saxo cœcove ligno imminens, aut sub-
limius nata ne impingas, aut certè
quo levius accipiaris impingens in ex-
tantia etiam obstacula, cave impetu
cum undis allabaris, sed nunc fursum
luctando, nunc commodè aquam cal-
cando sensim adpropinqua. In vorti-
ce potissimum te ita compone. quem-
admodum galli utrinque zelotypia ve-
hementi exasperati, obversis calcari-
bus (quæ arma illis sola penè natura
dedit) insultantes inter se mutuo con-
grediuntur. *Erot.* Necessè est Ichty-
ophagos in hac re eximios esse, cum
folis penè vescantur piscibus. *Pamp.*
Sanè si Plinio verè scriptum est, natana
hi hujus beneficio artis adeò perfecte,
ut piscium ritu in æquore versantes,
iplos persequantur celerrimè ac capi-
ant. Proinde huic industriæ, olim
quod vivere poterant soli pene acce-
ptum referebant, cum nullæ adhuc
essent naves. *Erotes.* Credin? *Pam.*
Certe. Navem dicuntur primi excogi-
tasse fabricasseque Argonautæ, adeoque
Iason

Iason longiori primum navigasse fertur, ut testis est etiam Philostephanus. In Nilo autem ex papyro, ac arundinum singulis plerunque internodijs lintres confici solebant. *Erot.* Mirabile istuc. *Pam.* In Anglico oceano ex circumfuto artificiose corio, si scriptoribus credimus. *Erotes.* Oportebat igitur hanc artem maximè tum in usu fuisse atque pretio, cum navigia tam infirma, tamque non fidelia adhuc essent. *Pamp.* Scilicet, cum nec oneraria navis esset ulla, nec Myoparo, nec Celox, neque Lembus. *Erot.* Proinde constat mortales ex rudibus olim atque incultis huc sensim artium atque omnium rerum inventionis cognitionisque sollicita indagine devenisse. *Pamp.* Ut non dies labatur unus, in quo non aliquid novi excogitetur. Natandi autem artem omnibus cum primis necessariam sæculis, nemo nescit esse vetustissimam, uti hac gratia tibi quoque, *Erotes*, commendatior esse merito debeat, quæ si hodie tam vulgo disceretur, ut olim, quando Germani, ut nandi peritissimi, à scriptoribus, Pomponio Mela, Herodiano, ac

Tacito eximiè laudati sunt, non perirent in aquis tot passim Germani etiam milites, quoties vel in fuga flumina obstant, vel alioquin absentibus navigijs, hostis est per aquas persecutione premendus, vel casu incidunt in alveos altiores. Siquidem qui probe instructus est in hac arte, non itatim lancea impeditur, alijsque levioribus armis, neque veste militari minus laxa & plicis sinuosa pluribus, certe aliquandiu natans. *Erot.* Fortassis. *Pam.* Quàm fortiter enatavit olim Horatius Cocles ex Tyberi, quò sese unà cum tota præcipitarat panoplia, quem hæc ars non sine stupendo miraculo, cum corporis animique fortitudine conjuncta patriæ incolumem servavit? *Erot.* Fata scilicet hominem ob singularem in patriam pietatem, ac immortale plane beneficium perire noluerunt. *Pam.* Quam laudem illi etiam sibi peperere apud omnem posteritatem milites Romani, qui naves Pœnorum fugæ intentas, atque in altum ex litore festinantes, natandi confisi scientiæ, lacertorumque adeò firmitati, natantes in portum retraxerunt? *Erot.*

Insigne

Insigne narras factum. *Pamp.* Pergam: Quid item præstitit Scævæ Romano nandi virtus? Nimirum ut tragula licet femur trajectus, ac aliàs gravissime ab hostibus Anglis tractatus, duabus etiam loricis gravatus ex mari Britannico fœliciter evadens enataret, quo quidem factò fortissimè diu præliatus Centuriatus consecutus est honorem à Iulio Cæsare. *Erotes.* Res est per quàm laboriosa in istum certè modum natando elabi. *Pamp.* Vides? Hujusmodi exempla complura enumerare possem, quibus tibi manifestius fieret, quid hæc ars utilitatis atque salutis hominibus adferre soleat, Verum ne nimis prolixa hæc reddatur disputatio, paucissimis tibi exemplis rem proponere volui. Non enim dicam quid commodarit etiam Leandro, ut noctu toties per mare intermedium, tanquàm ex uno mundo tranaret in alium, ad dulces subinde dilectæ Herûs complexus. *Erotes.* Atqui iste ausus toties repetitus tristem tandem peperit fortunam infœlici amori. *Pam.* Ita tandem visum Neptuno. Novi Turregi, qui ex turri VVellenbergo vulgo dicta,

dicta, quæ medio stat Lymaco, fontium carcer, sese noctu, facto ex dissecctis lintheaminibus velut fune, altè demilerit in fluvium, ubi aut pereundum illi fuerat, aut certè expectanda dies, quæ hominem proditum pœnæ tradidisset capitali. At vero hujus beneficio artis tranavit alteram fluminis partem, ac sese in cœnobij vicini tuto conjecit asylum. *Erot.* Ferunt lacum Tigurinum non raro totum congelari. *Pam.* Usque in ipsam civitatem, qua parte ex stagno fluentum solvitur. Brumali tempore, per medium lacum videres via tritissima plaustra vehi ac revehi onusta. *Erotes.* Ita audio, verum non ubique semper me crederem temerè bajulæ glaciei, hoc est, solo non satis solido ac firmo, sed quod in Tracensibus observatum est vulpibus, aure ad glaciem opposita gelu crassitudinem conjectare ubique. *Pampir.* Vbi tandem cœpit liquefieri in Ianuario glacies, atque in marginibus atteri, vento concitata univèrsa moles, tot scilicet miliarium longitudine corpus integrum, inaudito atque horrendo simul movetur fragore
nunc

nunc huc nunc illuc, dissolvi cupiens
 atque frangi, id est, redire cum sole
 coquente, tum tepidis solventibus
 ventis, in suum liquorem. Ibi non
 raro summam videres calamitatem.
Erot. Dic quælo. *Pam.* Qua parte
 admovetur glacies, quicquid invene-
 rit obstaculi, altè in margine illidit at-
 que subruit arbores, saxa, domus, ni
 accolæ prævenierint. *Erot.* Qui pos-
 sunt? *Pamp.* Quum glacialis moles
 ædibus atque vicis imminet, latè præci-
 dunt vastam illam massam. Adjiciam
 quod perinde sis admiraturus. Cum a-
 liquando peregrinus, qui votum sus-
 ceperat ad divam Virginem, ut vocant,
 in heremo, duo nescius miliaria magna
 per medium glacie concretum stagnum
 iter fecisset, demiratus tantam plani-
 ciem, hospitem noctu interrogavit,
 de transiti nomine loci. Pandocheus
 re tandem intellecta, respondit illum
 super lacum transisse altitudinis 1000.
 ut minimum cubitorum. Tunc adve-
 na, qui prius sine metu ignarus sum-
 ma aquarum erat emensus, tuto jam
 loco rei percussus novitate, imagina-
 tioneque periculi penè exanimis con-
 cidit,

cidit, ita ut parum abfuerit, quin spiritum illic posuiffet. *Erot.* Demiror ita me Apollo benè amet, oportet densam esse glaciem, quæ tantæ ferendæ moli par sit. *Pam.* Binos, ut plurimum, cubitos. *Erot.* Si eveniret, ut rupta testa illa ac subsidente ex improvviso mergerere, putan artem te quoque in eo posse servare casu? *Pampir.* Certè, nisi sub tectum glaciei longius contingeret ferri, tum enim actum esset cum de arte tum vita. *Erot.* Prius circumirem qualvis ambages, tutas modo, quam periculosum ejusmodi viæ brevioris compendium affectarem. Ignosces iterum atque iterum si quid præterea te interrogavero absurdi, quod ad eò toties admiratus sum, quifit, quod ligna prægrandia natent in sublimi, lapis autem parvus mox fidat? *Pam.* Hominem sapientem. Lapillus quantūvis exiguus, respectu quantitatis suæ, gravior est, quàm lignum quàmvis magnum. In corporibus alijs levitatem reddit raritas, siccitas, porositas, quemadmodum & in pumice. In alijs gravitatem adfert eam, ut non possint supernatare soliditas, humiditas, densitas.

Vnde

Vnde fit, ut lignum etiam ligno sit gravius, lapis lapide, metallum metallo, ob non dissimilem causam poma vides natate, pira mergi. *Erot.* Naturalia nimirum sunt hæc. *Pamp.* Sunt. *Erot.* Dic obsecro, quomodo Delus insula errabundè circumnataste scribitur, de qua Poëta:

*Sacra mari colitur, medio gratissima
tellus,*

*Nereidum matri, & Neptune
Ægeo,*

*Quàm pius arcitenens oras, & littora
circum,*

*Errantum Mycone celsa Gyaroque
revinxit,*

*Immotamque coli dedit, & contemne-
re ventos.*

Pamp. Fabulam narras. *Erot.* Verum, sed ejusmodi fabulæ pleræque si rectè inspiciantur, non sunt ociose inventæ, nisi falsum est, quod scribit Fulgentius *Aphricanus*, & *Palephatus* autor *Græcus*. *Pam.* Natabat quidem Insula illa præter naturam, procurantibus Dijs immortalibus, quibus nihil sit impossibile. *Erot.* Antequàm domum redeamus, libet adhuc *Erotæ* quiddam interro-

interrogare Pampirum. *Pamp.* Pet me sanè licebit. *Erotes.* Dic obsecro amice, quid fit cum illis infœlicibus animulis, quas Charon, quæ solvendo naulo non sunt, aut fluvium non dignatur transvehere infernalem, aut denique idem ille Portitor, de quo Seneca alibi:

*Hunc servat amnem cultu & aspectu
horridus,*

*Davidosque manes squalidus gestat
senex. &c.*

Pampirus. Ex lintre projicit indignabundè in aquas. *Erotes.* Tranant istæ nihilo minus hujus gnaræ artis? *Pamp.* Deum immortalem! quæ huic incidunt homini in mentem? Certum non habeo, nemo enim, quod sciam, illinc rediit unquàm, quid de omnibus retulisset. *Erotes.* Hic demum, Pampire, parum tuo respondes nomini. An non redierunt ex infernis, Æneas, Sibylla, Orpheus, Theseus, Hercules ipse, ac denique Pollux cum fratre toties Castore? *Pamp.* Benè mones, nunc primum memini. *Erotes.* Certè cum nuper obdormissem in antro Patritij, insomnio, nescio ex quo
genio,

genio, didici, eorum animas, qui hic probè hanc calluerunt natandi artem, quibusque præterea datur, partim trannare, partim tipularum ritu summos leviter percurrere fluvios infernales.

Pam. Quid? fuisti ne in Hybæria?

Erot. Non, sed domi in lecto decumbens videbar mihi somniare in specu isto.

Pam. Quid igitur de re illic cognita rogas?

Erot. Cum quod sapiusculè somnijs nihil esse credendum audivi, tum quod suspicabar te virum magicarum rerum etiam curiosum, certius aliquid habere.

Pamp. Habere autem?

Erot. Scilicet. *Pam.* Atqui adedò sum sceleratæ intentus Magiæ, ut nemo unquam magis detestatus sit istas præstigiosas nænias.

Erot. Mitte stomachum.

Pamp. Mitto, simulque nunc ex te vicissim cognoscere a-

veo, manes cum sint incorporei, eo-que pedibus manibusque careant, quomodo vel natare, vel currere possint?

Erot. Dabis igitur illos volare.

Pam. Nihilo magis.

Erot. Qui sic?

Pam. Quia quemadmodum ad natandum

currendumque remigij vice, manus pedesque requiruntur, ita ad volandum

legisse me apud Lucanum de quodam Phœcensi urinatores, natandi artifice admirabili, qui, cum lubitum esset, ingurgitaret se in ima aquarum, moxque rursus surrigeretur in summas partes. *Pamp.* Fortassis cum Ælaco in Mergum avem erat mutatus. Quid dices, Erotes, de Calapisco Apulienſi, qui natandi artis præstantia, quam à puero statim perfectè didicerat, tantum non piscis tandem factus erat? Siquidem multos sæpe diesque noctesque (quod quidem ipsum vix credas) inter marina monstra tuto illum versari toties solitum meminit Volaterranus auctor cum primis gravis, profunditates maris scrutantem. *Erot.* Hujusmodi complura admiratione digna ferunt & de Glaucō quodam, quem ob id quoque tandem stulta antiquitas pro deo marino coluit; quod animal prorsus ageret amphibion. *Pamp.* Sed mirè delusit is spectatores. *Erot.* Qui istuc? *Pampir.* In conspectu hominum artis natatoriae, experientiam ubi aliquandiu varijs gestibus jactabundè ostendisset perfectam, tandem quo loco lubebat submersit sese, ubi cum homines

decepti

decepti illius sollicitè expectarent reditum, callidus furtim sub undis inescator simplicium in locum pronatavit quendam scopulis obscurum ac invium objectis. Atque inde rursus egressus abscondebatur sese per aliquot dies, tandem hominibus ita se reddens, ac si interea temporis in imis egisset aquis.

Erot. Præstigiatores hominum. Siccine agebat? *Pam.* Testantur rerum

scriptores naturalium, eos ad natandum idoneos maximè ac præstantissimos esse, qui quàm minimum habeant, aut nihil lienis, quique sub piscibus, certa quidem statione, nati sunt. *Erot.*

Credis? *Pamp.* Cujusmodi scriptis doctorum hominum clari præcipuè eluxère, & Scillis quidam Sicyonius urinator maximus, qui continuo natatu toties octoginta stadia perageret, & hoc quoque major Colan, cui propterea cognomen erat piscis. *Erot.* Quid

audio? *Pam.* Is summa etiam maris intemperie, non raro 500. stadia transisse scribitur, aded ut in medio pelago navigantibus occurreret subinde, sic aquis adsuetus, ut sine illis vivere quidem non potuisset. *Erotes.*

Monstri simile. *Pampir.* At hic miserimè postremo perijt in portu Messanæ, freti Siciliensis. *Erot.* Itane? *Pamp.* Causa fati fuit aurea patera, quam rex Siculus, velut natatorij urinatorijque certaminis præmium, in profundum maris projici jusserat, exhibito in hunc modum spectaculo effusa die solenni in litus hominum multitudini eximiae: nam dum Colan arto fretus, heu! nimium sua, poculo auferendo sedulus incumbit inhiatque, creditur undarum vi longius in vicinas cœcasque ejus portus latebras ac cavernas abreptus, sicque errore actus, negato exitu, anima tandem præfocatus interiisse. *Erot.* Pessimè sit isti patere, mallem semper ex Carchesio bibere poculo, quàm tanto vitæ discrimine aurum persequi in undis. Cæterum Pampire, quod de Liene & Piscium signo modo dicebas, fortassis sic se habet, quemadmodum legimus de ijs, qui perniciosissimi sunt cursus, quod vel sub Del hini sydere editi, vel splene ex parte carent natura. *Pamp.* Rem dicis. Cujus generis vel duos proferre libet, Philonidem Alexandri Magni cursorem

cursorum, & Laethenem Thebanum, qui ob incredibilem cursus celeritatem volare dicebantur, quod vel ipsum quoque antevertissent Hebrum. *Erot.* Audiui esse qui, quo diutissime sub undis durare possent, vitro commodè in hoc facto prægrandi ac capaci uterentur, in quod narium orisque spiritum effunderent, faciei circumpressum alligatum. *Pam.* Audio, sed periculum est ingens à fractura. *Erot.* Illud obiter succurrens jam scrupulum mihi injicit cogitanti, quomodo cum vasculo concavo, cujus natura est sursum vergere, tollique semper, possint itti ad fundum usque demitti. *Pam.* Dicuntur bolidem aut lapidem manibus secum sumere, quo commodius subsistant, relinquere in profundo molem, cum sursum sese tentant librare iterum. Novi hominem Tubingæ (erat is factotum in proximo habitans vico) qui natandi dexteritate, præstigiolaque (ita enim vocare libet) spiritus præter naturam hominis retinendi arte in imos Necchari gurgites sese dejiceret, duraretque diu. *Erotes.* Quid illic? *Pam.* Pisces quosque optimos, velut

delectu, colligebat, nescio qua magia delusos ac circumventos etiam, tandem onustus præda longè inferiori loco emerfit. *Erotes.* Quomodo portabat, ut natans nihil impediretur? *Pam.*

O bone, ne sis sollicitus, ore unum, manibus duos vel plures, minores inter digitos pedum, ac, ubi visum erat, sub brachijs aliquot. Non raro etiam criminibus complicatos scitè capite sublimes referre solebat. *Erotes.* Et tamen poterat enatare, occupatus omnibus

membris, impedito universo remigio?

Pamp. Maximè: Artis est non postremæ, nosse te è fundo tollere in altum rursus, quemadmodum grues subvolaturæ prius pusillum procurant, mox quo majori impetu involatum sursum conjiciantur, incurvatis genibus, ritu eorum, qui junctis pedibus prosilire parant, vel quemadmodum Ungari saltant aliquando, in sublime sese ferunt. *Erot.* Miras comparationes jungis. *Pamp.* Sed non discordes. Quin eos pisces, quos manibus gestare solet, ita tenebat, ut in supernatando illis uteretur etiam pro remigij parte, commodum ex eo

captans

captans, unde alij sentirent incommodum atque impedimentum. *Erot.*

Oportebat hominem splendoris ex hujusmodi pradis divitias comportare.

Pamp. Imò pauperior erat Iro, quod dicitur, & Leberide nudior quavis.

Erotes. Miror. Cæterum arbitror hominem non perinde gratum fuisse piscatoribus.

Pam. Gratum? quotiens illum cognoverant piscibus in hunc modum insidiari, sagittis, fustibus, ar-

mis, lapidibusque bonis excipere toties conabantur, verum illorum subodora-

tus machinationes, longè alio semper erepsit loco quàm putassent. In pisci-

nis Abbatis, cum non semel eidem indulgisset venationi, acciderat, ut præ-

hensus capite propemodum fuerit diminuendus.

Erotes. Natasset nihilominus deinde tantus artifex? Quàm

oportebat hujusmodi industrium Colymbeten publico adedò conduci sala-

rio, ut hanc profiteretur artem, in commodum juventutis exercenda.

Pamp. Noverat is omnes leges, vitare sapienter ac gnaviter cuncta aquarum

pericula, quæ natantibus, ut diximus, non pauca occurrunt. Siquidem cautè

circumspiciendum, necubi palustribus
implicere herbis, ne impeditus vili isti
atque proverbiali Algæ vitam des tuam.
Saxo cœcove ligno imminens, aut sub-
limius nata ne impingas, aut certè
quo levius accipiaris impingens in ex-
tantia etiam obstacula, cave impetu
cum undis allabaris, sed nunc fursum
luctando, nunc commodè aquam cal-
cando sensim adpropinqua. In vorti-
ce potissimum te ita compone. quem-
admodum galli utrinque zelotypia ve-
hementi exasperati, obversis calcari-
bus (quæ arma illis sola penè natura
dedit) insultantes inter se mutuo con-
grediuntur. *Erot.* Necesse est Ichty-
ophagos in hac re eximios esse, cum
folis penè vescantur piscibus. *Pamp.*
Sanè si Plinio verè scriptum est, natans
hi hujus beneficio artis adeò perfecte,
ut piscium ritu in æquore versantes,
iplos persequantur celerrimè ac capi-
ant. Proinde huic industriæ, olim
quod vivere poterant soli pene acce-
ptum referebant, cum nullæ adhuc
essent naves. *Erotes.* Credin? *Pam.*
Certe. Navem dicuntur primi excogi-
tasse fabricasseque Argonautæ, adeoque
Iason

Iason longiori primum navigasse fertur, ut testis est etiam Philostephanus. In Nilo autem ex papyro, ac arundinum singulis plerunque internodijs lintres confici solebant. *Erot.* Mirabile istuc. *Pam.* In Anglico oceano ex circumfuto artificiose corio, si scriptoribus credimus. *Erotes.* Oportebat igitur hanc artem maximè tum in usu fuisse atque pretio, cum navigia tam infirma, tamque non fidelia adhuc essent. *Pamp.* Scilicet, cum nec oneraria navis esset ulla, nec Myoparo, nec Celox, neque Lembus. *Erot.* Proinde constat mortales ex rudibus olim atque incultis huc sensum artium atque omnium rerum inventionis cognitionisque sollicita indagine devenisse. *Pamp.* Ut non dies labatur unus, in quo non aliquid novi excogitetur. Natandi autem artem omnibus cum primis necessariam sæculis, nemo nescit esse vetustissimam, uti hac gratia tibi quoque, *Erotes*, commendatior esse merito debeat, quæ si hodie tam vulgo disceretur, ut olim, quando Germani, ut nandi peritissimi, à scriptoribus, Pomponio Mela, Herodiano, ac

Tacito eximiè laudati sunt, non perirent in aquis tot passim Germani etiam milites, quoties vel in fuga flumina obstant, vel alioquin absentibus navigijs, hostis est per aquas persecutione premendus, vel casu incidunt in alveos altiores. Siquidem qui probe instructus est in hac arte, non itatim lancea impeditur, alijsque levioribus armis, neque veste militari minus laxa & plicis sinuosa pluribus, certe aliquandiu natans. *Erot.* Fortassis. *Pam.* Quàm fortiter enatavit olim Horatius Cocles ex Tyberi, quò sese unà cum tota præcipitarat panoplia, quem hæc ars non sine stupendo miraculo, cum corporis animique fortitudine conjuncta patriæ incolumem servavit? *Erot.* Fata scilicet hominem ob singularem in patriam pietatem, ac immortale plane beneficium perire noluerunt. *Pam.* Quam laudem illi etiam sibi perperè apud omnem posteritatem milites Romani, qui naves Pœnorum fugæ intentas, atque in altum ex litore festinantes, natandi confisi scientiæ, lacertorumque aded firmitati, nantes in portum retraxerunt? *Erot.*
Insigne

Insigne narras factum. *Pamp.* Pergam: Quid item præstitit Scœvæ Romano nandi virtus? Nimirum ut tragula licet femur trajectus, ac aliâs gravissime ab hostibus Anglis tractatus, duabus etiam loricis gravatus ex mari Britannico fœliciter evadens enataret, quo quidem facto fortissimè diu præliatus Centuriatus consecutus est honorem à Iulio Cæsare. *Erotes.* Res est per quàm laboriosa in istum certè modum natando elabi. *Pamp.* Vides? Hujusmodi exempla complura enumerare possem, quibus tibi manifestius fieret, quid hæc ars utilitatis atque salutis hominibus adferre soleat, Verum ne nimis prolixa hæc reddatur disputatio, paucissimis tibi exemplis rem proponere volui. Non enim dicam quid commodarit etiam Leandro, ut noctu tories per mare intermedium, tanquàm ex uno mundo tranaret in alium, ad dulces subinde dilectæ Herûs complexus. *Erotes.* Atqui iste ausus toties repetitus tristem tandem peperit fortunam infœlici amori. *Pam.* Ita tandem visum Neptuno. Novi Turtegi, qui ex turri VVellenbergo vulgo dicta,

dicta, quæ medio stat Lymaco, fontium carcer, sese noctu, facto ex dissectis lintheaminibus velut fune, altè demilerit in fluvium, ubi aut pereundum illi fuerat, aut certè expectanda dies, quæ hominem proditum pœnæ tradidisset capitali. At vero hujus beneficio artis tranavit alteram fluminis partem, ac sese in cœnobij vicini tuto coniecit asylum. *Erot.* Ferunt lacum Tigurinum non raro totum congelari. *Pam.* Usque in ipsam civitatem, qua parte ex stagno fluentum solvitur. Brumali tempore, per medium lacum videres via tritissima plaustra vehi ac revehi onusta. *Erotes.* Ita audio, verum non ubique semper me crederem temerè bajulæ glaciei, hoc est, solo non satis solido ac firmo, sed quod in Tracensibus observatum est vulpibus, aure ad glaciem opposita gelu crassitudinem conjectarem ubique. *Pampir.* Vbi tandem cœpit liquefieri in Ianuario glacies, atque in marginibus atteri, vento concitata universa moles, tot scilicet miliarium longitudine corpus integrum, inaudito atque horrendo simul movetur fragore
nunc

nunc huc nunc illuc, dissolvi cupiens
 atque frangi, id est, redire cum sole
 coquente, tum tepidis solventibus
 ventis, in suum liquorem. Ibi non
 raro summam videres calamitatem.
Erot. Dic quælo. *Pam.* Qua parte
 admoveretur glacies, quicquid invene-
 rit obstaculi, altè in margine illidit at-
 que subruit arbores, saxa, domus, ni
 accollæ prævenerint. *Erot.* Qui pos-
 sunt? *Pamp.* Quum glacialis moles
 ædibus atque vicis imminet, latè præci-
 dunt vastam illam massam. Adjiciam
 quod perinde sis admiraturus. Cum a-
 liquando peregrinus, qui vôtum sus-
 ceperat ad divam Virginem, ut vocant,
 in heremo, duo nescius miliaria magna
 per medium glacie concretum stagnum
 iter fecisset, demiratus tantam plani-
 ciem, hospitem noctu interrogavit,
 de transiti nomine loci. Pandocheus
 re tandem intellecta, respondit illum
 super lacum transisse altitudinis 1000.
 ut minimum cubitorum. Tunc adve-
 na, qui prius sine metu ignarus sum-
 ma aquarum erat emensus, tuto jam
 loco rei percussus novitate, imagina-
 tioneque periculi penè exanimis con-
 cedit,

cidit, ita ut parum abfuerit, quin spiritum illic posuiffet. *Erot.* Demiror ita me Apollo benè amet, oportet densam esse glaciem, quæ tantæ ferendæ moli par sit. *Pam.* Binos, ut plurimum, cubitos. *Erot.* Si eveniret, ut rupta testa illa ac subsidente ex improviso mergerere, putan artem te quoque in eo posse servare casu? *Pampir.* Certè, nisi sub tectum glaciei longius contingeret ferri, tum enim actum esset cum de arte tum vita. *Erot.* Prius circumirem qualvis ambages, tutas modo, quam periculosum ejusmodi viæ brevioris compendium affectarem. Ignosces iterum atque iterum si quid præterea te interrogavero absurdi, quod adeò toties admiratus sum, quifit, quod ligna prægrandia natent in sublimi, lapis autem parvus mox fidat? *Pam.* Hominem sapientem. Lapillus quantūvis exiguus, respectu quantitatis suæ, gravior est, quàm lignum quàmvis magnum. In corporibus alijs levitatem reddit raritas, siccitas, porositas, quemadmodum & in pumice. In alijs gravitatem adfert eam, ut non possint supernatare soliditas, humiditas, densitas.

Vnde

Vnde fit, ut lignum etiam ligno sit gravius, lapis lapide, metallum metallo, ob non dissimilem causam poma vides natare, pira mergi. *Erot.* Naturalia nimirum sunt hæc. *Pamp.* Sunt. *Erot.* Dic obsecro, quomodo Delus insula errabundè circumnataste scribitur, de qua Poëta:

*Sacra mari colitur, medio gratissima
tellus,*

*Nereidum matri, & Neptuno
Ægeo,*

*Quàm pius arcitenens oras, & littora
circum,*

*Errantum Mycone celsa Gyaroque
revinxit,*

*Immotamque coli dedit, & contemne-
re ventos.*

Pamp. Fabulam natras. *Erot.* Verum, sed ejusmodi fabulæ pleræque si rectè inspiciantur, non sunt ociose inventæ, nisi falsum est, quod scribit Fulgentius *Aphricanus*, & *Palephatus* autor *Græcus*. *Pam.* Natabat quidem Insula illa præter naturam, procurantibus Dijs immortalibus, quibus nihil sit impossibile. *Erot.* Antequàm domum redeamus, libet adhuc *Erotæ* quiddam interro-

genio, didici, eorum animas, qui hic probè hanc calluerunt natandi artem, quibusque præterea datur, partim trannare, partim tipularum ritu summos leviter percurrere fluvios infernales.

Pam. Quid? fuisti ne in Hybæria?

Erot. Non, sed domi in lecto decumbens videbar mihi somniare in specu isto.

Pam. Quid igitur de re illic cognita rogas?

Erot. Cum quod sæpiusculè somnijs nihil esse credendum audivi, tum quod suspicabar te virum magicarum rerum etiam curiosum, certius aliquid habere.

Pamp. Habere autem?

Erot. Scilicet.

Pam. Atqui aded sum sceleratæ intentus Magiæ,

ut nemo unquam magis detestatus sit istas præstigiosas nœnias.

Erot. Mitte stomachum.

Pamp. Mitto, simulque nunc ex te vicissim cognoscere a-

veo, manes cum sint incorporei, eo-

que pedibus manibusque careant, quomodo vel natare, vel currere possint?

Erot. Dabis igitur illos volare.

Pam. Nihilo magis.

Erot. Qui sic?

Pam. Quia quemadmodum ad natandum currendumque remigij vice, manus pedesque requiruntur, ita ad volandum

alæ. *Erot.* Quid si pennæ? *Pam.* Odiose, quasi ex pennis non consistant alæ. *Erotes.* Dono, ac pergo: Verum heus tu prius, nondum modo solutus sum. Ex pennis dicis alas constare numero plurativo. *Pamp.* Dico. *Erot.* Opinor igitur, te contentiente, ex unica penna non posse confici alas, eoque unam pennam non posse volare, vel aliud quiddam ad volandum agitare. *Pamp.* Nimium quidem tu me ligas. *Erotes.* Proinde sentis te propemodum sinistrè esse philosophatum. Siquidem unicam pennam vidi non admodum pridem supra vetus, quod vocant, Collegium Ingolstadij, præaltas dixerim verè atque regales ædes volitare. *Pam.* Dono, sed anima ne unam quidem pennam habet. *Erotes.* Quin & vento aliquando vehementius flante, papyrus è fenestella rapta, tantum non subvolavit in cælum. *Pamp.* Fortassis alas habuit. *Erotes.* Qui potuisset? *Pam.* Si forsan ex Plinio est decerptum folium, ubi de varijs scribit avibus. *Erot.* Ridiculum hominem. Quinetiam nec stramina, neque pulveres alas vel pennas habent, & tamen turbine concitata quàm

quàm violenter volant? *Pamp.* De corpusculis inanimis dicis, quibus sua levitas naturalis alarum vice est, sicque moventur.

Erotes. Quid sentis igitur de Atomis Platonicijs semper obvolitantibus, cum nec corpus habeant neque pennas? *Pamp.* Corpus habent o bone.

Erotes. Qui istuc? cum corpus sit quod & videtur & tangitur? Hi neque tangi, neque videri possunt, nisi tenuiter clarius splendescente sole, obscuriori luce omnino non. *Pamp.*

Assentior, ac ut hujus semel disputationis sit finis, arbitror animam quodammodo simile quiddam esse cum Atomis. Invisibilis est nobis atque intangibilis habitantibus in hac tenebricosa vita. Post mortem videri potest, tanquàm in clara luce, alijs oculis, & tangi alijs manibus, nisi illud obstreper, quod apud inferos & Charontem nulla est lux. *Erot.* Petgis tu obstreperre? quin tandem simpliciter mecum credis, animas quaecunque habere corpus, itaque posse eas apud inferos sive natare, seu currere, sive volare. *Pam.*

Virges tu quidem hic negotium contra poeticos Theologos, cum anima sit spi-

ritus incorporeus. Cæterum, ut serio tandem dicam, quod sentio, arbitror tecum eorum animas, qui hic natandi artem noverunt, quemadmodum diximus de Tigurinis alijsque, meliusculè habituras apud inferos, neque sanè opus, si velint numulum comparcere, Charontis opera. Vides igitur, Erotes, hanc artem non solum vivis, sed & mortuis usui esse? *Erotes.* Rem dicis. Cæterum nunquàm vidisti figuris Virgilium nostrum illustratum? *Pamp.* Vidi, quid tum postea? *Erot.* In sexto Æneidos libro, cum Æneas & Sibylla campum ingrederentur Elyseum, pictura illic ostendit animas beatas in aëre volitare cum lagenis vini plenis, ac sublimes bibere. Neque pictor mentitur, tu testis es. *Pamp.* O fœlices aves, & animas volucres, Bacchoque sacras, quàm vellem in illum recipi aliquando beatorum cœtum. Sed jamdudum tempus nos hinc revocat, tu Erotes, quæ de arte dicta sunt natandi, fac diligenter observes, transferas in usum præcepta. Et, ut hoc iterum atque iterum moneam, cave nimium aquæ cuilibet credas, subrepat aliquando,

cum

cum minimè putasses, vitæ discrimen. Audisti utilitatem hujus artis, si rectè utaris. *Erotes.* Probè omnia. Dices discipulum docilem, & sedulum atque cautum. *Pamp.* Quod reliquum est igitur, demus operam omnem, ut tuto etiam in procelloso hujus mundi pelago pernatemus ad portum exoptatum, ac patriam promissam. Occludamus aures sedulo natantes, ne nos lethaliter permulceant nephariæ Syrenes, & mergant tandem. Moderemur vitæ navigium nostræ longè à Charybdi & Scylla: precemur dominum, ut natantibus ac navigantibus semper præsto esse dignetur. Accesseras hodie, ut sordes corporis ablueres, *Erotes*, nos religiose hoc studeamus, ut quoties animus est delictorum immunditie conspurcatus, descendamus in natatoriam Siloen. Natemus in ea bona spe, ut puri ac verè loti subinde redeamus. Id fiet, si jugiter nataverimus in flumine lachrymarum nostrarum, adfectum animi pœnitentis testantium. Rigemus stratum nostrum effusum lachrymis, inque eo sic natemus cum regio propheta David. *Erotes.*

Piè tu ista mi Pampire. *Pam.* Quod si quædam verbosius contulimus, incidimusque in varias disputationes, excusabit nos locus amœnissimus, diesque pulcherrimus, jam & fluvius vitreo planè colore perspicuus, dulci gratoque delabens murmure, postremò ipsa etiam disputationis materia. Hæc sunt scilicet, quæ colloquium distulerunt nostrum. Sequere. *Erot.*

Sequor. *Pamp.* Ut & intus domi madeſciamus. *Erotes.*

Istud jamdudum
desidero.

FINIS DIALOGI

COMMENDATIO

ARTIS NATANDI,

CORONIDIS VICE.

QUAM præclara, quàm item utilis & necessaria sit natandi peritia, nemo facile dixerit. Testantur vero miserabiles exitus eorum, qui undis periére, qui si hujus artis gnari extitissent, vivi ad suos alarum remigio transissent. Hylas Herculis puer, frustra jam à nautis vocatur, teste Verg. 8. *Ægloga*:

*His adiungit Hylam, nauta quo fonte relictum
Clamassent, quum litus Hyla Hyla omne sonaret.
Socij Æneæ, naufragio palli, omnes
salvi ad littora venissent, si arte hæc
non destituti, fato potius interire debebant, vide Verg. 1. & 6. Æneid.*

*Cernit ibi mæstos, & mortis honore carentes,
Leucaspim, & Lyciæ ductorem classis Orontem;
Quos simul à Troia ventosa per æquora vectos,
Obruit auster aqua, involvens navemq; virosq;
Palinurus gubernator navis, ubi natando aliquandiu luctabatur in aquis,
portui Velino vicinus ab incolis pro
belua marina, horrendum, obrutus
est. Verg. in 5.*

*O nimum cælo & pelago confise sereno;
Nudus in ignota Palæure iacebis arena.*

*Sic Milenus Aeneæ tubicen deturbatus
in mari petit: Verg. 6.*

Qui cum fortè tamen &c.

*Tyberinus rex, Tyberi submersus,
enatando salutem quærere potuisset,
Ovidius 4. Fast.*

*Accipimus regnum post hunc Tyberinus ab illo,
Dicitur in Tusco gurgite merfus aqua.*

*Helle ut Colchos videretur, ariete au-
rei velleris usa, in Ponto perterrita de-
cidens, arte natandi destituta, miserè
petit. Vnde Helleponto nomen indi-
dit Ovid. in Epist.*

*Eorsitan ad pontum mater pia venerat Helles,
Mersaq; rumbatis nata fleatur aquis. Ov. 4. Fast.
Propertius lib. 2.*

*Qualem purpureis agitatam fluctibus Hellem,
Aurea quàm molli tergo vexit ovis.*

*Icarus volans cereis pennis, in mare
cadens enatasset, ni simili ratione suæ
stultitiæ & temeritatis pœnas luisset
merito, Ovid. 1. Trist.*

*Dum petit infirmis nimum sublimia pennis
Icarus, Icareus nomina fecit aquis.*

Idem 8. Meta.

*Leander ad Amasiam suam Ero na-
tans, tempestatibus par esse non pote-
rat. Martial. lib. 1.*

*Quum peteret dulces andax Leandrus amores,
Et sessus humidis iam premeretur aquis.*

*Sic miser instantes affatus dicitur undas,
Parcive dum propero, mergite dum redeo.*

Ovid. in Epist. & Trist.

Eupolis poeta naufragio non periisset, si hac arte nostra suæ potuisset consulere vitæ. Sic neque Menander cum exiguo nataret imperitè fluvio submersus fuisset.

Ovid. in Ibin.

*Comicus ut liquidis perijt dum nabat in undis,
Et tua sic stygius strangulat ora liquor.*

Sic neque Marullus poeta Iontani discipulus, qui in amne Cecina periit. Hi atque alij sanè multi satis arguunt, quantum spei, salutis & vitæ in peritia natandi sita atque reposita est. Idèd sani saltem mente, oculis atque auribus sese in hoc quoque studio strenuè exerceant. Romani olim, atque adeo Græci studio liberali artium & literarum, natandi peritiam addidère non inferiorem, quibus nimirum & animo & corpori rectius consulitur: Vnde etiam hodie etiamnum adagium ea de re jactatur in eos, qui supra modum indocti, nihilque prorsus bonarum artium in pueritia didicerunt: μήτε νῆν,

μῦθε γράμματα novit. Sic Delius quidam natator Græcus, Græcis proverbium dedit, quibus celebratur, ad quod Socrates in Platone alludit. Apud Romanos Horatius Cocles natator egregius fertur, inprimis ea natandi arte fretus, solus hostium impetum sustinuit atque repressit, donec à tergo pons solveretur à socijs, quo soluto armatus se in Tyberim demisit, & ad suos tranavit. Sic Chælia trajecto Tyberi Romam redit, seque exemit captivitate. Verg. lib. 8.

*Pontem auderet quum vellere Cocles,
Et fluvium vinclis innaret Chælia ruptis.*

Juvenal. Sat. 6. Plura atque hæc de Græcis & Romanis utcunque sufficiant. Quid vero de Germanis nostris dicamus, quos meritò omnibus nationibus, ut virtute, fortitudine, animi moderatione, ita artium omnium ingenuarum, sive liberalium sive mœchanicarum, adde etiam studio & peritia natandi præferam? Testantibus & Græcis & Latinis scriptoribus. Scribit Herodianus lib. 8. Hist. Germanos semper peritissimos fuisse studio natandi, eosq; in fluvijis tantummodo, quorum

Germaniam

Germaniam refertam scribit, lavasse, seque subinde natando tradidisse fugæ. Idem Plutarchus de Cymbris scribit: Cymbros autem Germanos esse, nemo est qui dubitat, hos hodie vocamus Danos, Norvegiosque. Corn. Tacitus lib. suo 20. ex professo Germanos ad cælum usque tollens: Ipse homo Romanus, ait, Germanos omnino fluminibus suetos. Idem & Cæsar lib. 6. Pomp. & Mela lib. 3. Hyeme quoque flumina trajecisse natando Germanos solitos. Atque ea est illis naturalis & penè divinitus insita notitia, qua ut dixi, omnes superant nationes. Non desunt autores, qui rationes Astrologicas ejus rei constantissimè producant, ut apud Iulium Firmicum vides. Eam rationem & Beroaldus de Germanis confirmat, & Manilius lib. 4.

Ultima quos gemini producunt sydera pisces,

His erit in pontum studium, vitamq; profundo.

Hoc vero miraculi loco ponendum arbitror, quod de Germanis Ammianus Marcellinus scribit, fugatos Germanos in armis servato eodem ordine etiam fluvios transisse maximos, nec unum ex ipsis fuisse desideratum. Corn.

Tacitus

Tacitus lib. 2. scribit Bâtavos Germaniæ populos, quos Hollandos vocamus, insultasse aquis, artemque natandi hominibus primos ostentasse atque edocuisse. Herodianus autor Græcus, ult. suo lib. ait, Solos Germanos ausos se simul & equos natandi peritos alveis concedere: vide Francisc. Irenicum. Hæc in laudem Germanorum data opera omittere nolui, ut habeant nostri adolescentes patrum exempla, ut eo acrius vestigijs insistentes, similes sese effingerent, atque omnino conarentur ea exercitia posteris tradere, quæ per manus quasi ipsi à majoribus acceperint, nisi degenerare malint, atque omnino ignavia sua virtutem patrum traducere atque obfuscare, atque inde se nothos potius declarare, quam veros filios. Extat Epigramma Græcum incerti authoris, quomodo hujusmodi degeneres veteres Germani, quos Græci communi vocabulo cum Gallis Celtas vocabant, probarint, quod Ioannes Baptista Pius vertit, in hunc modum.

Audaces

*Audaces rapido Celta nova pignora Rheno
 Explorant, non hos genitrix prius ubere largo
 Alma fovet, vitreas fluvij quàm venit ad undas.
 Lympha novum capit alta genus, quod remigis
 instar*

*Vmboregū, fluvidiq; effulcit corpus alumni:
 Et sætum sic unda probat, lectumque ingalem.
 Damnat adulterij sædo si decolor igne.
 Post dubios genitrix casus memor Ilithyie
 Ancipitis, fulcit gelidis in fluctibus ortum:
 Anxia dispiciens cui mobilis annuat unda.*

PHILIP.





PHILIP.
MELANTHONIS,
LAVS
FORMICÆ.



EMO in hoc cœtu dixit unquam, quantum equidem judicare possum, cui perinde benevolentia vestra, atque mihi opus esset; non modo quia hæc ætas mea singulari favore confirmanda, & adjuvanda est, sed etiam quia argumentum adfero, quod etiam si novitate placere possit, tamen ita est exile, ut nullam magnopere admirationem mereatur. Alij res gestas clarissimorum Imperatorum recitarunt, & tum honestè facta summorum hominum, dicendo ornaverunt, tum aut populorum, aut Tyrannorum turpiter facta gravissimè vituperaverunt. Ego quoniam deerat eloquentia

Parvorum
verum il-
lustres
imagines.

eloquentia par tantis causis, infirmitate virium humiliter argumentum querere coactus sum. Qua de re dum aliquot dies delibero, dumque reputo quas res exiguas laudaverint veteres scriptores, à Luciano video muscā, à Virgilio apes mirificè ornatas esse. Cum igitur mihi honestum esse putarem, veterum exempla sequi, formicas sumpsi laudandas. Neque nullum operæ precium esse judico in tanta naturæ varietate hæc minuta animantia contemplari. Etenim non modo Ethnici scriptores dignam hanc materiam in qua elaborarent putaverunt, sed etiam principes Christianæ doctrinæ, mentione parvarum in natura rerum delectari videntur. Christus jubet nos passeres intueri: Solomon præcipit non modo contemplari formicas, sed etiam nos ad eas tanquam in ludum discendi causa mittit. Quid commorem quàm multa animantia Basilius diligentissimè descripserit, & Basilium secutus Ambrosius, eandem animantium historiam in enarratione operum sex dierum penè ad verbum recenset, docetque in illis proposita nobis esse à Deo,

Deo, & tanquam picta plurimarum virtutum simulachra, quæ nos officij nostri admonerent. Turpissimum est enim homini tam longè à sua natura degenerare, ut à bestiis etiam virtute superetur.

Non igitur iuutile videbatur ingenia, moresque, & totam quasi πολιτείαν fornicarum describere, quod inde plurima pulcherrimarum virtutum exempla, & verè, quod ajunt Græci *μερμήριστα ἀγαθὰν* capere liceat. Videte autem quantum mea me fefellerit opinio. Quod enim argumenti genus arbitrabar propter tenuitatem sine magno negotio exponi & perpoliri posse, id in experiundo cognovi longè secus esse. Comperi enim non mediocris artificis esse, honore verborum res exiles ornare ac illustrare. Quanquam igitur sentiebam me suscepto oneri imparem fore, tamen quoniam non ad ingenij famam, sed exercendi styli causa susceperam, desistere nolui, sed peregi fabulam quam inceperam. Quæso igitur vos, ut pro humanitate vestra me benignè audiatis, quod si nulla alia res, tamen scholæ consuetudo à vobis impetrare debet,

De ortu
formicarū
divino.

debet, etsi suam laudem honestus conatus meretur, non indigni favore iudicandi sumus honestissimo argumento suscepto, etiamsi rei, quam instituimus, difficultate victi sumus. Sed ut Philosophi in descriptione animantium, primū de cuiusque procreatione disputant, ita & nobis formicarum ortus, inde usque ab ovo, ut ajunt, repetendus erit. Verū historia formicarum longior Ihade futura sit, si omnia commemorare velim: sed hoc ad earum laudem magnopere pertinere existimavimus, quod cum tam multa divinitatis vestigia in eis extant, intelligi possit, eas non sine certo Dei consilio natas esse, multoque verius quā Poeticos heroas genus à Iove summo ducere, ut Poëta inquit. Quomodo enim in hac terrena natura futuri præscientia sine divina vi existere potest? Non hanc tantam haberet hic vermiculus industriam, longè alienam à brutorum captu, nulla gregalium noticia, nulla mutua collocutio inter eas esset, nulla nossent temporum discrimina, nisi mentem Deus indidisset tantarum rerum, tamque variarum capacem. Etenim sapere, meminisse

minisse præterita, consequentia cernere, futura prævidere, ne homines quidem, nisi divinitus commoti, excitati-
que, possunt.

Quis enim, quamvis ingeniosus, sine Dei ope, varios motus stellarum, magnitudinesque, molem terræ, & alia multa deprehendisset? Multò minus igitur bestię ratiocinari, & futura videre, & animadvertere præsentia, nisi Dei beneficio possunt. Neque enim hæc aliunde, quàm à Deo in terrenam naturam propagantur. Habent igitur formicæ non dubium generis sui auctorem Deum, cujus rei id quoque si- *Formicæ nostri doctores.*
gnum esse intelligi potest: Nam cum sacre literæ mittant nos ad formicas, tanquam ad Magistros, profectò significant hoc consilio à Deo fabrefactas, & his ingenij dotibus instructas esse, ut docere nos utilia possent. Ut enim nullus paterfamiliās, si sapiat, filium docendum tradit ei; cujus non probat eruditionem: ita credibile est, nec divinum spiritum nos ad hujusmodi Magistros mittere, qui non doceant cœlestia. Necessè est igitur eas artes, quas nobis istæ discendas proponunt, divinitus in
n 2 sensibus

sensibus ac natura formicarum scriptas
 atque sculptas esse, vereque esse in eis,
 ut Poëta ait: partem aliquam divinæ
 mentis, & haustus æthereos. Dixi ha-
 tenus de formicarum ortu ac nobilita-
 te, quæ non parvam commendationem
 habet: Adfert enim nobilitas non mo-
 dō in hominibus, sed etiam pecudibus,
 quædam virtutis semina, quæ à paren-
 tum natura in posteros propagantur.
 Nunc de ingenijs ac moribus, deque
 omni vitæ consuetudine illarum dicen-
 dum est. Atque hæc pars orationis,
 quid aliud habet, quàm honestissimam
 quandam formam rectè vivendi? Ne-
 mo Philosophorum non tradidit bene
 vivendi præcepta. Sed hujus insecti
 historia, quid sit rectum, quid turpe,
 quid utile, quid non, quid deceat, me-
 lius Chrysippo & Crantore dicit. Quis
 non hæc singularis prudentiæ diligen-
 tiæque indefessæ opera esse dicat? Col-
 ligendi victus tempora intelligunt, pro-
 inde acervum frumenti in messe com-
 portant, condunt, comparcuntque in
 hyemem, prævident enim hyeme in va-
 cuis agris frustra se pabulum quæsi-
 turas esse. Onera morlu gerunt, longe
 majora

*Ingenium
 ac mores
 illarum.*

*Colligendi
 victus tem-
 pora, &
 modus.*

majora, quàm pro corporis portione
ferre posse credibile sit. Quædam gran-
diora protrudunt, tota corporis mole
obnixæ: semina priusquam condant,
arrodunt, ne rursus exeant in fruges è
terra, madefacta imbre proferunt at-
que siccant. Nec noctu, plena luna va-
cuæ sunt: Vsq̃ue aded turpe ducunt
feriari, ut nullum sibi tempus idoneum
labori perire sinant. Interlunio cessant
ab opere: si quæ in itinere ferendis gra-
nis gravatæ sunt, gregales norunt, &
quoniam sæpe tanquam ex diversis ci-
vitatibus in eadem via conveniunt, in
unum aliquem locum omnes univer-
sum comeatum comportant, ibique
sua signa recognoscunt, ibi velut exer-
citiū recensentes, agmina separant,
& suum cuique avehendum tradunt.
Obviæ inter se quasi colloquuntur, ac
percontantur, donec agnoscant singu-
læ suos cives.

Nulla tam sapienter constituta civi-
tas fuit unquam, quæ ad hanc formi-
carum politiam conferti possit. Nam
cū nullum urbibus venenum nocen-
tius sit, quam ocium, videtis hanc pe-
stem procul ab hoc animalculo abesse.

Industria.

Nunquam ardentissimi æstus à labore absterrent, non noctu vacuæ sunt, quod tempus alijs animalibus natura ad quietem dedit. Non magnitudine itinerum, aut asperitate viarum defatigari se patiuntur. Sed sæpe ex longinquo frumentum convehendum est. Sæpe per confragosa saxa, magna vi grana in adversos montes protrudenda sunt. Ita omnes difficultates, non virium magnitudo, non corporis moles, sed animi robur, & industria superat, ut adpareat, hic etiam verum esse id, quod est apud Historicum quendam: Nihil tam altum à natura constitutum esse, quo non possit virtus eniti. Non dubium est autem, quum ut omnia ex ocio vitia nascuntur, ita labor plerasque pulcher-
Justicia. rimas virtutes gignat. Proinde nec cæteræ virtutes defunt huic generi. Quis enim non videt singularem justiciæ intellectum in eis esse? quia certos dies construunt recognoscendis oneribus, ut cuique agmini suum tenere sine injuria liceat. Facile est enim ab alieno abstinere his, quibus in sua virtute industriaque spes posita est: sed illi qui cum per luxum atque libidines sua effuderunt,

fuderunt, postea rationem incunt, quomodo de alieno heluentur. Hinc in civitatibus novæ tabulæ flagitata, bella civilia, & innumerabilia alia mala, quæ civium discordia parit, nata sunt.

Quid autem de parsimonia formicarum dicam, quæ in hoc genere maximè Parsimonia. cernitur? Non enim tantum in præfens sibi consulunt, sed comparcunt, & prospiciunt sibi in futurum: quæ virtus cum per sese magna sit, & mirabilis, tamen hoc etiam gratior esse debet omnibus, quod iusticiæ veluti custos est. Neque enim tolerare infinitos illos sumptus sine alieno decoctores possunt, sed longè dignissima bono civis virtus est, in commune quærere, & communia bona summa diligentia augere. Quæ res enim alia omnibus civitatibus exitio est, quam quod privata bona, publicis utilitatibus plerique omnes anteferunt? Atqui ita sentire nos oportuit, quoniam patriæ salute, nostra salus continetur, & quoniam ipsi à patria in qua nati, educati, ad humanitatem, & religionem instituti sumus, cujus legibus vitam nostram ac fortunas defendimus, tam multa

beneficia

beneficia accepimus, æquum esse, ut nos etiam illius utilitates pro virili juvemus; imo quidquid aramus, quidquid serimus, quidquid metimus, ad patriæ utilitatem referendum esse existimemus. Denique illius salutem, ac tranquillitatem antiquiorem dignitate, ac salute nostra, ducamus. Hanc virtutem licet in formicis cernere ad communem usum, assiduas operas conferentibus. Videtis quàm multarum virtutum exempla nobis formicæ proponant, ad quam imaginem si maximam hominum partem contuleris, quotusquisque erit his virtutibus præditus? Bona pars voluptatibus atque ocio dediti, nulla de re in omni vita sunt solliciti, quàm de convivio adparando, aut alijs similibus voluptatibus comparandis. Seneca scribit, Pacuvium quendam prætorem in Syria fuisse, qui quotidie splendide convivatus, cum le copioso vino de die ingargitasset, solitus sit vesperi funus sibi adparare, accersere tybicides, qui funebres modos canerent, & hoc genus alia curare ad funeris speciem repræsentandam. A cœna cum jam sustinere se ebrius non posset

Seneca de
quodam
Pacuvio
convivante.

posset jubebat se lectulo impositum,
 tanquam funus inferri in cubiculum,
 & cantari fanebres modos *Be Glwrtu Be
 Glwrtu*. Iudicabat enim eum demum
 diem præclare se vixisse, quo ita esset
 convivatus: nec ducebat esse vitam ad-
 pellendam, cum non liceret ejusmodi
 voluptatibus perfrui. Quis non sta-
 tuat plus esse mentis formicæ, quam
 huic Pacuvio, qui vitam homini hanc
 unam ad rem, ad pecudum voluptates
 perfruendas, datam esse credidit? Et
 quamvis exemplum Pacuvij in funere
 faciendo non multi imitentur, dogma
 tamen hoc præclarum maxima pars ho-
 minum proficitur, qui nihil in omni
 vita dignum homine suscipiunt ac ge-
 runt, sed in ocio, & inter pocula tem-
 ulenti ætatem exigunt. Sed quoniam
 sanorum hominum iudicio, ventres isti
 non homines, sed verius monstra homi-
 num sunt, desino formicas cum his con-
 ferre, quos non modo formicarum ex-
 empla, sed ne quidem publicæ leges ad
 sanitatem revocare possunt. Nulla au-
 tem inter omnes laudes formicarum
 amplior esse mihi videtur, quàm ea, *Solomon*
 quæ apud Solomonem est: Is enim in-
 quit,

quit, formicas non modò stultos, sed sapientes anteire prudentia. Neque ego, nisi tam gravem authorem haberem, auderem hoc paradoxum inter doctissimos homines dicere. Sed quia formicarum laudes colligere institui, non fuit hæc prætereunda, præsertim cum esset amplissima. Quid audio? omnibus Philosophorum scholis, omnibus Rerum publ. gubernatoribus, denique omnibus sapientibus viris, formicæ præferuntur. Hoc planè est juxta proverbium, Formica camelus. Et cum non possim hoc loco omnes causas, cur ita scripserit Solomon, recitare, sunt enim multæ, quas ex ipsius Christianæ doctrinæ fontibus longè repetere oporteret, tamen unam hanc commemorandam esse duxi.

Tanta desidia est humani animi, ita penitus heret in nostris medullis voluptatum atque ocij amor, ut nulla tanta sapientia sit, quæ non voluptatum illecebris vinci, & expugnari possit, ut industriam, laboremque remittat. Quod cum etiam Poëtæ animadvertissent, finxerunt Herculem tot domitorem monstrorum, Omphales amore captum, muliebri

Animi humani desidia in Hercule notata.

muliebri veste, in gynæcio tenentem colum. Atque hoc illi de summo viro fingeant, ut significant nullam tantam esse vim animi, quæ non frangi ac debilitari blanditijs voluptatis posset, Compara verò mihi formicas ad hunc Herculem, aut si mavis ad Alexandrū, harum industriam sedulitatemq; nulla res unquam retardat. Illi scilicet heroes summa sapientia ac fortitudine præditi, quàm immutati sunt, alter amore mulierculæ, alter etiam magis beluinis voluptatibus? Huc igitur sacræ literæ sapientes etiam viros accersunt, & in hanc Academiam vocant, ut discant, non modò similem in laboribus constantiam præstandam esse, sed etiam ut videant quanta sit infirmitas humanorum animorum, qui tam facile defatigari se patiantur, ut formicæ etiam robore animi summis viris præstent. Et has ideo intueri jubet, ut cum viderint tantam vim vilissimæ bestiolæ divinitus datam esse, petant & ipsi, expectentque à Deo similem constantiam industriamque. Sed de hoc toto loco, alij rectius dicent.

Vos autem optimi Commilitones,
quoniam

Exhortatio

*ad seduli-
tatem.*

quoniam ita jubent sacrae literae, intus
emini formicas, & cum aliarum virtu-
tum exempla ab eis petite, tum in pri-
mis earum sedulitatem exprimere con-
tendite. Etenim si vel nulla proposita
essent nobis laboris nostri praemia, ta-
men quoniam Deus praecipit ut labo-
remus, parere illius voci debeamus.
Nunc autem cum etiam tanta praemia
proposita sint, quæ est amentia, tanta-
rum rerum magnitudine non excitari,
aut acui ad laborem? Nil sine magno
vita labore dedit mortalibus, inquit
Poëta. Proinde nolite putare, sine
magna animi contentione ulla vitæ præ-
sidia comparare vos, aut retinere posse.
Qua de re cum omnes omnium docto-
rum virorum libri pleni sint, & referti
hoc genere exhortationum, ego vobis,
quoniam propter ætatem, vel ad mo-
nendos vos, vel ad cohortandos parum
authoritatis habeo, recitabo vobis gra-
vissimum locum, qui extat in Xeno-
phonte, quemque se Xenophon ex
Prodicæ libro transscripsisse fatetur.
Sunt autem contrariæ orationes Virtu-
tis & Voluptatis ad Herculem delibe-
rantem, utram vitæ viam ingreditur,
voluptatis

voluptatis ne, an virtutis sequatur, sic enim ait.

Cum Hercules ex pueritia egressus, jamque propè pubertatem esset, quæ tate sui compotes facti adolescentes, significant utram viam, virtutis, an igna viæ ingredi velint, exijt in solum locum, seditque tacitus secum deliberans, utram viam iniret. Hic adparuerunt ei duæ mulierculæ majores humana specie, quarum altera vultu modello & liberali erat, nullo peregrino cultu aut fuce ornata; sed genuina bonitas formæ adparebat, in corpore mundicies, in oculis pudor, in incessu modestia, vestem præterea candidam gerens. Altera erat habitior, & fucata, nam & rubor, & candor major erat nativo. Et incedebat supina, oculos latè pandens, veste induta, quæ formam maximè commendabat, contemplans interim se, & circumspectans, an alij se viderent, nonnunquam etiam umbram suam respiciens. Postquam autem propius ventum est, illa prior modestè pergebat. Hæc autem ut anteverteret, occurrit ad Herculem, ac inquit: Video te Hercules deliberare utram viam

*Orationes
virtutis &
voluptatis
ad Hercu-
lem.*

Voluptatis

ad vi-

ad vitam agendam ingrediaris: Quod si me tibi adjunxeris, ducam te jucundissima & facillima via. Nulla res jucunda est, qua non potieris, & molestiam nullam perpetieris. Neque enim aut bella, aut alia gravia negocia curabis, sed hoc unum cogitabis ac quæres, ubi aut cibum aut potum suaviorem invenias, aut quod delectet oculos, aut unde olfaciendo, aut tangendo aliquam voluptatem percipias, aut ubi amoribus perfruaris, aut quomodo molliissimè cubes, & quomodo hæc omnia sine aliquo labore consequaris. Et si quis inciderit metus egestatis, non est quod timeas, me tibi aliquid laboris imposituram esse, efficiam enim, ut fruaris his, quæ alieno labore parata sunt in promptu. Nec ulla re abstinebis; unde modo speres te aliquam voluptatem posse lucrifacere: Ego enim meis sodalibus potestatem facio, ex omnibus rebus voluptates decerpere. Hæc Hercules audiens, inquit: Mulier, quod est tibi nomen? Tum illa: Mei sodales vocant me Fœlicitatem. Qui me aspernantur, vocant me Ignaviam.

atque: Venio & ego ad te adolescens:
 Novi autem tum generosos parentes
 tuos, & indolem educationemque tu-
 am: Hæc mihi spem faciunt, fore, ut
 si me secutus fueris, magnas & hone-
 stas res geras, & me multò clariorem
 apud homines efficias. Nec longa te
 præfatione, quæ ad voluptatem fingi
 solet, morabor, sed simpliciter id quod
 res est, vereque narrabo, quod Dij con-
 stituerunt. Nulla vera bona, sine labo-
 re curaque mortalibus Dij dederunt.
 Sed siue Deos tibi vis esse propicios,
 placandi sunt: siue ab alijs diligi vis, be-
 neficijs adjungendi sunt: siue honore
 adfici à civibus cupis, bene mereri te
 de patria oportet: siue vis in admirati-
 one esse apud omnes Græcos, bene fa-
 ctis id te consequi oportet: siue vis ut
 terra pariat tibi fruges, colenda est: siue
 ex pecudibus ditescere vis, pascendæ sūt.
 Siue bello opes tuas augere voles, ut so-
 cios in libertatem adseras, & inimicos
 in servitutem redigas, belli artes dis-
 cendæ sunt ab his, qui eas norunt, &
 exercendæ, ut quomodo eis utendum
 sit, scias: Si robur corporis vis confir-
 mare, consuefaciendum est, ut rationi
 obediat,

obediat, & exercendum magno labore ac sudore. Quod cum dixisset virtus, interpellat eam ignavia, inquiring: Vides Hercules, quàm asperam & longam viam ad fœlicitatem hæc tibi mulier ostendat, quo ego tibi compendiarium & planam viam monstravi. Tum virtus: O misera, dic nunquid habeas boni, & nunquid suave unquam cognoveris? quæ nullum laborem vis illorum consequendorum causa suscipere. Et ne quidem expectas naturale desiderium suavium rerum, sed antequam natura expetat eas, imples atque obruis te, edis priusquam esuris, bibis antequam sitis, condimenta varia ad irritandam famem excogitas, vina preciosa, ut invites sitim, comparas, in æstate nivem quæris: Et ut suaviter dormias, non modo mollia strata, sed etiam lectos facis, somnum enim accersis, non ut per laboris intervalla quiescas, sed inopia negocij; sine pudore ac legum metu amoris operam dās, nocte abuteris, & optimam diei partem somno perdis. Et cum Deam te esse glories, ex Deorum numero ejecta es, aspernantur te & honesti homines. Neque unquam
 suavissi-

suavissimum carmen, tuas laudes audisti. Et pulcherrimum spectaculum nunquam vidisti: Nullum enim unquam recte factum tuum spectasti. Quis tibi improba credet? quis egenti dabit aliquid? Quis sanæ mentis in tuo choro esse velit? ubi juvenes imbecilli corpore sunt, senes fatui, qui cum adolescentiam in ocio perdiderint, senectutem miseram & calamitosam agunt. Tunc & pudet anteaetæ vitæ, & piget primum quærere necessaria ætati subsidia. Suavia in adolescentia ante tempus præciperunt, laborem & ærumnas in eam ætatem distulerunt. Ego verò apud Deos versor, & apud honestos homines. Nullum honestum facinus, neque Dij neque homines sine me faciunt, ideoque me & Dij & homines honore adficiunt. Grata sum opitulatrix artificum, fida custos familiæ dominorum, benevola adiutrix servorum, jucunda comes laborum in pace, firma periculorum in bello auxiliatrix, optima amicitiae socia. Et mei amici suaves voluptates sine fastidio percipiunt ex cibo & potu, expectant enim illorum naturale desiderium.

Somnus etiam suavior eis est, quam ociosis, quem etiam cum opus est, sine molestia abrumpunt, nec propter hunc, necessaria intermittunt. Et juvenes senum laudibus gaudent, & senes delectantur juvenum honoribus, & incredibili voluptate rerum à se gestarum meminerunt. Et sine difficultate præsentis labores conficiunt, per me Dijs chari, amicis, chari patriæ. Et cum ex hac vita discedendum est, non obscuro aut ignoti jacent, sed laudes eorum perpetuò à posteris prædicantur. Hæc tibi ô fili bonorum parentum Hercules contingent, & veram felicitatem stabilemque ita consequeris, si laborem non defugies.

Sic virtus apud Xenophontem concionatur, & ad labores suscipiendos, non tantum Herculem, sed omnes adolescentes, verissima gravissimaque voce hortatur. Qua oportuit aures vestras undique circumsonare, & inertes animos tanquam classicos exuscitari. Atque hanc ipsam virtutis orationem divinitus in formicis scriptam putate, quas quoties videbitis, veniat in mentem hanc vobis imaginem, quæ

vos ad laborem incitet, in terris à Deo propositam esse. Et sicut comœdiæ exhibentur, ut in illis exemplis discamus, quid in vita deceat: Ita Deus in hac rerum natura varia spectacula fecit, quæ nos officij nostri commonefacerent. Proinde cum formicas convenientes grana, condentesque in commune spectabitis, existimate hanc tanquam Dei vocem esse, quæ jubet ocium, nocentissimam pestem fugere, & suscipere honestos labores, quibus & nobis ea quæ in omni vita necessaria sunt, comparemus, & societatem communem hominum juvemus. Quod si facietis, favebit vestris illis laboribus Deus, & omnem vitæ cursum fortunabit. Contra, qui capti amore ocij voluptatumque, non volent formicam audire, atque imitari, ad quam à Deo tanquam ad magistros missi sunt, hi sciant se gravissimas pœnas contemptæ magistræ, imo contempti cœlestis mandati, duros esse: odit enim ocium Deus, ideoque non unum calamitatis genus ex ocio nascitur. Dixi.



M. A N T O N I I
M A I O R A G I I
L V T I
E N C O M I V M.

P L V R I M I S in rebus
imperitæ multitudi-
nis, & vulgarium ho-
minum ignorantiam,
ac mentis cœcitatem
licet intueri, Quiri-
tes, qui tam præcipiti ac temerario in
rebus ferè omnibus iudicio utuntur,
& cogitationes suas ita distrahi patiun-
tur, ut ea sæpissimè vituperent, quæ
maximè laudanda esse videantur, con-
traque sæpenumerò mirificè probent,
quæ plurimum essent improbanda.
Quotus enim quisque reperitur, qui sa-
luberrimis potius quàm jucundissimis
cibis delectetur? aut qui malit cum
abstinentia sanus esse, quàm cum in-
temperantia semper ægrotare? Simi-
lis est etiam opinionum ratio: Trahi-
tur sua quisque cogitatione, eaque
laudas

laudat quæ putat esse magnifica, vituperatque contraria: sed pauci admodum rerum naturas verè perspiciunt, & ad id tantum omnes, quod in præsentia utile esse videtur, toto impetu rapiuntur, cætera, quæ sunt à sensibus remota, non ita diligenter considerant. Quamobrem cum falsis opinionibus tantoperè fallantur homines, nulla repentè spernenda est oratio, quæ vulgi sit opinionioni contraria: quamvis enim initio propter insolentiam absurda esse videatur, tamen exitu plerumque utilissimo atque jucundissimo concluditur. Sed vobis, adhortatione mea nihil opus esse intelligo, quos jam erectos omnes, cum hilaritate quadam expectare video, quid hac nova atque admirabili causa de Luto, hoc est, de re, quemadmodum fortasse vos existimatis, tam humili atque abjecta, dicturus accesse-
 rim. Hoc enim ita natura comparatum est, ut insignis semper novitas mortalium animos erigat, atque excitet: quæ si talis est, ut eos audita commovere possit, affectos aut summa jucunditate, aut ingenti tristitia derelinquit. Ac mihi quidem, Quirites, hoc unum erit
 in hac

in hac oratione studium, ut quæcunque
dixero, non solum jucunda, sed etiam
admiranda vobis esse videantur. Quod
si quis mihi Deus vestram ad me audi-
endum benevolentiam conciliârit, effi-
ciam profectò, ut intelligatis, nihil esse
luto nobilius, nihil pretiosius, nihil u-
tilius, nihil denique magis necessarium:
modò quam opinionem jam vestris
mentibus compræhendistis, eam si ra-
tio convellet, ac labefactabit, si denique
veritas extorquebit, libenti & æquo a-
nimo remittatis. Tunc certè illa præ-
clara quorundam hominum ingenia,
negligentiæ nomine condemnanda es-
se judicabitis, qui cum eloquentia sua
genus humanum ab hoc tanto errore
liberare possent, ne rem adeò pretiosam
& excellentem aspernaretur, malue-
rint in nugis quibuldam puerilibus, &
anilibus fabulis ocium suum frustrà
consumere, dum alius quartanam fe-
brim, alius calvitium, alius muscam,
alius item aliquid ridiculum laudat.
Quia etiam novissimè (si Dijs placet)
• inventus est, qui stultitiam & scara-
bæum laudârit, & qui asinam ad astra
laudibus evehere conatus sit. Quæ po-
steaquam

iteaquàm in vulgus disseminata fue-
 runt encomia: Superest (inquit vir
 quidam è populo) ut lutum etiam lau-
 deretur. Quam ego vocem cùm audivis-
 sem, qui jam antea sapiùs luti virtutes
 animo reputaveram, addidissetque vir
 ille: Fortasse verius hoc posset, & ma-
 gis jure laudari: statim hominis solerti-
 am exosculatus sum, & ejus sententiam
 magnoperè comprobavi. Quorsum e-
 nim quis ingenium, aut dicendi facul-
 tatem ostendet, ubi non opus esse vide-
 atur? Ibi sunt eloquentiæ vires expro-
 menda, ubi vel innocentes ab iniqua
 criminatione liberentur, vel ab homi-
 num mentibus falsæ opiniones refel-
 lantur, quæ magnam humano generi
 perniciem atque ingentes calamitates
 apportare sæpenumerò solent, quem-
 admodum apud Platonem Socrates sa-
 pientissimè disserit. Quæ me ratio po-
 tissimum ad hanc causam impulit, ut
 hæc quæ jam penitus infedit & inve-
 teravit in animis hominum opinio, si
 fieri potest, evellatur, & jam tandem
 intelligant homines, quod in omni se-
 culorum memoria semper antea latuit,
 nihil universo cœli ambitu contineri,
 quod

quod utilitate atque excellentia Lutum antecedit. Quod quamvis incredibile primo aspectu esse videatur, tamen cum rationes meas diligentius audieritis, vos ipsi sponte vestra verissimum esse non dubitabitis confiteri. Primum igitur mihi videtur de nobili atque excelso Luti genere, deinde de præstantia, tandem de utilitate esse dicendum. Genus est enim ejusmodi, quod antiquitate ac nobilitate, quæcunq; in terris gignuntur, antecellit. In quo declarando, si fortasse paulò altius exorsus, repetere memoriam antiquitatis visus fuero, ignoscite, Quirites, hoc enim ipsius rei magnitudo postulat, quæ me breviter orationem perstringere non sinit. Antequàm cœli rotunda conversio fieret, cum nondum esset humanum genus procreatum, neque ulla adhuc in terris essent animantia, non herbæ, non frutices, non arbores, nulla denique rerum earum, quæ è terra nascuntur, species ac forma,

Vnus erat toto naturæ vultus in orbe, Ovid. 1;
Quem dixere Chaos, rudis indigestaque Metamor.
moles.

Horum quatuor omnium gignentium
 o s corpora

corporum, terræ, aquæ, aëris, natura permixta erat, neque unum ab altero dignosci poterat, cùm tamen maxima esset inter eos discordia. Siquidem

Uid.

*Frigida pugnabant calidis, humentia
siccis,*

*Mollia cum duris, sine pondere habentia
pondus.*

Donec ratio Dei sempiterna propter incredibilem sapientiam suam agnovit, quàm excellentium rerum esset in eis naturis materia, si probus artifex accessisset. Itaque cùm ipse Deus probitate maximè præstaret, naturas illas, non tranquillas & quietas, sed immoderatè agitatae & fluitantes assumpserit, easque ex inordinatis in ordinem adduxit. Hoc enim judicabat esse præstantius. Et superiorem igni locum tribuit, quia levissimum omnium esse videbat: proximum aëri, tertium aquæ, quartum & ultimum in medio totius mundi, quo gravia omnia deferrentur, terræ tradidit, ubi cujusque generis, vel inanimi, vel animantis, vel muti, vel loquentis origo est, ubi vita, ubi interitus, ubi ex alio in illud assidua vicissitudo atque mutatio: Nam ex terra gignuntur
omnia,


omnia, rursusque in eam omnia recidunt: atque ita frequenter immutata, corrupta, deinde rursus generata, vicissitudine quadam eternitatem obtinent. Hic mihi fortè succlamet aliquis, cui hæc, quæ commemoro, diphthera, quod ajunt, Saturnique rebus antiquiora videantur: Quid ista tam obsoleta, tam rancida profunt ad Luti tui laudes, & genus celebrandum? Iam profectò intelligetis, Quirites, non hæc sine maxima causa me tam ex alto repetiisse. Hanc enim quam nos terram, & rerum omnium parentem ac procreatricem appellamus, cui locus omnium honorificentissimus in medio datus est: quæ nos gignit, alit ac sustinet, quæ denique non tantum hominum, sed etiam immortalium Deorum domiciliū gratissimum est, nihil aliud quam Lutum, & totius cœli reliquorumque omnium elementorum purgamentum esse, perspicuum est. Nam cùm constituisset Deus, bonis omnibus explere mundum, mali nihil admiscere, quoad natura pateretur, in medio totius, locum præstantissimum, ubi generatio fieret, elegit, quod facilè & cœlum ipsum, &

reliquæ

reliquæ naturæ dimittere semina sua,
 detractiōesque confecti & consumpti
 alimenti possent. Hac de causa factum
 est, ut quæcunque gravia sunt & solida,
 naturæ ipsius instinctu atque impetu
 medium mundi locum petant, neque
 quicquam omninò gravitate præditum
 potest alibi, quam in medio, consistere:
 quoniam semper ex vi naturæ premi-
 tur, quod grave est: quis autem est, qui
 nesciat, Lutum esse gravissimum, ideo-
 que necessariò fieri, ut in medio mundi
 loco perpetuo consistat? Quod cum
 terræ proprium sit, verè concludi po-
 test, terram nihil aliud esse, quàm Lu-
 tum. Ignoscite, Quirites, si vobis
 nimium videor agere philosophicè.
 Nam in hoc uno rei cardo vertitur,
 unde Lutum generari putemus, aut
 quid ipsum esse statuamus: quod si re-
 ctè semel intellectum fuerit, cætera
 deinde omnia facillima videbuntur. Sed
 ad rem redeamus. Cum igitur in loco
 omnium maximè honorifico, hoc est,
 ἐν τῷ μεσῷ, ut ajunt Philosophi, terra
 sit, cætera autem omnia circumstant,
 & eam quasi custodiæ gratia muniant,
 & quicquid habent purgamenti atque
 facis,

facis, in eam procreandi causa demittant: nemini dubium esse potest, quin aut tota, aut saltem maxima ex parte terra reliquorum corporum purgamentum atque Lutum sit. Sed ne fortasse nobis idem quod Sophistis accidat, qui solent ex ijs, quæ probabilia videntur, neque sunt, argumenta sua concludere: quærenda est ex gravissimis auctoribus Luti definitio, quæ nihil aliud est, quàm involutæ rei, atque obscuræ naturæ explicatio. Sic enim facilè, quod quærimus, Luti genus inveniemus. Quis autem post homines natos fuit unquàm Platone gravior? Quis intelligentior? Quis sapientior? Equidem hujus ego singulis verbis, centum aliorum testimonia dignè comparari posse, non existimo. Is igitur optimus definiendi magister in Theæteto, sub ejus persona, quem semper gravissimum introducit, hoc est, Socratis, Lutum ita definivit: *ἢ ὑπερὸ φεραθείσα πηλὸς αἶρ ἐστὶ*. Lutum, inquit, terra est humore permista. Iam igitur Luti præclarissimum genus invenimus, hoc est, terram & humorem, ut humor Luti pater sit, terra verò mater. Quis autem adeò rerum

ignorans

Aristot. 
Top. c. 51

ignorans est, quis tam imperitus, tam rudis, quin intelligat, quanta terræ sit & humoris excellentia? Nam humor ille est, quæ post conditum orbem Deus Opt. Max. rerum omnium generationi præfecit, ut sine ejus auctoritate nihil quicquam omninò gigneretur: quem non tantum ijs, quæ è terra nascuntur, sed etiam sempiternis illis ignibus, quæ sidera vocamus, alimentum præstare voluit. Persuasum enim habent plerique Philosophi, Solem, Lunam, cæterasque Stellas omnes humore pasci. Quid, quod tanta est humoris excellentia, ut per eum solum Dei jurare soleant, & eum iratum habere magnoperè caveant? quippe qui præclare intelligant, quanta sit ejus apud summum Deum auctoritas, cui tanta sit administratio demandata, ut omnia gignat, atque nutriat. Hac de causa sapientissimus vir Thales Milesius, humorem rerum omnium parentem esse pronuntiavit. Quid autem de terra dicam? quæ non tantum hominum, sed etiam Deorum matrem esse dicunt. Itaque plurima telluri apud sapientes illos veteres dicata fuisse templa legimus, eamque

inter

inter summos Deos fuisse cultam & honoratam. Sed mihi nequaquam omnes humoris & terræ laudes commemorandæ sunt, quæ sunt prorsus innumerabiles atque infinitæ, neque vobis, ut opinor, ignotæ. Satis est, hoc tempore docuisse, natum esse lutum ab ijs parentibus, qui omnium præstantissimi atque excellentissimi esse videantur. Hoc se genere, hoc sanguine procreatum esse lutum gloriatur. Nunc ejus etiam præstantiam atque excellentiam videamus. Quæ tanta est, ut non modò parentibus suis, humori ac terræ non cedat: sed eos etiam longo intervallo superet. Quamvis enim, ut jam antea diximus, humor generationi præsit, & sine ejus auctoritate nihil gignatur: tamen nihil ei sua potestas proderit, nisi terræ commixtus locum procreet, unde postea nascantur omnia. Quis enim non intelligit, nihil inveniri posse, quod non ex luto generetur? Deme lutum ex hac admirabili mundi machina, non jam erit id, quod proverbio dicitur, ver ex anno tollere, sed idem, quod solem extinguere, aut Deos è cælo diripere. Quid enim fiet? Quid nascetur?

seetur? quid procreabitur? quis non omnia videt statim interitura? Nam unde genus hominum? unde tot animalium terrestrium, aquatiliū, volucrum genera? unde tot arborum formæ? tot herbarum species? tam varij flores? tot jucundi fructus? tot frumenta? tot segetes? An non omnia primò vitam, deinde etiam vivendi facultatem Luto acceptam ferunt? Nam si tandem omnia, quemadmodum Philosophi docent, in idem abeunt, ex quo prius constituta fuerant, & quotidie videmus, quicquid interit, in lutum converti: profectò lutum rerum omnium principium esse necesse est, de quo sanè, nisi planè in Physicis (ut ait Cicero) plumbei sumus, dubitare non possumus. Quis enim nescit illud in scholis ab omnibus Philosophis tantoperè jactatum, & celebratum theorema, quod ab Aristotele summo naturæ interprete sumplerunt, Vniuscujusque rei interitum atque corruptelam, alterius esse ortum ac generationem? Atque in hoc quidem, cum in alijs plerisque rebus mirandum in modum dissentiant, & penè inter se digladiantur Philosophi,

mirum

*Tusc.
Quæst. lib.
1.*

*Lib. 1. de
ortu & int.
Cōtex. 17.*

mirum quàm convenient, ut nullus unquam aliter sensisse videatur. Omnè autem alicujus rei corruptionem à nobis Lutum appellari, nemo est, quin intelligat: ex quo cum omnia gigni Philosophi dicant, idem est, ac si clarissima voce prædicarent, rerum omnium parentem esse Lutum. Qui ad hæc contrà dici potest? Non nos contortis fallaciter argumentis, aut falsis conclusionibus, hæc tam vera colligimus: sed ab ipsa natura rationes nostras accipimus: ipsa nobis hæc argumèta suppeditat: ipsa nobis manus injicit, & paulùm consistere jubet, atque hæc diligentius explanare: cupit hunc errorem ex hominum mentibus radicitùs evellere, cupit eximias Luti virtutes omnibus notas ac planas fieri: ut tandem aliquando desinant homines ei maledicere, parentemque rerum omnium & auctorem suspiciant, ac revereantur. Quemadmodum igitur figulus ex argilla vasa sua format & effingit: ita natura illa melior, quem Deum vocamus, ad omnium rerum creationem luto semper utitur. Itaque vir optimus ac sanctissimus Agapetus, ad Iustinianum

Gen. 2.

Imperatorem scribens, admonet, ut ne quis majorum nobilitate gloriatur, quoniam nulla est in ortu differentia: Omnes enim, inquit, tam qui Reges sunt & Imperatores, quam qui humili & obscuro loco nati sunt, eundem primum parentem, Lutum habent. Sed quid multorum testimonijs opus est, cum nobis ipsa veritas Sacris in Literis apertè dicat, & clara voce testetur, ex luto fuisse homines primò conformatos? Quod ideo de hominibus potissimum scriptum est, non quod ipsi soli sint ex luto procreati, sed ne quisquam parentem suum posset ignorare. Quod etiam Homerus, omnis philosophiæ pater, intellexisse mihi videtur, gravissimus & sapientissimus auctor, à quo, ceu fonte perenni, quicquid in omni doctrina eximium est, emanavit, qui cum in Iliade sua Manelaum Græcorum ignaviam increpantem refert, quod cum Hectore singulos ad certamen provocante, nemo congregi auderet, his verbis usus est:

Iliad. 7.

Ἄλ' ὑμεῖς μὴ πάντες ὕδαρ ἔχ' αἶψα θύοισθε.

Optat enim ut intereant, atque ideo precatur,

precatur, ut in humorem & terram convertantur, hoc est, in idem dissolvantur, ex quo prius constituti fuerant. Sic enim acutissimus Philosophus Alexander Aphrodisiensis Homeri sententiam interpretatur: Ex terra (inquit) & humore gignuntur omnia, & in terram atque humorem omnia dissolvuntur. Quod etiam sensit Epicharmus Siculus, cum dixit: ἀπὸ γῆς καὶ ὕδατος πάντα γίνονται καὶ εἰς γῆν καὶ ὕδωρ ἀναλύονται. Denique etiam Aristoteles in Rhet. indicat olim eos, qui servos se profiteri vellent, terram & aquam domino tradere solitos, tanquam omnium rerum jure sese abdicantes. Quæ cum ita sint, jam profectò, Quirites, perspicuum est, quàm magnus exornandi Luti campus nobis apertus sit, quam amplè, quam graviter, quam copiosè luti laudes exequi possimus. Cum enim ut omnes eruditi censent, ex terra atque humore, quicquid est ubique pretiosum, quicquid eximium, quicquid utile generetur, cumque (quod caput est) etiam nos ipsi, cum cæteris animantibus, ex eadem terra atque humore fingamur, terra verò humore permixta lutum sit,

Libr. 23
Probl. 7

Plutar. in
Consol. ad
Appell. Li-
br. 2. ci-
tate Eras-
mo in A-
dagiis: A-
qua & ter-
ra redda-
mini.

ut ex Platonis auctoritate paulò ante demonstravimus: quod ingenium inveniri tam sublime potest, quæ lingua tam volubilis, quæ dicendi copia tam præcellens, quæ minimam earum laudum partem, quibus lutum dignissimum est, recensere commemorando possit? Etenim, si magnum quiddam affectu videntur ij, qui rem aliquam pretiosam, ut argentum, aut aurum, aut aliquid ejusmodi satis egregiè laudarent, si difficillimū esse fatentur omnes, oratione res honestas atque laudabiles posse vincere, quid tandem in Luto laudando, quod unum omnia complexum est, quanta difficultas existimanda est? Si quis enim ejus præstantiam animo diligentissime volvat, is nimirum intelliget, majus esse quiddam, non modò quam homines opinentur, sed etiam quam cujusquam eloquentia capere possit, perfectè Lutum exornare velle, tantoque esse difficilius, idem rectè laudare, quantò rebus omnibus pretiosis & præstantibus antecellit. Hic non Isocratis jucunditate, non Lysia subtilitate, non Hyperidis acumine, non Æschinis sonitu, non Demosthe-

nis vi,

nīs vi, sed divina quadam potius opus
 esset eloquentia, quæ nunquam ante-
 hac audita, nunquam nota, nunquam
 excogitata fuisset. Non enim hac in o-
 ratione sic nobis agendum, ut in reli-
 quis exornationibus agi solet: majori
 quadam ingenij sublimitate, uberiore
 dicendi facultate, graviori modo uten-
 dum est. Solent enim reliquis in rebus
 exornandis Oratores semper aliquam
 adhibere contentionem atque compa-
 rationem, ut rem eam, quam laudant,
 altera, quæ tamen egregia sit, longè
 præstantiorem esse demonstrent: qua-
 rerum inter se collatione plurimum
 florere atq; enitescere solet oratio. Sed
 quid est ex omnibus rebus, quæ cælo
 continentur, tam eximium, tam excel-
 lens, tam rarum, quod si luto compa-
 retur, non statim vilissimum atque ab-
 jectissimum esse videatur? Ponite ante
 oculos quidquid ubique pretiosum est,
 ponite argentum, aurum, gemmas,
 margaritas: quid? an non in mentem
 vobis venit, unde hæc omnia nata sint?
 Nonne paulò ante docuimus, ex luto,
 quæcunque in terris nascuntur, omnia
 procreari? Hæc omnia, quæ tantopere

mirantur homines, quæ magis, quàm
 propriam vitam amant, quæ diligen-
 tissimè custodiunt, pecuniæ, thesauri,
 divitiæ, facultates, qui rectè reputat,
 lutum planè esse intelligit. Quam igitur
 absurdum fuerit, si quis unum ali-
 quem terræ fructum è luto natum ve-
 lit ipsi rerum omnium parenti Luto
 comparare? Proh Deum atque homi-
 num fidem! quis adhuc de Luti præ-
 stantia dubitare potest? quis non il-
 lud ad astra tollat? quis non Divinis
 laudibus efferat? cum intelligat, è lu-
 to tot egregios viros, tot Reges & Im-
 peratores, tot ingenia præstantissima,
 tot sapientes, tot Philosophos esse pro-
 fectos. Quid? an non tot egregiæ sub-
 structiones, tot oppida clarissima, tot
 nobilissimæ civitates, jacerent prorsus
 omnes, neque earum extarent vestigia,
 nisi lutum prius extitisset? Quid, ut
 minima commemorem, tot herbarum
 genera, depellendis corporum morbis
 utilissima? quid frumenta? quid glan-
 diferas, ac fructuosas arbores? an non
 in lucem omnes lutum edit? Quot a-
 nimantium genera? quam pulchra?
 quam varia? quæ naturæ totius varietas?

cas? quot hominum species? Hæc omnia Lutum edit, fovet, exhilarat. O mortalium genus ingratiſſimum! O detestabilem perfidiam! O mentem penitus execrandam! Ergo quod te procreat, quod nutrit, quod educat, quod omnem jucunditatem affert, id tu negligis? conculcas? aspernaris? Sine quo ne unum quidem diem vitam agere potes, id à te non aliter atque rem abjectiſſimam rejicis? Quod tibi lucis hujus atque vitæ causa est, id apud te commorari non ſinis? Quod omne tibi commodum, omnem voluptatem præſtat, id abigis, expellis, exterminas? Proh Dij immortales! non intelligitis homines cum lutum contemnitis, vos quidquid in terris bonum eſt contemnere? non intelligitis, parentem veſtrum vos negligere, cum lutum negligitis? non venit in mentem, quæ veſtra fuerit creatio? unde nati ſitis? ex qua materia conditi? Formavit, inquit Moſes, Deus hominem ex limo *Genef. 2.* terre. Vide quantò ſit te Lutum præſtantius, quantò ipſe luto ſis inferior. Quid ſupra lutum criſtas tollis? quid exeris cornua? quid ſuperbis? Ex

limo terræ creatus es. Ecquid hoc intelligis? ecquid consideras? ecquid genitorem tuum agnoscis? Quid aliud est, ex limo terræ, quam ex purgamento luti, cum initid docuerimus, terram ipsam esse Lutum? Iam tuum, homo superbissime, parentem agnosce: non aspernare, cuius ex genere prognatus es: reverere, quod tibi vivendi causa fuit. Si te ipsum aliquid existimas, si rerum generationem honestam esse tibi persuades, si quid in orbe terrarum utile atque honestum esse credis, cur non id utilissimum & honestissimum esse, à quo nata sint omnia, confiteris? Nati sunt homines è luto, natæ pecudes, natæ arbores, nata frumenta, natū denique quicquid in terris invenitur. Et quisquam dubitabit id esse pretiosissimum dicere, à quo sunt omnia quæ pretiosa sunt! De luto sumus, in luto vivimus, à luto pascimur, in lutum convertemur. Itaque nihil à scarabeis in hac parte differimus, & tamen excellentiam Luti non agnoscimus, imo tanquam rem immundissimam repudiamus. Cur? quia falsa trahimur opinione, neque recta animi ratione res

definimus.

definimus. At cæteras res amplectimur: aurum, vestes, frumenta, pecunias, & id genus cætera, magna cum diligentia conservamus: quæ de causa? Quia præsentem vidimus utilitatem: sed unde sint hæc omnia, quæ tantoperè diligimus, nemo considerat. Quid illud est, quod in arca centum clavibus clausum, tam accuratè servas? Lutum. Quid est, quod in horreis tuis studiosissimè congregas? Lutum. Quid in apothecis & dolijs tam cupidè custodis? Lutum. In summa quicquid amas, quicquid amplecteris, quicquid observas, quo factus es, quo vestiris, quo pasceris, lutum est. I nunc & illud improba, quo carere nullo modo possis, nisi plane velis ex hac vita demigrare. Nam in te quidem nihil est luto præstantius, præter animum generi humano Deorum munere datum: qui si bonus fuerit, atque omni virtutum genere cumulatus, non dubium, quin divinus sit & felix ac beatus, sin autem malus & sceleribus imbutus non solum luto est inferior, sed etiam rerum infimarum omnium vilissimus & abjectissimus. Reliqua omnia mutantur, & vicissitudine quadam

oriuntur & intereunt, eamque mutationem & vicissitudinem omnem lutum efficit, quod & Philosophorum auctoritate, & Physica ratione & Divinae etiam Scripturae testimonio facile comprobatur. Quare jam profectò videtis, Quirites, quem mihi aditum ad Luti laudes patefecerim, quam patentem campum habeam, in quo plurimum exultare possit oratio, sed mihi sigillatim omnia complecti, nec animus est, nec, si esset, ego par essem oneri sustinendo. Nam si quis perfectè lutum exornare voluerit, eum per singula, quæ in orbe terrarum laudabilia reperiuntur, ire necesse est: quam rem, quis, nisi plane sit insanus, præstare se posse commodè speret? Itaque licet ea, quæ luto constant, maxima laude digna esse videantur: tamen ne nimium longa sumatur oratio, prætermittere omnia constitui. Sed meherclè certo scio, vos intelligere, Quirites, quantum ex luti laudibus absciderim. Possem enim argentum & aurum celebrare, possem aniones, gemmas, quicquid ubique putatur esse pretiosum, possem ipsos homines, omne genus animantiū,

possem

possem herbas, segetes, arbores, omnia denique possem in encomio luti nominare : cum omnia, quemadmodum antea diximus, ex eo promanarint : sed me reprimam, malo enim ut veram aliquam luti laudem à me desideretis, quam falsam, afflictam esse existimetis. Quare lutum ipsum per se solum consideremus, cujus tam eximia virtus est, ut Deum etiam immortalem ad sese plurimum amandum alliciat. Sed ne fortasse vestrum aliquis hoc esse maledictum aut convitium in Deum arbitretur, quod ab eo lutum vehementer amari dixerim : ejus opinioni mihi satisfaciendum esse judico : cum ut omnes vos ab hoc errore liberem, tum ut etiam hac occasione luti virtutes, quæ jam in oblivionem planè concesserant, tandem aliquando magis atque magis eminere atque apparere incipiant. Verum ad ea, quæ dicturus sum, reficite quæso animos vestros, Quirites, nova quædam, & ante hunc diem inaudita proferre in lucem molior : sed mihi vestro erecto atque attento animo opus est : si quid enim attentionis fortè remiseritis, nullò modo fieri poterit, ut hæc,

hæc, quæ jam aggredior dicere, mysteria esse intelligatis. Nam proh Deum atque hominum fidem! non in mentem vobis venit, quanta res, & quanti ponderis agatur? Agitur de summa luti existimatione: id autem ejusmodi est, ut nihil omnino dici gravius, aut excogitari possit. Cum enim omnes ferè mortales immeritissimo Lutum odio prosequantur: quamvis paucissimi sint, qui, quo sit in illud animo Deus, intelligent: quid futurum putatis, si semel in animis hominum hæc opinio prorsus infederit, Lutum à Deo non diligi? Quis enim illud eximium esse credat, quod Deus amare non videatur? Quis non potius id vile & abjectum putet, quod à Deo reprobetur? Quod si certissimis argumentis, Lutum & à Deo diligi, & cæteris omnibus rebus, quæ in terris creatæ sunt, anteponi docuerò: quid erit causæ, cur non etiam nos id omnium rerum excellentissimum judicemus? Iam igitur vos illud mirificum vestræ mentis acumen intendite, ego rem ipsam aggredior. Principiò cum à Luto discessum est, nihil in terris homine præstantius inveniri, nemo est

mo est qui dubitet. Quin etiam illud omnes boni confitentur, hominem ex omnibus animantibus à Deo plurimum amari. Quod etiam ipsa nos ratio credere penè cogit. Videmus enim quæcunque in terris gignuntur, ad usum hominum omnia creari: videmus etiam ac sentimus, Dei providentiam in hominibus adjuvandis & custodiendis semper excubare. Non ignoramus, à Deo proprium Filium, ut ab erroribus homines & ab æternis supplicijs liberaret, è cælo demissum, & vinculis ac verberibus, atque omni supplicio excruciatum, ac necatum fuisse. Sed innumerable Deum sunt erga homines summi amoris indicia: cum præsertim etiam ad imaginem & similitudinem suam, ut Sacra Litera testantur, eos creare voluerit, & rationis atque consilij participes effecerit. Videamus igitur, ex qua materia Deus hoc animal, sui simile, ratione præditum, providum, sagax, acutum, multiplex, memor, plenum consilij, quod maria, terras, cælum mente atque cogitatione complectitur: quod unum ex tot animantium generibus, sibi ratione ac sapientia socium assumpsit:

sumpsit: videamus (inquam) ex quâ Deus hoc animal materia finxerit. Credibile est, præstantissimum omnium animal ex ea materia, quæ Deo maximè grata esset, conformatum fuisse. Quid igitur ajunt Sacræ Literæ? unde formatum hominem ab initio commemorant? non ex argento, quod ab omnibus pretiosum æstimatur: non ex auro, quod plurimi homines majore, quam Deum ipsum, amore prosequuntur: non ex smaragdis, unionibus, chrysolithis, aut aliud id genus lapillis, qui pretiosissimi creduntur: sed ex limo terre, hoc est, è luti flore. Quid ampliùs postulatis? Obsecro vos, Quirites, hoc Dei factum vobiscum diligentius perpendite: tum faciliùs statuetis, quanta luti sit excellentia. Deus optimus maximus, qui pro summa sua sapientia, rerum omnium naturas, etiam antequam eas crearet, optimè noverat, qui facillimè quid cuique præstet, & exquisitissimè discernit, cùm simile sibi, & ratione ac lege socium vellet animal procreare, lutum ex omnibus rebus potissimum elegit, ex quo formaret eum animantem, quem cæteris omnibus præficere

præficere statuerat. Cujus rei quid aliud in causa fuisse dicemus, præter mirificam quandam Luti præstantiam, quæ Deum etiam ipsum ad se amandum allexerit? Veniant nunc irrisores hujus orationis, & illud sanctissimi vatis atque Regis Davidis interpretentur: *De stercore erigens pauperem, ut collocet eum cum principibus, cum principibus populi sui.* Quid est, quæso, quodd de stercore pauperem erigit? quid est, quodd eum cum principibus suis collocat? nisi quodd luto summoperè delectatur, & eos plurimum diligit, quos omni studio curaque lutum observare videt? Quid hoc loco mihi respondebitis, ô luti vituperatores? Huc, quæso, mecum in arenam descendite, conferte pedem, vibrante tela, promite vestram illam maledicam orationem. Quid præliantes, ut ajunt, à muro judicatis? cur infixio jaculo, Parthorum more fugitis? Cur in portu spernitis tempestatem? Facile est accusare, nullo defendente: facile vituperare nullo contradicente. Huc adeste, si quid est in pectore roboris, & in me, Luto patrocinante, criminationes vestras exponite. Efficiam profectò

profectò, ut intelligatis, longè aliud
 esse, contra veritatem, ipsa præsente,
 differere, quàm ad ventos verba facere,
 & innocenti nulla causa, nulla ratione
 maledicere. Cur enim, obsecro, Lu-
 tum improbatis? Quo crimine dam-
 natis? Cui culpæ Lutum affine judica-
 tis? Tacent, & ora pallor albus occu-
 pat. Proh Dij immortales! tanta ne
 quemquā mentis caligine circumfun-
 di! tantis erroribus excæcari! ut quod
 in primis Deus diligit, id audeat impro-
 bare: quod præstantissimum esse Deus
 censet, id existimet esse vilissimum. Ma-
 lum est, boni viri iudicio non acquies-
 cere, pejus est, amici verum condem-
 nare iudicium, pessimum verò, paren-
 tis sui sententiam optimam non admit-
 tere. Quid dicam, quantum tandem
 scelus existimandum sit? immortalis
 Dei iudicium vituperare? Sed jam que-
 relarum satis. Id quod instituimus per-
 sequamur. Non enim in hac re solùm
 amorem suum erga Lutum Deus indi-
 cavit, sed in alijs etiam quamplurimis,
 quas hoc tempore singulas enumerare
 non necesse est. Vnum etiam aut alte-
 rum erga Lutum Divinæ benevolentie
 signum

signum commorabo, deinde ad alia
 veram orationem meam. Iam plurima
 Dei filius (ut in sacris Historijs legi-
 mus) admiranda suæ divinitatis indi-
 cia dederat, & quotidie magis erga ho-
 mines incredibilem amorem ostende-
 bat, dum alios dæmonibus oppressos
 liberaret, alios jam vita functos à mor-
 tuis excitaret, surdis auditum, mutis
 locutionem, ægrotis integram valetu-
 dinem redderet; sed illud etiam restare
 videbatur, ut in hominum parentem
 Lutum, aliquod benevolentia suæ si-
 gnum ostenderet. Ecce autem cùm per
 quandam regionem iter faceret, homi-
 nem ab ipso natali die cæcum reperit,
 quem cùm vidisset, venisse tempus exi-
 stimans, ut eundem se esse ostenderet,
 qui mundi initio genus humanum ex
 Luto formaverat, & ut Luti præstan-
 tiam omnibus notam faceret: quid fe-
 cit? expuit in terram, & proprijs ma-
 nibus lutum composuit, atque eo luto
 cæci illius oculos perunxit, quo facto,
 confestim ille nunquam antea gusta-
 rum videndi sensum accepit. Quis igi-
 tur non intelligit, omnium hominum
 conservatorem Christum hoc suo facto
 q declarasse

declarasse, Luto nihil prorsus esse nobilius, ex quo visum, sensuum omnium excellentissimum, reformavit? Multa alia prius & egregia facinora gesserat, innumerabiles & varios morbos depulerat, nullo unquam pharmaco, nullis herbis, nulla arte medica usus est, sermone tantum aut tactu morborum genus omne profligabat. Itaque nemini dubium esse potest, quin hunc etiam cœcum, si voluisset, uno verbo sanare potuisset. Cur igitur luto potissimum ejus oculos unxit & sanavit? Non alia quidem (ut opinor) de causa, nisi ut luti præstantiam atque nobilitatem indicaret, & parentis sui, mortales admoneret. Quantò enim quis Luto parenti suo similior efficitur, tantò major atq; beatior esse solet. Sed hoc obsecro mysterium, Quirites, diligenter advertite. Qua enim in re vera est ac summa felicitas? nempè opinor in eo, si quis plurimum à Deo diligatur: quis autem vehementius amatur à Deo, quàm qui Luti naturam, quoad ejus fieri potest, imitatur, & qui præclare intelligit, quantæcunque ei sunt accessiones & fortunæ & dignitatis, ex Luto se ad eas ascendisse,

ascendisse, & non ita multo pòst ab eis
 ad Lutum se rediturum? Hoc est quod
 ubique Deus præcipit, ut qui voluerit *Matt. 18.*
 omniũ effici maximus & felicissimus,
 is primò minimus & abjectissimus fiat.
 Quid aliud in sacris literis magis quàm
 summissio commendatur? Volvite di-
 vinos libros, nullam in eis penè dixe-
 rim paginam invenietis, in qua non hu-
 militas & abjectio majorem in modum
 comprobetur. Atque illi deinum soli
 felices ac beati futuri prædicantur, qui
 se Lutum esse cognoverint. Sed quam
 hujus rei causam aliam asserre quisquã
 potest, præter singularem quandam Dei
 erga Lutum benevolentiam? Age ve-
 rò, quis unquam ex omnium seculo-
 rum memoria Deo gratior fuit, quàm
 Hebræus Iuba? atqui hunc divinis in *Iob. 1. et 2.*
 historijs legimus, non tantum in luto,
 sed etiam in sterquilinio sedere soli-
 tum. *Psalms 22.* Quid? quod ipse Dei filius à va-
 re sanctissimo ita loquens inducitur:
 Ego vermis, & non homo: opprobri-
 um hominum, & abjectio plebis. Quid
 enim aliud est, plebis abjectio, quàm
 lutum? Clamat igitur Dei filius, cum
 hoc nostrum terrenum atque mortale

corpus assumpsisset, se lutum esse factum : quin etiam submissionis gratia, se filium hominis, hoc est, luti nepotem frequenter appellabat. Sed jam factis, ut opinor, à nobis declaratum est, nihil in toto mundi complexu Luto esse prestantius, nihil excellentius : cuius tanta auctoritas est, ut sine eo nihil quicquam in terris fiat, quod omnia generet, alat, augeat, ex quo pretiosissima quæque res originem trahant, unde nos etiam ipsi formati sumus : quod denique maiorem in modum à Deo diligatur. Restat, ut etiam de ejusdem utilitate verba faciamus. Quæ quamvis ex ijs, quæ dicta sunt, maxima cognosci possit : tamen, ut clariùs etiam eluceat, & de illa dubitare nemo possit, ad ea, quæ supersunt, aggrediar. Vos verò paulisper etiam dum huic orationi meæ coronidem imponam, non tantum aures, sed etiam mentes atque animos vestros accommodate. Non enim meherclè ita nunc agam, quasi uni alicui aut alteri rei tantum utilitatem afferre Lutum dicam, quod in cæteris rebus exornandis præcipuum esse judicatur. Nihil in hac oratione vulgare, nihil demis-

sura

sum expecteris: omnia summa, omnia
 præstantissima. Nihil in omni rerum
 natura dico elle, nihil toto cælo conti-
 neri, neque parvum, neque magnum,
 modò sit animatum, cui rei Lutum
 non utilissimum esse videatur. Cùm e-
 nim in rebus, quæ ex intima atque na-
 turali motione vitam habent, anima-
 rum tria genera dicantur inveniri: qua-
 rum una, vitam tantùm nutriente, si-
 ne sensu, corpori subministrat: & her-
 bas, frutices, arbores educit, alit, atque
 auget: altera non solùm vitam, sed et-
 iam sentiendi atque ingrediendi vim
 cunctis animantibus suppeditat: tertia
 omnium perfectissima atque optima,
 solis hominibus intelligendi, cogitan-
 di, reminiscendi virtutem affert: his
 omnibus viventium generibus pluri-
 mam utilitatem afferre Lutum ad vitæ
 commoditatem ostendemus. Sed ne
 fortassis aliqua cadat in nomen ambi-
 guitas, quoniam multis cognominibus
 Lutum est decoratum, ea mihi decla-
 randa esse censeo, quo faciliùs omnes
 ejus utilitates perspicì possint. Atque
 illud primo sciendum, omnem à nobis
 putrefactionem atque corruptionem

Lutum appellari, siue ea sit in animante detractio confecti consumptique cibi, siue sit humoris & terræ permistio, siue quocunque alio modo res aliqua putrida facta sit: hanc etiam communi vocabulo *limum* atque *limum* nuncupare consuevimus: ab agricolis verò *lætamen* dicitur, ob id credo, quoniam, ut paulo post ostendemus, *lætari* agros faciat. Quod autem in corpore gignitur animalium, id communiter *stercus* vocatur, unde *stercorari* dicuntur agri, cum eo Luti genere restituatur. Sed generatim Lutum omne, *cœnum* etiam dicitur, quæ sanè Græca est appellatio, quam si Latine velis interpretari, commune significat: nihil enim luto communius, quod, ut dicere institueram, rebus omnibus animatis maximam afferre solet utilitatem. Primum enim, *Quirites*, quis vestrum est, quin intelligat, Luto segetes, atque omnia sata maiorem in modum exhilarari? Nam tellus ipsa rerum omnium parens, nisi Luti filij sui præsidio sustentetur, vires integras ijs rebus, quæ nascuntur ex ea, subministrare nullo modo potest: unde factum est hominum solertia, ut
 agri,

agri, quo facundiores essent, Luto vestirentur, quæ res ab agricolis stercoratio nuncupatur. Cujus tantam utilitatem esse sentiunt omnes, ut quamvis primum auctorem ignorent, tamẽ eum propter hanc solam inventionem in Deorum numero collocandum esse censeant. Scribit enim Macrobius, à Romanis Saturnum fuisse stercutium vocitatum, & eo nomine pro Deo cultum, quòd primus stercore facunditatem agris comparavit. Sed Augustinus in libris de Civitate Dei, Pici patrem Stercon fuisse scribit, à quo peritissimo agricola sit inventum, ut fimo animalium agri facundi fierent, atque ab ejus nomine stercus dictum. At verò (Plinius inquit) Italia regi suo Stercutio, *Natur hist. lib. 7. c. 9.* Fauni filio, ob inventum stercorationis, immortalitatem dedit. Sunt qui dicant, Augiam rem in Græcia stercorationem primum excogitavisse, quam Hercules in Italia deinde divulgavit, unde nata fabula sit, Augiæ stabulum ab Hercule fuisse repurgatum. Illud certè constat, stercorationis auctorem ab antiquis indigitatum, & Stercutium nuncupatum fuisse, & meritò: quid

enim in tota agricultura stercoratione
utilius? de qua doctus Hesiodus, ut a-

Cic. de Se- pud Ciceronem ait Cato, ne verbum
nest. Cic. quidem fecit, cum de cultura agri scri-
ibid. & beret, unde vehementer à doctis atque
Hem. O- intelligentibus viris improbatur. Nam
lys. 4.

Homerus, qui multis, ut mihi videtur,
antè seculis fuit, Laertem lenientem
desiderium, quod capiebat è filio, co-
lentem agrum, & eum stercorentem
facit. Hac de causa vir ille sapientissi-
mus Cato, cum de re rustica scriberet,
præceptum optimum his quidem ver-
bis reliquit: Sterquiliniam magnum
stude ut habeas, sterco sedulò conser-
va. Videtisne quanta cura sterco-
ris gravissimo viro Catoni fuerit? Quis e-
nim nescit, quando lætiores veniant in
agris sterco-
ratis segetes, & quanto mes-
sem afferant uberiores? Hoc nimirum
illud est, quod agricolæ cum agnovissēt,
Luto cognomen indiderunt, &, quod
lætissimas fruges faciat, læta nomen voci-
tānt. Itaque magnam ejus rationem
habere solent, & magno studio atque
diligentia colligunt, quo suos quisque
agros, quā fieri potest optimè, vesti-
ant. Quinetiam lutum undique venian-
tur, &

itur & in vasis (quod ego hisce oculis vidi) accuratissimè collectum, domum portare non dubitant : eumque maximè strenuum atque industrium existimant, qui plurimum ex eo diligentissimè collegerit. Neque satis habent illud colligere, quòd spontè natum inuenerint : sed artem etiam, & diligentem curam adhibent, ut quàm plurimùm fieri potest, augeatur. Quare non sine causa præter cæteros omnes mortales, agricolæ sanctitatis & iustitiæ laudem adepti sunt : ut etiam in operibus suis ingeniosissimi viri Poëtæ finxerint, apud agricolas longissimo tempore Deos habitasse, cùm propter hominum scelera de civitatibus expulsi fuissent. Quæ quidem fictio nihil aliud significare videtur, quàm longè sapientiores agricolas esse, quàm cives, nam quotidie ferè lutum ex civitatibus in agros exportatur. • Quòd si verum est id, quod proverbio dicitur, Deum esse illum, qui mortales adjuvat : nemini dubium esse potest, quin Lutum maximum numen sit, quod pulsum è civitatibus apud agricolas habiter. Quid autem utilitatis frugibus Lutum afferat, id in agris ipsis

verno tempore, cùm propè, ut spicas incipiant emittere, videre licet. Ibi tum benè stercoratos agros aspicias hilares luxuriare, segetes in eis magnitudine præcellentes, viriditate conspicuas, culmo crassiore, calamo longiore, spica prominentiore, quæ jam eo tempore non dubiam spem uberrimi fructus afferat. Confer huic alium à Luto non audiutum campum, vides primò quasi tristitiam soli, culmorum raritatem ac tenuitatem, segetes humiles, quodam pallore suffusas, ante tempus arescen-tes, spicis minimis, aut nullis. Illic vi-des eximiam ubique lætitiā, hîc au-tem squalidam tristitiā: illic messis abundantissimæ spem maximam, hîc omnis annonæ desperationem. Ecquid intelligitis, Quirites, in quorum usum atque utilitatem cedat hæc frugum ab-undantia? ecquid agnoscitis, quanta sit in hac parte luti potentia? Non adeo vos tardo aut hebeti puto esse ingenio, quin hæc facillimè cognoscatis. Desinite Luto vestros agros obducere, tum demum facilius statuetis, quid Luti præ-sentia conducat, & quid absentia detri-menti ferat. Iam verò non frumentis tantum,

tantum, sed etiam arboribus Lutum
 maximè prodest. Quis enim est qui
 nesciat, vites, ut reliqua genera præter-
 mittam, quantò magis stercoreantur,
 tanto copiosiore afferre vindemiam?
 Nam Luti succus ille pinguis & vivi-
 dus, quem hebetes & imperiti homines
 vilissimum & sordidissimum esse judi-
 cant, in suavissimum vini saporem con-
 vertitur. Quod ne fortasse meum esse
 commentum putetis, summus Philo-
 sophus & rerum naturalium diligen-
 tissimus indagator Empedocles hoc af-
 firmat, ut Aristoteles in Topicis au- Top. 4.
 ctor est, cujus hæc verba notavimus: cap. 5.
 οἶνος ὕδωρ ἐστὶ σέσηπός, καθάπερ Ἐμπεδοκλῆς
 φησὶ σαπὲν ἐν ξύλῳ ὕδωρ. Vinum igitur
 nihil aliud Empedocles aiebat esse,
 quàm aquæ putrefactionem in vitibus.
 Quid autem aliud est aquæ putrefactio,
 quàm Luti succus? Ergo quod tanta
 cum jucunditate bibimus, quod tantam
 nobis lætitiā affert, tantam volupta-
 tem, quod tam suave est, tam dulce, tam
 jucundum, Quod (ut ait Horatius) Libr. 1.
 curas abigit, quod cum spe divite ma- epist. 3.
 nat, luti succus est. Quid autem atti-
 net hoc loco vini laudes commemorare,
 cum

cùm paucissimi homines reperiantur, qui non illud majorem in modum appetant, & avidissimè bibant? Quid enim esset inter homines lætitiæ, quid hilaritatis, quid voluptatis, quid ingenij, nisi vinum esset? Nam vini magnus amator Horatius eleganter ita clamat:

Lib 15.
epist. 6.
& 19.

*Fœcundi calices quem non fecêre disertũ?
Vinifera dulces oluerunt maxè Camœna.
Laudibus arguitur vini, vinosus Homerus.*

Denique vir sapientissimus Cato vino tantoperè delectabatur, ut ebrius sæpe numero fieret. Sed neminem prorsus esse arbitror, quin intelligat, rem utilissimam & optimam esse vinum: quare si quis hunc Deum Liberum amat: quem quis non vehementer amat? is etiam Lutum, ejus parentem, ut plurimum amet, necesse est. Iam verò quantum hortis, oleribus, viretis Lutum utile sit, ne commemorandum quidem esse censeo, cùm ignotum nemini sit, eum demùm hortum feracem fieri solere, ea olera tenera, & ampla perpetuo videri, maximam in eis viretis amœnitatem semper esse, quæ luto fuerint optimè

optimè saturata. Quis nescit, olitores
 aded Luti studiosos esse, ut civitates et
 iam cum gerris & sportulis perāgran-
 tes, illud accuratissimè colligant, atque
 etiam pretio frequentissimè compa-
 rent? Quis non magnopere lætetur at-
 que exhilaretur, cum pinguis horti vul-
 tum aspexerit, quem luto diligens oli-
 tor saturarit? Quid illo virore specio-
 sius? Quid illa amœnitate jucundius?
 Hic ingentes brassicæ solido caule bra-
 chia latè fundunt, illic virentes amplo
 capite porri subalbescunt: hîc longè
 diffusæ betæ luxuriant, illic ciborum
 requies lactuca crispatur: hîc gravis cu-
 curbita ventrem in longum porrigit,
 illuc asparagi sub luto tenerrimi caput
 amplissimum exerunt. Sed ne ego stul-
 tus, qui singula prosequi velim, cum
 omnem hunc sermonem possim uno
 verbo concludere. Quicquid enim in
 hortis nascitur, id luto mirificè delecta-
 tur, alitur, augetur. Sequitur, ut ani-
 mantibus etiam cujusque generis utilis-
 simum esse Lutum ostendam. Atque
 illa ratio potissimum animum meum
 inducit, ut conjunctim de hominibus
 atque belluis agendum esse arbitrer,
 quod

quod neutrum genus video sine luto
 posse diem unum vivere. Hic mihi,
 Poëtarum more, linguas centum, ora-
 que centum, & ferream vocem in men-
 tem venit exoptare : tantam enim rem,
 & tam egregiam nullus verborum splē-
 dor, nulla sententiarum gravitas, nulla
 vis eloquentiæ, nulla denique animi
 contentio dignè posset explicare. Mihi
 quidem certè voluntas non deest : ut
 cætera in dicendo digna re, digna vo-
 luntate suppetant, elaborandum est. E-
 tenim hæc, quam dicturus sum, luti u-
 tilitas ejusmodi est, ut quamvis verissi-
 ma sit, tamen prope incredibilis esse vi-
 deatur. Quis enim ita facile credat, u-
 niversos homines tam agrestes, quàm
 domesticas belluas, luto vitam acceptã
 ferre oportere? Quid igitur faciam?
 cùm jam dudum de luti eximia virtute
 dicam, cùm jam propè vim omnem
 verborum effuderim, cùm jam quic-
 quid in me facultatis erat, in dicendo
 consumpserim, neq; illud omnino pro-
 viderim, ut aliquid ad hunc locum mi-
 hi reservarem. Quibus igitur verbis
 rem tantam aggrediar? Opinor unus
 modus, atque una ratio est. Hanc Luti
 tam

tam magnam utilitatem in medio po-
 nam. Quæ per se tam clara est atque
 perspicua, ut nullius hominis ad eam
 amplificandam oratio requiratur, vos
 ipsi pro vestra prudentia, quanta sit, vi-
 dere facillimè poteritis. Nisi fortè hoc
 non intelligitis, Quirites, quòd, ut o-
 mnibus cognitum est, sic à paucissimis
 considerari solet, vos, nisi ventris onus
 deponatis & comedatis, nullo modo
 posse vivere. Sed cur tandem risum
 non continetis? Non equidem dixi,
 ventris onus vos comesse oportere,
 sed ὕστερον πρότερον Homericè locutus
 sum. Omnem enim animantem ven-
 trem prius explere necesse est, dein-
 de etiam exinanire. Sed ne solertiam
 meam rideatis, qui hoc excogitárim,
 videte quàm pauci hoc advertant, neq;
 expleri ventrem, neque exinaniri sine
 luto posse. At dicet fortasse quispiam!
 Ego verò sine luto vivere possum, ne-
 que unquam luto ventri vacuo satisfe-
 ci? Quid? illud, quo vesceris, unde
 natum sit, non intelligis? tam ne cito
 prioris orationis oblitus es? An non
 meministi fruges omnes, vinum, cate-
 rique omnia, quibus utuntur homines,
 ex luto

ex luto nata fuisse demonstratum? Qui tibi cibus, quæ potio, qui victus, si lutum non sit, adesse potest? Proh Deum atque hominum fidem! tu sine luto vivere diem unum posses? Quare, obsecro, aut quo cibo ventris egestatem sublevares? Panem scimus è frugibus confici, quæ sine luto nasci non possunt, poma omnia de luto nata docuimus. Carnes, ais, devorarem. Iam verò te non possum stultitiæ non condemnare. Carnes comederes? quas obsecro carnes? nempè aut volucrum, aut aquatiliū, aut terrestrium animalium: quod autem horum est animal, quod sine luto vitam agere possit? Mitto jam de reliquis dicere: hoc unum premo, quod omnium maximum est, qualis hominum esset vita sine luto? Non equidè possum, quod animo concipio, verbis exprimere, sed quantò minus eloquentia valeo, tantò diutius in hoc insistam, in quo summam Luti utilitatem video non posse denegari. Veniant omnes Oratores, Sophistæ, Philosophi, Theologi, quid tandem contra hanc orationem meam afferre poterunt? An erit eorum quisquam

tam

tam impudens, qui negare audeat, homines, pecudes, volucres, pisces, omne genus animantium, luto solo vitam pro-
 pagare? Quamvis erit fortasse aliquis, qui cum semel omnes rationis metas transgressus fuerit, etiam apertè veritati contradicere, & soli, quod ajunt, tenebras offundere non dubitabit. Cæterum si carnes & cupedias ei detrahas, mare statim (ut dicitur) cælo permiscebit. Sed non video, qua ratione possit huic hominum generi persuaderi, sine luto nullam esse vitam, nisi validissimis pharmacis, quæ vim habeant expurgandi, multos dies exinaniantur, deinde cibus eis triduo denegetur: tunc demùm intelligere incipient, atque alta voce clamare, nullo modo se diutius sine Luto vivere posse. Quàm enim impudens est, id inficiari, quòd abscondi non potest? Nullum est anni tempus, seu vigiles, seu dormias, sive ambules, sive sed eas, quo non semper tecum lutum habeas, quòd si fortasse casu aliquo paulò abundantius egeratur, statim infirmus ac debilis efficeris, nec pedes, nec manus, nec ulla corporis pars satis officium suum facit: quin etiam sapissimè

simè nimio fluxu multi mortales intereunt, quem Græci morbum *διὰ πρὸς αὐτὸν* appellare solent. Et erit aliquis, qui Luto spoliatum se vivere posse diutius existimet, cùm sola ejus imminutione videat statim homines fato concedere? Quod autem de hominibus dico, idem etiam de cæteris animantibus intellectum volo, quorum nullum adempto luto superesse ullo modo potest: cibus enim omnis in ipso stomacho priusquàm aliat atque nutriat, ut in lutum convertatur necesse est. Vnde perspicuum est, non tantum utile lutum esse, sed etiam omnino necessarium. Videte, Quirites, quàm simpliciter, quàm non fucate, quàm non artificiosè vobiscum agam, ut nihil subdolè, nihil versutè dicam, ut nulla fallaci conclusione, nullis mendacijs utar, ut artis illius phaleratæ prorsus obliviscar, ut nihil deniq; dicam, quod non mihi paulatim suggerat ipsa veritas. Nullam enim hætenus de Luti necessitate mentionem feci: cùm tamen, quamvis utilissimum sit, longè magis necessarium esse, quàm utile videatur. Id enim à nobis utile solet appellari, quod ad usum corporis

ris aliquo modo potest accommoda-
 ri, de quo fructus aliqui percipiun-
 tur: necessarium autem, sine quo nul-
 lo modo esse possumus: itaque cum si-
 ne Luto nullum ex omnibus anima-
 tibus omnino possit esse, quemadmo-
 dum apertissimè demonstratum est, se-
 quitur ut prorsus esse necessarium ad
 cujusque animantis salutem conclu-
 dendum sit. Qua in re stultitiam homi-
 num admirari maximè licet, qui, quod
 omnium maximè necessarium est, ode-
 runt atque rejiciunt: quod autem ma-
 re (quod ajunt) malorum secum ad-
 fert, id obvijs (ut dicitur) ulnis ample-
 ctuntur. Quis enim est, qui non lu-
 tum spernat, & aurum diligit? Atqui
 lutum jam videtis præsentia sua vitam,
 absentia non dubiam mortem præstare;
 quo fit, ut ad vitam conservandam sit
 omnino necessarium: aurum autem,
 si quis rectè consideret, ad nullam vitæ
 commoditatem conducere prorsus in-
 venit, quin potius ingentium ac pro-
 pe innumerabilium malorum sæpenu-
 mero causam esse. Hinc enim cædes,
 incendia, rapinæ, bella intestina, civi-
 tatum direptiones, agrorum vastitates,
 1 2 tumultus,

tumultus, insidiæ, fraudes, patriæ pro-
 ditiones, quicquid dici, aut excogitari
 sceleris potest: cùm interim à luto ni-
 hil mali, nihil detrimenti, sed, ut ab o-
 ptimo parente, vitam, fortunas, com-
 moda, voluptates habeamus. Quòd si
 quid etiam aliud præter lutum, utile
 fortasse reperitur, quod fieri non posse
 inficior, id tamen quicquid est utilita-
 tis, acceptum ferri luto necesse est, quo-
 niam ab eo, sicuti antea docui, cuncta
 proveniunt. Age verò, quale sit in cæ-
 teris etiam rebus erga homines lutum:
 videamus. Non enim solum nos edu-
 cat, alit & oblectat, verum etiam ita se-
 se rebus omnibus accommodat, ut nihil
 sit, in quo nobis prodesse non possit.
 Quis enim ignorat, ædificandi ratione
 omnem prope luto constare? Quis non
 intelligit nullam posse civitatem sine
 luto, nullum oppidum, nullam domum
 extrui, nulla Deis immortalibus, tem-
 pla dedicari? Quis non videt, cæmen-
 tum, bitumen, cretam, calcem, cætera,
 quibus omnes fieri substructiones so-
 lent, lutum esse? Iam non longius ab
 instituto digrediar in declamando, ne
 me putetis aliquid Rhetorum more
 confingere.

confingere. Sed profectò videtis, Qui-
rites, quem orationis splendorem præ-
termittam? Possem enim dicendo sub-
jicere oculis quod ornamentum, quæ
venustas: quæ dignitas, terrarum orbi
deesse videretur, nisi essent domus, op-
pida, nisi civitates: nam aut in sylvis
ferarum more pervagari, aut in caver-
nis ac terræ foraminibus, ut Troglodi-
tæ feruntur, habitare necesse esset. Sed
quoniam ad finem jam spectat oratio
mea, tantum unum illud addam, quod
à multis etiam antiquis eruditissimis
viris animadversum est, esse mirificam
quandam in luto vim ad omnes è lan-
guenti corpore morbos depellendos:
pleni sunt omnes Medicorum libri,
plena omnia pharmacorum, quæ de lu-
to componuntur. Quod si quis mihi
fidem minimè habendam putet, Plini-
um legat & Galenum, & quicumque de
arte Medica scripserunt: tum demùm
intelliget, quid ægris corporibus utili-
tatis lutum afferat. Quid? quod etiam
ea luti species, quam nos maximè fugi-
mus, quæ de nostro egeritur corpore,
maximi est usus in medendo. Nam Pli-

Nat. hist.
lib. c. 27.
Plin. lib. 8.

morborum remedia connumerat. Et
 Dioscorides tradit, hominis & carnis
 stercus, cum exaruerit, melle permix-
 tum & gutturi annexum, anginis me-
 deri cura nunquam fallente: quod et-
 iam mihi belluæ quædam intelligere
 præclare videntur. Nam Pantheram a-
 junt, cum aconitum gustaverit, quod
 venenum est, ei lethiferum ac pernicio-
 sum, hominis stercus diligentissime
 quærere, quo degustato, facillime sana-
 tur. Iam upupam tradit Aristoteles ex
 hominis stercore sibi nidum construe-
 re: credo quòd in eo maximam & sibi
 & pullis suis utilitatem experiatur. Has
 tam singulares & eximias Luti virtutes
 etiam à maioribus nostris, quamvis ru-
 sticanis hominibus, aliquo modo per-
 spectas & cognitatas fuisse, facile credide-
 ri n, quippe qui mutato nomine atque
 genere Lutum divinis honoribus di-
 gnati sunt. Cum enim viderent sum-
 mum deorum Iovem marem esse, Lu-
 tum etiam suum eo genere insigniri
 voluerunt, Stercutiumque Deum ap-
 pellarunt: cumque de luto viderent
 omnia creati, Iovem etiam ex eo pro-
 gnatum crediderunt: itaque Stercutiū
 & Satur-

De hist 1-
um lib. 9.
cap. 25.

& Saturnum eundem esse dicebant: atque hac (ut opinor) de causa pedes lecti, in quo Flamen Dialis cubaret, luto tenui, sicut Gellius scribit, circumlitos esse oportebat. Neque verò expectetis à me, Quirites, ut hac extrema orationis parte, quod à Rhetoribus fieri solet, ea repetam amplificando, quæ de Luti laudibus à me commemorata sunt. Quid enim ea repetam aut amplificem, quæ ne semel quidem satis pro rei dignitate potuerunt explicari? Quid an iterum ea dicam, quæ nemo penitus inficiari potest? nihil esse Luto nobilius, quod à clarissimis parentibus terra atque humore satum sit, quibus Deus ipse, rerum omnium curam atque administrationem demandavit: nihil esse Luto præstantius, unde quicquid est in orbe terrarum eximium generetur? unde non tantum belluæ, sed etiam homines ipsi formati sint: quod ab immortali Deo mirifice diligatur? An iterum commemorem, utile atque necessarium esse Lutum? quod nullum animal eo privatum, vivere diutius potest? quod eo frumenta, segetes, arbores nutriantur & fecundiores efficiantur?

quòd ex luto fiant, quæcunque sunt
 ad victum necessaria? quòd ex luto,
 civitates, oppida, domus, templa con-
 struantur? An iterum tot tantaque
 luti utilitates, quas nemo cogitatio-
 ne, nedam oratione complecti potest,
 exponere contendam? Non faciam,
 Quirites, non diutiùs incredibiles atq;
 divinas Luti laudes ingenij mei cul-
 pa diminuam. Quamobrem hanc ul-
 timam orationis partem integram co-
 gitationi vestræ totam relinquam. Vos
 quicquid excellens esse existimatis,
 quicquid in rerum naturâ pretiosum,
 quicquid amplum, quicquid magni-
 ficum, ante oculos ponite. Ponite
 ante oculos hanc admirabilem natu-
 ræ varietatem, tot & tam egregios
 terrarum fortus, tot animantium ge-
 nera, tot res & tam varias ad usum
 hominum procreatas, ipsos denique
 homines: & cum diligentissime rerum
 omnium præstantiam atque utilita-
 tem consideraveritis: tunc ad Lu-
 tum mentium vestrarum aciem revol-
 vite, & cogitate, nisi Lutum esset,
 nihil earum rerum tam excellentium
 potuisse generari: tum faciliùs apud
 vos

Vos ipsos statuetis , quantis laudum
 præconijs dignissimum esse putandum
 sit; & quantopere fallantur homines
 in opinionibus suis: tunc omninò de-
 cernetis , non esse temere cuiquam
 assentiendum , cū in hac re lu-
 ce clariùs videatis , univer-
 sos fere mortales
 maximopere
 decipi.

FINIS.



IVLII CÆSARIS
SCALIGERI,

DE

LAVDIBVS
ANSERIS DE-
CLAMATIO.



VVM omne studium sapientiae duabus legibus comprehendatur, cognoscendi, & iudicandi, cognitio non paucis brutis, iudiciū paucis hominum contigit. Quocirca plurimae atque maximae res in abdito & saepe & diulatu erunt. Omitto quae recentibus eruta saeculis ex ipso medio naturae gremio praeculis nostris erant, neque cernebuntur. In ijs erat, quod scires, & te nescire profitereris. Scilicet magna quaedam res est, modus ipse, quo metiamur ea, quae intellectui nostrae opponuntur. Quare quod ab antiquis omnibus omisum est, in praesentia est mihi declarandum: ac cuiusmodi operam illi posuere in rebus non necessarijs ostentandi gratia mihi hodierna die instituen-

instituendum est, & ut, quoad fieri possit, par ponatur sed merito. Nam quantum illi eloquentia me anteivere, tantum materia ipsa fuerunt inferiores: quantumque accessionis ab ingenijs ad causam factam est in illis, tantum apparatus ostentetur ab re ipsa mihi. Dicendum enim mihi est de naturæ consilij, quæ ipsa expedivit in orbis hujus supplemento, quoad rerum numerum, magnitudinem, plenitudinem tantum fuit, quantum ipsa esse & voluit, & velle potuit. Nam qui M V S C A M ante nos laudarunt, rem quidem naturæ placitam proposuerunt, verum exiguam sane: ingentes autem ingenij sui laudes explicarunt. Ego vero ante cogitationes vestras ponam ea, quæ per se magna eo in periculo versantur, ne oratione mea deteriora fiant. Nam quum hominum genus per se vel magnum vel princeps sit rerum omnium mortalium, ita secundum se habuit ab opifice summo creatum genus avium, ut secum haberet quiddam, sine quo minus commode ageret semper, sæpe etiam cui Lares patrios, vitam, dignitatem deberet ipsam. Hoc est quod me valde afficit,

quod neutrum genus video sine luto
 posse diem unum vivere. Hic mihi,
 Poëtarum more, linguas centum, ora-
 que centum, & ferream vocem in men-
 tem venit exoptare: tantam enim rem,
 & tam egregiam nullus verborum splē-
 dor, nulla sententiarum gravitas, nulla
 vis eloquentiæ, nulla denique animi
 contentio dignè posset explicare. Mihi
 quidem certè voluntas non deest: ut
 cætera in dicendo digna re, digna vo-
 luntate suppetant, elaborandum est. E-
 tenim hæc, quam dicturus sum, luti u-
 tilitas ejusmodi est, ut quamvis verissi-
 ma sit, tamen prope incredibilis esse vi-
 deatur. Quis enim ita facilè credat, u-
 niversos homines tam agrestes, quàm
 domesticas belluas, luto vitam acceptã
 ferre oportere? Quid igitur faciam?
 cùm jam dudum de luti eximia virtute
 dicam, cùm jam propè vim omnem
 verborum effuderim, cùm jam quic-
 quid in me facultatis erat, in dicendo
 consumpserim, neq; illud omnino pro-
 viderim, ut aliquid ad hunc locum mi-
 hi reservarem. Quibus igitur verbis
 rem tantam aggrediar? Opinor unus
 modus, atque una ratio est. Hanc Luti
 tam

tam magnam utilitatem in medio ponam. Quæ per se tam clara est atque perspicua, ut nullius hominis ad eam amplificandam oratio requiratur, vos ipsi pro vestra prudentia, quanta sit, videre facillimè poteritis. Nisi fortè hoc non intelligitis, Quirites, quòd, ut omnibus cognitum est, sic à paucissimis considerari solet, vos, nisi ventris onus deponatis & comedatis, nullo modo posse vivere. Sed cur tandem risum non continetis? Non equidem dixi, ventris onus vos comesse oportere, sed ὕπερον πρότερον Homericè locutus sum. Omnem enim animantem ventrem prius explere necesse est, deinde etiam exinanire. Sed ne solertiam meam rideatis, qui hoc excogitárim, videte quàm pauci hoc advertant, neq; expleri ventrem, neque exinaniri sine luto posse. At dicet fortasse quispiam! Ego verò sine luto vivere possum, neque unquam luto ventri vacuo satisfeci? Quid? illud, quo vesceris, unde natum sit, non intelligis? tam ne cito prioris orationis oblitus es? An non meministi fruges omnes, vinum, ceterique omnia, quibus utuntur homines, ex luto

ex luto nata fuisse demonstratum? Qui tibi cibus, quæ potio, qui victus, si lutum non sit, adesse potest? Proh Deum atque hominum fidem! tu sine luto vivere diem unum posses? Quare, obsecro, aut quo cibo ventris egestatem sublevares? Panem scimus è frugibus confici, quæ sine luto nasci non possunt, poma omnia de luto nata docuimus. Carnes, ais, devorarem. Iam verò te non possum stultitiæ non condemnare. Carnes comederes? quas obsecro carnes? nempè aut volucrium, aut aquatilium, aut terrestrium animalium: quod autem horum est animal, quod sine luto vitam agere possit? Mitto jam de reliquis dicere: hoc unum premo, quod omnium maximum est, qualis hominum esset vita sine luto? Non equidè possum, quod animo concipio, verbis exprimere, sed quantò minus eloquentia valeo, tantò diutius in hoc insistam, in quo summam Luti utilitatem video non posse denegari.

Veniant omnes Oratores, Sophistæ, Philosophi, Theologi, quid tandem contra hanc orationem meam asserere poterunt? An erit eorum quisquam

tam

tam impudens, qui negare audeat, homines, pecudes, volucres, pisces, omne genus animantum, luto solo vitam propagare? Quamvis erit fortasse aliquis, qui cum semel omnes rationis metas transgressus fuerit, etiam apertè veritati contradicere, & soli, quod ajunt, tenebras offundere non dubitabit. Cæterum si carnes & cupedias ei detrahas, mare statim (ut dicitur) cœlo permiscabit. Sed non video, qua ratione possit huic hominum generi persuaderi, sine luto nullam esse vitam, nisi validissimis pharmacis, quæ vim habeant expurgandi, multos dies exinaniantur, deinde cibus eis triduo denegetur: tunc demùm intelligere incipient, atque alta voce clamare, nullo modo se diutius sine Luto vivere posse. Quàm enim impudentis est, id inficiari, quòd abscondi non potest? Nullum est anni tempus, seu vigiles, seu dormias, sive ambules, sive sedeas, quo non semper tecum lutum habeas, quòd si fortasse casu aliquo paulò abundantius egeratur, statim infirmus ac debilis efficeris, nec pedes, nec manus, nec ulla corporis pars satis officium suum facit: quin etiam sapissi-

finè

finè nimio fluxu multi mortales intereunt, quem Græci morbum *διὰ πόσιν* appellare solent. Et erit aliquis, qui Luto spoliatum se vivere posse diutius existimet, cùm sola ejus imminutione videat statim homines fato concedere? Quod autem de hominibus dico, idem etiam de cæteris animantibus intellectum volo, quorum nullum adempto luto superesse ullo modo potest: cibus enim omnis in ipso stomacho priusquàm alat atque nutriat, ut in lutum convertatur necesse est. Vnde perspicuum est, non tantum utile lutum esse, sed etiam omnino necessarium. Videte, Quirites, quàm simpliciter, quàm non fucate, quàm non artificiosè vobiscum agam, ut nihil subdolè, nihil versutè dicam, ut nulla fallaci conclusione, nullis mendacijs utar, ut artis illius phaleratæ prorsus obliviscar, ut nihil deniq; dicam, quod non mihi paulatim suggerat ipsa veritas. Nullam enim hætenus de Luti necessitate mentionem feci: cùm tamen, quamvis utilissimum sit, longè magis necessarium esse, quàm utile videatur. Id enim à nobis utile solet appellari, quod ad usum corpore

ris aliquo modo potest accommodari, de quo fructus aliqui percipiuntur: necessarium autem, sine quo nullo modo esse possumus: itaque cum sine Luto nullum ex omnibus animantibus omnino possit esse, quemadmodum apertissimè demonstratum est, sequitur ut prorsus esse necessarium ad cuiusque animantis salutem concludendum sit. Qua in re stultitiam hominum admirari maximè licet, qui, quod omnium maximè necessarium est, odierunt atque rejiciunt: quod autem mare (quod ajunt) malorum secum adfert, id obvijs (ut dicitur) ulnis amplectuntur. Quis enim est, qui non lutum spernat, & aurum diligit? Atqui lutum jam videtis præsentia sua vitam, absentia non dubiam mortem præstare; quo fit, ut ad vitam conservandam sit omnino necessarium: aurum autem, si quis rectè consideret, ad nullam vitæ commoditatem conducere prorsus inveniet, quin potius ingentium ac prope innumerabilium malorum sæpenumero causam esse. Hinc enim cædes, incendia, rapinæ, bella intestina, civitatum direptiones, agrorum vastitates,

tumultus, insidiæ, fraudes, patriæ pro-
 ditiones, quicquid dici, aut excogitari
 sceleris potest: cùm interim à luto ni-
 hil mali, nihil detrimenti, sed, ut ab o-
 ptimo parente, vitam, fortunas, com-
 moda, voluptates habeamus. Quòd si
 quid etiam aliud præter lutum, utile
 fortasse reperitur, quod fieri non posse
 inficior, id tamen quicquid est utilita-
 tis, acceptum ferri luto necesse est, quo-
 niam ab eo, sicuti antea docui, cuncta
 proveniunt. Age verò, quale sit in cæ-
 teris etiam rebus erga homines lutum:
 videamus. Non enim solum nos edu-
 cat, alit & oblectat, verum etiam ita se-
 se rebus omnibus accommodat, ut nihil
 sit, in quo nobis prodesse non possit.
 Quis enim ignorat, ædificandi ratione
 omnem prope luto constare? Quis non
 intelligit nullam posse civitatem sine
 luto, nullum oppidum, nullam domum
 extrui, nulla Deis immortalibus, tem-
 pla dedicari? Quis non videt, cæmen-
 tum, bitumen, cretam, calcem, cætera,
 quibus omnes fieri substructiones so-
 lent, lutum esse? Iam non longius ab
 instituto digrediar in declamando, ne
 me putetis aliquid Rhetorum more
 confingere.

confingere. Sed profectò videtis, Quirites, quem orationis splendorem prætermittam? Possem enim dicendo sub-
 jicere oculis quod ornamentum, quæ venustas: quæ dignitas, terrarum orbi deesse videretur, nisi essent domus, oppida, nisi civitates: nam aut in sylvis ferarum more pervagari, aut in caver-
 nis ac terræ foraminibus, ut Trogloditæ feruntur, habitare necesse esset. Sed quoniam ad finem jam spectat oratio mea, tantum unum illud addam, quod à multis etiam antiquis eruditissimis viris animadversum est, esse mirificam quandam in luto vim ad omnes è languenti corpore morbos depellendos: pleni sunt omnes Medicorum libri, plena omnia pharmacorum, quæ de luto componuntur. Quod si quis mihi fidem minimè habendam putet, Plinium legat & Galenum, & quicumque de arte Medica scripserunt: tum demùm intelliget, quid agris corporibus utilitatis lutum afferat. Quid? quod etiam ea luti species, quam nos maximè fugimus, quæ de nostro egeritur corpore, maximi est usus in medendo. Nam Plinius certè ster-
 cus hominis inter magna

Nat. hist.
 lib. 6. 27.
 Plin. lib. 8.
 cap. 27.

morborum remedia connumerat. Et
 Dioscorides tradit, hominis & carnis
 stercus, cum exaruerit, melle permix-
 tum & gutturi annexum, anginis me-
 deri cura nunquam fallente: quod et-
 iam mihi belluæ quædam intelligere
 præclare videntur. Nam Pantherama-
 junt, cum aconitum gustaverit, quod
 venenum est, ei lethiferum ac pernicio-
 sum, hominis stercus diligentissime
 quærere, quo degustato, facillime sana-
 tur. Iam upupam tradit Aristoteles ex
 hominis stercore sibi nidum construe-
 re: credo quod in eo maximam & sibi
 & pullis suis utilitatem experiatur. Has
 tam singulares & eximias Luti virtutes
 etiam à majoribus nostris, quamvis ru-
 sticanis hominibus, aliquo modo per-
 spectas & cognitassse, facile credide-
 ri n, quippe qui mutato nomine atque
 genere Lutum divinis honoribus di-
 gnati sunt. Cum enim viderent sum-
 mum deorum Iovem marem esse, Lu-
 tum etiam suum eo genere insigniri
 voluerunt, Stercutiumque Deum ap-
 pellarunt: cumque de luto viderent
 omnia creari, Iovem etiam ex eo pro-
 gnatum crediderunt: itaque Stercutiū
 & Satur-


De hist. 4-
 num lib. 9.
 cap. 25.

& Saturnum eundem esse dicebant: atque hac (ut opinor) de causa pedes lecti, in quo Fla nen Dialis cubaret, luto tenui, sicut Gellius scribit, circumlitos esse oportebat. Neque verò expectetis à me, Quirites, ut hac extrema orationis parte, quod à Rhetoribus fieri solet, ea repetam amplificando, quæ de Luti laudibus à me commemorata sunt. Quid enim ea repetam aut amplificem, quæ ne semel quidem satis pro rei dignitate potuerunt explicari? Quid an iterum ea dicam, quæ nemo penitus inficiari potest? nihil esse Luto nobilius, quod à clarissimis parentibus terra atque humore satum sit, quibus Deus ipse, rerum omnium curam atque administrationem demandavit: nihil esse Luto præstantius, unde quicquid est in orbe terrarum eximium generetur? unde non tantum belluæ, sed etiam homines ipsi formati sint: quod ab immortali Deo mirificè diligatur? An iterum commemorem, utile atque necessarium esse Lutum? quod nullum animal eo privatum, vivere diutius potest? quod eo frumenta, segetes, arbores nutriantur & fecundiores efficiantur?

quòd ex luto fiant, quæcunque sunt
 ad victum necessaria? quòd ex luto,
 civitates, oppida, domus, templa con-
 struantur? An iterum tot tantaque
 luti utilitates, quas nemo cogitatio-
 ne, nedam oratione complecti potest,
 exponere contendam? Non faciam,
 Quirites, non diutius incredibiles atq;
 divinas Luti laudes ingenij mei cul-
 pa diminuam. Quamobrem hanc ul-
 timam orationis partem integram co-
 gitationi vestræ totam relinquam. Vos
 quicquid excellens esse existimatis,
 quicquid in rerum naturâ pretiosum,
 quicquid amplum, quicquid magni-
 ficum, ante oculos ponite. Ponite
 ante oculos hanc admirabilem natu-
 ræ varietatem, tot & tam egregios
 terrarum fœtus, tot animantium ge-
 nera, tot res & tam varias ad usum
 hominum procreatas, ipsos denique
 homines: & cùm diligentissime rerum
 omnium præstantiam atque utilita-
 tem consideraveritis: tunc ad Lu-
 tum mentium vestrarum aciem revol-
 vite, & cogitate, nisi Lutum esset,
 nihil earum rerum tam excellentium
 potuisse generari: tum facilius apud
 vos

Vos ipsos statuetis , quantis laudum
 præconijs dignissimum esse putandum
 sit; & quantopere fallantur homines
 in opinionibus suis: tunc omninò de-
 cernetis , non esse temere cuiquam
 assentiendum , cū in hac re lu-
 ce clariùs videatis , univer-
 sos fere mortales
 maximopere
 decipi.

FINIS.



IVLII CÆSARIS
SCALIGERI,

DE

LAVDIBVS
ANSERIS DE
CLAMATIO.



VVM omne studium sapientia duabus legibus comprehendatur, cognoscendi, & judicandi, cognitio non paucis brutis, judiciū paucis hominum contigit. Quocirca plurimæ atque maximæ res in abdito & sæpe & diu latuerunt. Omitto quæ recentibus eruta sæculis ex ipso medio naturæ gremio præ oculis nostris erant, neq; cernebuntur. In ijs erat, quod scires, & te nescire profitereris. Scilicet magna quædam res est, modus ipse, quo metiamur ea, quæ intellectui nostræ opponuntur. Quare quod ab antiquis omnibus omittum est, in præsentia est mihi declarandum: ac cujusmodi operam illi posuere in rebus non necessarijs ostentandi gratia mihi hodierna die instituen-

instituendum est, & ut, quoad fieri possit, par ponatur sed merito. Nam quantum illi eloquentia me anteivere, tantum materia ipsa fuerunt inferiores: quantumque accessionis ab ingenijs ad causam factum est in illis, tantum apparatus ostentetur ab re ipsa mihi. Dicendum enim mihi est de naturæ consilij, quæ ipsa expedivit in orbis hujus supplemento, quoad rerum numerum, magnitudinem, plenitudinem tantum fuit, quantum ipsa esse & voluit, & velle potuit. Nam qui M V S C A M ante nos laudarunt, rem quidem naturæ placitam proposuerunt, verum exiguam sane: ingentes autem ingenij sui laudes explicarunt. Ego vero ante cogitationes vestras ponam ea, quæ per se magna eo in periculo versantur, ne oratione mea deteriora fiant. Nam quum hominum genus per se vel magnum vel princeps sit rerum omnium mortalium, ita secundum se habuit ab opifice summo creatum genus avium, ut secum haberet quiddam, sine quo minus commode ageret semper, sæpe etiam cui Lares patrios, vitam, dignitatem deberet ipsam. Hoc est quod me valde afficit,

ficit, quum naturam contemplor hanc,
 ne par sit (prope dixi) humanæ, re ipsa
 etiam eloquentiam superet. Etenim si
 constitutione n concretionemque ipsi-
 us corporis latius consideremus, fuere
 philosophi, qui terrestria hæc nostratia
 è terra potissimum constare crederent,
 ex aqua pisces, ex aere volucres. Neque
 enim fieri posse, ut naturæ principia re-
 bus ipsis, quarum principia sunt, non
 respondeant. Quod si ita est, avium
 genus (pace non tam vestra, quam et-
 iam mea dixerim) etiam nobis nobili-
 us sit. sin hoc est ambitiosius ac verita-
 ti suspectum, habeatur, quod reliquum
 est, neque ab ullo expugnari potest, ci-
 ves saltem esse aves purissimi elementi.
 Neque enim omnibus in locis aerem
 ab æthere distinxit Plato. Et est æther,
 in quo *D i r* sunt, ut sint aves indige-
 næ aeris, incolæ ætheris, accolæ deorū,
 non solum magnum munus, sed & ra-
 rum, & illis tantum à principe rerum
 datum. Nam si montanas herbas & A-
 rabes & Græci potiores sunt arbitrati
 idcirco, quia cœlo sunt propiores, cu-
 jusmodi naturam ijs in rebus existime-
 mus, quæ suis principijs cœlo propin-
 qua

qua ac cognata D E O R V M immortalium è cœlorum sinu consilia deducere ad nos consuevere? Aves dico ipsas, sine quibus imperium generis humani, quod maximum ac sanctissimum penes R O M A N O S fuit, vel nihil egit, vel etiam fuisset nihil. Non ineptiam apud vos, scio vos non ignorare, quæ in A V G V R V M libris olim scripta essent ad scientiam, quæ observata ad salutem, quæ neglecta ad interitum sed hæc omnia omittimus, alio majora vocant me. Nam quanto excellit genus hoc cætero generi animantium, tantum est quo superet genus divinum animal illud, cui pop. Ro. salutem, Camillus gloriam, imperium Ro. po. jam debeat: neque id solum verum ortum originemque novam, sed veram, & quæ plus quam inchoata sit. Quid enim loqueremur nunc nos, si tunc Romanæ eloquentiæ femina perditæ fuissent? Si qua in me sunt inde profecta, si qua in vobis gloria, eam universam sanctissimæ ac sapientissimæ a-liti acceptam referre debetis. Age vero, quum vos video attentioni propiores, deposito fastidio ignobilitatis, ut vanitas cedas

tas cedat veritati, ab ipso nomine mihi est incipiendum, quod ea cætera superat excellentia, quo beatius est dare, quam accipere, ipsa res vobis nomen dedit secum natum, non acceptum à vobis aut inconsulto, aut etiam temere (ut plæraque sunt) à natura allatum ad cogitationes vestras, quo rem intelligeretis ex nota vera, non à vobis ficta. Nam quo cantu vigiles, tanquam tuba, excitavit, quo deiecit hostes, quo IMPERII domicilium, patriæ auspicia, summam rerum servavit, eo cantu offert nulla ambitione sese cognoscendum. Nam est ANSER.

Reliqua desiderantur.

IOAN.

IOANNIS PASSERATII,
 ENCOMIUM
 ASINI.



TANTUM approbationis
 suo quodam quasi genio.
 Plauti fabulæ consequutæ
 sunt, auditores, ut nullam
 acclamatione adversa vel
 pastoritia fistula, omnes incredibili
 plausu populus semper exceperit: ne-
 que verba facturis magistratibus plus
 silentij præcones in foro, quàm atten-
 tionis, earum solo nomine, histriones
 in theatro à multitudine impetrarint.
 Id autem sive Plauti fato, sive, quod
 probabilius est, lepore atque urbanita-
 te contigerit, mihi persuadet tam ele-
 gantium fabularum ut actori sic inter-
 preti, minimè de colligenda benevo-
 lentia esse laborandum. Vereor tamen
 ne quis insulsè facetus hoc meum irri-
 deat consilium, quodd ab Amphitruone,
 gravi Tragicomædia, profectus ad Asi-
 nariam rectà contenderim: verusque
 verbum in me contorquens, à diis ac
 regibus,

regibus, tamquam ab equis, ad asinos me transisse cavilletur. Quamobrem officij ratione admoneor, ut pervagatum vulgi sermonem quo asini tantopere adjiciuntur ac conteruntur, falsum esse demonstrem: & cum opinione tot sæculis inveterata, cominus argumentis congrediar: etsi difficile est errorem, qui tam altè radices egerit & propagarit, statim evellere: sed quò difficilius, æquum est ut hoc me benignius attentiusque audiat. Quæramus igitur cur auctor ejus proverbij, quisquis tandem fuit, sanè obscurus & ignobilis, vilissimos esse asinos somniarit, nec ulla ex parte cum equis comparandos: an propter tarditatem? At in India, Syria, & ad Euphratem, perniciosissimi reperiuntur, quemadmodum Ælianus & Xenophon memoriæ prodiderunt. An propter virium imbecillitatem? At equis ipsis iudicibus, asini causam suam obtinebant, qui si loqui possint, ut Achilles equi apud Homerum, laudem istam asinis ultro concedant, ac sponte fateantur, nisi asininum semen equarum semini mixtum esset, mulos, omnium animalium, quæcumque collo dorsove domantur

domantur, validissi nos, non esse nasci-
 tuos. Vnde cum alia multa, tum hæc
 sequerentur incommoda; quod medi-
 ci ægrotos visentes, ubi properato est
 opus, suis, non alienis pedibus, ambu-
 lare cogerentur: & innumerabiles fu-
 turi essent senatores pedarij; lunæque
 currus, quem mulæ junctæ trahunt, in-
 genti mortalium damno, frugumque
 calamitate, consisteret. An quod equi
 strenuam in bello navant operam, asini
 ad committendum prælium, & rem ge-
 rendam, parum idonei existimantur?
 Facile hoc dici patior, equos ad homi-
 num perniciem plurimum, asinos ni-
 hil conferre nisi ad salutem, & ad pacis
 artes recolendas atque retinendas. Huc
 accedit quod equos plerisque omnes
 refractarios, succussatores, umbram
 metuentes, mordaces, sternaces, calci-
 trones, videmus: quibus à vitijs nemo
 nescit abesse asinos longissime. Idcirco
 magna mater, sive illa Cybele, sive Isis,
 sive Ceres, sive quo alio gaudet nomi-
 ne, asinis, non equis, se ac sua myste-
 ria committit. insidentem asino Sile-
 num prætereo; ad te venio

qui prima frementem

*Fudit equum Tellus magno percussa
iridenti*

Neptune.

Tu consualibus, festo tibi die, asinos non minus quam equos floribus coronari voluisti, licet in equos inclinatione voluntatis magis propendeas. Nec immeritò hic asino habitus honos, qui tot tantisque laboribus in varios humanæ vitæ usus exercetur. Ex ea enim segete quam stercoreavit, aravit, iteravit, terriavit, ac liravit, collectam messem convchit in horreum; post tritum in pistrinum defert, ibi molam versat, inde domum refert farinam: &, ut ait Virgilius:

*Sape oleo tardi costas agitator aselli,
Vilibus aut onerat pomis: lapidemque
revertens*

*Incusum, aut atra massam picis urbe
reportat.*

Quas in miserrimi quadrupedis ærumnas, non absque magna justaque commiseratione, intuenti, venit mihi Prolemæi regis in mentem, cui cum Heracles Lycius librum obtulisset quem inscripserat πόντις ἐγκώμιον, primam rex urbanissimus literam delevit, ut ostenderet

deret πόνος ἐγκώμιον re vera ὄντως esse ἐγκώμιον, eamque virtutem, qua tolerandis rebus adversis gloriamur, asinum sibi posse jure suo vindicare. Quid ego de temperantia dicam? Postquam immanissimos labores exantlavit, & quibus ne Hercules quidem par fuerit, vix sub multam noctem ab opere dimissus, & sub dio relictus, carduis, tribulis, paliuris, vescitur: tam arido horridoque pastu contentus, ne ad singularem patientiam non adjungatur frugalitas in philosophorum scholis, qui eam profitentur, inaudita. Ex qua frugalitate fructus capit uberrimos; quando & tardius deficit quam ullum aliud armentum, & morbis rarissime tentatur, quibus assidue conflictantur nostri Philoxeni, Apitij, Gallonij, ejusmodique gurgites atque ventres, qui, ut Pliniani fues, animam pro sale videntur accepisse, ne tantisper dum sunt in vita, putrescant. Nisi forte ficus ab asinis quondam appetitæ in gulæ ganearumque loco ponantur: quod tamen spectaculum prodigij simile ex admiratione nimia risum immodicum, ex immodico risu, repentinum interitum Philemoni

Comico fertur attulisse. Ejus porro virtutis quæ jus suum cuique tribuit, & cæterarum Regiæ sapientum suffragiis constituitur, in asino præcipue vis & splendor clucescit; qui pabulo semper abstinet alieno, prodest omnibus, nocet nemini: insignis adeò cultu deorum, ut religione numinum, & simulachrorum quæ gestat sanctitate consecratus sit. Ob eximiam quoque, & valde spectatam in dominos fidem, vagatur sine custode, non cohibetur ergastulis, vinculis non coërcetur: cum necesse sit equum asservare, haud minore studio quàm fugitivum aliquod mancipium: quoniam noctes diesque fugam meditatur, in qua impotenter exultantem, & similem furenti Q. describit Ennius.

*Et tū sicut equus qui de præsepibus actus,
Vincla suis magnis animis abrumpit, &
altè*

*Infert se campi per cerula lætæq; præta
Celsò pectore, sapo jubæ quassat simulatæ:
Spiritus ex anima calida spumas agit
albas.*

Summis verò laudibus tollenda est asinarum in fœtus suos caritas, ad quos
per

per medios ignes penetrant, ut eripiant periculo, nec ullum ardorem flammæ pietas materna pertimescit; Tantum abest ut mulierum scelus, importunosque mores imitentur, quæ partus suos interdum projiciunt: ne facinus horribilius eloquar, & cujus solam cogitationem mens mea reformidat. Sentio non defuturos qui doctrinæ omnīs expertes asinos esse contendant, & in nos velitentur arreptis ex trivio maledictis, quæ à pueris aviculisque vulgò jactantur, *asinus ad Lyræ, asinus ad tibiam*, & id genus quisquilijs, atque ineptijs. Horum me certè miseret, qui non animadvertunt se in apertum stultitiæ crimen incurrere, cujus alios insimulant, dum adversus asinorum prudentiam stolidæ plebeculæ levissimis sermonibus & testimonijs utuntur. Verùm istuc, quicquid est quod objicitur diluamus. Asinus, ut ajunt, neque lyræ modulis afficitur, neque tibie cantu mulcetur. Sit ita sanè. Lyra delectatus est scilicet Themistocles, & fortissimus ille Iovis filius, qui Linum præstantissimum ejus artis magistrum, à quo erudiebatur, plectro interfecit: aut

eo minus rerum gestarum gloria floruit
quòd lyræ molles infractosque nume-
ros pro nihilo purarit. De tibia duo sunt
quæ respondeantur: unum, optimas ex
asinorum ossibus fieri tibias, nec ejus rei
contemptum vel inscitiam vivis expro-
brari oportere, cujus materia petitur à
mortuis. Alterum, asinos, si maximè
tibiam negligant, se deæ sapientissimæ
exemplo tutari posse, cui tibia vehe-
mentissimè displicuit: &, si Propertio
credimus,

vado Maandri jacta natavit

Turpia cùm faceret Palladis ora tumor.
Quod si quis acumine ingenij, & celeri
mentis agitatione præditum esse nescit,
doctissimorum hominum, Origenis &
Porphyrionis fuisse condiscipulū igno-
rat: vitisquæ putandæ rationem abroso
palmitè vinitores primùm docuisse: ob
id lapideum asinum Naupliæ grata po-
steritatis memoria dedicatum; eadem-
que de causâ Romæ asellorum capita
vite alligata fuisse in tricliniorum ful-
cris: ac liberum patrem eos in fidem
suam & clientelam recepissee. Præterea,
nullis hostijs æquè litatur Apollini a-
pud Hyperboreos, ubi

τέρεον

τέρπουσι λιπαράι φοῖβον ὄνοσφαγία

inquit Callimachus: non quod invisī
sint Asini Phæbo, ut Cereri porca, &
caper Bicho, sed quod esse constet κλε-
τάς ὄνων ἐκατομβάς, sicut à Lyricorum
principe nominantur, quæ Apollini
immolantur ut Iunoni pavones, & Ve-
neri columbæ. Dijs, inquam, asinus
carissimus est, nec ullum lætius felici-
usque augurium asini occurſu, ut tri-
tus Aristophani sermo declarat, ἕνος ὄρ-
ως, Testis ille qui C. Mario in summa
rerum desperatione spem salutis osten-
dit, cum esset Minturnis in Fannix cu-
stodia. Testis & alter cum Eutycho a-
gasone literarum monumentis nobili-
tatus Nicon, qui Augusto in aciem de-
scendenti obviam factus, certam ei de
M. Antonio victoriam portendit. Li-
beratus varijs, indignisq̃ue calumnijs
asinus, auribus adhuc tenetur, quarum
magnitudo irrisione multorum imme-
ritò luditur, cum eadem in leponibus
nequaquam reprehendatur: In prom-
ptu tamen est quod contrà referam:
Nimirum id asinis vitio verti, quod à
geographis universis quibusdam natio-
nibus, Scythiæq̃ue populis, usus &

ornamento tribuitur, quorum aures tam latè patent ac diffusæ sunt, ut ijs totum hominis corpus facile contegatur. Liceret etiam exclamare,

Auriculas asini quis non habet?

nisi malletm tenebricosi Satyrici versiculum sic leviter immutare :

Auriculas asini quis sanus nolit habere?

Legimus enim in Græcorum Commentarijs, ἡ ἐπεὶ ὁ νόος μᾶλλον τῶν αἰσθάνων ἀκρόφι πλεονέχων : hoc est, nulli animalium, uno mure duntaxat excepto, acriorem audiendi sensum quàm asino largitam esse naturam. Vnde explicandum est quod integumentis fabularum à poëtis implicatur, Midam Phrygiæ regem asininas aures habuisse : in quibus involucris later hæc historia : Midæ omnia quæ à suis agerètur dicerenturve comperta explorataq; fuisse, prudètiaq; ac consilio res suas ita composuisse, ut florentissimum beatissimumq; regnum ejus extiterit. Hinc alia nata & sparsa fama est, aurea solitum efficere quæcumq; manibus contrètallet. Superesse nihil eorum video quæ asinis objici solent præter vocem, quam ut raucam & asperam

peram qui minus probant, memine-
 rint in Gigantum adversus Deos pu-
 gna, inclinata jam deorum acie, ru-
 dentem Sileniasinum rem restituisse,
 terribiliq̃ue ac stentoreo stridore per-
 territos Titanas in fugam vertisse, Io-
 viq̃ue plus in asini voce tum prædij
 quàm in ægide & fulmine fuisse. Idcir-
 co, parata constitutaq̃ue victoria, Iup-
 piter tam benè de se & de dijs omni-
 bus meritum alinum inter sidera col-
 locavit. Quæ cum ita sint, auditores,
 ne quis vestrum excandescat, si forte
 asinus vocetur; non magis quàm Cle-
 anthes, qui cum ab iniquis asinus ap-
 pellaretur, placidè respondit, quod
 nullam subesse existimaret ei verbo
 contumeliam, se asinum quidem esse,
 sed qui ferre posset sarcinam Zenonis.
 Longum esset fastos Romanorum e-
 volvere, ut inde Asellij viri consula-
 res, Asinæ prætorij, Aselliones histo-
 rici, Vinnij Asellæ, Asinij Galli, A-
 sinij Dentones, & Asinij Polliones
 proferantur: quibus omnibus anti-
 quissimis nobilissimisq̃ue familijs id
 cognominis honoris causâ inditum fu-
 it: præstat hæc asinina laudationi mo-

dum adhibere, nec copia rerum obruari:
 de quibus me, garrientem veriùs, quàm
 dillerentem, minimè mirum est si beni-
 gnè & attentè audivistis. Nam ipsum
 eloquentiæ lumen, ac prope numen,
 Demosthenes, ab alienata à se, ab-
 euntemq̃ue concionem, sola asini um-
 bra revocavit; & ad asinam, tan-
 quam ad asylum, summus orator con-
 fugit, ut languentes jacentesq̃ue A-
 theniensium animos ad se benevolè
 audiendum excitaret. Habetis oratio-
 nem, si temporis angustias quibus ur-
 gemur spectatis, satis longam: sin,
 explosa imperitiæ multitudinis opini-
 one, rei dignitatem expendatis, ni-
 mium brevem: & in qua præstantes
 ingenio viros, multiplici doctrina in-
 structos, longoq̃ue usu confirmatos,
 par esset omnem vim dicendi consu-
 mere. Sed quia neque eruditione,
 neque usu, neque orationis uberta-
 te, abundamus, rem incomptè & in-
 ornatè complexi sumus, ut ipsa, quæ
 simplici sermone delectatur, veritas
 postulabat. Hanc si quis meliùs exor-
 nandam suscipere velit, haud equi-
 dem invidemus, & illi majore artifi-
 cio ex-

cio expoliendam, vel etiam calami-
 stris inurendam, libentes relinqui-
 mus. Nobis enim satis est purgasse &
 aperuisse viam, ut ad interpretationem
 Plautinæ fabulæ, quæ ab asinis
 nomen accepit, sine ulla
 offensione perveni-
 remus.

FINIS.



IANI DOVSAE F.

IN LAVDEM VMBRAE

DECLAMATIO ET

CARMEN.

V. C.

IVSTO LIPSIO.

ET admiratio eruditionis tuae, & beneficiorum erga nos frequentium recordatio tantum potuit, ut non solum ad grati animi significationem animum adderet, sed & viam ad hanc audaciam, ineptias tibi nostras inscribendi, prae munires. Qui enim ita Philosophiam cum politiori literaturâ conjungeres, ut & illius inexhausti fontis perennes aquas per nitidissimos Eloquentiae alveos derivares, & istos Adonidis hortos limpidissimis irrigares Sapientiae rivulis, sciebam te hanc opellam nostram, quum & primo aspectu arriserit, propius inspectam non rejecturum, quae tum in ea disciplina, quam philosophiae ipsi, & imprimis divinae illi, maxime convenien-

tem

rem dixit* Aristoteles, versaretur, tum
argumenti genere adhuc intentato luderet
ad animi nostri remissionem. Ac tamen si
tenuioris opera & pene abortiva esset, ta-
men, quum summos omni auro & viros &
Philosophos istiusmodi lusus sibi permisisse
viderem, equum fuit eam, siue bona vide-
retur, optimo doctissimoque viro inscribi;
siue bonitatem eam per se tueri non posset,
tenebrarum suarum caliginem nominis tui
splendore discere.



Q UOD si summus orator
Demosthenes, quum in ca-
pitali causâ vix illis dicen-
di fulminibus, quibus Græ-
ciam permiscere dictus est,
sibi iudicum attentionem posset impe-
trare, non aliunde quàm ab umbrâ &
ipsius quidem umbrâ asini præsidium
imploravit: neque mihi eam rem frau-
di futuram spero, si maximorum viro-
rum exemplo, qui muscas, pulices, sca-
rabeos, & istiusmodi quisquillas in cœ-
lum sustulerunt, aliquàm & ipse super
umbræ laudibus declamatiunculam in-
stituerò, quum inter eximios illos arti-
fices,

fices, & Zeuxidis Parrhasijque ad omnē
 æternitatem consecrata nomina, etiam
 Pyreicus celebretur, qui tonstrinas lu-
 trinalque & asellos ac obsonia atque id
 genus vilia exprimendo summam ade-
 ptus est gloriam. Nec plus credo laudis
 meruissent imperiti pictores, si pulcher-
 rimos homines deformiter expressis-
 sent, quàm Pausias aut Euphianor, si
 deformes pulcherrimè. Neque verò e-
 go, ut Myrmecides aliquis aut Callicra-
 tes minutissimorum operum, ac tan-
 tùm non visum effugientium, fabrica-
 tores, in apum fornicarumve perfecti-
 one elaborabo; sed rem omnium latif-
 simè fufam, & quæ penè cum universâ
 hac inferiore rerum naturâ finium re-
 gundorum agere possit, ex jure manu
 confertum in possessiones suas restitu-
 am, & terminos per contemptum vel
 invidiam propullos vel exaratos repo-
 nam. Quum autem in vindiciarum a-
 ctione antiquitus observatum fuerit,
 ut in una glabâ, quam inde attulerant,
 velut in toto agro vindicarent; idem
 mihi hoc tempore faciundum censeo,
 ut quum vix millesimam partem ac ne
 umbram quidem laudum umbræ atti-
 gero;

gero; in ijs tamen ipsis, quæ in solum, quod dicitur, venient, tanquam in universa vindicem possessione. Sed jam tempus est vos in rem præsentem perducere, ut totam hanc de præscriptionibus controversiam accuratius cognoscatis. Quum verò omnis, quæ viâ & ratione procedit oratio, à definitione debeat proficisci, placet ante omnia definire quid sit V M B R A. Umbram itaque nihil aliud esse statuimus, nisi privationem lucis impeditæ ab opaco corpore.

Nimirum quia terra locis ex ordine certis
 Lumine privatur Solis, quâcunque meantes
 Officimus: repletur item, quod liquimus eius.
 Propterea fit, uti videatur, quæ fuit umbra
 Corporis, è regione eadem nos usque sequuta.
 Semper enim nova se radiorum lumina fundunt,
 Primaq; discreunt, quasi in ignem lana irahatur.
 Propterea facile & spoliatur lumine terra,
 Et repletur item nigraeq; sibi abluit umbras.

Lucret.
 lib. 4.

Ridebitis credo me in re tam nihili, & in eâ re, quæ ne res quidem appellanda videatur, sic omnium aures arrexisse. & taciti vobiscum mustabitis:

Quid dignum tanto dabit hic promissor biatu?

At si penitus introspiciatis, non secus atque

atque in Silenis suis Alcibiades, divina omnia atque admirabilia reperietis. Vmbra enim, seu generis antiquitatem spectemus, nobilissima est: seu ingenium, acutissima; seu virtutem, fortissima; seu gloriam denique, honoratissima. Ac de antiquitate primò n videamus.

PARS I.
De Nobilitate Vm-
bra.

Quum enim non solum inter Philosophos ac Poëtas, sed etiam inter Theologos satis constet à privatione & Chao omnia incepisse, & ante orbem conditum tenebras abyssum opacasse Moses ipse testetur, atque hac ratione noctem die priorem extitisse dubium

Apud La-
ert. in eius
vita.

non sit, quod & * Thales affirmabat, nox autem aliud nihil sit, nisi terre umbra, Vmbra rebus omnibus antiquiorem esse necessum est. id quod Achil-

Iliad. E.

lis scutum depingentem principem Poëtarum * Homerum non latuit, neque Heraclidem Ponticum fabularum ejus diligentissimum interpretem, nec Orpheum quidem, qui in Hymnis noctem omnium antiquissimam appellat & eandem alibi rerum cunctarum generatricem. ut optimâ ratione illi mihi fecisse videantur, qui Æquinoctiali circulo à nocte potius quàm à die appellationem

lationem tribuerunt. At occurret mihi quispiam: quomodo umbra tum potuerit esse, quum lumen nondum fuerit, siquidem umbra ubicunque est, ibi esse & corpus & lumen ostendit. cui pro me abundè respondebit * Basilus: *In Henim. Homil. 20*
 Solem quidem ac Lunam & illa cœli insignia nondum fuisse, sed spiritus & cœlestes exercitus Angelorum in eâ luce, cui nec stellarum fulgor, nec Solis claritas comparari potest, constitutos. neque tenebras illas per se existisse, sed aliorum comites corporum cogitandū est. Itaque quod ad Nobilitatem attinet, videtis quā origine gloriatur umbra, eā videlicet, quæ ante omnem rerum originem fuit. Et quis parentes ejus aut genus invenire possit, quæ antè nata sit, quàm ille humani generis parens omnem occasionem posteris ostentandi sanguinis claritatem præripuisset? nisi fortè Absentiam Vmbræ matrem fuisse dicamus: nam pater cum in cæteris ferè incertus, tum hîc incertissimus est; & absurdissimum esset credere, quod tamen * aliqui prodere ausi sunt, Tempore genitam, quum Tempus ipsum aviam suam jure possit agnoscere.

*Ut Heracl.
 Pont. in
 Alleg. Ho-
 mer.*

agnoscere. etenim & ab eo motu, qui à cœlo sideribusque conficitur fluit tempus, & Vmbram Hesiodus Ætheris, Tibullus siderum esse matrem testatur. Quod si locum quoque natalem requiritis, quandoquidem id vel in primis ad Nobilitatem facere existimatur; non illius primordia aut instabilis Deli aut mendacis Crate finibus circumscripta; sed in ipso primùm, in ipso, inquam, parturientis Naturæ sinu est edita. ut verissimè illi competat, id quod Socrates sibi falsò adscripsit, qui mundanum se ferre & gloriari solebat. Nec per quosdam infantie & pueritiæ gradus ad adolescentiam ac deinde ad iuventutem maturitatem pervenit, sed statim totum hoc universum complexa ferrugineo suo pallio opacavit,

Ovid. 5. Quâq; die parit est edita, magna fuit.

Fastor. Iam quod ad ingenij laudem pertinet, **PARS II.** certè ea apud vos omnes, qui in excolendo eo plurimùm laboratis, quàm **De ingenio.** maximum momentum habere debet. Cur enim non vel in primis ingeniosam umbram dixerim, potiori certè iure, quàm aut timorem Ovidius, aut gulam Petronius; cùm illa ingenium
non

non dormientibus, ut parnassus, sed vigilantibus subministrat? unde & præcæteris & *Ῥοῦς* id est sapientis cognomine digna est habita à Poëtis. Hæc est, quæ Demosthenem ad id eloquentiæ fastigium eduxit, qui antelucanas fabrorum operas prævertere magnâ cū ambitione consueverat. nec ingratum ipsum experta est, quum in sanctissimo Iudicum confesso serijs maximè rebus mentionem ejus intexere non fuerit dedignatus. Hæc mortales animos subducit in cælum, ac velut inde contemplantibus trium nobilissimorum in rerum naturâ corporum amplitudinem detegit. Namque cū sint tres umbrarum diversitates; constatque si par luminis sit materia, quæ mittit umbram, utrique æqualem columnæ effigie jaci, nec habere finem: si major, in turbinis formam diffundi, ut à cuspide incipiens in latitudinem crescat: si minor materia opaci quàm lucidi corporis, metæ existere effigiem in mucronem desinentis; cumque talis umbra cernatur deficiente Lunâ, hinc primùm Mathematici constantissimis rationibus nixi collegerunt, ut nulla amplius du-

bitatio relinquatur, terram à Sole magnitudine superari, atque ab illa Lunam; neque enim hæc posset in metam noctis incurrere, quæ ipsa multis partibus minor terrâ est, nisi plurimum hujus magnitudini cederet. Eadem quoque formam telluris, quasi in speculo, ostendit mortalibus: quum enim illi tympani Leucippus, trapezii Anaximenes, Heraclitus scaphæ, cylindri Anaximander figuram tribuerent; & cavam Democritus, planam Empedocles existimaret, illa velut median se interponens justo cum universis sacramento contendit, & æquitatis fiduciâ satis freta Lunam in eam rem, quamvis infestissimam sibi, arbitram cepit; quæ veritatis & oculorum testimonio victa litem secundum ipsam dedit, terramque rotundam esse pronuntiavit. Umbra enim, quæ corporis sui figuram imitatur, & in Lunæ deliquio obscuratam semper à lucidâ partem absolutâ circuli rotundatione secernit, Sphæricam esse telluris superficiem declaravit. Sed & situm ejusdem, de quo non levis controversia inter Philosophos fuit, evidentissimis rerum argumentis patefecit
ac du-

ac duplici ratione in medio universi po-
 sitam hominibus demonstravit, * tum *utriusque*
 gnomonum umbris, quæ in æquino- *rei demon-*
 ctij orto & occaso Sole in eandem re- *strationem*
 ctam lineam congruunt; tum Eclipsi- *pere à The-*
 um indicio, quæ etiam in locis Soli non *one in li 1.*
 oppositis, terrâ extra medium consti- *per. euclid.*
 tutâ, viderentur. Nimis exigua adhuc *cap. 4.*
 dixi. neque enim illa Solis amplitudi-
 nem modò, sed excursus omnes, seu in
 dextram attollatur, seu in sinistram de-
 vergat, permensa est. illa segmentorum
 æquidistantium, qui turbinatâ vertigi-
 ne funiculi instar in spiram collecti si-
 bi mutuo adhærescentes stellarum al-
 titudinem monstrant, illa analemma-
 tum rationes invenit. illa dierum nocti-
 umque atque horarum dimensionem
 Mathematicis ostendit. Nam & Scio-
 thericis etiam nomen dedit. Quin &
 Eccentricorum subtilitatibus causam
 præbuit. Est enim Sole Cancrum lu-
 strante, ubi supremam aſida consti-
 tuunt Astrologi, productior; brevior
 hieme circa brumalem circulum, ubi
 proximum terræ sidus. quum ex opti-
 corum demonstrationibus constet: si
 opacum corpus lucido opponatur, tam

magis umbram in longum diffundere,
 quàm magis à lumine removeretur. Quæ
 observatio & ad defectuum moras per-
 tinet. siquidem æstivis mensibus acuti-
 ore umbrâ Lunam hebetari, brumali-
 bus contractiore compertum est. Idq;
 ipsum maximè * Peripateticos quos-
 dam ad Eccentricos, quibus tamen acri-
 ter renituntur, admittendum invitos
 coëgit. Quid? de umbræ ingenio in
 cœlestium rerum investigatione quod
 dicamus, nihil est præterea? imò maxi-
 mè. Nam quum Sol irrequieto lapsu
 per orbem suum discursans, licet eun-
 dem ambitum reciproco semper volu-
 mine metiatur, tamè tum propter * ap-
 pulsus ad Æquatorem propiores aut ab
 eodem recessus, tum propter varian-
 tem earum stellarum, quas fixas dici-
 mus, progressum ægrè ad certas metas
 & quasi carceres quosdam astringi pos-
 sit, ideoque nec certa anni quantitas li-
 quidò definiri; umbra non indignam so-
 judicavit, cui pulcherrimæ rei discepta-
 tio deferretur, quæque exactissimam
 ejus temporis rationem, quo Sol ad ea-
 dem Signiferi diverticula revertatur,
 ostenderet. itaque, cum tempore me-
 ridiano

*Ve Aver-
 roem in 2.
 de Cælo
 comment.
 32.*

*Mutatio-
 nem maxi-
 marum de-
 clinationū
 intellige.*

ridiano alicujus diei ex Sciothere in planiciem cadens lineæ suæ extremitatem certo termino designasset, ad eandem notam non nisi Sole ad idem Zodiaci scrupulum reverso redijt; diesque & horas toto hoc temporis spatio elapsas velut digito indicavit. Huic igitur soli tribuendum videtis, quod mens hominis in hunc corporis carcerē conjecta eò usque sese attollere atque alas primogeniæ suæ divinitatis potuerit reparare, ut Dædalæ rationis subvecta remigio ad spatiosi illius ætheris campos, & ad cœli potius quàm ad Cumarum templa penetraret. Et tamen, quæ tam diligenter cœli plagas ac cœlestium corporum dimensiones scrutatur, optimè sibi cavit ab eo convicio, quo anicula quædam Thaletem perstrinxit. Quis enim credat eorum curam negligere, quæ ante pedes sunt, & in hujus inferioris mundi disquisitione versantur, qui

*Vide Cic.
com lib. 1.
cap. ult.*

*Vide Pro-
lem. lib. 2.
puz. ovulæ
cap. 5. &
6. & Theo-
nem. ib.*

tinent, unicuique loco assignarit; utq;
 in ipso Lunæ deliquio ex horarum dif-
 ferentijs locorum interstitia computa-
 re consueverit, ita ut non minùs in cœ-
 lo terrestrium, quàm in terra rerum
 cœlestium rationes exquirere videatur.
 Quid quodd rerum humanarum faciem
 immutat hominum causâ, profligatâ-
 que luce cœli tectum nobis pulcherri-
 mē laqueatum ac supremas illas ima-
 gines repræsentat? Quum enim ocu-
 los non alijs usui, quàm ad cœli pala-
 tum suspiciendum, datos hominibus
 dixerit Plato, frustrâ certē nobis tot
 pulcherrimarum rerum spectaculum
 Natura parasset, absque hac Editrice &
 quasi Munerariâ fuisset. Adhæc quis
 tam bardus, ut non sentiat hanc varie-
 tatem & distinctam tenebrarum vicissi-
 tudinem incandjorem multò & gratio-
 rem efficere lucis usuram? Quod igitur
 Solem laudant, æquo animo ac libenti
 accipimus, dummodo sciant: id ipsum,
 ut laudari possit, umbræ esse tribuendū.
 id quod & Hesiodus intellexille vide-
 tur, ubi diei ortum atque natales ad no-
 ctem refert. Ita enim movetur umbra,
 ut, post terras Solis ardore vexatas, eas-
 dem

dem modò his modò illis partibus opacetur. Neque verò metuendum est, ne quis hac lege cum eâ experiatur, quæ adversus desides & otiosos ab Atheniensibus lata est; siquidem haud unquam quiescit; sed cum Solis progressu semper mobilis altitudinem ejus ac celeritatem converfis anni temporibus imitatur, cumque eo non minùs circumagitur, quàm flos ille qui ab ea ipsa conversione nomen accepit: ut non immeritò alas ei veteres affinxisse videantur. Inter quæ omnia moderationem ejus ac modestiam admirari licet; nam & ijs, quos videt beneficio suo maximè indigere, diurni vaporis damna noctium opacitate compensat, & his, quibus Sol remissior incumbit, sub noctem brevius decurrit: atque ita frigoris & caloris modum temperat, ut, quum sub Æquatore partitis vicibus dimidiam fere anni partem tenebræ occupent subpolares contrà regiones vix trimestri spatio Solis ac crepusculorum luce destituantur. nam si absque hoc esset, quis aut sub frigidis plagis hyemem aut sub torridâ æstus toleraret? Quorum omnium recordatio facit, ut Ægyptios

t s magnæ

magnæ arguam inscitiae an ingratitude-
 nis dicam nescio: qui cùm aspidem &
 scarabeum, hunc quodd rotundam sphe-
 ricamque materiam cessim in contra-
 rium impellendo Solis symbolum re-
 presenteret; illam, quod ad motum nul-
 lis utens instrumentis se facili lubrica-
 que convolutione contorquens sideri
 compareretur, utrunque divinis honori-
 bus consecrarent; umbram, quæ tam
 lubricas siderum obambulationes non
 modò assequuta est, sed & Solis ac Lu-
 næ magnitudines diuerſiſſimè & quasi
 ad libellam ac normam expangendo
 cœli ipsius interpretationem sibi ven-
 dicavit, ita penitus extra numerum ha-
 buerint: quæ tamen ipsos Pyramidum
 mensuram citra funiculi aut decem-
 pedæ præsidium edocuerat in plano.
 Sed optimè injuriam suam ultia est um-
 bra, cùm certis anni temporibus, Sole
 ad lineam supra caput permeante, pe-
 nitus sui copiam Ægyptijs denegaret;
 quæ loca *ἀσtoria* id est sine umbrâ dixe-
 runt veteres. His adde quodd si magni
 Reges immortalitatem sibi paratam pu-
 trare, quodd de suo nomine quasdam
 herbas appellaverint; quantò præcla-
 rior

zior præstantiorque umbra existimari
 debet, quæ non herbæ uni aut floscu-
 lo; sed hominum, quadrupedum, pisci-
 um generi nomina à se dederit? Primum
 enim orbis universi incolas triplici um-
 brarum genere distinxit. Amphiscios
 in zonâ torridâ collocavit, quibus me-
 ridiana umbra, si tamen ulla est, nunc
 ad Semptemtriones, nunc ad Austrum
 procedit. Periscios in frigidis, inde di-
 ctos, quod eorum à Solis vertigine in-
 certæ umbræ molarum modo circum-
 agantur, Eteroscios in temperatis, qui
 alteram solùm habent Arctoam vel Au-
 strinam. Quin & regnum sibi peculia-
 re sub ipsa torrenti plagâ, ubi tamen
 minimè illi locus esse videtur, consti-
 tuit; nempe apud Sciopodas populos,
 seu quis *Umbripedes* malit dicere, ita
 appellatos, quod in majori æstu jacen-
 tes resupini umbrâ se pedum prote-
 gant, quos toto corpore majores ha-
 bent. Nec in eâ re hominibus solis est
 gratificata, sed & beneficium hoc cum
 quadrupedum genere communicavit:
 inter quæ animaculum Sciurus (Sic
 dictum à caudâ villosiore, quâ supra
 dorsum reflexâ sub dio protecto uti-
 tur)

tur) eâ est sollertiâ, ut in maximis Solis fervoribus ad frangendum calorem instar pavonis erecta cauda ac parulâ sese opacet & inumbret. Et quis Sciam seu Vmbra piscem expetiturum unice divitum mensis ignorat? sive à colore id nominis adeptus sit, sive à celeri suo natatu, quo aciem oculorum effugiens umbra piscis magis, quàm verus piscis intuentibus appareat; sive potius à lineis quibusdam obliquis & obscuris à dorso descendantibus, quæ aliarum videantur umbræ. Vt ut sit, calculos quos hic piscis in capite gerit, collo appensos colico dolori abigendo præsentissima remedia esse volunt medici. Cæterum & solennibus in convivijis Parasiti, honorificum olim nomen, qui venirent non ipsi quidem vocati sed comites eorum qui vocati fuerant, V M B R Æ dicebantur: id quod à Socrate natum existimant, qui Aristodemum persuaserit, ut invocatus secum ad Agathonis convivium accederet. Accidit autem Aristodemum ridiculum quiddam. Siquidem cum inter eundem non sentiret Socratem à tergo relictum, prior ingressus est, planè velut umbra

corpus

corpus præcedens lumine à tergo sequente. Sed & homines, quum homines esse desinunt, in umbras abire creduntur. & fratrum illa fors tertia, regnum inquam Plutonis, non nisi umbris constat. Quin Scenæ olim, cum è ramis & frondibus conficerentur, ita sunt ab umbris appellatæ & **VMBRÆ** apud Festum vocantur Neptunalibus casæ frondeæ pro tabernaculis. & nox ipsa apud Poëtas Vmbræ nomine sæpissimè designatur: eamque ab Homero *Ἰσώ*, id est acutam, appellatam Heraclides Ponticus tradit; non tam quòd cursu acuta seu velox sit, quàm quòd figura ejus in acutam lineam & quasi mucronem terminetur. Prorsus; sicut in fabulis, quidquid Midas tetigisset, aurum erat, & ut illa apud * Persium SAT. 2. optat: *quidquid calcaverit hic, rosa fiat*; ita, quidquid umbra contigerit, etiam ejus appellationem sortitur. Nam & huic architecti Sciographiam; & pictores inumbrationes suas acceptas ferunt. Itaque maximum illud in pictura, ut quo loco superficies turgeant quòve in cavum recedant, flexusque omnes corporum & declinationes appareant, umbrarum

brarum adminiculo pictores efficiunt, & earum aptissima temperatione in rerum naturâ quasi alteram naturam adumbrare conantur, inter quos Pausias spectatam Postea in Pompeij porticibus boum immolationem eâ gratia fecit, ut eam deinde imitati sint multi, æquaverit nemo. idque hac potissimum ratione, ut tradidit * Plinius : Quum enim alij, quæ volunt eminentia videri, candicantia faciant, coloremq; con-
 Lib 35. dianant nigro ; hic totum bovem atri co-
 esp. 12. loris fecit, umbræque corpus ex ipsâ dedit, magnâ prorsus arte in æquo exstantia, in confracto solida omnia ostendens. Sed quid mirum, cum huic artis totius debeat inventio ? Siquidem picturam ipsam primûm repertam umbrâ hominis lineis circumductâ in confesso est.

At quæ hæc quidem satis ad ingenij commendationem essent, nisi id clari-
 us multò in futurarum rerum præsa-
 gijs eluceret. Quod si Beroso ob divi-
 nas prædictiones statuam inauratâ lin-
 guâ Athenienses publico in gymnasio
 posuerunt, quæ hujus divinitate, quam
 tot sæcula comprobant, digna statua
 reperiri

reperiri posset, nisi eam ipsa sibi magnificentiùs multò, & quidem in cœlo, erexisset? ibi enim vitas, fata, fortunæque mortalium moderatur. Nam & morbum letalem esse indicat ejus anni, quo in alicujus genitura deficere coëgerit Lunam, ac multò magis, si id eo in loco qui vitæ index est, quem Græci Aphetam, Barbari Hylech vocant, contigerit. * & si quando eandem * *Vide Pontanum in Prol. Centil. Enunt. 24. & 96.* in cardinibus genituræ obnupserit, certum aliquod infortunium nato portendit; utque diu ante prævisum consilio possit averti, mensem diemque ex defectus ipsius spatio colligendum præmonstrat. ut interea taceam, * *vide Firmicum lib. 2. cap. 32. & Pont. in Prol. Cent. Enunt. 78.* quam vim in natalium astorum observationibus obtineant, quamque multos siderum effectus significationesque ab aspectibus non indicatas patefaciant ea quæ *ἀντίστροφία* appellant Astrologi, addèd ut eorum ratione ignorata quamplurimis erroribus se involvant, qui de cœtu posituque stellarum futura prædicunt. Magna sunt hæc ingenij decora, quæ audivistis. accipite nunc virtutis, propemodum in suo genere non leviora. Neque enim rem leviculam

aut contemnendam esse umbram judicabit, qui consideret, quantopere se adversus eam Luna munierit. Ante omnia autem summus ille architectus optimè constituit, ut Sol multis partibus terram magnitudine excederet. Quòd si enim adeò exiguus esset ad orbem terrarum, quàm oculis videtur, & censuit Epicurus, vix unquam Luna lumen haberet, nisi omnino propinqua Soli: sed & ille ipse *limbus pictus bis sex signis Stellimicantibus*, ut Varro inquit, cælumq; tot luminibus distinctum quotidie deliquium paterentur. Quare cùm umbra ita sit in arctum reducta, ut audivistis; nondum tamen satis sibi ab ea cautum existimat Luna, sed ne ulpiam in eam cogatur incurre, flexuoso draconum meatu inæqualis. paulumque à Solis & umbræ orbita declinans, cursus suos nunc in Austrum, nunc in Septentriones detorquet: un-

Lib. 6. de de & T R I V I A dicta teste * Varrone,
 Ling. Lat. quòd præter duos illos motus, qui in Sole spectantur, etiam in latitudinem moveatur. quod nisi faceret, numquam non defectioni esset obnoxia,

Lucres.
 lib. 5.

* *Mensura dnm rigidas conperlabitur umbras,*
 inter

inter quam nunc ad minimum quinque semper interjici menses necesse est. Sed cum neque hac cautione umbræ ingruentis definito tempore insultus posset eludere, saltem ut maturius evaderet, quoties necessitas incidisset, ita se comparavit, ut in omni oppositione & * altissimum deferentis sui locum obtineret, &, præter reliquorum siderum naturam, motu quàm velocissimo citaretur. Tamen, quum & tam cautam adversariam nacta sit, & hanc ipsam tam rarò assequi possit Umbra, nunquam cum eà conferit manus, quin victoriam consequatur. Terra namque in medio sita, cum umbræ suæ pyramide longè ultra Lunarem globum exportigatur, si eam in ipsis signorum articulis, aut intra dimidium dimerientis umbræ spatium deprehenderit, tantisper occupat, donec illa eluctata per horas plurimum tres, aliquando quatuor, vix evadat. Nec Luna ipsa, quamvis minimè muliebri cesset ignaviâ, & quasi injuriam ulta erepti luminis Solem ipsum obscuret ac demat nobis, ullâ ex parte retaliationis æquilibrium admittim in eo perpédere aut æquiparare

*Ex Prole
mai Hypo-
thesi loquor
licet à Co-
pernico re-
mendatâ.*

*Inter Solis
& Lunæ
defectum
quintuplex
discrimen.*

- I. potest. * Primum, quod tam parvum
 sidus ignem adeo vastum non nisi raro,
 & paucis, & ad exiguum tempus possit
 II. auferre: * deinde, quod in Lunæ de-
 fectu lumen non opinatione sed re ipsâ
 extinguitur, in Solis dumtaxat impe-
 ditur; ut significantius *obstaculum* dici
 III. possit, quam defectus. * tertio, quod
 ille ubique locorum conspicuus sit,
 quæ quidem hoc orbis hemisphærio
 continentur: Solis autem illis tan-
 tummodo, inter quos & ipsum Luna
 IV. interponitur. * tum, quod ille uni-
 versis hominibus eodem temporis pun-
 V. cto videatur, hic verò minimè. * po-
 stemò, quod Lunæ deliquium omni-
 bus locis ex æquo daret: Solis, quo-
 niam major alijs, alijs minor portio re-
 gitur, nequaquam. Sed quod non invi-
 dia pervadit? etiam hanc umbræ glo-
 riam, cum in Lunâ veneficia argueret,
 detrahère sunt conati mortales: & in-
 ter illos ipsos venatores investigatores-
 que naturæ, * alius defectum fieri per-
 suadere conatus est cœrulâ Lunæ parte
 Anaxi- ad nos obversâ: * alius rotæ ore, quo,
 mander. velut per guttur, occultum exspiat
 Anaxago- ignem, obturato: * alius corporum
 ras. quorundam

quorundam sublunariū objectu: * non-
nulli per scaphæ, cujus formam Lunæ
dederant, conversionem. Neque id
profectò mirandum, cū videamus,
quò quidque magis arduum & in excel-
so positum, hoc vehementius ab omni-
bus invidiæ ventis circumflari. Præal-
tam autem umbram esse nemo ibit infi-
cias, qui norit eam ad Mercurij usque
globum pertingere: in quam ne incide-
ret, multò sibi ille melius, quàm Luna,
consultat, callidus alioqui & versutus,
qui, Solem nunc antevertendo, nunc
sequendo, nunquam ab eo xxix. par-
tibus longiùs discedit. Neque objiciat
hîc mihi quispiam; umbras à Pyrami-
dibus Ægyptijs, quorum ultra omnem
altitudinem, quæ quidem hominum
manibus confici possit, fastigiata est ex-
celsitas, vinci; cū nihil tam sit illis
contrarium, quàm ignis: hæc autem fi-
gura, quòd paribus angulorum lateri-
bus ab imo in acumen desinens flamme
specie in conum extenuetur, in elemen-
torum compositione igni adscribitur à
Platone. Quod tamen ipsum de Pyra-
midum nullis umbris Ammiano ac So-
lino traditum in controversiam meritò

*Alcmao &
Heraclio-
ma.*

Libr. 36.
sap. 12.

vocari possit ex illo *Plinij, ubi inquit:
*Mensuram altitudinis Pyramidum de-
prehendere invenit Thales Milesius, um-
bram metiendo, quâ horâ par esse corpori
solet.* Atqui id ibi singulis diebus bis
contingit, quando Sol ad quadragesi-
mumquintum gradum ascendit. itaque
illud de umbris tantum meridianis, aut
paulò post meridiem intelligendum est.
At neque illud possum silentio præteri-
re, quantum Sciamachix, seu umbra-
tilipugnæ veteres tribuerint, cuius &
Cicero aliquoties mentionem facit, &
Satyram eo nomine inscriptam à do-
ctissimo Romanorum Varrone con-
stat, & à medicis recensetur inter exer-
citamenta, quæ intensione carent &
violentia. Vnde & lepida fabella con-
ficta est de eo, qui cum umbra sua ini-
micitias exercebat, atque ita cum illa,
quasi cum hoste, colluctabatur. & apud
Ovidium bellua illa, cui Andromede

Metam. 4. erat exposita, — *ut in equore summo
Umbra viri visa est, visam fera sevit in
umbram.*

Et quid quæso aliud quàm umbratilis
pugna est hodie eorum lanistarû, qui di-
gladiandi artem profitentur? qui omnes
numeros

numeros impetendi cedendiq; , vulnera inferendi ac declinandi, ubi cæsum, ubi punctim feriendū, in umbrâ & ab umbrâ ediscunt; quæ postea non modo in Solem atq; pulverem, sed ubi usus venerit, in ipsum discrimen aciemque perducant. quod & umbra ipsa egregiè præstitit pro Romanis, quum insignem victoriam in nocturno prælio contra Mithridatem Pompeio peperit; ita ut potentissimus Rex denuò non in mari, sed in umbra gloriæ imperijque naufragium faceret. acie sic constituta, ut Ponticorum quidem oculos adversa Luna præstingeret, Romanis autem à tergo in occasum devergens commilitaret. quo factum ut per errorem Pontici longiùs cadentes umbras quasi hostium copora impeterent, ipsique telis semper citra cadentibus, conspicui Romanis & illustres ex occulto jaculantibus offerrentur. Videtis, quanto plus in bello valuerit objectum illud umbræ velamentum, quam paulo antè fulgor ille auri atque argenti, quo insequentium se Romanorum aciem præstinxerat Mithridates, in id tantum ut vivus posset evadere. itaque hoc ad salutem don-

taxât, illud etiam ad victoriam profuit. quo eodem stratagemate postea haud minùs feliciter contra Vitellium usus est Vespasianus. Nec minore cum hostium detrimento ante utrumque eorum, quos dixi, umbræ ac tenebrarum officium contra Iugurtham expertus est Marius. Siquidem cum Numidæ crebris ignibus factis plerumque noctis more suo lætarentur, exultarent, streperent vocibus, quæ cuncta Romanis per tenebras facilia visu erant, plurimum hostium imperitiâ confirmatum ducem quàm maximo silentio eos invasisse, & omnes fusos fugatosque, pluresque eo prælio, quam superioribus omnibus, interemptos refert Salustius. Iam meridiano Sole clarius liquere existimo, ut hostes ignis detexerit, Romanos umbra protexerit. Quare ipsam ita, Varronianis verbis paululum inflexis, alloqui iubet:

548. *vvāli*
gauror.

Non subsilis ac plaudis, &

Ab Arato poscis astricam coronam? nunc etiam à Romanis civicam? ut illa victoriæ, hæc defensionis, virtutis utraque sit ad posteros monumentum.

PARS IV. Atque hæc hactenus quidem ea ferè, quæ ad
umbra

umbræ ipsius interna bona, ut ingeni- De ho-
 um, industriam, sagacitatem, ac forti- nora.
 tudinem, pertinebant, absolvimus. qui-
 bus virtutibus in pretio certè ac digna-
 tione ab omnibus haberi meruit, & ha-
 bita est, ijs præsertim sæculis, quibus
 neque virtuti honor, neque bonis ar-
 tibus sua præmia defuerunt. cujus rei
 vel hoc certissimum argumentum est,
 quòd platanus antiquis, umbræ solius
 gratia, tantum non ex alieno petita or-
 be, atque inter primas Italiæ donata,
 ad tributarium etiam pertinuerit so-
 lum, ut gentes vectigal & pro umbrâ
 penderent. Quod tamen Imperatores
 Romani (ut vel hinc colligatur, qua-
 lis umbræ fuerit prærogativa) æquissi-
 mo animo tulerunt, nec ullum suppli-
 cium in eos, qui istam venderent, ex-
 cogitarunt; cùm tamen Thurino tam
 malè cesserit, quòd fumum vendidisset,
 ut eo ipso Alexandri Severi jussu sit ne-
 catus. at quis umbrâ enecari potuisset
 tam placidâ ac amœnâ? nisi fortè taxi
 arboris, sub quâ cibum sumsisse aut ob-
 dormivisse letale est. certè ejusdem non
 potuit. Hinc platano tantum postea ac-
 cessit honoris, ut non nisi mero infuso

eam enutriri fas esse putarent. Sed & Xerxes ille, cùm montes classibus pervios, maria equitibus fecisset; in Lydiâ integrum diem juxta proceram plantanum, castris circa arborem positis, commoratus est; ex eâque torques & armillas auro gemmisque fulgentes suspendit; ac discedens ei curatorem reliquit. Iam neminem ignorare existimo, quantâ ambitione olim Dij ipsi, ac postea Imperatores Romani, mensibus nomina à se dari cupiverint, quàmque id à paucis & quàm aegrè sit impetratum. Nam inter illos Venus & Iuno utroque penè mense Iunio atque Aprili excluduntur: inter hos Domitianus & Commodus alijque complures extortum quidem metu, dum viverent, honorem, postquam occiderant, recentibus odijs amiserunt; qui tamen umbræ jam per duo annorum millia & amplius absque ullâ controversiâ est continuatus; siquidem mensis *σκιππαι* *Φεβριω*, qui Majo nostro respondet, si-
 ve, ut * alij censent, Iulio, ab um-
 bellis seu umbraculis nomen invenit;
 ea enim *σκιππαι* appellant, quæ ex arce
 Minervæ sacerdos sollenni pompâ cum
 Neptuni

Ios. Scaliger lib. 1.
 de emend.
 temp.

Neptuni & Solis flaminibus certum in locum deportabat ædificandi argumento. Præterea quid aliud lucis religionem conciliavit, quam umbra, utpote nomen inde sortitis, quod non luceant? unde Virg.

Lucus in urbe fuit mediâ latissimus ũbrâ.

Hæc illis priscis mortalibus fuerunt numinum templa. Nec magis auro fulgentia atque ebore simulachra, quam lucos & horrore secreto venerabiles umbras adorarunt. unde & Euclio ille Plautinus, ambigens ubi aurum reponeret, Sylvani luo magis confidit, quam Fidei templo. ut non immerito *Fatalem umbram* inter Deos posuisse videatur * Chrysippus. Nec quisquam Cic. 1. de Nat. Deor. velim hoc nomine umbram reprehendat, quod Marcellus Octaviæ filius eâ sit abusus: qui forum, quod Cato muricibus sternendum censuerat, velis inumbravit; cum nihil hominum generi tam sit utile aut necessarium, quod non aliquando in abusionem trahat perversa mortalitas. Quin & gloriam nihil aliud esse quam virtutis umbram appetentissimus gloriæ * Cicero ipse testatur: Tuscul. 1.

In Scythis.

& omnes philosophos de asini umbrâ
inter se digladiari *Lucianus est auctor.
& *umbra somnio* Pindarus ; ac *fumi um-*
brâ Æschylus pulcherrimè uterque hu-
manam conditionem expressisse viden-
tur. Verus enim homo animus est ;
corpus autem, ut Plato in Menone ad-
severat, non homo, sed hominis um-
bra & receptaculum. & quod si diligen-
tius res nostras pertractemus, prope-
modum agnosceremus fermè omnes in
eo Platonis specu positas. ut tantùm
umbræ ac rerum simulachra sese aver-
sis ac conniventibus nobis offerant, res
ipsæ lateant, minimeque sub manum
veniant. Quam multos enim hodie est
invenire, qui Æsopici canis exemplo
umbram corpori præferant? Quod ne
& in nos retorqueri possit, finem dicen-
di faciemus; id unum priùs vos obte-
stati, ut, si qui navi hîc occurrerint,
sub umbrâ ijs liceat delitescere.

IN EANDEM REM

CARMEN.

PROSOPOPOEIA

VMBRÆ.

Æ MVLA Dīs, Diviſq; prior, Diva ipſa futura;
 Me niſi perpetuum tenebris damnaret opacis
 Iam. Dem à primâ creſcentis origine Mundi,
 Quum Solis radios & cœli accenderet ignes;
 Illa ego ſum terreni imitatrix corporis Vmbra,
 Cœleſtisque inimica: mihi ultima Tartara p̄arent,
 Plutoniſque domus, Atlantiæque recessus.
 Nen proavos queras, primâmve ab origine gentem,
 Ipſa tero membris ſemper redeuntibus ædum.
 Atque mihi propitio vires reparantur ab hoſte,
 Dant vitam, queis vitam a limo: nutritia præſtant,
 Queis ego quptidie exequias & funera ducō.
 Maxima Nature populis arcana reſexi,
 Sideraque & vaſti laqueata Palatia cœli
 Admovi aſtrorumque choros mortalibus oculis.
 Quòd tenebra lucēs, quòd lux optata tenebras
 Excipiat, noſtrum eſt: requiem præbemus amicam
 Omnibus alterno recreantes frigore terram.
 Quin &, dum nigris orbem circum volo pennis.
 Muſarum quicunque ſacris doctæque litant
 Palladis, ingenij condunt monimenta, viamque
 Affectant liquido ſuper aurea ſidera cœlo.
 Per me Pyramidum quondam faſtigia menſus
 Dicitur eſſe Thales. per me, * qui fulmine lingua Demosthe-
 Fregit Alexandri patrem, ſibi iudicis aures nes.
 Attentas fecit. nec me tam credere vilem,

Quam

Quàm videor, par est: & me Narcissus amavit.
Ceteraq; ut desint; quantum est, ostendere cæli
In terris faciem? quid, quod neque cetera desunt?

Forma Vm- Sen formam aspicias; non me Cepheia virgo
bra. Pulchrior, aut blando vates dilecta Phaoni.

Antiquitas Sen rapit attonitum generis te fama vetusti;

Ingenium. Anrè sui, quam tempus erat sen pectora tangit
Ingenii sollertis honos, mihi Cynibia, fratre
Cum nitido, & magni debent præcordia mundi
Natura in latebris penitus penitusque reposita
Detecta esse oculis per me mortalibus ultro.

Virtus. Sive es mirator rerum; mirabere nostras.
Nempe triumphatum Ponti de Rege superbo
Præsidio unius nostro quis nescit? ego iæctus
Sustinui cunctos, quum tu, Romane, lateres,
Illustrem ex tuto jaculis dum conficis hostem.
Haud aliter molem clypei septemplex unus
Opposuit ducibus Teucrisque ruentibus Aïax.
Et tamen hoc pugna, si verum quæris, in illâ
Plus laudis merui. clypeum nempe ille: ego memet
Hostibus obieci; &, quod plus mireris, inermem.
Nec virtus hæc una mea est scit Flavius olim
Se mihi te victo multum debere, Vitelli:
Scit Marius, fufis Numidis, captoque Iugurthâ.
Quin ducibus magno stetit ignoratio nostri:
Plin. lib. Quos inter *Nicias, qui, classem educere portu
3. ca. 12. Dum pavet Atteam, magico cantamine victum
Credens rosis sua vultum intrabescere Luna.
Cecropias afflixit opes. qua Martia corda
Romulidum simili faceret trepidare tumultu,
Docti animos nisi firmasset sollertia Galli.
Quid referam, quantos usus mortalibus agris,

Quos pecori præstem? quis non umbracula, quis non
 Audiuit gratas platani potantibus umbras?

Munere quis nostro Phœbeam lampada nescit
 Villosa sylvâ cande prohibere Scurum?

Quin, quibus usque pedum Titan defenditur umbrâ,

Umbripedes populi, quâ Sol violentior arva

Æthiopum rectâ despectat cuspide, nostrum

Agnoscent meritum. Quin & decus addimus illi,

Quidquid Apellæ gaudet animasse colores.

Utque artus pars nunc tantum, sic debuit olim

Tota mihi, ad radios quum circumscribere Solis


Humanam docui propria sub imagine formam.

Sed taceo: ne, quod reprehendit * Tullius, omnes

Falsa gloriola videar sectatier umbras.

OVAR. in
 Pisonē.

I N



IN PICAM.

Oratio funebris septima.

Neque frustra quicquam, & in usum humanum omnia produxit natura. Itaque tamen si pica non tam est esui, quam perdix, nihilominus voluptatem homini magnam conciliat. Neque enim avis est hac, præter psittacum, ulla docilior, quæque ad nostrum sermonem accedat propius. Unde per proverbium nonnulli tanquam pica garrire dicuntur. Hujus porro animalis elegancias ex hac Oratione non sine voluptate percipite.

QUÆNAM aut Stentoris vox, aut Q. Catuli facundia verbis ullis dolorem, quem picæ meæ mihi adfert interitus, unquam possit exprimere? Equidem perpetud lacrymaturus posthac videor, Auditores, quamquam vestrum pauci fortasse misericordiam mihi tribuunt. Sed quis unquam picam aut loquaciorem nostram, aut suaviorem vidit? Nihil enim non perdidebat, tantumque fabulabatur, ut servorum nequitias interdum proderet.

proderet. quo factum est, ut eam illi tandem loquacitatis pertæsi fame necerint. Quod cum comperissem, lingua quidem illos verberavi, sed brachijs, quoniam infirma sunt, parcere sum coactus. Ceterum quid ego non tum facere, tum pati, hanc ut avem mihi compararem, sustinui? Certè non semel & Thulen & Phasin, sola ejus fama percelebri commotus, lustravi. Quid quòd, ut à priore illam domino redimerem, tum Apellis Venerem, tum Ialysum Protogenis, tum Cleopatraz uniones, tum alia illi preciosissima dona obtuli. tandem quidem jam non sine maximo discrimine sum consecutus. Atque ea cum nasceretur, non pauca cælitus extitere præsagia, quemadmodum ab ijs, qui tum interfuere, cognovi. Nam & arcus triumphales, colossi, pyramides, trophæa, coronæque multis in aëris locis apparuerunt; & cometa splendidissimus Orientem versus fuit conspicuus; & volucres omnes concentum edidere suavissimum. O beata, quæ picam protulisti meam, regio! major siquidem tibi de hoc animali gloriandi suppetijt occasio, quam vel

Smyrnæ

Smyrnæ de Homero, vel de Pindaro
 Thebis, vel Mantuæ de Virgilio, vel
 de Catullo Veronæ. Vnde porrò tan-
 tam posthac delectationem capiam?
 unde tam lethalis vulneris remedium
 sumam? Nemo me posthac hilarem,
 etiamsi vel cervi ætatem vel corvi im-
 plevero, conspiciet. Sed plura nunc
 hac de re verba non faciam, postea-
 quam gravissimus mihi dolor & ingeni-
 um perturbat, & memoriam corrumpit,
 & sermonis adimit usum, ne-
 que me calamitates meas ex a-
 nimi mei sententia verbis
 complecti permit-
 tit. Dixi.


F I N I S.

C A S P A.

CASPARIS BARLÆI
O R A T I O
D E
ENTE RATIONIS,

*Habita in Auditorio Theologico cum Logi-
cam auspicaretur, 19. Non. Febr.*

Anni 1618.



VE M A D M O D U M
citharædi prælusiones suas
in antecessum populo da-
re solent, tibicines in tibi-
arum inflatione *lò cūd dōz mōv*
ordiantur, oratores à procæmio auspi-
cium faciunt, poëtæ prologum in sce-
nam præmittunt, adeoque sua cuius
solenniori operi præit *ωδ γον δλν*; eun-
dem quoque ad modum in professionis
Logicæ antecessum quasi præcinere,
præludere, ac præfari institui; ne suo
quoque apparatu careat hæc nostra in-
auguratio, aut solus damnasse videat
morem tot clarissimorum virorum

A
exemplis

exemplis veluti lege comprobatum. Verum nō seriatim magis apud vos loqui, quā præludere videar, nequaquam de rebus morosis, aut splendidis, aut obvijs verba faciam, etiamsi morosum fortē vobis videbitur, & venustatis omnis expers argumentum. Etenim cum hactenus quotquot vel legere vel audire contigit Oratores, de rebus omnes dixerint, ego, ut novitate aliquā vos afficiam, de nulla re dicam. quid stupescitis? nec tamen de nihilo. Dicam tamen. at quædam subtilius, quia paliter se tractari non patitur id, de quo dicere institui; quædam ad delectationem, ne suo condimento nostra oratio, vester animus honesta careat refectio-
 ne, plurima verò ad eorum utilitatem, qui Philosophiæ sacris operantur. Desideratis opinor orationis meæ cognoscere argumentum. Nondum dicam. Libet enim paulisper vobiscum in atrio & peristylis orationis oberrare. Poëtæ fabulas vix triobolares modo admiranda carminis maiestate illustriores reddunt, modo incredibili dictionis suavitate veluti nectare ac myrotheccio perfundunt, lectori ut placerent, quas fecissent

fecissent fabulas. Viri Oratores prisci
juxta ac recentioris ævi res nauticæ &
umbræ asini viliores sæpenumero lau-
dibus decantare amant, & ingenij pa-
riter sui ac eruditionis specimen circa
illa edunt, quæ in Velabro teruncio
emas, hoc gloriosum arbitrati, si è ra-
vilissima maximam laudem consecra-
rentur. Murium & ranarum pugnam
ante tot secula lustravit Homerus, Culi-
cem & Mœretum Virgilius, nucis mi-
seram sortem Ovidius. Est qui mus-
cam laudavit Lucianus, qui comam
Dion, qui calvitium Synesius. Non
deest qui porcelli testamentum conscri-
psit, cujus D. Hieronymus meminit;
qui Grylli cum Ulyssæ Dialogum, &
asini aurei infandam calamitatem. In-
ter recentiores de laudibus anseris dixit
Julius Scaliger, de umbra Ianus Douza.
uterque in re, naturæ quidem placita,
at exigua ingentes ingenij sui laudes
explicavit. Heroem Polypoda, quem
Græci *Πολυπόδα* vocant, erudita disser-
tatione aternitati consecravimus Vir
clarissimus Daniel Heinsius. Idem
nunc Philosophi possint in suis experiri
libet. Sed experiri tantum. Neque enim

tantorum virorum egregios conatus
exquare nostræ opis est. Proposui de
Ente Rationis, ejusque natura ac indo-
le dicere. Quod ipsum si Metaphysico-
rum more facere aggrediar, inter nubes
Socraticas versari, & ignoto multis ser-
mone loqui vid. bor, aut caballistica
mysteria reponere, sin oratorum stylo-
rem ineptabo arduam & novam.

Unde prius nulli velarunt tempora Musa.

Quare mixto dicendi genere utar, &
cum thema mihi sumpserim philoso-
phicum, dicam quamplurima quæ ex
intimis Philosophiæ penetralibus de-
prompta res difficillimas expedient.
Cumque apud eos mihi dicendum sit,
quorum alij dicendi facultate excel-
lunt, alij his ipsis artibus delectantur,
omnes verò orationem potius, quam
Philosophicam *de rebus* expectant, ita
dictionis meæ filum moderabor, ut ea
quæ dicturus sum à Philosophia, mo-
dum quo dicturus sum, aliunde petita
esse intelligatis. Vti enim jejuna est &
exsueca oratio salutaribus Philosophiæ
præceptis destituta, ita putida est Phi-
losophia, quæ cum Iavello, Scoto,

Lombaro

Lombardo *Barbaei*, quàm cum po-
litoris sapientiæ principibus rectè lo-
qui mavult. Vos Auditores animos
advertite, & quod in Agyrtarum facris
concionibus, ac ludis circulatorijs,
quoties saccarias istas artes excutunt
ingeniosi impostores, attentum nobis
silentium commodate, donec de Enti-
um Rationis natura, origine, parenti-
bus, antiquitate, commodisque dis-
seruero.

Ens nomen est barbarum, sic fictum
à Philosophis, non linguæ Latinæ igno-
rantia aut penuria, sed consilio. Licet
enim huic hominum generi *ἐνομαστικόν*,
& voces fingere, ut res planiores
dent. Atque hoc jure freti, quod tamen
nullo Principum edicto aut Imperato-
ria facilitate obrinuerunt, sed velut *ἀν-
τινομία* usurparunt ipsi, in Scholas
dimanarunt Scoti hæceitates & quod-
libeta, Iavellicum ly, Thomæ alio-
rumque quidditates, formalitates, in-
stantia, ubicationes, communicantiæ,
realitates, modalitates, suppositalitates,
aliaque Ciceronis seculo inaudita no-
mina. Hæc inter Ens est, vox licet
minus Romana, tamen hoc cum

De Enabula
Enis

Ejusq; am-
plundine,
evidentia,
antiqui-
tate.

Agamemnone populorum principe
commune habens, quod sit *Ἀγαμέμνων*,
hoc est, latè dominans, aut si Horatius
um mavultis interpretem, latè tyrannus,
cujus tanta est amplitudo, ut ne
quidem illis, quibus Solis cursus, ter-
minis claudatur, tanta evidentia ac
perspicuitas, ut vel balbutientibus in-
fantibus, conceptum sui primò omni-
um ingerat, tanta antiquitas, ut cum
antiquissimo dierum etatem suam com-
putet. Verùm Rationis Ens cùm dico,
nonnihil majestati veri Entis derogo,
& licet plus quàm nihil dicam, parum
ultra id, quod non est, dico. Est enim
hoc Ens ingeniosæ mentis perutile fi-
gmentum, & veri Entis simulacrum
quoddam ac imago, nec existentia ali-
am *μορφὴν*, præter-quam quæ fingitur
habens. Philosophi latâ significatione

Ens ratio-
nis quid sit.

Secundam notionem, non primam vo-
cant. Hæc enim ipsissima ac genuina
est rei imago, atque existentia extra
mentem in mente representatio. Illa
verò mentis conceptus est ac fœtus
ejusmodi, cujus extra illam in universo
nec vola est nec vestigium. Et cùm
prima *φαντασμα* nostrum de rebus sit
cogitatio.

cogitatio, hæc circa hanc ipsam occupatur, & altera est mentis velut *παρέκ-
τασις* & digressio. Magna est materie primæ excellentia, si cum hoc ipso Ente comparetur. Et tamen illam puram potentiam vocat Aristoteles. Atomi quid *Quam de-*
sunt? corpuscula insectilia, quæ volibilis ejus sit
rantibus in solis lumine pulvisculis *essentia.*
comparare solent Philosophi. At his minus est id, de quo loquimur. Puncta Mathematica ne quanta quidem sunt, sunt tamen, nec à mente dependent. Hoc ens nec sine mente est, & cum per mentem est, ne res quidem est. Lineæ Appellæ, quæ miraculo fuere toti mundo, tantæ fuisse dicuntur subtilitatis, ut visum penè effugerent, at videbantur tamen. Hoc Ens nemo oculis vidit unquam, nisi fortè tam Lynceus, ut ea quoque per tenebras videat, quæ nusquam apparent. Atque ob hanc penè *ἐδέειαν* despectissimum esse cœpit, ijs omnibus, qui præter hoc alia *Quam in*
omnia admirantur & superstitiosè *nullo apud*
citant. Quid rerum Natura scripserunt, *quosdam*
& æthereæ pariter, ac elementaris regionis opes chartis explicuerunt, hujus *precio.*
nusquam meminerunt. Metaphysici
A 4 scientijs

scientijs hoc subſterni velut prætorio
 edicto cavent. Logici omnibus prædi-
 camentis, ſed ſocijs partibus integran-
 tibus, punctis, momentis, totaque ar-
 te factorum congerie, addite miſel-
 lum embryonem, exulare jubent. Am-
 broſius Calepinus vir de quovis argu-
 mento breves diſcurſus faciens, ſilen-
 tio quoque hoc ipſum præteriſt, & num-
 mas ſit, num fœmina, num neutrum,
 nuſquam expedit. Cum verò artificum
 & operariorum tanta ſit ubique loco-
 rum copia, quanta vel æſtivo tempo-
 re in campis cicadarum, nemo tamen
 horum in hoc Entium genere artis ſuæ
 documentū dedit unquam, cum & ſor-
 didam lanam ſint qui tractent, & in bo-
 vis tergore ingenioſè luxurietur ſutor,
 & in vilibus Oceani conchis ſe torquet
 at argentarius. Ipſe rerum opifex De-
 us omnia cum conderet hoc ipſum non
 condidit, id unum veritus, ne ſi non
 Entia crearet, contradictionem im-
 prudenter implicaret. Et Plato qui
 omnium rerum ideas eſſe dixit, hujus
 ullam extare non dixerit. Noſ ite mi-
 rari Audiri. Cum enim omnia vel ſub-
 ſtantijs vel accidentibus definiantur,
 hoc

Cum nec
 accidens ſit
 nec ſubſtan-
 tia, nec in-
 ter trans-
 cendentia.

hoc Ens neutrum est. Amplius dicam. De Transcendentibus multa audivistis differere Philosophos; qualia sunt Ens, Unum, Verum, Bonum, Res, Aliquid. At hoc Ens bonum non est, quia verum non est, verum non est, quia unum non est, unum non est, quia Ens non est. At idem cum Ente est res & aliquid. Magis mirabilia audite, de quibus nec in Tusculanis quæstionibus disputat Cicero, nec in moralibus suis Plutarchus. Super hæc Transcendentia fin-
guntur Supertranscendentia, opinabi-
nabile, cogitabile, intelligibile, augu-
sta vocabula, ad quorum recitationem
assurgat ipse de curuli sella Cato, aut
stupescat C. Marius. Inter hæc num
referri possit sedulò disquiritur. Non
referri debere, nisi adhibitis circumspe-
ctè distinctiunculis aliquot omnes cla-
mant. Adquò in ejus perniciem cuncta
conspirant. Quamobrem cum Ens
voco, aut contradictoria ipse loquor,
aut *ὁμωρῶν* verum dico, uti hominem
pictum hominem dicimus. Nebulas
Aristophanicas legistis opinor. His si-
mile quid habet, evanidam nempe nec
stabilem naturam. Qui somniorum

aut super-
transcen-
dentia lo-
cum meye-
antur.

generationem capiunt, norunt opulenti-
 ssimos & felicissimos sæpè sibi videri
 somniantes. Pariter qui hæc entia fin-
 gunt, dum fingunt, magnum aliquid se
 moliri credunt, ac plus Homero sibi
 sapere videntur, cum umbras solum-
 modo rerum captent, & imaginaria
 cœna stomachum deludant. Nec mi-
 nus tam tremendæ interdum sunt ef-
 sentia, ut Hircocervus, Chimæra, Cer-
 berus, Geryon, Minotaurus vocentur,
 modò tam debilis, ut cæcitas, vacu-
 um, tenebræ, privatio dicantur, mo-
 dò tam nullius, ut qui exempla horum
 daturi sunt, purgatorium, Platonis
 rempublicam, Apulei asinum, ac uni-
 versalem omnium Ecclesiarum Episco-
 pum Pontificem è pergula pictorum
 depromant, modò tam variæ, ut his
 casus, declinatio, figura, alijs thesis,
 hypothesis, status, alijs subjectum, præ-
 dicatum, species, alijs æquator, hori-
 zon, polus (cogor respirare) alijs par
 impar, impariter par; alijs alijs voce-
 tur nominibus, prout quisque rebus su-
 is expedire novit. quæ omnia in occul-
 to erant tunc, cùm rebus singulis no-
 mina imponeret protoplastus Adamus.

Ne

Ejus varie-
 tas.

Ne tamen vos vocis fallam æquivo-
catione, scitote à Philosophis quædam
Entia Rationalis sic dici, quia à ratione
formantur, qualia sunt ea, quæ pri-
mo Epigrammate recenset Martialis:
quædam quia in ratione sive mente ve-
lut domicilio altè resident, uti sunt
scientiæ omnes, & rerum conceptus
genuini, quædam quia soli menti ob-
jiciuntur, nec, si cogitare de ijs desinat
mens, quicquam vel in mente vel in
universo sunt. Illa Scholasticis Entia
Rationalis effectivè, ista subjectivè, hæc
objectivè, dicuntur, habita argutè pa-
ranomias ratione. De his posteriori-
oribus nobis sermo est. Quæ subtilius
philosophantes in Entia Negationis, *Species*
Privationis, & nescio quas relationes *tres.*
ac denominationes extrinsecas distin-
guunt. Ens Negationis Pegasus est,
adeoque totus ille Deorum poëtico-
rum cœtus tam frequens, ut turbam
ipsam vix capiat cœlum, tametsi ca-
pacissimum. Ens privationis est Clau-
dius Cæsar, sed ea corporis parte, qua
Drusillam euntem in cœlum sequitur
non passibus æquis. Entia Relationis
sunt Præmissæ & Conclusio, aut ut ve-
tera

tera reponam, Antistrephon, Ceratine, Crocodolites, Vtis, Pseudomenos, Cacolytata, Alysata, aliæque monstrosæ ac terribiles Stoicarum argumentationum formæ. Quæ quidem omnia in hoc conveniunt, quod cum vera essentia careant ad similitudinem tamen rerum concipiantur, in hoc autem differunt, quod Entia negationis in universo nihil sint, privationis, rem connotent perfectione sua destitutam, Relationes verò ex varia rerum inter se comparatione effingantur. Atque inter has primas tenent eæ relationes, quæ vocabulis technicis exprimi solent, & secundæ notiones pressè dicuntur, quas modo umbra de gnomone in scioterico sparsæ, modo monetulis illis æreis institutorum, quarum cum nullum sit precium aurei tamen nummi ad eas expenduntur, comparare solet B. Kerkermannus, sedulus horum Entium coordinator. qui in Logicis suis institutionibus per tot hæc ipsa Entia dissecuit *διχορμίας*, ut qui in charta eas, sed sine intestinis ac ornamentis, hoc est, sine commentarijs depinxerit, imaginem se videre jurabit istius exercitus, quo

quo Alexandro occurſavit Darius Perſarum Rex. Tanta illic horum Entium copia, ut vix plura Hellespontem cum Xerxe capita trajeciſſe credam, aut tot Ægyptum vexaſſe locuſtas, aut Mario conſule proſtigatos Cimbros. Ita cuneus cuneum, phalanx phalangem, acies aciem premit, quarum omnium dux primipilus eſt Terminus. Diceret Socrates in pulverem ipſum ſecuiſſe. Ego laborioſum viri otium ſuſpicio, non carpo.

Sed quoniam non perinde multis *Quibus nota-*
notum eſt, quo genere prognatum ſit *tum ſit pa-*
Ens rationis, id jam Muſis benè ju- *ventibus.*
vantibus exponere conabor. Non ego
huius Entis, licet ſpurij, natales ad
Rheam, ad Venerem, ad Iovem,
Martem, aut id ſimile genus minimè
caſtorum numinum referam, quia
qui primi ejus parentes nec ex annali-
um memoria, nec ex Patrum noſtro-
rum traditione habetur. Quod cum
expedire me non poſſe ingenuè fatear, *videtur*
gentem, familiam, ordinem que in-
dicabo. Multum enim intereſt, utrum
purpuratis regibus, an cucullatis ſa-
cerdotibus, an lucernarijs Philoſo-
phie

ph's ortus sis. Natum est Ens rationis non unius sed varij ordinis parentibus, unde & istud varium ac multiplex. Alia Mathematicus, alia Grammaticus, alia Rhetor, alia Poëta, alia Logicus, alia aliarum artium sibi fixæ sunt professores, quos omnes philosophorum laxo nomine complector. Quid ni? ipse Homerus in Margite terræ fossorem sapientem vocat, eodem opinor jure, quo Eumæum fabulcum divinum (δῖον) appellat. Maximam tamen horum partem sibi Logicus vendicat, qui non leve ad capellendas scientias præsidium fore putavit horum Entium formationem. Glorietur apud Homerum Pallas se Mentem esse Antiochi filium, & hodie ad nobilitatem vel id imprimis interesse putant, qua familia, qua stirpe originem trahas. At hæc nostra Entia eo hominum genere se nata gloriantur, quorum maxima est per universum terrarum orbem famæ celebritas. Mathematicis inquam, qui radio totum orbem gentibus describunt, aut si quando terram fastidunt inter astra ipsa & cælos habitant, & stellarum numerum, magnitudinem, distantiam

Mathematica
vicia.

distantiam tanquam pollice filove me- Oratorib.
 tiuntur. Oratoribus quoque, quo-
 rum tanta subinde in dicendo vis est ac
 dexteritas, ut (ac si parum foret res
 laude dignas deprædicare) Busiridem
 ipsum, Thersiten, Phalaridem, injusti-
 tiam, quartanam febrim aliaque malo-
 rum nomina laudare, si velint, possint. Poëtis.
 Poëtis, quorum tanta subinde divinitas
 pectus occupat, ut poëtæ cum esse in-
 cipiunt ac Deo agitante incallescere, Gramma-
tich.
 homines esse desinant. Grammaticis,
 quos licet ingeniorum puerilium car-
 nifices quidam per odium vocent, ego
 tamen omnibus sapientiæ numeris per-
 fectos esse arbitror. Quod ipsum ne si-
 ne ratione à me dici putetis, rotunda
 & veterum fulta principiis argumen-
 tatione evincam. Qui benè cœpit dimi-
 dium facti habet. Qui Grammaticam
 didicit benè cœpit, Ergo dimidium fa-
 cti habet. Progredior. Dimidium plus
 toto, Qui Grammaticam didicit di-
 midium facti habet. Ergo qui Gram-
 maticam didicit plus habet toto. At ro-
 tum quo contenditur à litterarum stu- Logica.
 diosis Sapiencia est. En ergo Gramma-
 ticum sapientem. Dixi à Logicis quoq;
 formari

formari Entia rationis. Sed de his parçè
tibi loquendum video, ne immodi-
cus proprii ordinis laudator habear.
At qui hi? rationis sunt directores, ve-
ti & falsi iudices, sine quorum arte ca-
piuntur Theologi, errant Physici, pa-
labundi incedunt Medici, cæcutiunt
non rarò Iureconsulti, adeoque omnes
disciplinae ac artes velut Ariadneo filo
destituta.

Errabunda legunt dubio vestigia gressu.

*Atq; Phi-
losophis.*

Atque hos omnes Philosophos esse dixi,
genus hominum ab eruditione, curis
& acri cogitationum agitatione penè
exangue,

*E tenebris tantis tam claram attollere
lucem.*

*Qui primi potuere augentes commodam
vita.*

Licet eos dicacissimus Aristophanes so-
lius Socratis odio hostiliter infectatus
fuerit, & scelestissimus Lucianus au-
ctione publica vilissimo subinde precio
tanquam sub hasta distraxerit. Certè
Platonis magis hic standum elogio,
qui beatas fore respublicas aiebat, si
aut

aut imperarent Philosophi, aut Imperatores philosopharentur. τῶν πατέρων διχέειναι.

Verum cum apud Physicos variaz sint rerum productiones, aliazque per generationem, aliaz per accretionem, aliaz per alterationem gignantur, hoc Ens nullo horum modorum producit. Non per generationem, quia substantia non est, non per accretionem, quia quantum non est, non per alterationem, quia qualitas non est. nisi quintam ejus quis speciem comminiscatur. Localis adhuc mutationis expers est, licet ad Angelorum & spirituum modum definitivè sit in loco, hoc est non coëxtendatur partibus cranij, aut cum in Aristotelis residet cerebro, in Platonis reperiri non possit, aut, ut planissimè loquar, cum Platonis occupat sinciput, occiput destituat. Quare produci & fieri hæc Entia cum auditis rursus *ὁπωρῶντες* me loqui cogitate. Non itaque ad horum formationem argilla aut luto Promethei opus, non Leucippi ebore, aut metallorum principijs, quia à mente sola, & in mente finguntur, eademque hic patris, matris, obstetricis

quis Modum
productionis.

Quomodo
in loco sint,
definitivè
scilicet.

officia sunt. nec tamen vel de mentis substantia sunt, vel profus ex nihilo fiunt, sed ex rerum attenta observatione in mente efflorescunt. Sic è cerebro suo Palladem olim genuit Iuppiter, licet hoc discrimine, quod hæc non nisi obstetricante securi Vulcania in lucem edi potuerit, illa verò Entia minus periculoso partu nec ruptis cerebri panniculis per solam vocem in apertum erumpant. Sed exemplis horum generationem illustriorem reddamus. Chimæra Ens rationis est, *πρόθε λέων, ἀπιδέντε δ' ἐγχείων, μεσόντε δ' χίμαιρα*. Libet interdum Græcos verius intertexere, ut hirudinum in morem bisulcam quoque mihi linguam esse sciatis. At ubi quæso terrarum tale monstrum pascit aliàs monstrifera tellus? Nusquam. At quod nusquam est, vel ipso Augustino Theologo teste, non esse putandum est. Fingit tamen hoc Ens ratio, ac si esset, & ex simplicibus, quæ natura committere exhorruit, audacula unum facit. Tenebras quæ mens concipiat? cum omnis cognitio intellectualis à sensu originem ducat, hæc verò in sensum non incurrant, ne quidem aquilæ

Quomodo
Entia ne-
gationis
formantur,

Quomodo
Privatio-
nis

Aquilæ , aut Epidaurij serpentis , nisi
 forte eas in Luna sedens Menippus ocu-
 lis assequatur , quoties terræ umbram
 illa excipit , aut animæ , quæ in specu
 Platonico rerum umbras pro rebus ad-
 mirantur. Mens tamen nostra ut eas
 concipiat , nescio quam illis formam
 spissam , caliginosam & nigricantem in-
 ducit , ut sub hac saltem imagine appre-
 hendat , quas sub propria concipi im-
 possibile erat. Iam verò Genus & Spe-
 cies quid sunt ? Non sunt. Vult tamen
 ea esse mens , & dum in animalis natura
 meditabunda hæret , eam leoni , equo ,
 pisci communem esse observat , imò ut
 communis sit ipsa facit. At neque ex
 hoc altero mentis conceptu quicquam
 rebus solidi aut perfectionis accedit.
 Nec enim rectius valet animal si ge-
 nus esseingas , nec pejus , si non fin-
 gas. Profectò lamiarum artes exerceri
 putes , & magicos vultus pro veris re-
 poni. Vti enim illæ spectris solummo-
 do & præstigijs nos ludunt , quoties
 Aneam , Hectorem , Andromacham
 oculis spectatorum sistunt , ita & mens
 nostra verè præstigiatrix est , & dum
 circa horum Entium non entium pro-

quomodo
 secunda
 notiones
 præstè sic
 dicta.

ductionem ingeniosè somniat, Morpheus domum adornat, & novam rerum cudit Metamorphosin. Scilicet post creatum à Deo hoc universum illa quoque potentiam suam explicare voluit, & creatoris sui æmula novum quasi orbem meditati, in quo aliud creaturarum genus non invidendam prioribus essentiam, hoc est fictam & exanguem prorsus sortiretur.

*Quanta-
horum En-
tium sit fecunditas,* Quanquam autem aut nulla, aut ficta solum huic Enti sit essentia, tantamen hoc ipsum fecunditate nascitur, ut cum alijs omnibus rebus definitus sit in natura quoad speciem numerus, huic sine fine ac modo nasci datum sit.

*Et que
ejus causa,* Causam hanc esse autumo, quod ea omnia, quæ in natura generantur à primæva creatione legem hanc acceperint non multiplicandi ultra species, quæ verò rationis sunt Entia in infinitum augeri & multiplicari possint, utpote nullis Creatoris sui legibus adstricta, uti numero semper unitatem addi posse tradidit Aristoteles, & lineam in infinitas partes resolvi. Ea enim vis soli inter omnes creaturas menti concessa est, ut supra seipsam reflectatur,

& de

& de cogitatione cogitationem formet, planè uti à Sole parelius, ab hoc ipso alius refulget parelius, ab iride iris, ab hac tertia iris; aut uti projecto in aquam lapillo circulos posteriores ex prioribus nasci videmus. Nomen cum finxit mens, subiectum esse concipit, subiectum speciem esse dicit, hanc terminum facit, terminum extremum vocat, hoc majus vel minus extremum, hoc causam cognoscendi. Enunciationem ubi fecit ratio, finitam esse concipit, finitam categoricam judicat, supra hanc universalitatis conceptu reflectitur, ex hoc puram Enunciationem elicit, hæc porro meditati propositio fit, hæc definitio, hæc ipsa principium vel conclusio demonstrationis; atque ita meditando finem suæ meditationis non habet; sed uti araneæ ex tenui ac gracili corpusculo telas indefinenter trahunt, ita dædala architectrix ratio ex semetipsa imagines alias supra alias format fingitque.

Sed tempus est, ut de horum Entium dignitate, antiquitate & commodis nonnihil dicam. Sed confusè hæc omnia, ne aciem instruere videar, aut

ulmos in quincuncem digerere. Profectò dignum & excellens aliquid sit oportet, in quo occupari superis, inferis, cœlestibus, terrestribus, & inter hos sapientissimis, doctissimis, sanctissimis non indigna res visa fuit. Ab ipso Iove, quia auspicatum hoc ordiar. Etenim ij, qui de rebus divinis disputant, & Deum, quem universitas non capit, tribus solent explicare chartis, quoties objecta scientiæ divinæ definiunt, inter alia Entia scitu possibilia, quæque unico intuitu novit Deus, etiam hæc

qua Entia rationis locant. Tota Angelorum cohors, quoties peccatorum nostrorum recordatione afficitur, toties Entia privationis meditatur. Ipsi Dæmones quot peccandi formas, quot nocendi artes instillant, tot ævopulæ fabricant. Verum (ut ad Homeri exemplar relictis superis ac inferis in terras dimigrem) quotusquisque mortalium est, qui non in his entibus versari amat, sive dormiens aureos montes somniat, sive vigil optat nec invenit. qualis fuit Micyllus ille Lucianicus, cui nisi galli cantus dives illud & aureum somnium abruptisset, non erat

erat cur aliam optaret felicitatem. Plaustra mendaciorum quoties congeri auditis, toties plaustra horum entium vectari credite, quorum agaso est fama. Qui stupendis ac prodigiosis gaudent eventibus vel audiendis vel narrandis, cui quæso arti, quam huic nostræ operam locant, cujus tanta est suavitas, ut quo à vero absunt longius, eò & credantur lubentius & jucundiore pruritu titillant aures. Pontificij quam suaviter sibi blandiuntur, dum pœnarum in purgatorio tempora velut clepsydrametiuntur. Alcumistæ, qui novis & arcanis artibus rerum species vertere moliantur, Ens illud rationis sibi fingunt, cujus rem invenire etiamnum desiderant. Adde his quadraturæ circuli investigatores anxios, eosque omnes, qui esurire malunt, quam non fingendis Entibus operam dare. Plato quam altum sibi sapere videtur, dum Ideas cogitat, & equinitates, bovinitates & asineitates suas contemplatur. Et Aristoteles dum motores orbium facit intelligentias. Poëtæ si in hac arena se non exerceant, minus poëtæ, hoc est, nimis seri videbuntur. Tota Ilias &

Odyſſea quid habent, quam eruditam
horum entium farraginem, à quibus
tamen ita inclaruit iſte nugarum pater,
ut de patria ejus contenderint,

*Smyrna, Rhodos, Colophon, Salamis,
Ios, Argos, Athena.*

Virgilius, qui Æneidem ſuam filis Ho-
mericis texuit, quam feliciter ſæpe
mentitur, quum Æneam per Elyſium
nemus ad ſuperos reducit, ſed eâ portâ,

*Quâ falſa ad cœlum mittunt inſomnia
manes.*

Transmutationes ſcripſit ingenioſiſſi-
mus Naſo. Sed hæ ferè omnes entia
negationis ſunt. dico ferè, nam cum
cæcitatem Tireſiæ, & detractam Mar-
ſyæ cutem, & ſine veſte Dianam canit,
Entia privationis facit. Sine his quo-
que Entibus vix quicquam jucundi ac
faceti habent Vatum monumenta. Quis
ille *χλωρπριός* Vulcanus, qui ſola re-
cti inceſſus privatione querulæ Iuno-
ni riſum movit? quis Silenus, Pan,
Priapus, Satyri, Najades & Hamadrya-
des, tantum ad jocos & facetias com-
parata nomina? Hujus certè ordinis
ſunt & ocioſe montis erudita ſigmenta,
qua

quæ quantum æstimaverint prisce, vel
 ex hoc uno patet, quod vastam cœli
 machinam, cujus periculosissimus fo-
 ret lapsus, ficto Atlante, hoc est, Ra-
 tionis Ente libraverint. Quod si ea in-
 tueri libeat Entia, quæ vocabulis te-
 chnicis exprimi solent, jam Palæmo-
 nem, Didymum, Donatum, ac vetu-
 stissimos sapientiæ magistros, Socratem,
 Platonem, Aristotelem, Themistium,
 Theophrastum, totamque Philosopho-
 phorum turbam in medium producam,
 qui ex his Entibus æternam nominis
 memoriam consecuti sunt. Et si sacri
 magis placent, Augustinus, Damasce-
 nus, Hieronymus, & Chrysostomus
 de his ipsis præcepta dedere. Ex quibus *antiquitas,*
 de horum Entium antiquitate iudicium
 quoque ferre licet. neque enim *χθὲς*
~~καὶ ἀγῶν~~ *ἀγῶν* nata sunt, sed cum antiquis-
 simis Philosophis nativitatis suæ sup-
 putant primordia. Promethei sæcu-
 lum nostis. At huic Plato in Philebo
 laudem tribuit inventorum præcepto-
 rum Logicorum. Et verisimile omni-
 nò est horum Entium ope disputasse
 acutissimum Salomonem. Quanquam *lib. 13.*
 verò Pythagoræ, teste Aristotele, *Metaph.*
cap. 4.

nulla vi Dialectica instructi philosopharentur, tamen ex horum lecta fuit Empedocles, qui Rhetorum artem his notionibus instruxisse perhibetur. ut nihil jam de Chrysippo dicam, qui plures de rebus Logicis conscripsit libros, quam Sol anni spacio conficit parallelolos.

necessitas

& utilitas,

Cum autem Deus, Natura, Ratio nihil frustra faciant, sed suos singulae sibi proponant fines, etiam operæ precium erit videre, quid adhuc rerum imitamina Rationem impulerit. Ac primò quidem innatæ nobis cupiditati, qua in cujuslibet scibilis scientiam fertur intellectus satisfactum oportuit. Parum enim menti visum fuit, si rerum solum cognitionē adipisceretur, in ipsas quoque negationes ac privationes aciem curiosa intendit, quas cum per se nosse non posset rebus ipsis assimilavit. Deinde cum res in natura omnes pro innata sibi virtute suos edant effectus, Intellectus quoque noster, ne degener habeatur mundi accola, suæ quoque potentiae documenta dare voluit. Accedit, quod subinde ea fingere necesse habeat mens, ut res minimè distinctas distinctè

distinctè concipiat, cum aliter earum
 sibi parare notitiam ne possit quidem.
 Quid? quod per omnes scientias ac
 artes sese diffundat horum Entium uti-
 litas usque aded, ut sine his tenebræ
 illæ sint, ingeniorum tortura, atque
 inordinata rerum congeries. His ser-
 mo noster à barbarie & vocum stribili-
 gine tanquam à ferrugine ferrum vin-
 dicatur. Iamque dudum miserè occi-
 disset Priscianus, nisi irruentes in ipsum
 barbarorum insultus sustinuisset Gram-
 matica. Ab his eam capit vim Rheto-
 rum dictio, ut vel cælo possint dedu-
 cere Lunam, & regum flectere super-
 cilia. Hujus ordinis sunt Exordium,
 Propositio, Narratio, Confirmatio,
 Confutatio, Peroratio, quæ amplissi-
 mum dicendorum exercitum dispo-
 nunt. Duces Alexandri Magni mihi
 enumerare videor, aut eos, qui Aga-
 memnoniam classem διεκόςμερον ἐνθάδε,
 καὶ ἐνθάδε. Rursus Græcisare incipio,
 quia de Græcis fortè loquebar. Quid
 toties Romanorum rostra, detinuit,
 flexit, terruit? hyperbole fuit, excla-
 matio fuit, συμπλοκή fuit, apostro-
 phe fuit. At hæc Rhetoricorum pul-
 pam

tam respo-
 su scienti-
 arum in ge-
 nere tum in
 specie respo-
 su ad thoni-
 congrua &
 ornata,

Necnon

Astrologa-

rum.

pam sapiunt. Ij qui cælum, quam terram intueri malunt Astronomi, ut verè ἀστρονομῆς sint, hoc est ἀνωχόντες τὴν ὥραν, sepe in quibus cæli regionibus versentur ignorabunt, nisi prius ejus spatia per imaginarios circulos distinxerint. Hi ipsi, ne fortè præscriptos sibi limites excedat Sol, fascia, quam Zodiacum vocant, qua eundum illi sit, designant, & ne quatuor anni tempora præposterè currendo confundat, quo ordine currendum illi sit, monstrant, primò per Arietem, mox per Taurum, inde per Geminos, & ita deinceps, quæ tamen omnia ipse, de quo modo dicebam in Luna sedens Menippus, tantoque primo mobili vicinior, nunquam sibi visa esse constanter affirmabit, vel per ipsum διά. Geometræ Γεωμετρῶν verius quam ἀριθμητικοί, suam materiae quantitatem sola ratione suffragantur, quam cum materia auferre malunt fures nostri, vixque ullam demonstrationem expedire audent, nisi alphabeto angulos omnes, aut circulorum diametros, ac linearum terminos tanquam prædicatorijs militibus munierint. Nec tamen hæc commenta quisquam

Geometra-

rum.

In fundis agrorumque dimensionibus
 unquam repperit, siue longitudinem,
 siue latitudinem, siue profunditatem
 eorum spectes. His nostris Entibus in-
 structus circulos suos in arena conscri-
 psit Archimedes, & Geometriæ ele-
 menta expedit Euclides, apud quem
 hypothesis, apodixis, figura, *συμπερασμα*,
 definitio, artis instrumenta sunt,
 quæ in Logicam suam transtulit *Φιλο-
σοφούμενος* Aristoteles. Arithmetici his *Arithme-
ticorum.*
 destituti stipem petant oportet, apud
 quos numerorum distinctio, variæque
 horum affectiones utramque paginam
 faciunt. Etenim quæ extra mentem
 sunt multa sunt, & dum multa sunt,
 nec binario magis quam ternario, aut
 quaternario definiuntur. Quæ itaque
 hic par, impar, divisoris & divisi
 numeri sunt notiones à mente solum
 dependent. Metaphysica utcumque ali-
 arum scientiarum sit princeps, tamen *Metaphysica
corum.*
 secundarum quoque notionum admi-
 nacula non averfatur, præcipuè cum
 de rerum unitate distinctionibusque
 philosophatur. Theologi verò, cum *Theologorum.*
 quibus aliqua mihi intercedit cognatio,
 quàm sine horum Entium cognitione
 talpæ

Iurecon-
sultorum Me-
dicoſ. &c.

talpæ sunt, quàm in Scholasticarum
disputationum lectione hospites. Quo-
ties his ducibus destituti in principia
impingunt, quoties sub veritatis sup-
paro fallum sibi obtrudi sinunt, quoties
perperam definiunt, dividunt, discer-
runt, resolvunt, ordinant, ab horum
scientia imparati. Idem de Iureconsul-
tis, Medicis totoque Philosophorum
ordine dictum putate. Nunquam Pla-
to hominem implume animal ac bipes
definivisset, aut animam numerum
dixisset, si definitionis modum probe
novisset. Nec Iureconsulti (quod ipso-
rum pace dictum volo) Iuris præce-
pta partiti fuissent in tria hæc: Honestè
vivere, alterum non ladere, suum
cuique tribuere, si ad legitimæ divisi-
onis, quæ membra coincidere non
patitur, leges attendissent. Et cur se
ridiculum præbuit suis argumentatio-
nibus Chrysippus, cur veteres Physi-
cos toties inculsat Aristoteles, nisi quia
διὰ τὴν ἀσέβειαν hallucinati sunt? Quare
unum hoc ad horum Entium commen-
dationem & laudem addam, quod meo
iudicio felicissima sint omnium, quas
Sol adspectat creaturarum. Nam cum
alijs

quarta de-
nique ha-
runt Enti-
um sit feli-
citas.

alijs rebus sua sit miseria, suus labor
 & calamitas, hæc nec agunt quiequam
 nec patiuntur. Cælum utcunque cor-
 ruptionis expers sit, tamen perpetuò
 motu moveri necesse habet. Elementa
 mutuis pugnis occidunt. Mixtorum
 alia putrescunt, alia uti metalla igni
 & flammis torrentur, alia senio con-
 fecta tabescunt, uti plantæ, alia ma-
 ctantur, jugulantur, secantur, aut ad
 stivam ac rhedam ablegantur. Homi-
 num verò alij corporis morbis lan-
 guent, alij ira, invidia, metu, spe, deside-
 rio lancinantur, aut fament aut sitiunt.
 At nostra hæc Entia ætatem agunt læ-
 tissimam & ab omnibus malis immune
 domicilium inhabitant. Etenim cum in
 mente sola, cui in natura contrarium
 hostem non dedit Deus, velut umbræ
 volitent, nec extra eam reperiuntur,
 nullis contrarijs qualitatibus infestari
 queunt, & cum corpora non sint & γὰρ
 οὐκ ἔδρα, & μὴ οὐκ αἰθέρα οὐρανόν. Quod si
 tamen sub imagine Martis belligerari,
 Invidiæ dolere, Fortune mutari, &
 claudicantis Vulcani misera quædam
 videantur, omne hoc rationis quoque
 esse credite & imaginarium prorsus. Ec-
 licet

licet pereundum aliquando ipsis sit, nulli tamen hosti succumbunt, sed menti, cui essentia suæ principium ac originem, eidem quoque mortis ac interitus sui causam debent, denuò ubi illa volet vel in instanti ac nullo negotio renascitura.

Atque hæc quidem de Ente rationis dicenda habui, quod essentiam non nisi precariò habet, & in toto hoc Universo nusquam apparet. Dixi, fateor, non eo sermonis ornatu, quo de rebus splendidis ac præclaris dicere solent oratores, neque enim hoc argumenti patiebatur morositas, aut ea gravitate, qua de regni rebus oratum veniunt Principum legati, sed adhibito aliquo voluptatis & festivæ dictionis auctramento. Ut enim nihil nugacius, quam res serias nugatoriè tractare, ita nihil festivius quàm ita tractare res humiles, imò penè nugas, ut nihil minus, quam nugatus fuisse videare. Si tamen ea quæ dixi displicent, uti catapotia naufragantes solent pueri, expuite. Dixi.

GRAMMATICALE B E L L V M.

Nominis & Verbi Regum,

De principalitate Orationis inter se contendentium, nuper editum à R. D. Andrea Salernitano, Patricio Cremonensi.

GRAMMATICÆ provinciam cæterarum omnium, quæ ubique terrarum fama celebres sunt, pulcherriam, felicissimamque esse, nemo ferè vel mediocriter eruditus est qui ambigat. Quippe cum amœnitate situs, salubritate cœli, frugum omnium copia, rebusque alijs, quibus mortalis hæc vita carere non debet, nulli cedat, tum illustrium virorum nutrix semper extitit & alumna. Sicuti enim ætate hac, ita priscis etiam temporibus inviolabiliter observatum fuit, ut quicquid ubique gentium (Barbaras & desides nationes semper excipio) gigneretur ingenij bonæ indolis, alicujus-
C ve spei

ve spei, eò sanctissimis imbuendum disciplinis mitteretur: ex hac siquidem ad sublimiores regiones, beatioreſque habitationes Dialecticam ſcilicet, Philoſophiam, Theologiam, cæteraſque illis ſimiles provincias unicus aditus patet: & niſi eam peragraverit, in illarum ſacraria minimè quis valeat penetrare. Quæ quidem licet tanta polleat amœnitate, & rerum copia, eſt nihilominus altiffimis circumdata montium criſtis, & inaccessis eonſque circumſcripta Alpium jugis, ut niſi peritum habeas itineris ducem, ad ejus plana, cultaque nunquam valeas pervenire. Fuit proinde, ut & nunc eſt, ejus provinciæ regibus laudabilis & pius mos, ne mortalium genus tam neceſſario bono privari queat, ex ſuis militibus veteranos (quos pædagogos vocant) in omnes mundi partes dirigere, qui tenerioris ætatis aduſcentes (nam adulti & proſectiores haud facile diſciplinam recipiunt) ad ipſa uſque regum palatia incolumes perducant, ubi & Latix & Cecropix Minervæ artes eruditi prædictas, poſtea ſublimiores regiones ſcandero valeant, & expeditius penetrare. Ibi

Graeci

Græci omnes, Latinique, quos vel propria scripta, vel aliena celebrant monumenta, tyrocinia sua prima exercuere, ibique edocti, atque instructi, tantis postmodum florere gestarum rerum præconijs, ut viventes ætatis suæ hominibus maximo ad virtutem fuerint adjuumento: & vita functi, posteris tanquam extenso digito, recti ad laudabilem vitam callis semitam demonstrarint. Provincia hæc itaque licet unica sit, & individua, geminos tamen habet qui in ea imperent, potentissimos reges, *Verbum*, scilicet & *Nomen*, & prior quidem *Amo*, posterior verò *Poëta* nuncupatur: qui diutissimis temporibus tanta simul regnare concordia, ut in conficienda oratione ex qua uniusque imperij vectigal omne consistit, nullum unquam dissidium, nulla dissensio, nullum denique litigium inter eos fuerit auditum. Nihil autem in omni grammaticæ solo gignitur oratione præclarior, nihil dignius, nihil salubrius, quæ jucundissimis compacta florum coloribus, pulcherrimis ornata rerum figuris, ac suavissimis redimita rosarum nexibus, tantæ est auctoritatis & virtu-

tis, ut cum mortales omnes, (modò rectè apteque peroretur) in sui admirationem trahat, tum à dijs ipsis quicquid voluerit, valeat extorquere. Vnde est illud Euripid. dictum, Omnia conficit oratio, quæ hostile ferrum conficere non potest. & Pyrrhus plures à Cygnea oratione quam à se armis urbes captas dicere consueverat.

In hac igitur regum concordia, cum Grammaticæ totius res optimè procederent, felicique prosperarentur successu, accidit, ut orta inter eos ex parva causa dissensione, cuncta tumultibus, & inexpectatis bellorum anfractibus involverentur. quid enim non faciant vinum, & immoderatus sumptæ epulæ? Tantam animorum conjunctionē unius convivij ebrietas, in eas impulit utrunque Regem inimicitias, ut immoderata dominandi libidine, tanquam silvestres tauri, alylo acti propria regna, & tam nobile Grammaticæ imperium penè everterint.

Propositio. Referam autem n quonam pacto gesta sit res, ut sciant omnes, nullum esse tam arctum amoris vinculum, quod regnandi libido non solvat. Quapropter
Dionysium

Dionysium seniore[m] dicere solitum ferunt, ab amicis etiam cavendum esse ei qui præs[en]sit, quando ignarus non sit eos imperare malle quam servire.

Cœnantibus itaque aliquando prædictis Regibus in medio æstatis fervore, Topographia.
 secus placidissimum & perennem fontem, cujus ripas undique virides fagi & altissimæ platani opacitate eximia adumbrabant. Postquam abundè ventri factum est satis, cùm incaluis[se]nt omnes mero, orta est inter eos quæstio, cujus nam partes in conficienda oratione potiores censerentur. Et *Verbo* quidem digniorem locum sibi ascribente, acriter resistebat *Nomen*, asserens sine se stare orationem non posse, ex seque procedere, quòd intelligibilis habeatur, & grata. Quid enim (ajebat) facis tu in oratione sine me? si paululum præsentiam meam subtraxero, non secus te Occasionē belli insinuat.
 intelligant audientes ac mutum loquentem: confice illam paulisper sine me, fac ut sciant audientes quid tibi velis, certè nisi ipse interpret accedam, vel ipsa intentionis tuæ primordia nullus valeat penetrare. Sed & illud notari est dignum, quòd quò te antiquior sum, Oratio Regis nominis Poëta.

ed etiam dignior debeo comprobari. Quis verò nesciat fuisse prius *Nomen* quam *Verbum*? aut quis non intelligat *Nomini*, quam *Verbo* vetustiora adesse exordia? Deum certum est fecisse omnia: quòd si omnia, utique & *Verbum*. Deus autem *Nomen* est, non *Verbum*. Igitur à *Nomine* facta sunt omnia, etiam ipsa oratio. Legisti ne aliquando, Inter natos mulierum non surrexit major Ioanne Baptista? Dei hac est sententia. huic refragari, minime tibi fuerit fas. Si Ioanne nullus est major, Ioannes autem est nomen ejus, & cui nomen erat Ioannes, apparet certe nihil majus *Nomine* posse reperiri. Sexcenta sunt testimonia quæ possint afferri, quibus luce clarius diffinitur, sicut dignitate, antiquitateque, ita & auctoritate *Verbo* longè *Nomen* esse præstantius: quæ omnia sponte prætereo, ne verbositate nimia, non causa, *Verbum* ipsum videar superare.

Responsio
regis ver-
borum Amo.
Plato las-
civus Poë-
tas urbe
pellen-
dos dicebat.

Mirabar, respondit *Verbum*, ô Poëta, quòd te Plato ille divinus sua eiecisset Republica: nunc animadvertens quantâ impudentia, temeritateq; divinas auctoritates tuis ineptijs involvas, sapientiss.

entiss. Philosophum rectè judicasse satis animadverto. Nam nisi te ea, quam constituebat, Rep. exhibilasset: cum alijs multis, tum falsis religionibus, portentosisque dijs omnium civium tuorum mentes pervertisses, quid enim non audeat tua arrogantia, tua mentis elatio, quando possessa à me diutissimo tēpore prioris loci in hac provincia dignitate, vel cum fictis inversis & intortis sacræ paginæ testimonijs exturbare me conaris? Enimvero ne solus literas scire videare, manifestissimis & planissimis ejusdem paginæ dictis auctoritatem meam conservabo. Proferam autem ipsum veteris scripturæ caput, ubi dicitur, In principio erat verbum & verbum erat apud Deum, & Deus erat verbum. arrige aures, cur faciem caperas? Deus inquit erat verbum, omnia per ipsum facta sunt, & sine ipso factum est nihil. Non igitur *Nomen* fecit omnia sed *Verbum*, Deus autem erat verbum non nomen: sed & verbo Domini cœli firmati sunt & omnis virtus eorum. Quid igitur dices? non est quod te divinis tueare testimonijs, quæ pro me stare, tibi que adversari intellexisti.

IOAN. I.

quod tibi est nomen? Poëta respondes. quid autem aliud est poëta, quàm nugigerulus, nugivendulus, fabularum inventor, scelerum magister, loquax, nugax, mendax, ebrius, & fatuus? qui vera invertas, falsa ingeras, totumque orbem garrulitate inficias & perturbes, qui loquacitate tua tantam tibi apud imperitum vulgus auctoritatem usurpes, ut cum clarissima verborum progenie de dignitate audeas disceptare. Quid ex te habent unde ad virtutem incitentur adulescentiores, quos stultè satis erudiendos parentes eorum tibi tradidere, nisi adulterum Iovem, zelytypam Iunonem, meretricem Venerem, mœchum Martem, reliquaque tuæ sapientiæ præclara commenta: qui cum plus justo aliquantulum biberis, tanquam deo non mero plenus ad instar larvati, cœti que, cœlum terræ, terram cœlo audeas permiscere.

Adhæc ira vehementiore excandescens Rex Poëta, ignominiamque ac ja-
Responsio Poëta.
 ctata de se probra ferre non valens, ô improbum (inquit) caput, talia de nobis temerario ore dicere præsumisti? simulque arreptum poculum in illum
 C 5 furibun-

furibundus immisisset, ni ex circumstan-
tibus quidam apprehensam ejus dex-
tram ab ictu divertisset. Minimè dubi-
um est, quin irritatis utrinque animis
ex verbis ad verbera, vulneraque deve-
niendum fuerit : nisi intervenientes
seniores, & saniores viri utrunque Re-
gem furore ebrium in suas ædes red-
xissent.

*Sequentis
diei acta
commemo-
ras.*

Quò cùm postridie ambarum parti-
um studiosi convenissent, maxima apud
omnes de pridiana contentione dispu-
ratio habebatur. Lacerabatur præcipuè
inter nomina regis verborum maledi-
centia, major eorum pater, & juniores
præcipuè mirum in modum fremere,
malo domandam regis *Amo* loquacita-
tem dicere, docendumque illum am-
plissimam *Nominum* majestatem nun-
quam contumeliæ fuisse opportunam;
& licet ætate provectiores, & Terenti-
us præcipuè, qui ibi tunc aderant, sua-
derent nihil præcipitata sententia fieri
debere, & Omnia consilio priusquam
armis sapientē experiri oportere. Tan-
tus nihilominus fuit omnium *Nominū*
cum suo rege ad arma consensus, ut in
eam frequenter sit itū sententiā, omnib.

Terentius.

Verbis

Verbis continuò bellum indici debere.

Misso igitur tubicine ad regem *Amo*, inimicitias, bellumq̃, manifestum confidentissimis animis denuntiarunt. Nec saniora quidem apud *Verborum* regem agitabantur consilia, ad quem convenientes suæ partis ordines omnes, longa disceptatione agebant de retinenda in Grammaticæ regno *Verborum* dignitate, dequæ deprimenda *Nominum* præsumptione, cum interim superveniens *Poëta* regis nuncius de bello, quæ sibi mandata fuerant, diligenter exposuit. Enimvero læto se animo accipere illis respondentibus, ad belli cogitationes versi sunt omnium animi.

Verborum
Regi bel-
lum indi-
citur.

Misit itaque *Verborum* Rex tubicines, & nuncios suos ad omnes nationes, & gentes, quæ suo parebant imperio, jussitque ut cuncti armis idonei ad constitutam diem adessent.

Legatio
Regis vir-
bornum.

Omniū autem primus adfuit Adverbiorum dux Quando, cum centurionibus sex, videlicet Vbi, Quo, Vnde, Qua, Quorsum, & Quousque. Quos sequebantur manipulares sui, & sub primo quidem hi erant, Hic, Illic, Istic, Intus, Foris, Ibi, Ibidem, Sicubi, Ne-

Adverbia
localia, in-
terrogati-
va cum su-
is responsi-
vū.

cubi

Vbi. cubi, Alicubi, Alias, Alibi, Vsq̃uam, & Nusquam. Sub secundo: Huc, Illuc, Istuc, Intro, Foras, Aleo, Nequo, Aliquo, Siquo, Illo, Eo, & Eodem. Sub tertio: Hac, Illac, Istac, Alia, Aliqua, Nequa, Illa, Ea, & Eadem. Sub quarto: Horsum, Illorsum, Istorsum, Introrsum, Extorsum, Dextrorsum, Sinistrorsum, Aliorsum, Aliquorsum, Sursum, & Deorsum. Quintum sequebantur Haëtenus, Huculq̃ue, Eousq̃ue Vsq̃uemodo, & Vsq̃uenunc. Sextus centurio signum ferebat manu propria, ibatque medias omnium, ita ut duo præcederent ordines, ipse sequeretur, tres clauderent agmen. Multa alia Adverbia antecurrebant, quædam procedentium acierum tegebant latera, illa itinera explorabant, hæc curabant ne ordines interromperentur, quorum nomina hæc sunt: Peregre, Pone, Super, Supra, Intra, Extra, Citra, & Ultra: cum alijs pluribus.

*Aliarum
significati-
onum ad-
verb.*

Venere post hæc alia Adverbia, qualitatis, quantitatis, & numeri: cum quibus erant Adverbia jurandi. ut ædēpol, enimvero, ecastor, mehercule, mediusfidius, & profecto. Adverbia vocandi,

vocandi, ut heus, & o. Respondendi, ut hem. Ridendi, ut ha ha he. Negan- *Ridiculum*
 di, ut minimè, & nequaquam. Qui *de adverb.*
 quidem Nequaquam licet strenuus in *Nequa-*
 bello esset, & diu exercitatus, omnium *quam.*
 nihilominus mendacissimus habebatur
 & fallax, nec nisi coactus verum fateri
 didicerat, hunc & Græci Olophanta
 appellabant. De hoc Nequaquam tru-
 ci & mala bestia, plura essent dicenda:
 quæ quoniam liberæ non sunt voces,
 volentes omittimus, id potissimè per-
 suasum habentes, superfluum esse, lu-
 pum ovibus cavendum nunciare. O- *Accidentia*
 mnia hæc Adverbia triplici muniebantur *adverbior.*
 armatura, ferebantque pro scuto
 Speciem, pro lorica Significationem,
 pro ense Figuram.

Multæ aliæ nationes *Verborum* *Ennmeta*
 veneri in auxilium regis sui, videlicet *tis adverb.*
 natio Indicativa, Frequentativa, Medi- *nunc auxi-*
 tativa, Desiderativa, Invitativa, Dimi- *liarè tur-*
 nutiva, & Denominativa, cum copijs *bam verbo*
 non spernendis. Affuere etiam fortissi- *tum expli-*
 mi satrapæ Anomali, qui latè domina- *cat.*
 bantur in confinibus Grammaticæ, *Ingeniose*
 billicosissimi quidem, sed qui nullo *Anomala*
 possent ordine contineri: eorum no- *verba de-*
 mina *scribit.*

mina hæc sunt, Sum, Volo, Fero, & Edo, quibus concessum à rege fuit, ut in quocunque castrorum vellent loco sua figerent tabernacula, modò inter milites nullum tumultum concirent.

*Defectiva
verba.*

Post hos advenit natio verborum Defectiva, distincta, & pulcherrimè per turmas ordinata, videlicet, Memini, Novi, Cæpi, & Odi. Item vale, salve, aio, inquit, inquam, faxo, cedo: omnes armati, & ad pugnam animis præsentissimis, quæ quidem sequebantur omnia verba Activa vestita in o, & Passiva in

*Quintupli-
cia verbo-
rum gene-
ra adfert.*

*Accidentia
verborum
enumerat.*

*Topogra-
phia est ca-
strorum
Regis A-
mo.*

*Coniuga-
tiones ver-
borum iij.*

or. Neutra quoque cum Deponentibus, Communibus & Impersonalibus, cuncta diversorum idiomatum, & variarum linguarum: erantque armata generibus, temporibus, modis, speciebus, figuris, personis, & numeris.

Congregato hujusmodi exercitu Rex *Amo* omnes copias duxit in latissimos campos Conjunctionum, in loco quodam qui dicitur Copula, ibique castrametatus est juxta flumen Disjunctivarum, nomine Sive: divisitque omnia sua Verba in quatuor Conjugationes, unicuique tribuens in castris proprium locum, exceptis quibusdam familiaribus

familiaribus verbis, quibus injectum fuit, ut sarcinas ferrent Infinitivorum, quorum hæc nomina sunt, Incipit, Desinit, Debet, Vult, Potest, Iubet, Audet, Nititur, Tentat, & Dignatur. *Verba emptæ actionis recenset.* Ultima omnium venere in castra quædam Verba maximæ auctoritatis, ut Pluit, Ningit, Fulgurat, Tonat, Fulminat, & Advesperascit, trahentia post se cohortes fortissimorum militum suorum. Sed & Gerundia cum Supinis relictis Nominibus transfugere ad Verba.

Audiens verò *Nominum* Rex Poëta, *Enumeratio copiarum verborum, auxiliare nominum turbam commemorat.* quanta contra se præparassent adversarii sui, veritus ne subita vi aliqua ingruente opprimeretur, si imparatus tantarum virium impetum expectaret, omnibus imperio suo subditis indixit, ut quam primum fieri posset, armati & instructi pro viribus adessent. In cujus *Eleganter numerum Pronominum insinuat.* auxilium utpote propinquiore primi affuere Pronominum duces, Ego, Tu, Sui, consanguinei ipsius regis, & ex eodem Arfacidarum sanguine procreati, cum quibus erant Meus, Tuus, Suis, Noster & Vester, Nostras & Vestras, Ille, Ipse, Iste, Hic, & Is. Omnia autem Nomina divisa erant in plures cuneos, & sub

& sub varijs signis centuriata. Aliquæ quippe erant Primitiva, alia Derivativa, aliqua Relativa, quædam Possessiva, quædam Gentilia.

Articulos enumerat.

Accidentia pronomini explicat.

Varia Relativa adducit.

Venerunt insuper tres Articuli pugnantissimi & longo belli usu exercitati. Primus erat, Hic, Hæc, Hoc. Secundus, Hic & Hæc. Tertius, Hic & Hæc & Hoc: qui speciebus, generibus, numeris, figuris, personis, & casibus armabantur. post hos, duces magni Relativorum, Quis, Quæ, Quod vel Quid, eisdem se castris junxere, & erant ij Referendarij generales regis nominum in omni suo regno, cum quibus facere omnia relativa, & substantiva distincta in duas turmas, videlicet Identitatis & Diversitatis. In prima numerabantur, Is, Suus, Ipse, Sui, Ille, & Idem. In secunda, ceter, alius, reliquus, & alter. Princeps Relativorum accidentium erat Qualis, cum quo militabant Quantus, Quot, Quotuplex, Quotenus, Quotifariam, Cujates, & Cui gena.

Mira ingenii industria præposuiones

Venit etiam Regina Præpositionum Ad, cum qua erant Ab & In, conjunctæ Nominibus casualibus, ducebantque secum tres phalanges strenuorum militum

militum. In prima erant, A, abs, cum, *in erectis*
 coram, clam, de, è, ex, pro, præ, palam, *mas divi-*
 absque, tenus, servientes ablativo casui. *dic*

In secunda fuere, Apud, ante, adversus, *Ablativi.*
 cis, citer, citra, circum, circa, contra,
 erga, extra, inter, intra, infra, juxta, ob,
 pone, per, propter, prope, secundum, *accusativi.*

post, trans, ultra, præter, supra, circi-
 ter, usque, secus, penes, omnes servi-
 entes accusativo casui. In, sub, super,
 & subter, serviebant utrique casui, ab *Verisqne.*

lativo scilicet & accusativo. Sub signis
 tertiæ phalangis militabant, Di, dis, re, *Inseparabz*

se, an, & con. eratque eorum proprium
 officium compositionē facere in usum
 militum: nanque tunc dies quadrage-
 simæ erant. Atqui nomina omnia in
 suas acies distributa pulcherrimo ordi-
 ne procedebant, videlicet Substantiva,

& similiter Adjectiva, Propria, Appel- *Varia no-*
 lativa, & Partitiva. Post quæ compa- *mina enu-*
 rativa, superlativa, possessiva, patrony- *merat.*

mica, gentilia, numeralia, & multipli-
 cia: singula eorum distinguebantur per
 declinationes quinq;, scilicet primam,
 secundam, tertiam, quartam, & quin-
 tam: quorum arma erant species, ge- *Accidentia*
 nera, numeri, figura, & casus. *nominum,*

Descriptio
castrorum
regis Poë-
ta.

His igitur omnibus in unum coactis, rex *Nominum Poëta* copias & ipse suas deduxit in eandem planiciem Conjunctionum, posuitque castra ab altera parte prædicti fluminis Sive, ita ut tantos exercitus unicus divideret alvéus fluminis, unde & fiebat ut inter aquatores non levia interdum prælia inirentur: nunquam tamen totis copijs in aciem descensum est, prohibentibus id utriusque partis regibus, quoniam necdum ad pugnam necessaria omnia parata intelligebant.

Uterque re-
gum Parti-
cipium in
suas partes
trahere ni-
gebant.

Satagebatque uterque eorum Participium in suas partes traducere. Erat verò Participiū maximæ in tota Grammaticæ provincia auctoritatis, & post reges potentia & dignitate planè primus: qui in quancunque partem cum suis viribus inclinasset, haud dubie victoriam secum trahere posse videbatur. Quapropter non tam *Verbum* quàm *Nomen*, ut hunc sibi adjungeret, nihil intentatum prætermittebat.

Epistola re-
gis Nomi-
ni ad Par-
ticipium.

Præoccupans autem *Nominum* rex *Poëta* hujusmodi ad illum literas dedit. Non arbitror te præterire frater mi, quanta insolentia, quo animi tumore
contra

contra me *Nominumque* dignitatem insurrexerit *Verborum* rex *Amo*, quæve temeritate conficiendæ orationis primas partes sibi usurpare præsumat, propter quod, licet inviti, arma sumere & copias cogere coacti sumus, ut illius contusa superbia, auctoritatem nostram ilibatam conservare valeamus. Enimvero cum optimè scias quantum *Nominum* gentibus debeas, quæve ab illis acceperis beneficia, feceris pietate & fide tua dignum opus, si communem existimationem, communem rem, communes spes, nobiscum protecturus cum tuis te legionibus nobis adjunxeris: nam everlo *Nominum* statu atque imperio, nihil est quod in Grammaticæ solo tutum tibi possis arbitrari. Vale, & quantum potes tuum festina adventum.

Scripsit verò & rex *Amo* ad Participium in hæc verba. Non me latet amice carissime, sollicitari te maxima instantia ab adversarijs nostris, ut contra nos bellum gesturus secum in campum descendas: & licet pro tua prudentia nihil temerè te gesturum confidamus, necessarium tamen duximus admonere

Epist. regis
verborum
ad Participium.

& hortari te, ut mente reputes, quæ à nobis habeas commoda, quanta ex *Verbis* dignitati tuæ fiat adjectio: & licet minutula quædam à *Nominibus* accepisse videaris; potiora, amplioraque nihilominus sunt, quæ tibi à nobis tribuuntur. Iustius itaque feceris, si non nos modò, *Verborumque* imperium, sed te ipsum tuasque res defensurus, ad felicia hæc nostra perveneris castra: nam nec verisimile est, si succubuerimus ipsi, hostes à rebus tuis temperaturos, quin victricia (quod Deus avertat) in te convertant arma, quò soli tandem in omni Grammaticæ solo pro effrenata animi libidine grassari queant. Vale.

Participiū
ventri ad-
barrens, in-
fidias parat
ut oppressis
regibus ipsa
solus regnet

Ambarum igitur partium lectis literis aliam Participio mentem esse, alia moliri, diversa animo voluere: cogitabat siquidem neutri se parti adherere posse sine manifestaria rerum suarum perniciæ: è contrario si medium gerat, vel amborum servare gratiam, vel quod magis destinabat animo, utriusque res bellicorum cladibus ita affligi posse pensabat, ut illis depressis, rerum ipse in Grammaticæ regno sine controversia potiretur. Verùm dissimulandas hujusmodi

modi cogitationes censebat, ducendos-
que utrosque verbis, quoad certami-
num eventum posset inspicere.

Rescripsit itaque utrisq; in hac ver- *Epist. Par-*
ba. Accepi literas vestras illustrissimi *ticipij ad*
Reges, easque non sine ingenti animi *utrumque*
dolore perlegi, audiens inter adeò con- *regem.*
junctos principes tanta exorta dissidia
ut contineri minimè possitis, quin pro-
pria regna, Grammaticæ tam celebre
imperium cruentissimo bello sitis ever-
suri. Quæ vos occupant intemperia?
Vnde ea mentium alienatio? Per im-
mortalem Deum, quò progrediamini
paululum cogitate: quantum latabun-
tur adversarij communes nostri Igno-
rantia petulci habitatores, & Barbaris-
morum incompositi populi, intuentes
hostium suorum vires mutuis diffidijs
lacerari. Adjuro vos per Deos omnes,
superos, medios, infimos, regredimini:
abstinate funestis & abominabilibus ar-
mis, ne damnabili dominandi libidine
pulcherrimam totius orbis provinciam
tumultibus & cladibus involvatis. At-
qui si ita in fatis fuerit, si omnino ob-
firmati estis bello decernere; meum mi-
nimè arbitror vestrum alicui adhærere:

partem quippe jurisdictionis mea capio à *Verbo*, partem à *Nomine*: & cum utriusque multum debeam, utrunq; com-
meatu, alijsque ad victum rebus neces-
sarijs quantum potero adjuvabo. Ab-
stinebo autem armis, tantumque ad id
meas cogam copias, ne in hac bellorum
licentia, fines imperij mei aliquatenus
possint devastari. Dent vobis dij ut sa-
niora cogiteris. Valete.

Verfusia Licet verò hæc rescripserit, alebat ni-
Participij. hilominus versipellis & vafer, quibus
poterat modis, regum discordias, con-
citabatque occultis literis utriusque
gentis animos ad pugnam, sperans ex
eorum internecione facilem sibi aditum
ad totius Grammaticæ imperium posse
parari. Dicque quo milites sui ad se
convenirent indicto, non contemnen-
das & ipse copias aggregavit. Affuere
Termina- in primis desinentia in Ans & in Ens,
ones Par- in Tus, Sus, Xus, Rus, & in Dus: cum
ticipij. nominibus verbalibus in Tor, & in
Nomina Trix, & similia. Quæ incolebant loca
verbalia. vicina *Verbo* & *Nomini*, Participio se
adjunxere. sed & Gerundia, Supinaque,
ut civilia bella declinarent, à *Verbo* ite-
rum ad Participium transfugere.

Rebus

Rebus hoc pacto dispositis, quò seu- *Quid sus-*
 trique parti Participium gratum exhi- *fragii Par-*
 beret, destinavit utrisque munera preci- *ticip. utri-*
 non exigui, & *Verbo* quidem primum *que Regi*
 misit infra scripta Neutro passiva, vide- *fecerit.*
 licet, Gaudeo, Soleo, Audeo, Fio, Pran-
 deo, Cœno, Iuro, Titubo, Placeo, Nu-
 bo, Careo, Mœreo, Poto, Taceo, &
 Quiesco. *Nominum* autem regi dedit
 delinentia in Tor & in Trix. Misit et-
 iam pro pedamento exercitus *Verbo Accidentia*
 plaustra centum Præteritorum Præsen- *Particip.*
 tium & Futurorum, camelos mille fi-
 gurarum Simplicium, Compositarum,
 & Decompositarum. *Nomini* verò per
 flumen Sive, transmisit decem onerari-
 as naves casuum nominativorum &
 genitivorum, & totidem numerorum
 singularium, & pluralium, multaque
 alia genera masculina, fœminina, neu-
 tra communia, & omnis. Quibus per-
 actis continebat se cum legionibus suis
 intra proprios confines, expectans,
 quonam inclinaret fortuna. At belli-
 cos reges cum abundè prælio opportu-
 na præparassent, nihil cogitabant aliud
 quam ut ex præclara aliqua re, belli ini-
 tia ordirentur.

Vocales
quing; qua
tam. dua
verbu, tres
nominibus
accomme-
dantur.

Accidit autem ut ex nobilioribus ci-
vitatibus totius Grammaticæ, duæ fur-
to interciperentur à *Verborum* rege, vi-
delicet A & V. nam in eam diem urbes
omnes utrique regi suum stipendium
exsoluebant, nullam uni magis quam
alteri de cætero servitutem servientes.

Quod audiens rex *Poëta* eisdem artibus
tres alias occupavit, scilicet E, I, O,
Reliquæ civitates cautius invigilantes
sua servata libertate utrisq; se commu-
nes exhibere; quarum nomina hæc
sunt : b, c, d, f, g, l, m, n, p, q, r, s, t,
x : ex quibus omnes Grammaticæ ner-

Diphthon-
gi quarum
dua scribun-
tur et pro-
feruntur.
Interiectio-
num diver-
sa signifi-
cationes.

vos constare certissimum erat. De diph-
thongis binę cuilibet regum datę sunt,
ut tubicinum officium exercerent: edo-
ctæ quippe erant accendere viros mar-
temque accendere cantu. æ & œ *Nomi-*
num regi cedere : au verò & eu *Verba*
acceperere. Sequebantur insuper utraq;
castra muliercularū quædam minæ varijs
affectibus militum mentes afficientes:
earum quædam flebant & lamentaban-
tur Grammaticæ communem stragem,
quam imminere prospiciebant, ut, oh
oh oh, & heu & hei : aliæ indignaban-
tur & carpebant regum discordias, ut,
vab,

vah, vch, & atat: pleræque admirabantur inter tam conjunctas personas orta esse dissidia, ut Pape. Sed & quædam ob mentis levitatem gaudebant, hortabanturque milites in prælium, ut Hea, & Euax.

Cæterum omnibus ad pugnam instructis, visum est *Verborum* regi, quod civiles clades quantum in se esset, declinare videretur, honestaretq; aliquatiter factum suum, hujusmodi regi *Nominum* epistolam scribere. Intelligere potuisti o *Poëta*, quàm paratus, quàm robustus tecum certaturus in campum descenderim: nec ignarus es eas tibi minimè adesse vires, ut legionum mearum impetum possis expectare: tuis prudenter consules rebus, si mihi cedens tuis te continueris terminis. quod si insani-
re pergas, statque sententia ferro decernendi, die tertia omnibus copijs tecum congressurus in campum descendam.

Has literas cum *Nominum* regi dedissent rubicines Au & Eu, ex consiliariorum suorum sententia: ita & ipse respondit. Semper tibi verborum est plusquam satis o *Amo*, nec novum est quod
verboſitate tua audientium aures ob-

*Epist. regis
verborum
ad nominum
regem, in
qua dicitur
certaminis
pandit.*

*Regis No-
minum re-
ſponſio.*

Epistola.

tundas: jactas tu pugnaces exercitus, & tuos terribiles apparatus, quasi nos pumiliones locustasve nobiscum habeamus: possessio tibi parva fuit semper in oratione, & nunc eò te impulit tua insania, ut effugere nequeas, quin male parata, pejus gesta, pessimè retenta, hac tua regni portione justis armis ejiciare: & ut scias quanti non tam ipse quam milites mei minas tuas faciamus, tubicines nostri Ae & Oe, nomine nostro nudatos tibi lumbos porrigent. Si ut velim valeas, extremum valeas.

*Latrocinia
quæ in bello
fieri solent.*

*Bellorum
incommo-
da, annonæ
inopia, rei
domestica*

Hujusmodi literis irritatis utrinque animis futuri prælij diem ardentissimè cuncti expectabant: creverat interea ex temporum occasione (ut fit) facinororum licentia, exierantque latrunculorum non spernendæ manus, quæ omnem Grammaticæ provinciam, & præsertim loca saltibus, montibusque præpedita, quæ transeuntibus angustū iter præbere consuevere, obsidentes itinerantes, aut aliàs in utraq; castra com meatum ferentes prædabantur: quapropter crescente indies apud utrumque exercitum annonæ inopia, intellecta ejus rei causa, de utriusque regis consensu missi

summi sunt duces quidam peritissimi *negligentia;*
 cum militum opportuna manu, ut vel *bellantium*
 captos latrones interficerent, vel fuga *inter se ju-*
 tos omni Grammatica procul expelle- *gis con-en-*
 rent. Qui ad ea pervenientes loca cir- *tio & in-*
 cundato militibus quodam saltu, in quo *terius.*
 plerosque ex illis latere compererant,
 omnes ad unum interceptere. Inter
 quos fuit quidam nomine C. t. olicon, *somnium*
 qui grandem asinum vocabulis Græcis *ad Catho-*
 Latinisq; confuse permixtis onustum in- *licon in-*
 Italiam agebat: & cæteros quidem cum *telligit, quã*
 laqueo necassent, hunc solum vinctum *latina græ-*
 cum suo asino in castra duxere. Qui *cis, & græ-*
 tormentis coactus (quod alioqui ma- *ca latine*
 nifestissimum erat) confessus est se o- *immiscuit*
 mnia vocabula in Grammaticæ terris *omnemque*
 furto surripuisse. Cum verò eum quis *barbariem*
 Græcè interrogasset, ingenuèq; respon- *induxit.*
 disse se Græcè nihil scire, Latine autem
 parum: quid ergo (inquiunt iudices)
 græca tecum defers vocabula, quæ non
 intelligis? Ad quæ ille: tanta apud no-
 strum plerosque (inquit) literarum est
 imperitia, ut etiam si barbarè loquar,
 facile illis persuadeam me Atticæ elo-
 quentiæ angulos omnes penetrasse: ri-
 sere vehementius adstantes cuncti hoc
 audito:

audito : & mehercle inquirunt, quando tam faciles auditores habes, quæ tua sunt, aut alias quorum domini non comparebunt tecum, ad illos ferens ibis incolumis. Quæ verò certum dominum habere diſciſcentur, ea ut restituas, dignum judicamus.

Facta igitur diligenti inquisitione, omnia ferme Græca Iſidoro cujus fuerant restituere, cætera Latinis & ipsis marcidis mucidisque permixta ut asportaret permittentes: illum dimisere cum suo asino jam levius incedente, jubentes nihilominus ne unquam nisi inter imperitos, & indoctos auditores suos Grammaticum se profiteri auderet.

Priscianus Grammaticorum princeps à barbaris immunis non erat.

Priscianus vir præstantissimus, & in omni Grammatica apprime honoratus, cum agrè ferens civilibus bellis Grammaticam devastari, seditiones sedaturus in castra festinus pergeret, à latronibus Catholicon socijs captus, spoliatus, ac fustibus pulsatus tale in capite vulnus accepit, ut nullo unquam medicorum studio curari potuerit: ex his non multo post captus fuit quidam qui se falso historiographum publicè profitebatur, congeſſeratque innumeras in volumen quoddam

Taxat illi qui supplemēt. Chroſicarnus scripsit, & insulas in-

quoddam ineptias, atque eum librum *optias con-*
 Supplementum cronicarum appella- *gessit.*
 verat, quem quæstionibus omnia furta
 fateri coactum, in ignorantie terras per-
 petuò relegarunt.

Dum hæc agerentur, egressi ex *Ver-* *Pugna a-*
borum castris quidam ex genere Ano- *nomaloris*
 malorum, videlicet Sum, Volo & Fero, *& nomi-*
 cum cohortibus tribus intercepte unū *num.*
 ex centurionibus *Nominum* dictum Cæ- *Cæter.*
 ter, qui erat de genere relativorum, la-
 tebatque cum manipularibus suis in
 quadam spelunca posita in bivio con-
 junctionum Quod & Cum: ipsumq̃,
 cum omnibus suis singularibus truci-
 daverunt: plurales verò in tali discrimi-
 ne constituti, cum se magistri Pasquilli *Pasquillus*
 statuae quæ Romæ in Parione est sub æ- *Imago est*
 dibus Reverendissimi Cardinalis Nea- *Roma in*
 politani, grandem ceræum oblaturus *parione sub*
 voto obligassent, ejus sancti meritis præ- *adib. Cæ-*
 ter omnium opinionem incolumes e- *ter. Neap.*
 valere.

Quod cum Poëta regi nunciatum
 fuisset, iratus est vehementer, tulitque
 ægerrimè, quòd talem centurionem a-
 misisset: erat quippe is Cæter fortitudi-
 ne insignis, audacia celebris, & militaris

rei peritia nulli secundus. observabat igitur omni studio, si quopactō acceptum damnum bene cumulatū hostibus posset retribuere. Verum fortuna, quæ cū omnibus in rebus plurimum potest, tum in bello planè dominatur, optimam læsis vindictæ præbuit occasionem: nam eisdem diebus ab levis armaturæ militibus *Nominum* captivi in castra adducti sunt complures ex *Verborum* legionarijs, non levis inter suos autoritatis: inter quos ex imperativorum genere fuere Dice, Face, & Duce: quibus ignominie causa posteriores vestium partes præcidi jussit, ita ut nudas nates conspicuas gererent, & dimitti, vocatiq̃ue impoſterum sunt Fac, Dic, & Duc: Fuo & Specio similiter captos necari jussit. Quorum bona à *Verborum* rege accepere eorum per rectam lineam legitimi descendentes, inter quos Futurus, & Fui, cum alijs à Fuo oriundis: & à Specio Conspicio, & Despicio, cæterisque à Specie descendentibus.

Quopactō
ſincopata
ſunt verba
duco, dico.

Commune
malū belli,
coniuratio,
conſpiratio,
prodicio.

Detecta est interim in castris verborum grandis proditio: conjuraverant enim quidam monſtroſi milites de genere Præteritorum perfectorum, quibus
bina

bina erant capita, moliebanturque insidias *Verborum* regi: qui quidem capti, *Verba habentia genera* convictique, damnati sunt perduellionis, sive crimine læsæ majestatis. nomina eorum hæc fuere, Momordi, Cæcidi, Cucurri, Pepedi, Spopondi, Cecini, Peperi, Tutudi, Pepuli, & Fefelli. Quibus jussu regis in præsentī tempore unum caput abscissum fuit, & sic ubi prius in præsentī dicebant Momordeo, Cæcedo, Cucurro: postmodum dixerunt Mordeo, Curro, Cædo, cum cæteris. *Indiciū pugnae vexillum erat in summo castrorum loco positum.*

Adveniente demum pugnae die uterque rex in eminentiore castrorum loco pallium rubrum poni jussit, quo milites admoniti futuri prælij curarent corpora, præpararentque arma ac reliqua in hoc opus necessaria. postridie summo manè pransis militibus ex omni parte copiae summo silentio in campum deductæ sunt, explicatisque ordinibus suos quisque ut viriliter agerent, efficaci oratione excitabat: minimè verò opus erat accensos per se satis verbis accendere, quin ipsi ultro crispantes tela furibundi ineundi prælij signum expectabant. Postquam id actum est, tubæ utrinque canunt: contrà consonat terra, clamorem

Bellum Grammaticale.

clamorem utrinque efferunt, Imperator utrinque hinc & illinc Iovi vota suscipere, hortari exercitum pro se quisque Id quod quisque potest & valet, edit, ferro ferit, tela frangunt, boāt cælum fremitu virūm, & spiritu atque anhelitu nebula constat, cadunt vulnerum vi & virium utrinque multi.

*Duellum
verborum
defectivum
et heteroclitum.*

Videre erat inter cæteros Defectiva verba pugnancia cum nominibus Heteroclitis, & hæc quidem suis nominativis casibus, & generibus, genitivis numerisque pluralibus acriter feriebant adversarios, illi verò resistebant audacter, reperiiebantque nomina Heteroclitia Indicativis, præteritis perfectis & plusquamperfectis, confringebantque eorum numeros & genera conjugationibus suis. ex quibus quidem verbis unum cui nomen Ajo, singulari utens audacia duorum nominum heteroclitorum impetum diu sustinuit. Verum cum resistere non potuisset, spoliatum fuit multis personis, modis, temporibus, & numeris: remansereque illi ex omnibus suis hi tantum Ajo, ais, ait, ajunt. Ajebam, ajebas, ajebat, ajebant: cætera hostium gladijs cecidere.

Pugnanti-

Pugnantibus hoc pacto utrinque legionibus, atque aded simul permixtis, ut vix hostes à socijs possent discernere, tantus fuit omnium in prælium ardor, tanta animorum intentio, ut cùm eadē hora terribilis terræmotus in ea provincia vicinas urbes postraverit, amnes cursu rapidissimo averterit, mare fluminibus invexerit, montes lapsu ingenti proruerit, nullus tamen eorum id senserit. Eant nunc qui fabulas censent hoc idem accidisse eo prælio, quo Romanos apud Thrasimenum Pœni maxima ac memorabili illa affecerunt clades nec fidem facit Cortona civitas, quæ teste Luciano in lib. de veris narrationibus, cum prius in Thrasimeni littore sita esset, eadem hora ventorum turbine in eum collem, in quo nunc est, trāsata dignoscitur. Hoc novissimo exemplo maximum sibi certè veritatis testimonium accessisse Livius gloriari poterit. Obscurabatur Sol multitudine sagittarum numerorum singularium & pluralium, obtundebantur aures omnium clamoribus figurarum compositarum & decompositarum, vulnerabantur innumeri jaculis specierū primitivæ

*Bellū tam
horrendum
ut præ elationibus
terram
eo tempore
fallim non
senserit.*

*Ingeniosa
accidentia
partium
enumerat.*

& derivativæ. Sed & tubicines utriusque partis clangore rauco & terribili taratantara concinentes, militum animos in pugnam mirum in modum incendebant. Mulierculæ minæ, Interjectiones scilicet, pugnantium ordines circumeuntes, cuncta suis affectibus perturbabant, ex quibus quidem frequentius audiebantur gementes illæ, heu & hei, & oh oh oh. Atrox magis quàm longum fuit prælium illud: & nisi coorta subito tempestate ingens superveniens aquarum vis pugnam diremisset, actum sanè fuisset de universis Grammaticæ viribus: tanta namque erat omnium in mutuam perniciem rabies, ut ingruente imbre, ac signo receptui dato, vix tamen atque ægrè in castra reduci potuerint. Incertitudo & ambiguitas fuit maxima, penes quos ejus pugnae victoria staret: ingens utrinque clades, ingens cædes, ingens non tam militum quam ordinum apud utrosque ducentium jactura: nec facile fuerit amborum detrimenta sermone complecti. Contendam tamen, ut posterorum consulam utilitati, si non omnium, multorum saltem diminutiones,

nes, augmentūve, quantum potero, liquidè demonstrare.

Ex parte in primis *Verborum*, defectivum verbum Infit amiserit omnes ab eo descendentes, omnia sua genera, tempora, modos, personas, & numeros, qui fuerant conjugationis quartæ, figuræ compositæ: singularique ipse Dei munere (quoniam in periculo positus nullius se unquam religionis probatæ improbatæve habitum sumpturū voverat) salvus evasit. Sed & tanto ex eo casu terrore perculsus fuit, ut postmodum in Grammaticæ regno prodire in publicum rarè sit visus.

Forem spoliatus fuit rebus suis omnibus præter foret, forem, & fore, quæ sunt de modis optativis; conjugationis tertiæ. Vale, Ave, Salve, de genere imperativorum, grandem commilitonum suorum stragem accepere, paucis conservatis, qui & nunc comparent; alios amisere. Faxo ex eadem gente activorum, omnibus suis manipularibus circa se trucidatis, cum tribus tantum, videlicet faxis, faxit, & faxint, fuga elapsus evasit. Inquo de genere neutrorum, conservavit inquis, inquit, inquit.

Infit amiserit
omnes ab eo
descendentes,
omnia sua genera,
tempora, modos,
personas, & numeros,
qui fuerant conjugationis
quartæ, figuræ
compositæ: singularique
ipse Dei munere
(quoniam in periculo
positus nullius se
unquam religionis
probatæ improbatæve
habitum sumpturū
voverat) salvus
evasit. Sed & tanto
ex eo casu terrore
perculsus fuit, ut
postmodum in
Grammaticæ regno
prodire in publicum
rarè sit visus.

Forem.

Ave. Salve. Vale.

Faxo.

Inquo.

unt, inquam, inquires, inquiet, inquiet, & inque: reliquos bellum absumpsit. Inquiens cum in castris Participiorum esset, periculo non interfuit. Apage & Apagete, cunctis commilitonibus amissis soli evasere. Diet universos socios amisit, præter diescit. Facio orbatus fuit filio suo Facior, qui tamen prius quam expiraret, militari testamento hæredem sibi instituit, Fio. Posco,

Apage.

Diet.

Facio.

*Posco disco,
metuo, timeo, &c.*

Disco, Metuo, Timeo, Renuo, Respuo, Compesco, Vrgeo, & Linquo, omnes de genere activorum, perdidere sua supina. Occasum beneficio noctis salvus evasit. Nonnulla verba quæ amiserant præterita sua tertiæ Conjugationis, in supplementum accepere postmodum præterita quartæ Conjugationis, in-

Cupio, Peto

Quæro, Ar-

cesso, &

Lacesso.

quorum numero fuere, Cupio, peto, quæro, arcesso, facello, & fero. Quædam amissis futuris in am, ne futurorū omnino abjicerent spem, cimetunt in

Recanatum

urbs Italia

ad mare

Adriaticum.

nundinis Recanatenſibus alia futura in bo, ut Eo, Queo, & Veneo. Sed & Horatius auctoritate sua Lenio dedit Lenibo. Omnia verba pertinentia ad splendorem, spoliata sunt supinis. Inter quæ

Luceo,

Fulgeo,

Splendo,

Luceo, Fulgeo, Splendo, Polleo, & similia.

similia. Fulcio singulari usus audacia, *Fulcio.*
excussit periculum, & retinuit suum
Fultum.

Enimvero posteaquam ea enumera- *Postquam*
vimus, quibus adversi aliquid evenit: *recensuit*
minimè æquum fuerit suis carere lau- *verba qui-*
dibus illa verba quæ re strenuè acta, vel *bus aliquid*
ex hostilibus spolijs, vel sui regis mune- *ablatum*
re ad priorem statum aliquid addidere. *est: Nunc*
Inter cætera eminent, Cœnatus, jura- *ea enume-*
tus, cassus, mœstus, nuptus, & pransus, *rat quibus*
quibus ultra propria præterita vocis a- *aliquid ac-*
ctivæ, accessere etiam præterita vocis *crevit.*
passivæ. Redimo duobus auctus est *Redimo.*
sensibus: possidet ex ea hora tria signifi-
cata, videlicet liberare, conducere, &
ornare. Solor obtinuit duo significata, *Solor.*
videlicet solus esse, & hortari.

Explicat, ultra proprium sensum qui *Explico.*
est explicare atque emittere, obtinuit ut
explanaret, ostenderet, extraheret, ex-
hiberet, & proferret. Valeo ultra pro-
prium sensum qui est sanus esse, obti-
nuit etiam ut cum diceret vale, salu-
raret.

Præsto similiter duos habuit sensus, *Præsto.*
scilicet mutuari, & superexistere. Hau- *Haurio.*
rio majori ditatus est præda, quatuor

*Pasco.**Vaco.*

videlicet significatis, trahere, vulnerare, audire, & videre. Quæ tamen omnia, cum opus fuerit, in unum sensum redeunt. *Pasco* geminos recepit intellectus, rodere & alere. *Vaco*, licet minimè se prælio immiscuerit, nā (ut apud Plaut. ait *Sosia*) cum pugnabant maximè, fugiebat maximè. *Fortuna* tamen, quæ & desides plerunq; coronat, illius ignaviam pinguioribus exuvijs voluit decorare. fugientes enim ex pugna hostium quosdam conspiciens, tabernaculo exiliens interceptit; quibus postea grandi se pecunia redimentibus, sex sibi ultra priorem sensus acquisivit, scilicet, *Intendere*, cessare, servire, superfluum esse, licere, carere, & vacuum esse. *Studeo* tria lucratus est significata, videlicet sollicitare, operam dare, & conari.

Pango. *Pango* tres sensus accepit, videlicet, cano, & tunc in præterito facit *panxi*: *paciscor*, & tunc facit *pepigi*: & conjungo sive figo, & tunc facit *pegi*. *Sapio* ex ea die binos tenet sensus, videlicet, saporem reddere, & scire. *Fero* ex *Anomalis*, quatuor auctus est sensibus, sustinere, cupere, dicere, & portare.

Confiteor. *Confiteor* triplicem accepit intellectum, laudare,

laudare, purgare, & manifestare. *Supero.* Supero dati sunt septem, ob illius eximiam inter verba omnia potentiam, videlicet, restare, vincere, imminere, transire, evadere, supervivere, & supergredi. Fuere quædam verba quæ amissis proprijs præteritis, acceperunt postea à rege suo præterita quorundam passivorum, quæ in bello ceciderant, ut Audeo, fido, gaudeo, soleo & fio. Verba illa pestifera, perniciofa, mendacia, aliud semper in lingua, aliud in corde, clausum habentia, licet nullum lucrum eo fecerint bello, tamen prætereunda non sunt, nec eorum reticenda arbitror nomina, ut ab illis caveant cuncti, quoniam passionem continuè afferunt sub specie actionis, quorum hæc nomina, Exulo, Veneo, Nubo, & Vapulo. Ultimi hujus insidias adolescentiorum quisque quò fuerit cautior, eò enixius declinabit, si suis rectè consultum voler nobilibus.

Verborum. aliqua ex parte exposita Offensa fortuna, *Nominum* res Orationem ad se trahere videntur, in quorum castris diligenti omnium censu habito, cognitum est inter ea non minùs quàm inter

Et primò verba variasse fortunam. Et ut à positi-
quibus ali- vis incipiamus, fuere ex illis nonnulla,
quid abla- quæ in comparativis suis sauciata, me-
tum est co dicorum diligentia aliquale fomentum
belle. accepere, videlicet, *melior, major, minor,*

dexterior, sinisterior, plus, munificentior,
& magnificentior : omnia irregularia, &

Per magis à secundâ declinatione descenduntia,
ista facinne sed & *pius, arduus, egregius, tenuis,* & si-
sum com- milia perdere propria comparativa.
parativon. Nomina desinentia in *er*, in superlativo

amiserunt *imus*, & pro eo postea acce-
 perunt *rimus*, & *tener* & *saluber* : quibus-
 dam pro *simus*, quo spoliati fuerant,
 concessum est *limus*, ut *humilis, facilis,*
gracilis, agilis, & similia. *Veteri* datum
 est *veterrimus*. Fuere inter arborum

Arborum nomina quædam, quæ dum in prælio
nomina viriliter agerent, derepentè miraculo-
feminini se mutarunt sexum, & ex fœmininis fa-
ge. exceptis cta sunt masculina; mirantibus omni-
bus. bus qui aderant, interrogantibusque

unde illis essent illa nova crepundia,
 quæ præter solitum pendebant ex ven-
 tre, ex quibus sunt, *Rubus* & *Oleaster*,
 quæ Livius ut monstruosa & mali omni-
 nis in altum vehi & mergi, aut Gram-
 maticæ solo omnino exturbari suadebat.

Verum

Rubus,
Oleaster,
Frutex.

Verùm Rex *Poëta* nimiam illius in procurandis prodigijs superstitionem irridens prohibuit, inquires, non esse mali ominis fœminas in viros mutari, quando ex malo sexu in optimum fiat ista conversio.

Quibusdam Heteroclitis nominibus dum cùm defectivis verbis pugnarent, *Atrox fuit* abscissi sunt omnes testiculi cum pene *pralimma* in plurali numero, quem casum Deus *ter nomina* à nobis avertat. deincepsque in eo numero neque fœminina fuere, neq; masculina, sed neutra, quod certè miseratione dignum fuit. Nomina eorum hæc *heteroclitia & verba defectiva.* sunt, *Sibilus, Avernus, Infernus, Suppater* *Heteroclitia genere tantum.* *rus, Balteus, Tartarus, & Dindymus.* Alia feliciorem successum sunt sortita: nam cùm in eodem plurali numero essent neutra, cum maximo ipsorummet gaudio, continuò masculini generis apparuere, ut *Porrum, Rastrum, Frenum, Porrum.* & *Cælum.* Enimverò, *Porrum, & Frenum.* dum Romæ per Emporium Agonis transirent, reperta ibi sua neutra pluralia grandi pecunia redemere, illisque uti maluere, masculino genere repudiato. *Balsamum* ex omnibus arborum nominibus solum remansit neutri *Balsamum.* E s generis,

Heterolita
genere &
masculin.

generis, unde est quodd cum nec genera-
re, nec parere queat, tanta illius est ra-
ritas ut unico in Iudæo solo reperiatur.
Id quod ipsa arbor ægrè ferens in la-
chrymis omnem suum fructum mœsta
reposuit. Alia nomina neutro plurali
spoliata, fœminum accepere: sicut
epulum, ostreum, vesper, & cepe. *Ostrea*
(quod ex omnibus animalibus solum
reperitur neutri generis) Ovidius red-
didit & alij Poëtæ, & præsertim Plinius
etiam plurale neutrum cum dixit lib.
Fastorum.

Ostreæque in conchis tuto fiere suis.

Defectiva
nomina
masculina
singularia
sunt.
Soles:

Defectiva
fœm. singu-
laria tantum

& sic deinceps fœminum etiam & neu-
trum tenere. Alijs, quæ erant geneti-
incerti, in plurali datum est masculinū
videlicet *Margo, Cardo, Bubo, & simi-*
lia. Quædam omnibus casibus in plu-
rali spoliata, deinceps mutilata, & man-
ca remanere, inter quæ, *Fumus, Li-*
mus, Fimus, Pulvis, Sanguis, Mundus,
Pontus, Sol, Sal, & Vnus: quæ omnia
sunt masculini generis. *Soles* tamen ap-
paruere aliquando, sed cum id accidit,
contra naturam fuit, & pro prodigio
habitum est. Similiter & fœminina non-
nulla

nulla pluralibus casibus truncata sunt,
unde versus :

*Lux, sitis, & labes, mors, vita, fames,
quoque tabes,*

*Gloria, fama, salus, pax, humas, cum
lue, tellus :*

& cum illis, *senecta, juvenia, soboles, in-
doles, & proles.* Quædam alia fœminina Defectiva
amittere in eo bello omnem numerum fœmin. plu-
singularem, scilicet *Argutia, Habena, ralia tan-*
Biga, Blanditia, Cime, Delicia, Exequie, rum.
*Exuvia, Excubie, Phalera, Facetia, Ge-
ne, Gades, Insidia, Inducia, Calenda, La-
chryma, Latebra, Mina, & complura*
alia. Nonnulla neutra toto plurali nu-
mero exuta sunt, ut *Cœnum, Fœnum,* Defectiva
Ævum, Solum, Pus, & Virus. Insuper neut. sin-
alia Neutra totius singularis sui nume- gularia
ri ijecturam sunt passa, scilicet *Arma,* Defectiva
castra, exta, cunabula, conchilia, crepun- neut. plu-
dia, pascua, mœnia, magalia, mapalia, ralia tan-
ilia, seria, praconia, præcordia, sponsalia. tum.
& ferè omnia nomina festorum, ut *Sa-
turnalia, Dionysia. Aphrodysia, Baccha-
nalia, Floralia, & Neptunalia.* Nomi-
na ea vana, quæ semper plura dicunt &
tantum unum solum significant, amif-
so omni

Verbiu no-
mina plu-
ralia tan-
tum.

so omni singulari, fuga elapsa sunt, sicut *Venetia, Pisa, Luna, Athena, & Theba*. Nomina metallorum omnium, pluralem numerum amisere, ut *Aurum, aurichalcum, argentum, plumbum, ferrum, & stannum*. *as* vix *ara* retinuit.

Metallo-
rum
nomina
pluralem
cave-
rent.

Qua men-
surantur
& ponde-
rantur ca-
vent plu-
rali.

Sed & *oleum & frumentum* similem cladem accepere. Alia extremis suis membris Genitivis scilicet & Dativis pluralibus mutilata remansere, videlicet *jura, thura, ara, maria, & fora*. Sed nec omnia nomina in eo bello jacturam fecere: fuere siquidem complura quæ spolijs hostium ditata majorem exinde auctoritatem obtinuerunt: ex quibus quædam ultra primum nominativum alium etiam adeptæ sunt, ut *arbor*, quæ & *arbor*; *honor*, qui & *honos*, *labor*, qui & *labos*, *odor*, qui & *odos*, *cucumer*, qui & *cucumis*, *ciner*, qui & *cinis*, & *pulver*, qui & *pulvis*: quæ tamen ambobus nominativis non induuntur quotidie, sed quod conspicuum & ornatius est, & ex præda habuere, ad dies reservant celebriores & festivos. Plaga ultra primum significatum quod proprium est, dum vulnus percussione me significat, quatuor alios sensus accepit, videlicet, ut

Nomina
quibus ali-
quid accre-
vit.

Plaga.

pro

pro rete accipiat, pro spatio cœli vel
 terræ, pro linteo illo grandi quo Ro-
 manæ etiam nunc matronæ utuntur,
 dum in publicum prodeunt: pro lecto
 & parte etiam ipsius lecti. *Ops* ab ea die *Ops.*
 tres sensus habet. *Ops* nanque terram
 significat, sub *ope* auxilium præbet, sub
opibus divitias. Gerundia & Supina *Gerundio -*
 quoniam toties transfugerant, multata *rum voces*
 sunt post confectam pacem ab utroque *tres, Di, do-*
 rege, orante contra ea Demosthene, le- *dum.*
 gesque Solonis proferente, quibus sta- *lex Solonis*
 tutum fuerat Omnibus patriæ honori-
 bus privandos esse eos, qui seditione in
 civitate exorta, neutri parti adhæsis-
 sent: quoniam privatis fortunis plus justo
 prospicientes publicas patriæ res despe-
 xisse videbantur: & vivebatur tunc qui-
 dem ut plurimum in Grammaticæ ter-
 ris Atticis legibus. Nomine igitur *Supinorum*
 multante, gerundijs casus omnes præ- *voces duæ,*
 ter tres adempti sunt. Supina verò du- *um & n.*
 os tantum retinere, ægrè id ferenti-
 bus universis Grammaticæ incolis, car-
 pentibusque maledictis non tam Solo- *Demosthe-*
 nis legum indiscreta præcepta, quàm *nis avari-*
 Demosthenis impiam loquacitatem, di- *lia.*
 centibusque illum fascias & lanam do-
 mi

mi reliquisse, nec gutturi morbum simulasse, quoniā à Gerundijs Supinifve non fuerat unde aurum, sicut ab Harpalo quondam, posset accipere.

Cæterum, si singulorum clades, aut rei bene eo prælio gestæ adepta decora singulatim percurrere nitar, nimis longos asseram logos: ideo dicendi compendiū faciens, illud asseruisse sufficiat.

Quicquid in omnibus Grammaticæ terminis auctum diminutumve reperitur, ex illo cruento, execrabili, & funesto bello processisse. Multa sunt in ea temporum licentia & introducta verba novā, & explosa vetera: & nisi præstantiss. tres viri (quos paulò infra harum litium arbitros electos fuisse narrabimus) singulari solertia Grammaticorum quorundam petulantie obviasent, tanta fuisset Latinæ linguæ immixta Barbaries, ut de illius decore elegantiaque ferè desperatum foret. Posteaquam igitur utriusque partis legiones in castra reductæ sunt, desideratorum fauciorumque censu habito, intellecta utrinq; accepta clade, omnes passim ingemuere: questique acriter sunt, quodd nimia dominandi libidine rebus proprijs

Cæsis utrinque multis, tandem de pace cogitant.

prijis tantam cladem intulissent, & pœnitentia adducti, quisque eorum quæ pacis sunt, enixius cogitabat. Primum verò rex *Nominum Poëta* advocata concione, non sine lachrymis ita locutus perhibetur: Scire vos arbitror commilitones mei, quam invitus ac restitans pro decore proq; amplitudine (ut tunc arbitrabar) & nominum tuenda auctoritate, contra fratres nostros Verborum gentem arma susceperim, quantisque fatererim modis, ut illis nobis cedentibus civilia bella longius submoverent. Verum cum non tam nostra quam verborum etiam metior damna, cum utriusque partis strages intueor, flere libet magis quam loqui. Operæ precium fuerat reminisci, quæ de Græcorum, Romanorumque civilibus odijs bellisque scripserint cives nostri, quantis eorum ambitionem laceraverint probris. Profectò ea si in mentem venissent, nunquam in tantam insaniam à nobis processum fuisset: nec ira & furore obcecati, quid ageretur non intelligentes, nostramet viscera proprijs manibus discerpissemus. Sed præterita (ut ille inquit) magis reprehendi possunt quam

Oratio regis
Nominum.

malè

corrigi. Et melius est regredi quàm
 malè cœpta sequi. Si ferro decernere
 perrexerimus, si in finem usque insani-
 re voluerimus, actum sanè est de Gram-
 maticæ imperio, tantaque ignorantia
 & barbarissimorum genti fiet accessio,
 ut nemine obstante, nemine eorum re-
 meritati obviam eunte, ubique ipsi pro
 animi libidine dominari valeant. Quo-
 circa commilitones, ut utriusque regni
 utilitati consulatur, ultro à verborum
 rege pacem petendam censeo, ultro de-
 xtras porrigendas. Neque hoc dixerim,
 quòd labar animo, quòd timore concu-
 tiar, sed quoniam luce clarius cerno,
 res *Nominum Verborumq;* non sine mu-
 tua, stabili, & inconcussa animorum
 concordia posse consistere. Fungor er-
 go officio meo, ea adducens, quæ com-
 munem salutem concernere minimè
 dubito, audacter nihilominus quod vo-
 lueritis executurus. Vos itaque quod
 facitis, Deos omnes fortunare velim.
 Placuit mirum in modum universæ
 concioni non utilis minus quam op-
 portuna sui regis oratio, omnesq; mili-
 tum ordines ingenti sublato clamore,
 ut quod rex tam sapienter suaserat, si-
 ne mo-

Magno ap-
 plausu itū
 est in regis
Nominum
sententiā.

ne mora exequeretur, enixius petiere.

Missi itaque in *Verborum* castra legati ex *Nominibus* prudentiores, absque aliqua difficultate constitutis primùm inducijs, in hanc postremò cum *ver-* *Confecta*
borum rege, ejusque proceribus deve- *pacē eligē-*
 nere sententiam, ut scilicet tres elige- *tur munus-*
 rentur viri, omnium Grammaticæ usu- *ulti.*
 um, regularum & terminorum periti,
 quorum decisioni, arbitrioque utraq̃ue
 pars persanctè jurata stare deberet. E-
 nimvero grandis fuit difficultas, & ma-
 xima inter partes contentio, quibus-
 nam id munus potissimum demandare-
 tur. Multis eam provinciam ambientibus,
 alijs alios nominantibus & nomi-
 natos alijs improbantibus: demum Prisci-
 ciano, Servio, Donatoque approban-
 tibus, in infra scriptos cuncti unanimi-
 ter consensere. Phædrum scilicet Vo-
 laterranum, canonicum basilicæ Apo-
 stolorum principis, singularis eloquen-
 tiæ virum, & extra omnem ingenij ale-
 am positum. Petrum item Marsum,
 Laurentij in Damasco canonicum eru-
 ditissimum, ac Raphaëlem Lippum
 Florentinum, Oratorem insignem. Qui
 cum in castra vocati advenissent, partis

F utriusque

Sententia
diffinitiva
triumviro-
rum.

utriusque juribus auditis, re inter ipsos accuratius considerata, hanc postremò sententiam protulere: Quòd Grammaticæ Regibus, Satrapis, Civibus, Studio- osisque universis, faustum felixque sit; Nos Triumviri tollendarum litium causa constituti, omnes contentiones, maledicta, injurias, damnaque, quæ in hanc diem inter Grammaticæ Reges, eorumque milites intervenire, revocamus, tollimus, & obliteramus: & si oblivioni tradi nequeant, at saltem silentio tegenda decernimus, statuimusque ut de cætero in conficienda solemniori oratione, uterque Grammaticæ rex cum suis sequacibus conveniat, *Verbum* scilicet & *Nomen*, Pronomen, Participium, Adverbium, Præpositio, Interjectio, & Conjunctio. In quotidiana verò & familiari oratione, soli *Nomen*, & *Verbum* onus sustinebunt, accersentes in patrocinium suum quos ex suis volent: cæteris parcentes, ne toties citati nimis graventur. In oratione igitur volumus *Nomen Verbo* supponi, & cùm apponuntur, à *Verbo Nomen* regi debere decernimus, quantum ad casum; quantum verò ad personas & numeros,

Verbum

Verbum supposito cedere, quodd sit vel *Nomen*, vel Pronomen, vel Participium. Item volumus quodd Participium revereatur *Nomen & Verbum*, habeatque regimen à parte post sui verbi, à parte ante, imitetur & nomen. Si verò necessitas urgeat, concedimus soli verbo, ut in prima & secunda persona, & in quibusdam verbis exceptæ actionis in tertia persona faciat orationis sensum, semper nihilominus subintelligendo nominis auctoritatem, sed non exprimendo.

Hæc itaque sententia partibus præsentibus lata est atque promulgata, receptaque ab omnibus Grammaticæ incolis miro omnium ordinum consensu: quam etiam omnia Italiæ Gymnasia approbavere, & præcipuè Bononiensis docta civitas, & sublimium ingeniorum parens fœcunda: quæ cùm aliàs multos, tum maximiè ætate hac Alexandrū illum Zambecarium, virum integerrium, quem nec spes nec timor unquam movit à recto, Romanæ dedit curiæ. Studium verò Parisiense cætera recipiens, hoc suis provincialibus speciale reservavit, pronunciandi scilicet tam

verba quàm nomina liberè, & sine aliqua syllabarum quantitatis discretionè. Et quoniam vetus erat quæstio inter Relativum & Antecedens, inter Adjectivum & Substantivum, inter dictionem regentem & rectam, determinantem & determinatam, necnon inter orationem perfectam & imperfectam (eorum enim unusquisque de præeminentia certabat) ut hujus quoque dissensionis materiam tollerent, decrevere, quòd Relativum substantiæ identitatis cum suo antecedente concordaret in Genere, Numero, & in Persona. Item quòd Adjectivum Substantivo deserviret in Genere, Numero, & Casu. Et quòd dictio recta naturam regentis sequeretur. Relativum verò accidentis solum antecedens referret, quantum ad tale accidens sive proprietatem, in quo modo referibilis & referentis tantum concordaret regula diversitatis cū antecedente, quodque oratio imperfecta dependeret à perfecta, & dictio specifica à specificata: & inter adjectiva, duo substantiva, duo verba modi infinitivi, duas orationes perfectas: & inter duas imperfectas, nulla esset obligatio

servitutis

servitutis. Hortabatur præterea Petrus
 Marfus, ut inter facta dictaque pacem
 & concordiam ponerent. Verùm dis-
 suadente Phædro, dicenteque, hac sub-
 lata discordia nullum tonsoribus popi-
 narijsque linqui negocium, rem inten-
 tatam dimisere. Ignorantiæ studiosos
 omnes ac Barbarissimorum ridiculam
 gentem, inviolabili decreto omnibus
 Grammaticæ finibus submovere, & Bar-
 barissimos quidem ad se profectos Cis-
 alpinæ gentes civitatibus suis donavere.
 Ignorantiæ verò deditos quorundam
 Principum favore protectos, non Italia
 modò, sed urbs etiam ipsa bonarum li-
 terarum parens, & vel invita tueri per-
 severat: inter quos nonnullos etiam
 præbendis pinguioribus honestatos, ru-
 des adedò & imperitos reperies, ut si eos
 interroges, *Anno* quæ pars est? dicturi
 sint: **Parla che te intendo*. Usqueadeo
 mulas ipsas quibus tam sublimes ve-
 huntur, inscitiae & obesitate animi su-
 pergrediuntur. Prædictis insuper arbi-
 tris omnium cōsensu irrevocabilis po-
 testas & perpetua celsura data est, gram-
 maticulos omnes Grammaticæ corru-
 ptos, semilatinosq; & semigræculos,

* loquere
 ut intelli-
 gam.

tanquã naturę monstra, inquirendi, puniendi, relegandi, omneq; id faciendi, quod bonarum literarum cultum augmentũq; concernere animadverterint. Quod ut facilius aptiusque exequi possent, jussi sunt, ut curiam Romanam continuè sequerentur: quò non tam bonorum virorum frequentia confluit, quàm malorum feces se frequentes exonerant. Quæ quidem auctoritas, Pontificalibus Imperialibusq; amplissimis privilegijs corroborata dignoscitur: & præcipuè Sanctiss. D. nostri Iulij Pontificis incomparabilis, cujus memoria nunquam intermorietur.

F I N I S.

G A S P A -

GASPARIS AVIATI CREMO-
NENSIS CARMEN AD LECTOREM.


Lector candide, quid legis Thyesten?
Sevas Colchidas? auribus placebunt
Qua doctus cecinit magis Salernus
Andreas: dubios movet tumultus
Verbi & Nominis, hinc & hinc furentem.
Hunc Lector lege, fabula faceffant:
Hic prompti Ciceronis est facultas:
Hic sunt ridiculi sales, jocique.
Quid stas? hunc rigidi legunt Catones.

CHRISTOPHORI SIMONIS.
Epigramma.

Hæc legat, & memori teneat certamina mento
Grammaticus, terso qui voles ore loqui.

F I N I S.

H V G.



H V G B A L D I
P E
L A V D E C A L V O R V M,
opus mirabile,

Ad C A R O L V M C A L V V M Imp.

* *
*

C O N R A D V S G E S N E R V S in Bibliothecâ Uni-
versali, excusâ Tiguri Anno 1545.

H V G B A L D I, poëta acerrimi, Ecloga de Calvis
impressa Basileæ apud Nicolaum Lamparter, 1519.

[Et rursus ibidem An. 1546. apud Io. Parcum : sed
& Novimagij apud Petrum Elsenium 1536.]

Sigebertus Gemblacensis De Scriptoribus Ecclesiasticis cap. 8.
itemq; in Chronico ad A. 879. Chronicon quoque Elnon-
en'e M S. Frodoardus lib. 3 cap. 9. Caesar Baronius
in Annal. Eccles. ad A. 876. & 900. Vale-
rius Andreas in Bibliotheca Belgicâ, alijs.

HVGBALDVS, sive **HVGBALDV S**, aut **HVBALDVS**,
Elnonensis, Ordinis S. Benedicti, ad S. Amandum in Haunoniâ
Monachus, nepos Milonis ibidem Monachi (de quo Sigebertus ad
An. 879, & Trithemius, alijque) in septem liberalium artium pe-
ritiâ clarus, scriptis celebris, à Falcone Rhemenfi evocatus Phi-
losophiæ docendæ causâ: Musicus quoque excellens fuit, & de
multis Sanctis Cantus dulci & regulari modulatione composuit.
Scripsit inter alia **CARMEN DE LAVDE CALVQ-**
RVM, † 132. versuum, in quo versus omnes à C. literâ incipiunt,
ad Carolum Calvum Imp.

† *In Sigeberto malè excusum est 300 vers. quod sequitur magnus Baronius*
ad An. 876.

Io. Trithemius De Scriptoribus Eccles.

HVGBALDVS &c. vir tam in divinis Scripturis quàm in
secularibus literis eruditissimus, in Musicâ, Poeticâ, Philoso-
phiâ, & cæteris artibus humanitatis nulli suo tempore secundus,
quod multa utroque stilo, (*proso & vers.*) ab eo conscripta, re-
stantur. Ad Carolum Calvum Imp. **MIRABILE OPVS**
332 versuum, &c. Claruit temporibus Calvi Imp 880.

EPITAPHIUM HVGBALDI Ad S. Amandum.

Dormit in hac tumbâ simplex sine fine columba,
Doctor, flos & honos tam Cleri, quàm Monachorum,
HVGBALDVS, famam cuius per climata mundi,
Edita Sanctorum Modulamina, Gestaque clamant.
Hic Cirici membra pretiosa reperta Nivernis
Nostris in vexit oris, scripsitque Triumphum.

Obijt A°. 930, 7. Kal. Iulij, sepultus in Milonis avuncul
monumento.

HVGBAL-

H V G B A L D V S

D E

LAVDE CALVORVM.

Carmina, convicijs certus carpere calvos
 Conatus, cecinit: celebrentur carmine calvi
 Conspicuo clari: carmen cognoscite cundi.

CArmina clarifone Calvis cantate Camœne.
 Comere condigno conabor carmine calvos;
 Contra, cirrosi crines confundere colli:
 Cantica concelebrent callentes clara Camœna,
 Collaudent calvos, collatrent crimine claros,
 Carpere conantes calvos crispante cachinno:
 Conscendat cœli calvorum causa cacumen.
 Conticeant cunctis concreto crime comati
 Cerrito calvos calventes crimine cunctos.
 Consona conjunctim cantentur carmina calvis.

Carmina clarifonæ Calvis cantate Camœnæ.
 Cum crescit calvi capitis cervice corona,
 Consortem Cleri consignat confore calvum,
 Capturum claram Christo cedente coronam.
 Ceu crines capitis convellens crimina cordis,
 Corde creatorem conspiciat, corpore cœlum.
 Cœlicolas cives cupiens contingere cultu
 Crimina cum curis condemnat cuncta caducis;
 Cœli conscensum, concentum Cœlicolarium
 Concipiens, cupidè collaudat cuncta creantem.

Carmina

Carmina clarisonæ Calvis cantate Camœnæ.

Conjubilant calvi celsò clamore canorè ,
 Continuantque choro castas cantare choreas ,
 Conformes capiti, concordés corpore cuncti ,
 Complacidas Cleri contendunt condere caulas ,
 Correpto cornu cœlestia classica clangunt ,
 Conficiunt carum Christi cognomine chrisma ,
 Consociant cuneo conspersos chrismate coetus ,
 Concordes cautè celebrant convivâ cœna ,
 Consaturant Christi convivâ carnis, cruore.

Carmina clarisonæ Calvis cantate Camœnæ.

Complures calvos cogunt castissima castra ,
 Cœlica certatim celebrantes carmina Christo :
 Corpore crinis carent, collustrant culmina cœli :
 Calica concupiunt, cohibent curare caduca :
 Componunt chartas , concinnant carmina clara ,
 Catholicum canonem certum conscribere curant.
 Conculcant carnem, congestant carne calorem ,
 Constantem, castum communi currere cursu
 Contendunt celeres, calique capeßere culmen.

Carmina clarisonæ Calvis cantate Camœnæ.

Conregnant calvi: conscendunt culmina cœli
 Conspicui, compti chryseâ cervice coronâ ,
 Clementes censu, condunt consulta clientum :
 Cincinnose cave , condemnant crimina calvi.
 Censorem calvum censuram condere constat.
 Cordatum calvum; cordatum crede cavendum,

Calventem calvos cæcari corpore censet.
 Calvitium calvi cæcatus carpere cessa,
 Cessa calvastrum, cessa corrodere, cessa.

Carmina clarisonæ Calvis cantate Camœnæ,
 Conducunt calvi cuneos certamine claros,
 Compugnant calvi cristati casside coni,
 Contorquent, crispant celeres cum cade catervas,
 Comprehendunt cirros, contundunt calce comatos
 Cuspide confodiunt; capulo concisa corusco
 Colla cadunt: celebrant calvi clamore celeusma.
 Commotus certare catus certamine calvus
 Conculcat, cœdit, crinitos cedere cogit,
 Captivos captat, captos cervice coartat.

Carmina clarisonæ Calvis cantate Camœnæ,
 Comperies calvos columnen conferre cerebro,
 Comperies calvos capitis curare catharros,
 Comperies calvos cæcas curare cavernas,
 Chronica cum cancro ceditque cachexia calvo,
 Cardia cor carpens cassatur, cholica cessat,
 Contrectans chalibem concisâ carne coerces,
 Corruptum capitis coctâ cervice cruorem.
 Cur complura cano? clandestina cuncta caduce
 Corpore confutat, collapsaque corpora curat.

Carmina clarisonæ Calvis cantate Camœnæ,
 Cum calvis cirrose cave certare, creanti
 Conviciūque creatura condicere cessa.
 Condita cuncti creans causarum cuncta creator
 Constituit, curamque cavens conferre creatis,

Cetera

*Cetera curavit, clari consurgere calvi
 Concedens culmen, cui cedere cuncta coegit.
 Cerritus cur collatrat clamore canino?
 Condiderat calvum collapsa cucurbita cæno,
 Conticeat citius cænosa calumnia cuius.*

*Carmina clarisonæ Calvis cantate Camœnæ.
 Complex carnicum, corium convellere calvo
 Cur censes? cordis convellit crimina calvus.
 Cur censes capiti cineres conspergere calvo?
 Cognoscit calvus cineri concreescere corpus.
 Cur censes calido carnes carbone cremari?
 Corda cremant calvi Christi concocta calore.
 Cur censes calvum castrari corpore castum?
 Corde tenus cunctis castratur concio culpis.
 Carmine carnicans calvum, compeſce cavillum.*

*Carmina clarisonæ Calvis cantate Camœnæ.
 Carminibus caveo clavis conjungere cæca,
 Calcantur cæno, calcanda calumna calce.
 Cænosus cænosa canens concludito cannam.
 Censetur certe censorem codice cautum
 Clarividuum calvum, cui conscia cœlica cuncta:
 Commotum calvum circumlatrante cachinno
 Clamantes, conscende citius, conscendito calve,
 Condemnasse cacos confestim crimina clarant
 Convicij, corrosa cadunt cum corpora carptim.*

*Carmina clarisonæ Calvis cantate Camœnæ,
 Carmina calvorum; cumulentur carmine calvi
 Conspicuo, cuius crudelis cautio cœdis*

Constituunt

Constituit, Christi cultores carnificare:
 Conjubilent circumfulgenti chrismate calvo
 Cæcato cuncti. Christi clamore citatus
 Corruerat citò, confosus ceu cuspidè conti,
 Confestimque capit conscensum culmine cœli
 Clarivido cernens conspectu cunctipotentem
 Confore, cor cujus claret cœleste catinum.

Carmina clarisonæ Calvis cantate Camœnæ.
 Conglomerate choros, calvo celebrate choreas,
 Censuram celebrem calvum compsisse colendum
 Comperimus. Cœli consul consulta cavendi
 Crimina confutat. cœnosi cuncta coercet
 Colloqui cunctis communia commoda censet.
 Confundit cirros. collegia civica condit:
 Conciliando consponsorum Christi:colarum
 Corda ciet, capiti corpus conjungere certans.
 Cerritus celebres ceperit contemnere calvos.

Carmina clarisonæ Calvis cantate Camœnæ.
 Crudelem, calvos casto conamine cunctos
 Carpere conantem, compescite erimine captum
 Convicij, commentantem commenta caduca,
 Concitò convictum cæcis concludite claustris.
 Calvaster censor cæcari crimine captum
 Censet: cæce canis, cessa contemnere calvum:
 Conquinisce canis, consingens crimina calvis:
 Conquinisce canis, collatrans sarmine calvos:
 Conquinisce canis, cessans corrodere calvos.

Carmina clarisonæ Calvis cantate Camœnæ.
Concilium clarum calvorum cogere cœlum,
Cum cernis, calvum cœli comprehendito cinctum,
Calvitiij culmen cœli cognoscito centrum.
Circuitum cosmi commendant cetera calvi.
Calvos consocia, candentes congere calvos ;
Cynthia cessabit chryseos conferre colores,
Cornua contenebrans cedit concreescere calvis:
Collucent calvi; calvorum cassida candet,
Conrutilans, cœli cen copia clara, coruscet.

Carmina clarisonæ Calvis cantate Camœnæ.
Conveniet claras claustris componere cannas,
Complectur claris carmen cantabile calvis.

Explicit carmen de laude Calvorum.

Calvitium non est vitium,
 Sed probitatis indicium,
 Nisi scabies fuerit initium.

F I N I S.

ENCO.

ENCOMIUM
SACRI
CALVITII,

FRATRI CORNELIO, cognomento VIR-
GATORI, Primario Brugenſium
CLVNISPICI, inſcriptum.

Condignum ¹CALVO cantamus CÆSARE
carmen,

Cantamus clari commoda Calvitiy.

Cedite ²conducti certatim cedite crines :

Cede cohors calvum caſariata caput.

Cedite ³cnasone, ⁴ciniflones cum calamistris,

Cedite cincinni, cedite ⁵capreoli;

Cumque capillato criſtata caterva Camillo,

Cura cui cultam comere caſariem.

Cede Calidonio contorquens cornua cirro,

Cedite ⁶caprone, cede ⁷corymbiolum.

Cedite criſpati candenti cuſpide crines;

Compoſitum curâ cede capillitium.

Commoda Calvitiy canimus. concurre caterva

Calvitio clarum condecorata caput.

⁸Cord' geri, Carmelite. Collegia calva;

Calvaque cum calvis Clara cuculligeris.

G

Currite

Currite Claustrorum compascua cæca colentes,
 Cum ⁹cibicidarum classe Cineda cohors:
 Curvatâ cervice cohors, cui cantica cordi,
 Cymbala cum crotalis, cella, Ceres, cophinus.
¹⁰Calones, Cynicoque coacta cibaria cultu,
 Caraque communi Cypride conjugia.
 Curre catervatim Carthusia, cui cynoglossus,
 Carica cui, cyceon, cui chrysomela cibus.
 Carne carens cujus ¹¹Latianæ cœna culina
 Certat, Campano Cretica cella cado:
 Cella, cui ¹²C O S constituit cognomina Censor:
 Cella, cui cedant Cœlicolum cyathi.
 Currite convoti, communia concelebrantes
 Castra, ¹³Catillonum convena colluvies.
 Cui convicia crebra, ¹⁴carinantesque cachinni;
 Cui clamor cura, clastra, catasta, cruor:
 Cæca caput cui contages, cerebrumque comedit
 Cantabra; cassa cui carne comâque cutis.
 Colla ¹⁵columbari circumdata, compede crura,
 Christiadum carcer, carnificina, cruces.
 Chrismaticumne caput cernis, cum complice calvo,
 Cui Cappucino Carpostratista comes?
 Currite Censores cum ¹⁶cauponante catervâ,
 Cujus continuo corda cruore calent.
 Cur confixa cruci, combustaque corpora cerno?
 Cur Curius cippo Cæciliusque carent?
 Crimine convictos condemnare cremari
 Circumscriptorum centuriata cohors,

Conjuratio

Conjurata cohors cœli convellere claustra,
 Cujus censerî Clavigeri cupiunt;
 Christiadum crebrâ cumulantes cede catasta,
 Compita complentes cuncta cadaveribus.
 Cerne, cui celsi custodia credita cœli,
¹⁷ Centeno cinctum Cardine Clavigerum.
 Cerne caput Cleri, ¹⁸ cinctutos cerne Cesbegos,
 Condignum cerâ ¹⁹ cerite Concilium.
 Cerne Cinadum ²⁰ catamitorumque cathedras,
 Carnivoros Christi Christiadumque canes.
 Cernito confessum Cavea cortinipotentis:
 Cerne catillonem, cerne cruoribibum
²¹ Cheironomanta, cavum cum ²² circulione sapacâ
 Christophorus Calicem Christovorusque capite:
 Celatum crustis Calicem, cui Cacuba cedant
 Cuncta, capillatis condita Consulibus.
 Cernito, cum crudâ confundens carne cruorem
 Contruncat Cereris crustula Christipara,
 Cum Calvo, cui cognomen Calvaria, colle
²³ Concipilans Christum, comminuensque crucem.
 Cui Consuâlia ceu celebres, corpusque, caputque.
 Collaque circumagens cernua conspicitur.
 Calvorum commenta Cinædica Cheironomantum,
 Carpentum cari commoda Calvitiij.
 Claudito clatratis Cerealia crustula cellis,
 Crystallo Christum condite Cistophori.
 Cœlestis cur crusta cibi, Cereremque canino
 Chrismate contactam ²⁴ Cnissodiocta ²⁵ comes?

Cum ²⁶ calvi cunctas Calvorum calliditate
 Constet, condignum conveniensque catiis
 Cognomen cepere. Capros Curiesque comatos
 Consueverunt calvi ²⁷ collutulare chori.
 Cistophorôn ²⁸ curruca cluis ? cum compare credas,
 Cistophoros culpam commernisse, cave
²⁹ Chrismaticum cave contingas, cave consecratum,
 Cui caldum cingit calva corona caput.
 Contigeris ; capital censebere commississe,
 Convictus tædis ceu Catilina; CAVE, (cupido
 Cordigerum ³⁰ CAVE, Cerdo, CANEM. Cuiquamne
 Chrismate consparsum ³¹ contemerare caput ?
 Conscia cui ³² CIPSI cognomina conciliarit
 Caja, cucullorum capta cupidinibus :
 Cede cupidinibus Cleri, cui candida conjunx,
 Communis capiens commoda connubij.
 Catholico cui censeari credique cupido,
 Cede ³³ Casilloni, cede Cuculligero :
 Concinnare cui curruca cornua cuiusvis,
 Concedunt cauti Concilij Canones.
 Conticeo ; Cirrha cythasos, collemque canorum,
 Contentus centum circuisse choris.
 Cinge comam calthâ, centuplicibusque corymbis ;
 Cinge coroneolâ Calliopaa caput.
 Censurâ CALVÆ Cēsor cape CLVNISPICVM COR,
 CORNELI, clarum Calvitiij columen :
 Condignam CALVO cecini cui CÆSARE calvam.
 Cui cecini clari commoda Calvitiij.

ALIVD.

*Calvitium curat Cypris, curatque Cupido,
Calvitium Catum, cum Catioque Cato.*

In Commendationem

Doctissimi & elaboratissimi Carminis

DE

SACRO CALVITIO.

Curruca conjux cæco compressa cubili,
Candida cui clunis, cruracula, coxa, cutis.
Cui Collaticia corruptum Cypride corpus,
Cor cui Calvitiy calda cupido coquit.
Cui Cytharæa comam capitis cerebrumque comedia,
Complexu Claræ collutulata cohors.
Carpocratistarum collegia, Cœnobiarchæ,
Cernite cantati commoda Calvitiy.
Cernite collarum compascua claustra colentes,
Cornelî clarum carmine Calvitium.
Cordigeros calva commendat cura Corone,
Commendat cœtûs Calva Cuculligeros.
Censetur claram CALVO censore coronans
Causa Cæsareis conciliare comis.
Crimine Calva caret; concedat Curia Calva?
Calva caput Cleri, Conciliyque cluat.

NOTÆ

NOTE

Ad obscuriora quedam loca

SACRI CALVITII.

1. **C**ondignum CALVO cantamus CAESARE carmen] Respicit Auctor Hugbaldi Elnonensis Monachi *De laude calvorum* Carmen, ad Carolum Calvum Imperatorem, quem omnes ejus temporis scriptores habuere pro Mœcenate. Quod opus mirabile indigitat Trithemius : aliq. plures impense laudant. Sed monachi monachalia tractant. Poematium hoc, quod nuac primum ex M. S. schedâ juris fit publici, elegantius longè & multis modis præstantius est. Magno autem redemptum velint Monachi, & æternis tenebris damnatum.

2. *conducti crines.*] Comæ appositivæ, & aliunde accitæ, quales flavas plerumque mulieres mentito decore formam quærentes, præsertim in aulis, sibi adjiciunt.

3. *cnasone.*] Isidorus in Glossis, & Paulus Diaconus ex Festo : Cnasone, acus quibus mulieres scalpant caput. Vide ibi Scaligerum.

4. *ciniflones.*] Ciniflones Horatio Sat. 11. lib. 1. qui, quævé calamistris in cinere calefactis capillos crispant, Glossæ veteres : Ciniflo, *ἐπεπλέκτους*. Item Ciniflones, ornatrices.

5. *Capreoli.*] Capreolus, *δρεξιδιον*. Sed sunt etiam capreoli (teste Festo) claviculi intorti in vitibus, & veluti quidam cincinni, in tenerioribus pampinis apparentes; quibus vitis veluti manibus adminicula completitur: quia ad locum capiendum (ut Grammaticis

maticis placet) appellati. Ergò heic pro cincinnis & annulis capillorum accipiuntur.

6. *caprone*,] Equorum jubæ in frontem devexæ, dictæ quasi à capite pronæ. Paulus Diaconus ex Festo. Lucilius lib. vii, apud Nonium: *Aptari caput atque comas fluitare capronas*. Alio nomine, *Antie* dicuntur.

7. *corymbolum*] Corymbium est redimiculum muliebrium comarum ut crobylus virorum. Petronius: *Corymbioque domine pueri adornat caput*.

8. *Cordigeri*.] Franciscani. Carmelita.] Ordinis D. Mariæ Monachi.

9. *cibicida*] Vox Luciliana. Lib. xxvii. *Viginti domi an triginta, vel centum cibicidas alas*. Apud Nonium.

10. *Calones*] Lignipides à cala, Ligno. Lucilius: *Scinde puer calam, ut caleas*. Apud Servium, nisi fallor, extat Petri Danielis.

11. *Catiana cæna*.] De Catio Epicureo & guloso lege Horatium Sat. iii. lib. ii.

12. *Cella*, cui C O S.] Vinum Cos, colore, odore, sapore excellens, Magistris Lovaniensibus non ignotum: & est indeclinabile.

13. *Catillonum*] Snoepers, Slockerdens. Paulus Diaconus de Verbor. Significationibus: *Catillones* appellabant antiqui gulosos. Itemque, qui provincias Pop. Rom. exspoliassent: à catillonibus, qui & catillos ipsos liguriunt, absumptâ prius dape, sic appellati.

14. *carinantesque cachinni*. Idem Paulus: *Carinantes*, probra obiectantes à carinâ dictâ, quæ est infima pars navis; sic illi sortis infima. Isidorus in Glossis: *Carinantes*, illudentes, Glossarium Latino-Græcum: *Carinati*, χαριυτή-ζιαξ. Ennius:

Contra carinantes verba aequè obscæna profatus.

Item — neque me decet hæc carinantibus edere chartâ.

mediâ ut vides, correptâ Citantur à Servio Petri Danielis. Ita autem factum carinari à carinâ, ut apud Græcos *καρυπιζειν* à *καρυρα*: idemque valet ac carinari, notante Scaligero, cui postremum illud Ennii carmen aliunde, non esse ex Annalibus videtur, cum vox carinantibus in Hexametro locum habere non possit. Merula tamen κατ' ἐκκλησίαν *κατ' ἐκκλησίαν* recipiendam putat, & ad lib. 1. Annalium refert.

15. Colla columbari circumdata,] Columbar Plauto genus vinculi, cui collum inferitur: Rudente Act. 111. Sc. v 1.

Nam in columbari collum haud multo post erit.

16. cum cauponante cateruâ.] Simoniam Romanensium tangit. Cauponor Ennio *καπηλεύω*, cauponarium exerceo, vel re aliquâ lucris causâ ad quæstum abutor. In Pyrrhi illâ de captivis reddendis præclarâ sententiâ, apud Tullium lib. 1. de Officiis:

Nec mi aurum posco, nec mi pretium dederitis,

Nec cauponantes bellum, sed belligerantes:

Ferreo, non auro, vitam cernamus utrique, &c.

Quid *καπηλεύειν μέχρη* Æschylo in Septem. ad Thebas, & Latinis cauponari bellum; exponit docte Gulielmus Canterus Novarum Lectionum lib. 111. ca 1x.

17. Censuro cinctum Carline Clavigerum.] Innuit Pontificem Romanum, & Cardinales.

18. cinctos Cethegos.] Imitatione Horatianâ, qui in Arte Poëtica:

— cinctis vix exandita Cethegis.

Cethegi Romanorum antiquissimi sunt: quare pro antiquis dixit Cethegi. Cincti autem dicti sunt propter strictas tunicas pectoribus aptatas sine cingulis: teste veteri Commentatore. Vide & Cruquium.

19. cerâ ceræ] Cerites Plinio lib. xxxv 11. cap.

x. gemma

gemma est cerei coloris. Cerites, inquit, cera simili est.

20. Cerne cinadonum catamitorumque cathedras.] Paulus ex Festo: Catamitum pro Ganymede dixerunt, qui fuit Iovis concubinus.

21. Chironomania,] Ridet sacrificuli histrionicos sive gesticulatorios plusquam Ionicos, corporis motus, sive stituculos, quos dant Salij Romanenses. Quos infra etiam festivè depingit:

Cui Consuàlia cen celebret, corporisq; caputq;

Collag; circumagens cernua conspiciunt.

22. cum curculione capaci.] Pro Gurgulione; unde nos Gorgol, tanquam Gurgul. Neque aliter Plautus in Trinummio, Act. IV. Sc. III. ubi Charmides, ita loquitur:

————— huic, quisquis est,

Curculio est exercitor, is hunc hominem cursuram docet. Nam rectè ostendit nobilissimus Douza curculionem hoc loco haud quidem pro vermiculo illo triticei farris populatore, sed verò pro eâ gutturis parte, quâ λευκὴ eminet, quam inter comedendum moveri cernimus, interpretandum; sive pro gulâ ipsâ potius, ut gurgulio fiat scilicet. Vide Centurionatum Doussicum vel Taubmannum compilatorem ad eum Comici locum. In ejusdem Fabulâ aliâ Curculio Parasiti nomen est qui & Dramati nomen dedit. Alludit autem poëta in hoc Parasiti nomine, ad curculionem, quæ vermis est frumenta exinans, ut Varro ait, Græcis λευκ. Virgilius i Georgicorum:

————— populâtque ingentem farris acervum

Curculio.

23. Concipilans] Paulus abbreviator Festi: Concipilavisti, dictum à Nevio pro corripuisti & involavisti. Vbi Scalliger:

liger: Concipilasti idem ac compilasti. Vt, recipiens, reprobus: recipere, repatere: incitere integere. Plautus Truculento Act. 11. Sc. vii. quem ergo offatim iamiam concipilabo.

24. Cnissodiocta] Respicit nidorem ac fumum in sacrificijs.

25. comes?] Pro comedis.

26. Cùm calvi cunctos] Nonius Marcellus: CALVITUR, dictum est frustratur: tractum à calvis mimis, quod sint omnibus frustrari. Pacuvius Dulorestes: me calvitur suspicio. hoc est illud quod fore occultè Ajax prædixit. Idem Medo: Sentio, Pater, te vocis calvi similitudine. Salustius Histor lib. 111. Contra ille calviratus: Plautus aliq;.

27. collutulare] Dedecorare, Conspurare, & quasi luto inquinare. Plautus Trinummus Act. 111. Sc. 11.

————— hæc famigeratio

Te honestet, me autem collutulet, si sine dote duxeris.

28. curruca] Iuvenalis Sat. vi.

Tutibi nunc curruca places, —

currucis, parva avis, quæ alienos pullos pro suis educat. Sapienti verbum sat est.

29. Chismaticum cave contingas] NOLI TANGERE CHRISTOS MEOS.

30. CAVE CANEM.] Allusum ad ostiorum inscriptionem, antiquitus usurpatam, CAVE, CAVE CANEM Vide Petronium in Satyrico.

31. contemere] Violare, temere aggredi.

32. CIPSI cognomina] Nota de Cipsio ex Ovidij Metamorphosis historia, sive fabula.

F I N I S.

NIHIL.

N I H I L.

IOANNIS PASSERATII

Lusus ad V. Cl.

ERRICVM MEMMIVM.

I Anus adest festæ poscunt sua dona Kalendæ:
 Munus abest, festis quod possim offerre Kalendis.
 Siccine Castalius nobis exaruit humor?

Usque adeo ingenij nostri est exhausta facultas,
 Immunem ut videat redeuntis Ianitor anni?

Quod nusquam est, potius nova per vestigia queram.

Ecce autem, partes dum sese versat in omnes

Invenit mea Musa Nihil. ne despicere munus:

Nam Nihil est gemmis, Nihil est pretiosius auro.

Huc animum, huc igitur vultus adverte benignos:

Res nova narratur, quæ nulli audita priorum.

Ausonij & Gray dixerunt cætera vates:

Ausonia indictum Nihil est Græcæque Camæna.

E cælo quacunque Ceres sua prospicit arua,

Aut genitor liquidis tellurem amplectitur ulnis

Oceanus, Nihil interitus & originis expers.

Immortale Nihil, Nihil omni ex parte beatum.

Quod si hinc majestas & vis divina probatur,

Nunquid honore Deum, nunquid dignabimur aris?

Conspectu lucis Nihil est jucundius alma,

Vero

Vere Nihil, Nihil irriguo formosius horto,
Floridius pratis, Zephyri clementius aura.
In bello sanctum Nihil est, Martisque tumultu:
Iustum in pace Nihil, Nihil est in fœdere tutum.
Felix cui Nihil est! (fuerant hæc vota Tibullo)
Non times insidias; fures, incendia remitt,
Sollicitas sequitur nullo sub iudice lites.
Ille ipse invictis qui subjicit omnia fati
Zenonis sapiens, Nihil admiratur & optat.
Socraticique gregis fuit ista scientia quondam,
Scire Nihil, studio cui nunc incumbitur uni.
Nec quicquam in ludo mavult didicisse juventui;
Ad magnas quia ducit opes & culmen honorum.
Nosce Nihil, nosces fertur quod Pythagorea
Grano habere fabæ, cui vox adjuncta negantis.
Multi, Mercurio freti duce, viscera terre
Dura liquefaciunt, simul & patrimonia miscunt,
Arcano instantes operi, & carbonibus atris:
Qui tandem exhauriti damnis, fractique labore,
Inveniunt, atque inventum Nihil usque requirunt.
Hoc demetiri non ulla decempeda possit;
Nec numeret, Lybice numerum qui callet arena.
Et Phœbo ignotum Nihil est, Nihil altius astris.
Tuque; tibi licet eximium sit mentis acumen,
Omni in naturam penetrans, & in abdita rerum;
Pace tuâ, Memmi, Nihil ignorare videris.
Sole tamen Nihil est, & puro clarius igne.
Tange Nihil dicere, Nihil sine corpore tangi.

Cernis

Cerne Nihil, cerni dices Nihil absque colore.
Surdum audit, loquiturq; Nihil sine voce: volatq;us
Absq; ope pennarum, & graditur sine cruribus ullis.
Absque loco motuq;ue Nihil per inane vagatur.
Humano generi utilius Nihil arte medendi.
Ne Rhombos igitur, neu Thessala carmina tentes
Idalia vacuum trajectus arundine pectus;
Neu legat Ideo Dictum in vertice gramen:
Vulneribus savi Nihil auxiliatur amoris.
Vexerit & quamvis trans mœstas portitor undas,
Ad superos imo Nihil hunc revocabit ab orco.
Inferni Nihil inflectit præcordia Regis,
Parcarumque colos, & inexorabile pensum.
Obruta Phlagrais campis Titania pubes,
Fulmineo sensit Nihil esse potentius ictu.
Porrigitur magni Nihil extra mœnia mundi:
Dijq;ue Nihil metuant. Quid longo carmine plura
Commemorem? virtute Nihil præstantius ipsa,
Splendidius Nihil est: Nihil est Jove deniq; majus.
Sed tempus finem argutis imponere nugis,
Ne tibi, si multâ laudem mea carmina chartâ
De Nihilo, Nibilli pariant fastidia versus.

F I N I S.

CARMINA

CARMINA QVORVNDAM

De præcedente Poemate Ioannis Passeratij, cu-
jus inscripto N I H I L.

T H. B. V.

P Ace mihi liceat sapientes dicere vestrà,
Qui factum ex nihilo dicitis esse nihil:
En qui vos verbis, qui vos ratione refellat,
Et quiddam faciat quod fuit ante nihil.
Quiddam (inquam) ex nihilo faciat, quo credere
quidquam

Grandius aut etiam fingere velle nefas.

Immo, quod mirum magis est, qui misceat aud
Sic alicui nihilum, sic aliquid nihilo,
Ut confirmet idem simul esse aliquidque nihilque.
Et neutrum esse probet, quod sit utrumque tamen.
Mirus homo, nihil esse aliquid statuensue negansue:
Quòdque negat statuens, quod statuitque negans.

N. N.

Pace tua liceat quiddam te poscere. quidnam est?
Est aliquid, nihil est: est nihil, atque aliquid.
Ergo siue aliquid mavis mihi mittere, mitte:
Siue nihil mavis mittere, mitte nihil:
Miseris utrumvis, mittes invitum utrumque:
Quando aliquid nihil est, & nihil est aliquid.

Dans

*Dans aliquid (faciat si semper) prodigus audit :
 Dans nihil assidue, nomen avarus habet.
 Optima virtutum mixtis orietur ab illis,
 Si dederisque aliquid, si dederisque nihil.*

N. N.

*Ecce, nihilque aliquidque simul tibi mitto petenti,
 Qui factum ex nihilo miseris ipse aliquid.
 Ergo, sive aliquid me vis tibi mittere, mitto :
 Sive nihil me vis mittere, mitto nihil.
 Utrumvis mittam, non mittam invitus utrunque :
 Sive aliquid, seu nil misero, mitto libens.
 Dans aliquid, non est metuam quod nomen avari :
 Dans nihil, an meritò prodigus esse ferar ?
 Sic frugi efficior vel te ipso iudice, utrunque
 Miscens, qui tibi dem nilque aliquidque simul.*

A Δ H Δ O N.

*Qui falso, contra veterum decreta sophorum,
 Dans nihil, eximium te dare munus ais,
 Sicque profana sacris misces, sic sacra profanis,
 Sic aliquid nihilo, sic alicui nihilum :
 Ut nihil esse aliquid statuas, aliquidque nihil: quin
 Hoc nihil, hoc aliquid, neutrum & utrunq₃ facis.
 Mox tamen esse negas neutrum quod utrunq₃ fateris:
 Quodq₂ fateris, idem neutrum & utrunq₂ negas.*

An (quæso) neutrum esse potest id quod sit utrunq, ?

An quod utrunq, nihil? quod nihil, esse aliquid?

Hec cave dum ex nihilo quiddam facis, ex aliquo nil,

Ne fiat nihilum, quod cupis esse aliquid.

A Δ H Δ O N.

Sic ne facis nihili divina oracula chartæ,

Sic nihili sophiæ dogmata vera facis ?

Te duce confusis naturæ legibus ibunt,

Inque suum recident te duce cuncta chaos.

Namque aliquid nihil esse putas, nihilumq, vicissimæ

Esse aliquid. quæso qua ratione probas ?

Omnia si fiant, te iudice, neutrum & utrunque,

Fortuna vivent dives inopsque pari.

Divitiæ Cresci nil, nil quoque possidet Irus,

Possidet ergo aliquid, si nihil est aliquid.

In cælum quum vana nihil tua carmina tollant,

Carmina de nihilo scripta putabo nihil.

F I N I S.

T H E O.

THEODORI MARCILII

DE

NEMINE

Lusus, ad V. Cl. Pomponium Belli-
vrum, privati Concilij senatorem,
& Christianissimi Regis Henrici
Legatum amplissimum.

V Er erat, & Zephyrus renovato flamine, prætæ
Pingebat violis omnia purpureis ;
Mî curas trepidâ referebat imagine somnus
Sub matutinis cantibus alituum.
Visus enim irascens juxtim mî adstiterè Nemo,
Dequæ mihi oblito Nemine multa queri.
Iâmne meo facti quondam tibi nomine versus,
Et laudes, inquit, Nemini exciderunt ?
At non sic meritis. Sed enim te scilicet ipso
Debuerat Nemo carior esse tibi.
Desine, respondi, me incendere tequæ querelis :
Crede mihi, transfert jam tua regna Nihil.
Sublectumque illud sua per vestigia carmen
Esse ait, & loquitur nil nisi vindicias.
Sic ego. sic Nemo contra : Timidissime rerum,
Terres inanilogis te Nihil opprobriis ?

Cur non & culices, papposque timere volanteis

Incipis, aut umbrâ contremere ipse tuâ?

Erubui, dederâtque novas mi in carmina vires

Ipse pudor: cæpit vincere Nemo Nihil.

Aut si quis negat hoc Plautino è semine pistor,

Conferere incipiant Nemo Nihilque manum.

Bella per Vtopicos plusquàm civilia campos

Gliscunt: de Nihilo Nemo legit spolia.

At mihi, Pomponi reparato carmine nam te

Nemo cupit noster visere) dexter ades.

Quâ sit stirpe satius Nemo, quâ præditus arte,

His volui numeris enumerare tibi.

Postmodò bella canã atq; horrentia Neminiis arma,

Et victum validâ Neminiis arte Nihil.

Nunc referam solitâ mitissima carmina voce,

Olims Strenarum qua tibi missa die.

Cùm mihi cura fuit, specie ne poscere dantis

Nemo videretur munera pro offaniis.

Atqui Nemo etiam vel regia munera spernit,

Hamat inops, Nemo nil nisi carmen amat.

Ergò jubet ne se dubitem tibi mittere Nemo,

Semper enim mitti à paupere Nemo solet.

Nec metuit ne se venientem admittere nolis:

Nam tibi nolenti se dare Nemo potest.

Sed te velle scio. Quis enim ferus ostia claudis,

Nemo ubi pro dulci munere missus adest?

Omnibus est Nemo sibi quàm jucundior ipse:

Omnibus, & semper Nemo placere potest.

Oser & ille hominum Timon, tamen arsit amore
 Nemini: hunc unum atq; unicum amicū habuit.
 Cognitus est Nemo hinc ad sidera. Ianitor aule
 Num rogitat, Quis tu? Nemine stante foris?
 Fac tamen esse aliquem levâ sic mente, ferisque
 Moribus, ut quis sit Nemo vel unde, roget:
 Promtiùs expediam, volucres quàm navita ventos
 Enumeret, miles vulnera, pastor oves.
 Nemo quidem sine patre potest, sine stemmate nasci,
 Nec tamen aut patris aut gentis honore caret.
 Nemo etenim est unus magnâ de stirpe nepotum
 Illius, in Siculâ qui regione satius:
 Non ferro flamâ ve, suo sed nomine, fecit
 Dulichie prasens omnia tuta rati.
 OTTIS enim est; saevo dū clamat in agmine fratrum
 Cyclops, quisque suas hi rediëre domos.
 Ille tamen furit, & sceleratum devovet OTTIN:
 Sisyphides medio gurgite vela facit.
 Hinc Nemo tibi noster. Ab his majoribus ortus
 Nemo, decus toto sparsit in orbe suum.
 Nam quoties aliquis peccaverit: obvius ecce
 Nemo statim, & se, qui fecerit, esse refert.
 Nemo suo quemvis ita nomine protegit, unum hoc
 Si potuit iudex credere, Nemo fuit.
 Ergo, siue domi. seu quis peccaverit extra,
 Nil opus auctorem quarere, Nemo fuit.
 Sive puer calicem domini, seu frugerit aulam,
 Seu compularit sermnia, Nemo fuit.

Nemo vel in bello si bis peccaverit, usque
Integer, & nullo vulnere latus abit.

Quin etiam bene quæ sunt, facit omnia nemo.
Victi alij cedunt nemini ingenio.

Et merito: Quis enim mercémve, aut speret apisci
Præmia pro meritis, qualia nemo tulit?

Quis faceret quæ nemo: simul susceptus in auras
Nemo, & multiplici præditus arte, fuit.

Nemo simul sorbere potest ac flare. Duobus
Nemo simul dominis utilis esse potest.

Nec tamen aut victū à domino, mercémve requirit:
Aurâ etenim venti vivere nemo potest.

Nusquam est nemo, & ubiq; simul: mirabile dictu.
Nemo vias omnes itque reditque simul.

Nemo otiam vigilans dormit, vigilantq; sopitus,
Cum loquiturque tacet, cumque tacet loquitur.

Nemo etiam quæ scit, nescit: tanti ille silenti est:
Nemo simul vera & falsa referre potest.

Flere putes, ridet: ridere putabis, at ille
Flebit; vel faciet, si usus, utrunque simul.

Nemo simul satur est atque esurit: æstuat, alget:
Nullis auxilijs, omnia nemo potest.

Nemo etiam in cælum, quoties ita jusserit, ibit;
Nudus enim pennis nemo volare potest.

Adde, quod est rigida virtutis Nemo satelles,
Non quales aula mobilis aura fovet.

Ergo fors quoties inimica reflaverit, omnes
Diffugiunt: miseri limina nemo terit.

Respicit

*Respicit & Musas hoc nemo tempore : vulgò
Cœta placent : nemo docta probare solet.*

*Omnia vincere nemo potest certamine nullo,
Solum illi negitat. cedere velle nihil.*

*Et tamen hoc ipsum vincit quoque nemo, suisq;
Captivum adjungit nemo nihil titulis.*

*Nemo sapit solus : nemo sibi nascitur uni.
Omnia scit nemo, & solus ubique docet.*

*Quoque magis mirere, volunt scire ilicet omnes
Omnia, mercedem solvere nemo cupit.*

*Scire libet tumido quot certent aequore fluctus?
Quot Lybia sitiens corpora pulvis habet ?*

*Scire quot ardentes distingunt athera stellæ?
Expediet planè singula nemo tibi.*

*Te quoque, Pomponi ; quo Sol nihil igneus uno
Doctius in terris candidinsque videt ;*

*Moribus antiquis, (dicam hoc præsiscini ut unum.)
Ingenijque acie, vincere nemo potest.*

*Tollere nodosam possit medicina podagram
Nescio, sed medicus tollere nemo potest.*

*Cùm Venus irata est, trepides si abrumpere curas ;
Neminis adjutus carmine, sanus eris.*

*Quantula sed morbi est curatio, cùm quoq; mortem
Omnia vincentem vincere nemo queat ?*

*Perfectum Cicero cùm Rhetora quæreret, omni
In genere: inventus quis, nisi nemo fuit ?*

*Quàm memores fiant, Seneca aut tibi Lullius artem
Ostentare suam, sed dare nemo potest.*

Eja, Mathematici monogrammi, debeat orbis
 Ut redigi in quadrum, quis nisi Nemo docet?
 Visite in Vtopiam, Chemistæ, visite flandi
 Artifices, olidum sulphure & igne genus:
 Sistere Mercurium, Lunam, Solemque camino
 Excoquere ardenti (credite) Nemo docet.
 Adspice quem solitus sapientem effingere Zeno,
 Et geminum fratrem Neminis esse puta.
 Quâ ratione, inquis? Dicam. Quia liber, & omni
 Laude madens Nemo solus in orbe viget.
 Nec minor est Jove, qui nutu tremefactat Olympū:
 Nemo etenim, quicquid Jupiter ipse, potest.
 Ergo sua Nemo est contentus sorte. Quid optet,
 Qui paria immenso cum Jove regna tenet.
 Sed jam plura vetat Nemo his adjungere: laudes
 Nemo etenim surdâ respuit aure suas.
 Et metuo, ni vela mea citò legero puppis,
 Ne mihi tam longum Nemo poëma legat.
 Namque etenim bene tornatos genioque vigentis
 Mirifico versus, carpere Nemo potest.
 At tibi, Pomponi, vir laudatissime, nostro
 Carmine quem Nemo visere jussus adit:
 Eveniat, Nemo ut te sit florentior usque,
 Nemo suo regi carior atque Deo.

FINIS.

Rythmus

Rhytmus die Divi Martini

pronunciatus.

70

70

70

70

G Audeamus Io Io
Dulces Homeriaci.

70

io

Noster Vates hic Homerus,
Dithyrambi dux syncerus
Pergracatur hodie.

Io

io

Hec est illa bona dies,
Et vocata leta quies
Vina sitientibus.

Io

io

Nullus metus nec labores,
Nulla cura nec dolores
Sint in hoc symposio.

Io

io

Vultus mecum jam potare?
Et Lyeum exaltare
Dulces Homeriaci?

Io

io

Qui potare cupit mecum
Licet: verum portet secum

H 4

Vina

Vina plenis utribus.

Io io

Ecce tibi Trebulani

Apportamus, & Albani

Centum plenos urceos.

Io io

Sed quis nobis ministrabit,

Et quis præsto vinum dabit

Dulce sitientibus?

Io io

Hic habemus Thomasinum

Cognoscentem bonum vinum

Primo visu subito.

Io. io

Hic ridendo propinabit,

Et bibendo provocabit

Omnes Homericos.

Io io

Audi bone Thomasine,

Grace bibens & Latine

Tuum fac officium.

Io io

Est jam tempus ut potemus,

Et post potum sic oremus,

Deflectamus genua.

Io io

Si potastis, jam levate,

Et crateras coronate.

Ut bibatis iterum.

Io io

*Felix est ter, felix quater,
Cui dat potum Bacchus pater
De spumanti cantharo.*

Io io

*Ne lucerna extinguantur,
Et potantes moriantur,
Date nobis oleum.*

Io io

*Vos Germani, vos Hispani,
Vos Insubres? vos Britanni
Bibite pro viribus.*

Io io

*Sed vos rogo dum potatis
Ter & quater, videatis
Ne frangatis urceum.*

Io io

*Omnes fortes sunt vinosi,
Et potantes animosi,
Dicit Aristoteles.*

Io io

*Omnis doctor, omnis rector,
Bacchi patris sit protector
In aeterna secula.*

Io io

*Dulce dulci misceatis,
Ex hoc in hoc faciatis,*

Vt potetis dulcius.

fo io

Bacche vatam fortis pater,

Et qui solus es bimater

Et formosus diceris.

fo io

Qui Delphinos amatores

Puerorum, & potores

Ferris misces lyncibus.

Io io

Tecum civem Lampisacenum

Rogo ducas & Silenum,

Bacchasque thyrsigeras.

fo io

Et te prope sit Potina,

Quæ dat potum in culina

Prima cunctis pueris.

Io io

Tentat Bacchas Ithyphallus,

Malus caper, malus gallus,

Aha nimis turpiter.

Io io

Bibe quantum vis, Priape,

Sed honestam partem cape,

Ne perturbes gaudia.

Io. io

Bibe, bibe, bibe, bibe,

Tu qui sapis, bibe, bibe

Dum Lyceus imperat.

fo io

Sed jam potrix turba tace,

Et tu Codre talos jace

Sub bibendi arbitro.

Io io

Quod jecisti canes ternos,

Bibe, bibe, bibe ternos

Jam Falerni calices.

Io io

Tu jecisti senionem,

Bibe, bibe baetrionem

Trebulani voveris.

Io io

Codre caput tibi sumat,

Ne quis ignis te consumat,

Stingue mero citius.

fo io

Et vos mei combennones

Elevate baetriones,

Ut possitis dicere.

Io io io io

Gaudeamus io io

Dulces Homeriaci.

F I N I S.

Somni-

Somnium prodigiosum

D E

VINO ET AQVA,

Mutuò inter se

PRO DIGNITATIS APICE
litigantibus.

Historia.

F Actum est convivium liberale multum
Epulis & poculis splendide excultum;
Illic postquam Genio satis est indultum,
Reliquerunt socij vino me sepultum.

Extalis.

Raptus sum in spiritu, non in carne gravi,
Jamque ferè tertium cælum penetravi,
Factusque exanimis non parum expavi,
Vbi mirabilia hæc consideravi.

Causa.

Ad examen residens in excelsis Deus,
Cum cœpisset spiritus trepidare meus,
Ecce coram Judice Thetis & Lyeus
Accusant alterutrum ut actor & reus.

Aqua.

Thetis in exordio multum gloriatur

Dicens

*Dicens, Mihi meritò laus & honor datur,
Cum sum ex quo machina mundi fabricatur
Et super me spiritus Dei ferebatur.*

Vinum.

*Bacchus ad hac incipit talia referre,
Mos est prius vilis, chara post conferre;
Sic & Deus voluit te prius offerre,
Ut me post te biberent Peccatores terra.*

Aqua.

*Thetis inquit, Gloriam meam ampliavi
Christus, cum de putco potum postulavit:
De torrente siquidem attestante David
Bibet, & propterea caput exaltavit.*

Vinum.

*Gratum fecit Dominus fructum Vitis istum,
Cum uva nil laticis fecit intermixtum:
Ergo qui potaverint vinum aquâ mixtum
Sunt adversus Dominum & adversus Christum.*

Aqua.

*Hortatur Apostoli Pauli disciplina
Luxus pastum fugere, pocula botrina,
Quia Virtus tollitur ubi regnant vina
Et prudens à semina pellitur divina.*

Vinum.

*Tibi justè vitium luxus coaptatur,
Quando Jacob filio testamentum datur,
Qui fusus ut aqueus liquor increpatur
Dum per eum patris thorus maculatur.*

Aqua.

Aqua.

*Reliquerunt Naaman Syrum spes humane
Nec prodesse poterant Medicina sana,
Cui vox Prophetica consulit non vanè
Ut se laveret septies nudus in Jordane.*

Vinum.

*Cæsus à latronibus Ierosolymita
Visus à Presbytero, visus à Levitâ,
Ejus tunc indubie defecisset vita
Ni fuissent vulnera vino delinita.*

Aqua.

*Me retentâ respuit Nazarenus vinâ;
Nam in me est posita vitæ medicina,
Quod ex Evangelicâ patet disciplina,
Cum sanaret Angelus agros in piscinâ.*

Vinum.

*Tu dolorem ingeris, pocula dum præstas;
Venirem reddis turgidum, nimisq̃ue infestas.
Ergò super alias David res honestas
Orat, ne demergat se aquarum tempestas.*

Aqua.

*Noc per te femore dormit denudatus,
Vnde maledicetur subsannando natus,
Ac per te confunditur Patriarcha gratus
Loth degens in montibus vino ebriatus.*

Vinum.

*Satis contemptibilis satisq̃ue egena
Est, si fortè sumitur sine vino Cæna;*

*Nec exterreſet homines paupertatis pœna,
Dum me promptuaria ſunt eorum plena.*

Aqua.

*Scis quòd cùm tu fueris intemperiei,
Ego ſum oppoſita tua rabiei;
Quia (ſicut legitur) Aqua non Lyai
Impetus latificat Civitatem Dei.*

Vinum.

*Potus tuus peſtifer eſt & venenatus,
Niſi ſit Prophetico ſale dulcoratus:
In me viliffimus tu potus eſ mutatus,
Cùm Iaſus ad nuptias fuerat vocatus.*

Aqua.

*Ratio confunditur, oculi cœcantur
His, qui tuis poculis nimis immorantur:
Blandè cùm ingrederis primò recreantur,
Sed tanquam à regulo demùm trucidantur.*

Vinum.

*Omniam viliffima tu ſunderis in planum;
Ego verò nobile mittor in arcanum:
Te potat in vallibus pecus ruſticanum,
Sed meus latificat potus cor humanum.*

Aqua.

*Certè temporaneum redddit excolenti
Fructum terra proxima aque deſluentis,
Datque fructus uberes anno venienti,
Si ſuccedat laticis pluvia ſerenti.*

Vinum.

Vinum.

Cibus, quamvis sapidus aut quantumvis charus,
 Asque me si sumitur, semper est amarus:
 Tuo gaudet poculo pauper & avarus,
 Sed ego inebrians calix sum praeclarus.

Aqua.

Sacramenta Fidei pridem inchoavi,
 Quando Dei Filium in Jordane laui,
 Et figuras Veteris Legis consummavi,
 Cum de suo latere dextero manavi.

Vinum.

Etsi fontis gratiam per te captat reus,
 Per me tamen homines multos salvat Deus:
 Nec tu esses aliquid, ni esset Lyens
 De quo dicit Dominus: Hic est sanguis meus.

Aqua.

Ego sapientia sum assimilata,
 Cujus fonte pectora plenè sunt potata,
 Unde si quæ fuerint corda irrigata,
 Non affliget amplius suis hac creata.

Vinum.

Regnum Dei Spiritus Sanctus tunc instruxit
 Per me, quando unicam sponsam sibi duxit.
 Atque in vinariam cellam introduxit,
 Ubi de uberibus lac & vinum suxit.

Aqua

Dextro templi latere meus est egressus,
 Per quem nunc abluitur, si quis est excessus,

Unde

*Unde sub Baptismatis fonte sub expressus,
Et culpæ Fidelibus lavacrum concessus.*

Vinum.

*Quamvis per te gratia mox renatis datur,
Tamen relabentibus donum hoc negatur;
Ergo per me potior virtus designatur,
Quam qui capit quoties toties sanatur.*

Aqua.

*In egressu Israël plebis numerosa
De Ægypti finibus deducente Mose
Segregavit Dominus me miraculose,
Ut cantaret canticum Deo gloriose.*

Vinum.

*Si quis causâ qualibet cesset à Lyæo,
Non resultat canticum neque laus ab eo,
Sed si fretus fuerit tandem potu meo,
Decantabit Gloria in excelsis Deo.*

Discussio.

*Ad hæc Cives Cœlici, debite pensatis
Vnirationibus, atque approbatis,
Clamant omnes fortiùs vocibus elatis,
Pax in terrâ populis bonæ voluntatis.*

Sententiatio.

*Quibus ego vocibus tandem post examen
Excitatus retuli somni velamen,
Affirmans veraciter Sanctorum dictamen,
Quòd Vinum præ ceteris præstans sit liquamen.*

I

Conclusio

Conclusio.

Si quis hac crediderit, gaudens dicat, Amen.

S E Q U E N T I A V I N I.

Vinum bonum & suave,
Bonis bonum, pravis prave,
Dulcis sapor semper ave
Mundana letitia.

Felix est qui te plantavit,
Et te vinum nuncupavit,
Per te mundum satiavit
Divina potentia.

Ave felix creatura,
Quam produxit vitis pura,
Omnis mensa fit secura
In tuâ presentia.

O quam placens in colore,
O quam fragrans in odore,
O quam sapidum in ore,
Conferens eloquia.

Felix venter quem intrabis,
Felix os quod tu rigabis,
Felix est quem satiabis,
Et beata labia.

Ave calor vini clari,
Ave sapor Vini, pari
Tuâ nos inebriari
Digneris potentia.

*Monachorum grex devotus,
 Omnis mundus, Clerus totus
 Bibat ad aequales potus
 Te nunc & in secula.
 Ergo Vinum collandemus,
 Potatores exaltemus,
 Non potantes confundemus
 Ad inferni supplicia.*

SIGNA BONI VINI.

S*I bona vina cupis, hæc quinque notabis in illis,
 Fortia, formosa, fragrantia, frigida, flava.*

VINI VIRTUS ET EFFICACIA.

V*inum quando bibo, tristari non benè quibo;
 Ex hâuſtu primo lator sub pectoris imo :
 In cordis fundo lator, dum poto ſecundò :
 Per ternum potum, mox vinum ſit mihi notum,
 Lator dum poto bis binos pectore toto :
 Et potus quintus hilarem mentem facit intus :
 Quando bibo bis ter, ſum qualibet arte magiſter,
 Potu ſepteno mea mens extat ſine freno :
 Potus bis quartus ſenſus mihi tollit & artus :
 Si plus deinde bibam, pot, kan, glas, omnia frangam.*

F I N I S.

MELCHI

MELCHIORIS BARLÆI

Myrmacostategia.

T Errigenas acies, vastisque educta cavernis
 Millia, quot nunquã dedit alta *Ægina* virores
 Est animus canere, & *Musarum* ostendere vires,
 De nihili rebus que Martipotentibus orsis
 Verba Cothurnatis condunt aquata tragœdis,
 Hac ego, dum dulcis agito post seria ludos,
 Meira per audacis furias depromo iuventa.
 Si male collati studium cui displicet otii,
 Is videat rebus quibus infelicia perdat.
 Otia, cum nostro queat an contendere lusu.
 Dedecus ex illis, & damna frequentia manant;
 Nomineque informis vitij, tituloq, notantur.
 Hinc decus, & fama regalis nobile lucrum.
 Hoc illa est virtus, Virtus pulcerrima rerum,
 Proxima *Dys* superis. Sed nos ad cepta feramur.
 Est procul arbustis regio latissima cultis,
 Ingentes habitant *Acheia*, gens inclyta cantu.
 Cui transacta foret cum fervida molliter æstas.
 Inque dum sese pavisset rore suavi:
 Post ubi conspersa nivibus candentibus *Alpes*
 Diriguere, silet, victus penuria gentem
 Vicinos cogit prædatum excurrere in agros.
 Quin *Myrmacarum*, factis incursibus, audent
 Perturbare cavos, magnasque avertere prædas.
Cepolethrus

Cepolethrus contra, quo gens ea Rege superbit,
 Primus in arma acies, centenaeque millia cogens
 Pradabunda fero prostraverat agmina Marte.
 Iamque Lareis patrios remeat pulcroque triumpho
 Ingreditur victor, clypeos & atrocia tela
 Raptæ ex hoste trahens, captivæque corpora bello.
 Tum, foret in patriam salvo quod cive reversus,
 Sacra coronatus magnis sollemnia Divis
 Inchoat, & donis onerat præditi bus aras.
 Ante omneis Cereri magnis egesta cavernis
 Accumulat, flammisq; adeolet purissima farra.
 Et vaga respiciens immoto sidera vultu
 Talia vocere refert. Vobis hæc munera libo
 O superi, tibi que alma Ceres, quod numine vestro
 Hæc ego signa domum resuli victricia casa
 Pradatrîce manu, positoque ex hoste tropæo.
 Et nunc, ô Superi, tacita quod mente voluto
 Esse mea faustum, & felix concedere genti
 Non ego regna opto, non mea gloria cogit
 Bella parare manu. satis est in pace quiesca
 Victus, & illato propulsa injuria bello.
 Nostis quam precibus supplex, quam vocibus æquæ
 Iusta petam, justis advertite pectora votis.
 Aris dona feram victor pretiosa dicatis.
 Dixerat hæc. cum fortè gravis viridantia pascens
 Gramina bos, pede quassat humum, motatq; latebras,
 Myrmidonumque domos, ruerè omnia visa repente
 Insonnere cavi, gemitumque dedere cavernæ,
 I 3 Magnorumq;

Magnorumque Deum si non ea fata fuissent,
 Impulerat dare terga fugæ, minitantque ruinas
 Evitare solum, atque alias exquirere sedes.
 At non Cepolethrus animo perterritus heros
 Hoc erat, hoc, inquit, pia quod per vota precabar.
 Divorum auspicijs ut in arma potentia ferrer.
 Excipio, agnoscoque libens felicia signa.
 Heu cades, miseris qua Circulionibus instat.
 Dicam equidem quæ mente tacens, animoq; agitabam.
 Prospera nos siquidem manifestis numina signis
 In fera bella trahunt, precibusque vocata secundis
 Cœlitus ostendat certam Victoria palmam.
 Gens nobis inimica ingenteis farris acervos
 Alta in pace habitans, & inertī marcida luxu
 Otia discincta colit, intolerabile, vita.
 Nos opera assidua premimur, duroque sub æstu
 Ah miseram gentem labor incessabilis urget.
 Vix alimur tamen, atque hiemis nos tempora terrent.
 Quo tandem nos usque absumet cura futuri?
 Et premet atra fames, labor improbus, æris ardor?
 Illi desidiā satiato ventre foventes,
 Ditia præclsis habitabunt horrea muris?
 Quare agite, ô juvenes, qui nunc ex hoste reversi
 Signa tenetis adhuc manibus victricia, nondum
 Cincta per exertos humeros deponite scuta.
 Vos quoque tangimini claræ quī laudis amore,
 Hujus quos tangit vitæ dolor, ocyus omnes
 Arma viri, rapite arma viri, clypeosque sinistris

*Insertate habiles, laterique accingite ferrum,
Terribiles animis, & spe præsumite bellum.
Crastina cum primo lux exorietur Eoo,
Illustransque procul jura summa coloribus aureis
Egredietur equis rutilans Pallantias albis,
Non fruges legite aestiva, nova farra sub arctos
Non vectate cavos, cessent opera, atque labores.
Farra recognovi quaecunque recundita nobis
Et mihi, sit brumis satis hac annona duabus,
Est domus alta, jacet penitus defossus acervus
Frumenti arrosi, sunt farris pondere fracti,
Infractique mihi. Quæ bellicus expetet usus
Expediam, non vos jam cura domestica turbet.
Ponite corde metus, brumæque famisque futuro
Securi totis animis incumbite bello.
Tu, Ocybate, hæc mea Curculionum dicta tyranno
I refer, & nostræ quæ stet sententia menti
Quando quidem mea gens duris exercita fatis.
Deteriora nequit sortiiri fata, parato
Fortunam statui meliorem querere bello.
Vos quibus ubertas, & fertilis area grani
Excipite hospitibus miseros, opibusque juvate
Myrmacas, nec enim forsân juvisse pigebit.
At si, quam sedem exiguam, victumque rogamus,
Rennuitis, cælumque viris commune negatis
Bella paro, virtusque manu quid vivida possit
Experiar, duce Cepolethro fera Myrmidon acer
Quantus in arma ruat, quo turbine deprimat hostem*

Hoc Achetaa truci sensit gens obruta Marte.

*Talia Cepolethrus. gens uno verba loquentis
Assensu sequitur, ferit aurea sidera plausus.
Quod votis totiens optarunt omnibus olim,
Principe magnanimo gaudent in pralia duci,
Attolluntque virum cœlo qui tanta laborum
Tædia disrumpet, nigrisque educta cavernis
Agmina felici tandem in regione locabit.*

*Laotomus contra segetum ditissimus unus
Qui fuit, & grani qui servantissimus, inquit.
Sic juvat insanire viri? qua gloria, cives?
Quæ rapit ambitio? caput objectare periclis
Quis gentis commune audet? patriæque relictis
Antiquis Laribus certam spe luxus inertis
Perniciem petere, & moliri funebre bellum?
Heu miseri quisquam contundi fustibus amens,
Et sua vult latis agitari corpora vannis?
Quare agite in melius, cives, consulta referte
Ut Deus & natura jubet, de more parentum
Far inferte cavis, & post gaudete parato.*

*His ubi Laotomus belli molimina verbis
Turbavit, mæstæque acies medio agmine stantem
Cepolethrum signant oculis, responsa morantes.
Fortè evellentem tenerum cum cespite gramen
Laotomum, magna Cereri instauraret ut aras,
Ecce procul mira duo lubricitate voluti
Lumbrici teneram visi disrumpere glebam,*

Laotomumq̃

Laotomumque petunt multis è millibus unum,
 Incumbantque viro sinuoso ventre, necantque
 Pondere nequidquam conantem erumpere frustra.
 Non secus ac quondam sinuosis orbibus angues
 Laocoonta Phrygem misere natosque necabant.
 Ostento trepidare viri, versique Deorum
 Ad sacra rellinquant contritum verme cadaver.

Tum Rex ad populum Divum conversus ab arvo.
 Non obtusa adeò gestatis pectora, fatur.
 Credo equidè quid dira, velint hac monstra videtis,
 Talia non sine coelicolarum numine Divum
 Proveniunt, his auspicijs ad bella feramur.
 Tollite signa citi, ferrumque accingite lumbis,
 Quam petimus, studijs non est gens aspera Martis,
 Est victu facilis, nisi qui concitet Indos.
 Auxilio venient ab Eois agmina Dardis.
 Quin Cynamulgarum non parvus terror, & horror,
 Quae spatiosa tenent depulsis regna colonis,
 Acria bella gerunt quae nigricoloribus armis
 Addent se socias Solpuga in praelia nobis.
 Quin & Solifuga venient à flumine Bethis
 Acre genus bello, incantos ante omnia doctæ
 Insidijs ambire procul fallacibus hostem.
 Spicula seva gerunt nigris armata venenis.
 Quis precor hostis erit, qui stet tela aspera contra?
 Dixerat hæc. coeunt acies, vicinia turmas
 Sufficit, & campi numeroso milite fervent.

Pars humeris frumenta vehit, pars egerit amplis

*Farra cavis, pars se fulgentibus instruit armis.
 Mucronem terit, & teritur mucrone superbo
 Horrida cos, aciemque facit splendescere ferri.
 Qualiter armifices atra in fornace Cyclopes
 Expediuntque focos, aptantque incudibus enses.
 Nunc age Musa Duces dic & qui quemq, secuti.
 Fama rei lapsos quia jam consumpta per annos
 Desiit, historiamque abolevit iniqua vetustas.
 Tu Dea perpetuum visa atque audita tenentis
 Filia Mnemosynes, nec mens etate fatiscit.
 Cepolethri imperijs in regia tecta coactos
 Myrmacas si vis, potes, ut potes ordine narra.
 Adfuit ipse prior Patavini filius agri.
 Circumquaque Ducem procedunt passibus equis
 Millia bis quindena virum pulcerrimus ordo.
 Venit & à duris in bellum missus Echanis
 Belliger Antopolus, meriturus farre quod esset
 Cara domi annona, & duris regio aspera glebis.
 Qui neque momentum, neque spes non maxima belli
 Ducit in arma mares animos, spoliisque nefandis
 Assuetos sociorum, & iniquo vivere rapto.
 Nunc subit abstinnisse suis, & crimine verso
 In decus hostili malunt ditefcere prada.
 Princeps Drymopolus medijs cui regia silvis,
 Cultor apricorum nemorum, cum bella parari
 Audyt, & totis acies jam fervere campis
 Antea inexcitam jubet arma capeffere pubem,
 Precipitare moras opera omnia rumpere mandat.*

*Ilicet ecce viri diversis undique ab oris
Inter se coeunt, Ducis & mandata facessunt.
Ipse jugis in pinservis & natus, & altus
Aeream quatiens praeduri roboris hastam
Excipit arce viros, alimentaque ditia praebet.
Agmine post censeo media inter millia sepius
Exsuperatque jugum, silvaeque evadit opaca.
Passibus hunc juxta paribus comitatur euntem
Filius Antrobins, quo non formosior alter.
Dignus avi factis, & parva tempore pacis
Fortuna potuisse frui, nunc patris adharet
Immotus lateri, nec divellitur ab illo,
Ut cum gente pari busti potiatur honore:
Hanc & criniti Panes, nemorumque potentes
Silvani, & Nymphae, & miratur agrestis Oreas
Fatisciae longe Dryades miserantur euntem.
Venit & egregius nitidis Polycarpus in armis,
Cui nunquam annone deerat praedivitis uber.
Solutus amor gentis, laudumque arrepta cupido
Sponte subire facit tanti discrimina Martis.
Tuque nec indictus, mihi nec postremus abibis
Agmen agens peditum florenti pulcher Agrace
Indole, nec dedignantur te principe duci
Herculei proceres, gens nomine clara virisque.
Hinc subit ingenti Buceus corpore prestans,
Et sublime ferens caelo caput, armaque versat
Magna manu valida clypeumq, hastamq, trabalem.
Qualis atrox Briareus, qualis Tithania proles*

*Arma Gyges rotat, aut qualis Causque, frusque
 Enceladus torquent in pallida sidera montes,
 Talis est ille. Subit cui filius Herphypogai
 Ootoca genitrice satus, quem sedula mater
 Prescia ventorum, tempestatumque malarum
 Alta felicem nutriebat molliter aula.*

*Ast ubi devenit post pubertatis ad annos
 Abduxitque foco pater, & populare colonos
 Edocuit, raptasque ad se convertere preda.*

Huic addit genitor comitem, viteque magistrum,

*Depopulatorem flavi Psycharpaga ruris,
 Subsequiturque virum legio. Nec de fuit arces*

Et munita colens sublimibus oppida muris

Tichobates, cinctus qui concomitantibus ibat,

Civibus, & grani quo non opulentior alter.

Induit & sese Polymochus strenuus armis

Jam senior, sed quem fama indefessa cupido,

Laudis & arrecta spes ambitiosa fovebat.

Hunc ubi florentes juvenes etate, virique

Conspiciant, fluidis circum cava tempora canis

Arma retractare, & socias animare cohorteis,

Addunt se comites, & jam longo ordine latos

Ingrediuntur agros, ipse arduus anteit agmen.

Ceu Palamedæa primo cum vere volucres

Strymona contendunt, & Bysthonis arua palustris,

Per sublime procul volitat pulcerrimus ordo

Plumigerum levibus transcurrens aëra pinnis.

Insequiturque ducem, regio sonat omnis & aether.

Fortè

Fortè sub arbutis, & in alta valle myrica
 Qua faciebat iter Polymochtus, sederat ingens
 Turba virum, centum numero, Tithonia pubes.
 Qui cum diverso venientium ab agmine longè
 Audire virum sonitum stant auribus omnes
 Arrestis. Dux Cryptobius, prò Iupiter, inquit,
 Quod ruit huc tantum diverso murmur ab agro?
 Sic ait, & pavidus venientes excipit auras,
 Subsidunt sociique & scuta micantia condunt.
 Nec morà cum cuneos descendere turbinis instar
 Conspicit hostiles, se proripit, atque sub altos
 Tendit iter colles, celeratque per avia gressum.
 Ut cum delatos teneris Aquilonibus audit
 Cerva procul strepitus, venienteis naribus auras
 Excipit, inque pedes velox erecta fugaces
 Latis instat agris, micat auribus, & tremit artus
 Tunc ubi clarescunt sonitus, propiorque patescit
 Perturbans nemus omne feris latratibus Umber,
 Atque ubi nare legens deserta per avia cursum
 Latipatente minax procul ingruitore Molossus
 Ardua dimittens in latum cornua tergum
 Emicat aversis nemoris sequa bestia plantis,
 Hos ubi jà propior Polymochtus ab agmine vidit,
 Quisnam inquit globus in montes è vallibus imis
 Tollitur? hostis adest, campos, abitusque viarum
 Cingite, ne qua quis divertat. sic ait, atque
 Explicat in longum cuneos, ferroque trucidat
 Impare Marte feros Achetas in bella coactos.

Captivosque trahens aliquot, spoliisque superbus
 Regem adit, & Regi memorat sua fortia facta.
 Multa super bello sua dans consulta futuro.
 Ipsum Cepolethrus à se jubet esse secundum
 Militiæ dominum, dat primas ducere turmas.
 Sanctaque Daphnidica succinctus tempora lauro
 Pyrophorus vates fulgentia signa præibat.
 Præmia victorum viridante fronde coronas,
 Dona superba ferens, & sacram lampada quassans.
 Quem neque fas violare manu, neque ledere ferro.
 Sed nec is instantis potuit præsciscere fati
 Crimina, luctificam neque prævitare ruinam.

Iam tuba terriscrepo sonitum dedit horrida bombo.
 Cepolethrus princeps immensum promovet agmen,
 Quot nunquam Arfacides collegit millia Xerxes,
 Quot neque sub Nino silentia Bactra petebant.
 Omnibus hos votis à Dijs pater Æacus optet
 Myrmidonas, talique domet Phrygas agmine proles
 Thetidis, atque anno ruat ingens Tencris primo
 Sunt pedites, sunt qui cochleis portantur in altis
 Ingenteis manibusque tenent ad prælia contos.
 Ipseque Cepolethrus cinctus tot viribus heros
 Celsior, ante aliosque omnes fortissimus unus
 Armipotens dorso quem cochlea portat eburneo,
 Indica magnanimum ceu vectet bellua Porum,
 Ense manum, pectus framea, septemplíce parma
 Terga, caput pulcrum galea munitus æna
 Fulminat, egregijs horrendumque intonat armis.

Qui

Qui simul amotum vi vidit & arte suorum
 Collem, quem nigra talpa suis egresserit antris.
 Aequati sic, inquit Athi delebitur ingens
 Fama. nec hinc longè progressus arundine longa
 Grande opus, & multarum horarum trajicit annē.
 Exultansque animo tandem, inquit, fama tacebit
 Quod sub Achemeniis jacuit vaga pontibus Helle.
 Nec plura effatus, cum venit ad antra caverna.

Fortè equus ex alto procurrens equore campi
 Quadrupedante putrem sonitu quatit acer arenas
 Intonuere cavi, rimisque irrumptit apertis
 Ceu fulmen, crebroque dies micat undique hiath.
 Pyrophorus vates, cælum ruit, optime Regum,
 Nec plura effatur. Subitò cum terrea moles
 Agmina Myrmidonum latè super incidit, omnem,
 Stravit & immani gentem cum Rege ruina.
 Atque ita magnifico non contemnenda paratu
 Horrida ridiculus tollebat praelia casus.

F I N I S.

Melchior Barlæus die uno lussit Patavij
 xxi Aprilis 1564.

AO1 1466590









S. 120

